

শ্রীমতীকেশব সিরিজ, - অংক

২ ৩ নং

চীনা সভ্যতার অ,আ,ক,থ



শ্রীমতীকেশব সিরিজ

কলিকাতা

৩০নং কলেজ ষ্ট্রট মার্কেট,

বেঙ্গল বুক কোম্পানী

হইতে

শ্রীযুক্ত প্রবোধচন্দ্র চট্টোপাধ্যায় এম. এ

কর্তৃক প্রকাশিত।

১৯২২

মূল্য এক টাকা।

১ম হইতে ৮ম ফর্ম পর্য্যন্ত হেয়ার প্রেসে

এবং বাকী ফর্ম.

১০৭ নং মেছুয়াবাজার ষ্ট্রট

কলিকাতা ওরিয়েন্টাল প্রেসে

শ্রীযুক্ত নলিনচন্দ্র পাল কর্তৃক মুদ্রিত

উৎসর্গ

স্ব, স্বান-চু-আঙ,

ভারতের হিন্দু ত্তোমাকে চীনের শঙ্করাচায়া বলিয়া জানে ;
এশিয়ার মুসলমান ত্তোমাকে চীনের আস্-ফারানি বলিয়া
মানে ।

সপ্তম শতাব্দীর ইয়োরেশিয়ায় ত্তুমি বিজ্ঞানদর্শন-মণ্ডলের
সর্বোচ্চ জ্যোতিষ ।

বিংশ শতাব্দীর যুবক এশিয়ায় ত্তুমি একে বিপুল অধাবসায়,
কর্তব্যনিষ্ঠা এবং কস্ম-কৌশলের অবতারণায় পূজা করিয়া

হে চীনা ভগ্নের, ত্তুমি হোআংহো ও ইয়াংচু কিয়াং
“ইতমেন্-চু” (“স্বর্গ”) স্থিত গঙ্গা-গোদাবরীতে স্রোত বহাইয়া
ছিল । মৌর্য-গুপ্ত বিক্রমাদিত্যের উত্তরাধিকারী বুদ্ধ-
চালুক্যের ভাবতবর্ষকে ত্তুমি চীনা সমাজে সুপ্রতিষ্ঠিত
করিয়াছিল । ত্তোমার আনদানি করা বুদ্ধ-মাকি হিন্দু
সভ্যতার প্রভাবে “চুঙ্-লুয়া” “ক-মদা” দেশে নব জীবনের
ফোয়ারা ছুটিয়াছিল ।

হে কন্দিউশিয়াম্ শাকাসিংহের সমন্বয়-সাবক, হে
বিজ্ঞা-সজ্জের ধুরন্ধর, আজ ত্তোমার স্বজাতি মরিয়া বাহিয়াছে ।
কিন্তু এই “আঁদার ঘোর” ও “কালিমাত্র” আবেষ্টন ভেদ
কবিরাও বিক্রমাদিত্যের বংশধরেরা চীনা সভ্যতার গৌরব
কথা বর্তমান জগতে প্রচার করিতে উদ্গীব হইতেছে, —
হোআংহো ইয়াংচির “বারিও গঙ্গা-গোদাবরীতে আনিয়া
ঢালিতেছে । প্রাচীন [তাঙ্ সন্তানগণের বালী গুনিয়া
আর্যাবর্ত ও দাক্ষিণাত্য জীবনের নব নব সাড়া প্রকটিত
করিতেছে । নব্য ভারতের এই বিচিত্র জীবন-স্পন্দন যুবক
চীনকে ও জাগাইয়া এবং কস্মঠ করিয়া তুলিবে ।

হে চীনা কস্মবীর, সহস্রাধিক বর্ষ পরে এছবার হবে
ভাবতবর্ষ চীনের ঋণ পরিশোধ করিতে চলিল ।

শ্রীবিনয়কুমার সরকার

নিবেদন

এই কেতাব লেখা হইয়াছিল সাড়ে পাচ বৎসর পূর্বে,—চীনা আওয়াজ
শাংহাইয়ে । তখন বিংশ শতাব্দীর কুরুক্ষেত্রের দ্বিতীয় বৎসর চলিতেছে ।
কোন কোন অধ্যায় “ভারতবর্ষ,” “গুহসূত্র” এবং “উৎসাহনা”র বাহির
হইয়াছে ।

চীনে কাটিয়াছিল প্রায় এক বৎসর । চীনভাষার হুজুম করিতে পারিয়াছি
অতি সামান্য মাত্র । দত্তকুই বা পারিয়াছি তাতার দেশ ভাগের এক ভাগও
বোধ হয় এত এত জিজ্ঞাসিত অবসর পাই নাই । চীন প্রবাসের পর্যটন
কাহিনী অবশ্য আলাদা বইয়ে ছাপা হইবে ।

যে সকল গুহ বর্তমান কেতাবের বনিয়াদ গ্রাহ্য একটা তালিকা
সংপ্রণীত (Chinese Religion through Hindu Eyes (pp.
vxxii + 331, 1910, Commercial Press, Shanghai :
Panini Office, Allahabad) বইয়ের “বিব্লিওগ্রাফী” বা গ্রন্থ-সংগীতে
দেওয়া । একটা ইংরেজী তালিকা এখানে ছাপিয়া বাংলা বইয়ের শ্রী নষ্ট
করা অনাবশ্যক । তবে দুই খানা গ্রন্থের নাম উল্লেখ করিব :—(১)
Wylie প্রণীত Notes on Chinese Literature (London, 1867),
এবং (২) Werner সংকলিত Chinese Sociology (London, 1910) ।
চীনমণ্ডলে প্রবেশ করিতে হইলে এই বই দুখানার পাঠ উল্লেখিত হই
হইবে ।

তখনও জার্মান এবং ফরাসী ভাষায় হাতে খড়ি হয় নাই । কাজেই
এই দুই ভাষায় নিবন্ধ “সিনলজির” (চীনভাষার) হিসাব রাখার চরকার

ছিল না। চীনা কবিতাগুলি বাল্য “সাহিত্য” স্থান পাইবার যোগ্য
 করিয়া লিখিতে সময় জুটে নাই। তদন্ত ক্ষমতাও নাই। তবে সবই
 তাড়াছড়ায় লেখা,—এক নিঃশ্বাসে বেক্রম বাহির হইয়াছে প্রায় সকল স্থলে
 তাহাই রাখিয়া দিয়াছি। যদ্যপি মাজা শুরু করিলে বোধ হয় একদম কিছুই
 লেখা হইত না। আজও ~~এই~~ সঙ্গীত। বাঁহারা পরিশ্রম স্বীকার করিয়া
 সময় লাগাইয়া স্বাভাবিক কবিতা শক্তির সদ্ব্যবহার করিতে অভ্যস্ত তাঁহারা
 এই দিকে নজর দিলে বাঙালীর কবিতাসংসার এক নয়া ঐশ্বর্যের অধিকারী
 হইতে পারিবে সন্দেহ নাই।

ভারতে চীনা-প্লাবনের যুগ আদিতেছে। আরবী ও সংস্কৃত-জানা হিন্দু-
 মুসলমান চীনা-ভাষা দখল করিয়া বর্তমান ও প্রাচীন চীনের জীবন মন্থন
 করিতে অচিরেই অগ্রসর হইবেন। আর, তাঁহাদের গভীরতর পাণ্ডিত্যে
 এবং সূক্ষ্মতর ভূয়োদর্শনের বিচারে এই ধরণের “চীনা সভ্যতার অ, আ, ক,
 খ,” নিত্যন্ত হালকা, তবল ও ছোলেখেলা মাত্র বিবেচিত হইবে। আশা
 করি, সেই দিনের জন্ত ভারতবাসীকে অধিক কাল বসিয়া থাকিতে হইবে না।

চীনের দার্শনিক-প্রবর য়ুয়ান্-চু-আঙের নামে এই গ্রন্থ উৎসর্গীকৃত হইল।
 “পাখীর কথা”র সুপরিচিত রচয়িতা শ্রীযুক্ত সত্যচরণ লাহা এম, এ,
 বি, এল, এফ্ জেড্, এম্ মহাশয় এ গ্রন্থের পুস্তক সংশোধন করিয়া আমাদের
 কৃতজ্ঞতাপাশে আবদ্ধ করিয়াছেন।

শ্রীবিনয়কুমার সরকার।

প্যারিস্, ফ্রান্স.

১৯২১

সূচীপত্র

	পৃষ্ঠা
নিবেদন	
উৎসর্গ	
চীনের রাজবংশ	১
চীনাদের ইতিহাস সাহিত্য	৫৫
সংস্কৃত বৌদ্ধ সাহিত্যের চীনা অনুবাদ	৭৫
চীনা শিল্পশাস্ত্র	৮৫
চীনের কাণীদাস লী-পো	৯৯
চীনা কাব্যের ত্রি-বীর	১২৭
পো-চুইয়ের “বীণা-ওয়ালী”	১৫৬
চীনাদের প্রেম সাহিত্য	১৬৭
“কল্পাস্ত্রস্থায়ী অত্যাচার”	১৯০
চীনা কবিদের প্রকৃতিনিষ্ঠা	২০৭
তাও-সাধক কবিবর ছু-কুঙ	২২১

বাগবাজার ইন্ডিয়া লাইব্রেরী

৩৪ ডাক সংখ্যা ২০০
পরিগ্রহণ সংখ্যা ২৪৪৫৭

পরিগ্রহণের তারিখ ০৪/০২/০৭

চীনের রাজবংশ

চীনে আজকাল (১৯১৬ খৃঃ-অঃ) রাজ-রাজড়া নাই। প্রজারাই দেশ-শাসন করে। অর্থাৎ লোকেরা স্বয়ংই একসঙ্গে রাজা ও প্রজা। যখন ইহারা দল বাঁধিয়া আইন করিতে বসে, তখন ইহাদিগকে রাজা বলিতে পারি। আর যখন দল ছাড়িয়া ইহারা ঘরে আসিয়া বসে, তখন ইহাদিগকে প্রজা বলিতে পারি। এখানে প্রত্যেক লোক নিজেই নিজের রাজা; আবার নিজেই নিজের প্রজা। এই ধরণের দেশ বা সমাজ-শাসনকে জনগণের “স্বরাজ” বলা চলে। ইংরেজিতে “রিপাব্লিক” শব্দ প্রচলিত। সাধারণতঃ গণ-তন্ত্র বা প্রজা-তন্ত্র বলা হইয়া থাকে। এই ধরণের গণ-তন্ত্র বা স্বরাজ ইয়োরোপে আছে মাত্র দুই দেশে— ফ্রান্সে এবং সুইটজারল্যান্ডে। আর আমেরিকা-খণ্ডেরও সকল দেশেই লোকেরা একসঙ্গে রাজা ও প্রজা। এই দেশসমূহের সংখ্যা বিশ। তাহার মধ্যে উত্তর-আমেরিকার যুক্ত-রাষ্ট্র এবং দক্ষিণ আমেরিকার আর্জেন্টিনা, ব্রাজিল ও চিলি এই চারি দেশ প্রসিদ্ধ। উত্তর-আমেরিকার ক্যানাডা বৃটিশ-সাম্রাজ্যের উপনিবেশ—তাহার শাসন-প্রণালী স্বতন্ত্র।

পৃথিবীতে গণ-তন্ত্র প্রথম স্থাপিত হয়, উত্তর-আমেরিকার ইয়াকি

চীনের রাজবংশ

সমাজে (১৭৮৫ খৃঃ-অঃ) । তাহার কয়েক বৎসর পরে করাসী-সমাজে এই শাসন-প্রণালী প্রবর্তিত হইয়াছে (১৭৮৯ খৃঃ-অঃ) । আজকাল গণ-তন্ত্র, স্বরাজ বা প্রজা-তন্ত্রের কথা উঠিলে আমরা দক্ষপ্রথমেই উয়াকি যুক্ত-রাষ্ট্র এবং করাসী রিপাব্লিকের কথা মনে আনি । এই দুই দেশেও রিপাব্লিকপ্রথা বহুকাল গণ-গোলের ভিতর চালিত হইয়াছে । প্রকৃত প্রস্তাবে ১৮৭০ খৃষ্টাব্দের পর হইতে এই প্রথা দুই সমাজেই দাঁড়াইয়া গিয়াছে । ঐ সময়ে ফ্রান্সে এক বিপ্লব হয় এবং উয়াকি-স্থানেও গৃহ-বিবাদে অগ্নি নিব্বাপিত হয় ।

এই ৪৬ বৎসর কাল স্বরাজ-প্রথা জগতে নাবিবাদে টিকিয়া রহিয়াছে । কিন্তু খাঁটি ঐতিহাসিকভাবে কথা বলিতে হইলে দাব্য যে, স্বরাজ-প্রথা আরও প্রাচীন । কেন না ইয়ো-রোপের সুইটজারল্যান্ড আজকালকার দেশ নয় । খৃষ্টীয় চতুর্দশ শতাব্দীর প্রথমভাগে সুইসরা প্রবলপ্রতাপ অষ্ট্রিয়ান সম্রাটকে পরাজিত করে (১৩১৫) । তখন হইতে সুইটজারল্যান্ড একটা স্বতন্ত্র রাষ্ট্র । সপ্তদশ শতাব্দীর মধ্যভাগে (১৬৪৮) ওয়েস্টফেলিয়া সহরে এক বিশাট ইয়ো-রোপীয় আন্তর্জাতিক বৈঠক বাসিয়াছিল । সেই বৈঠকে সুইস রাষ্ট্রের স্বাধীনতা স্বীকৃত হইয়াছে । চতুর্দশ শতাব্দীর প্রথম ভাগ হইতেই সুইস-সমাজে গণ-তন্ত্র চলিয়া আসিতেছে । সুতরাং স্বরাজ আজ ঠিক হইল ৩ বৎসরের প্রাচীন শাসন-প্রণালী ।

কিন্তু সুইটজারল্যান্ড অতি নগণ্য রাষ্ট্র । কিন্তু ঐ নগণ্য সন্ধিসূত্রে আবদ্ধ হইয়া ইয়ো-রোপের প্রবল রাষ্ট্রপুঞ্জ কনিষ্ঠ হইয়া সুইটজারল্যান্ডের স্বাধীনতা রক্ষা করিতেছেন । ইয়ো-রোপের কোন যুদ্ধ-বিগ্রহে সুইস রাষ্ট্র যোগ দিতে আইনতঃ অপারগ । জাবার ইয়ো-রোপের কোন রাষ্ট্রও সুইটজারল্যান্ড আক্রমণ করিবে না — এইরূপ প্রতিজ্ঞা কাগজে-

কলমে লিপিবদ্ধ আছে । সুইট্জারল্যান্ডের মত চীনের ঐতিহ্য, অভিজ্ঞতাক-প্রতিপাদিত রাষ্ট্রকে “নিউটনাইজড্” বা চির-উদাসীনী-রূত রাষ্ট্র বলে । এই জন্ম সুইট্জারল্যান্ডের নাম বেশী শ্রমিত পাই না । এই কারণেই স্বরাজ-প্রথা সুইসদের আবিষ্কাররূপে জনতে রটিতে । এই শাসন প্রথাগো ইঙ্গিত করায় “সুইস” বা “সুইসার” নামক নামের ভাবে বাজারে চলিতেছে ।

চীনের ২৯২০ খৃষ্টাব্দে এই ইঙ্গিত-করসী মান বিশেষ আবিষ্কার করিয়াছে । সেই সময়ে চীনে রাজ-তন্ত্র বা “সম্রাট” শব্দ প্রাপ্ত হয় । চীনা-রাজতন্ত্রের সমস্ত প্রাচীন ও দার্শনিক বা রাজতন্ত্র জ্ঞান, ও আর ছিল না । অন্তঃস্থ চারিহাজার বৎসর ধরিত্ব রাজতন্ত্র চীনে চলিয়া আসিয়াছে । চীনা-রাজতন্ত্রের নাম দাকও পব বলাই চলে । প্রবচনই আমায় অনেক সময়ে কথার কথা বলিয়া থাকি, “সম্রাট সত্ৰাট — কণ সত্ৰাট ! সেইরূপ সত্ৰাটের পরের সম্রাট — চীন সম্রাট !” আর চারিহাজার ধরিত্ব সেই চীন সম্রাটের সিংহাসন হারি—চীনের রাজতন্ত্রট নাথায় দিবার কোন লোক নাহি — অথচ রাজতন্ত্রে বসবার উপযুক্ত রাজপত্র শরীরে চীনের বড় সহরেই বিক্রমণ ! উহা একটা খোদ লিপিক নাহি কি ? কোষায় চীনেদের অঙ্গুলিসঙ্কেতে বিদ্যেটি মার জোর আবদানাদি উঠিবে বাসিবে — না, তাহার পাববতে দেবতাজি, পঞ্চানতার দেবতাজি, আর বারোয়ারিত্ত্বার শাসন ! এই কিছুই কিন কর বারোয়ারি-শাসন বা স্বরাজ-প্রথার যুগটাকে আমদের পারিভাষিক শব্দে “কম-সুগ” বলিতে পারি । চীনে কলিযুগের পর একটা মস্ত যুগান্তর হইয়া গেল বলিয়াই অস্তায় হইবে কি ?

চারিহাজার বৎসরের রাজ রাজতন্ত্রের নাম মনে রাখা প্রধানত কথা । রাজবংশগুলির সংখ্যাই ছোটয়-বড়র প্রায় তিন । মস্ত প্রথম

চীনের রাজবংশ

চীনা নরপতি খৃষ্টপূর্ব ২২০৫ সালে রাজা হন। অত প্রাচীন সন-তারিখ ভারতীয় ইতিহাসে পাওয়া যায় না। অশোক মহাবীর ও শাকাসিংহের সমসাময়িক শিশুনাগবংশীয় রাজা বিখ্যাতের তারিখ পাই ৫৩ খৃষ্ট-পূর্বাব্দ। এই সময় হইতে পশ্চাতে টেলিরা বড় জোর ৫০০ খৃষ্ট-পূর্বাব্দ পর্যন্ত ভারতীয় সন, তারিখের সীমানা পাঠিতে পারি। মৎস্যপুরাণের হিসাব-অনুসারে বোধ হয় সেই সময়ে শিশুনাগবংশের প্রতিষ্ঠা হয়। তাহার পূর্ববর্তী কালের ঘটনা সন্দেহে কোন অকাটা প্রমাণ এখনও আবিষ্কৃত হয় নাই। কিন্তু চীনা ইতিহাসে তাহার পূর্বের অন্ততঃ ১৬০০ বৎসরের প্রমাণ বা প্রমাণার্থে পাওয়া যায়। এমন কি, তাহারও পূর্বের ৬০০০ বৎসরের কথা সন, তারিখ সম্বন্ধে প্রচারিত হইতে পারে। চীনা ইতিহাসের সন পুরাতন বা সনপ্রথম বর্ষ ২৮৫২ খৃষ্ট-পূর্বাব্দ। এই বৎসর ফু-হি (Fuh-hi) রাজা হইয়া ১১৫ বৎসর রাজত্ব করেন। অতএব খৃষ্টান বাইবেল প্রসিদ্ধ “ডোলউজ” বা “মহা প্লাবনে”র (খৃঃ পূঃ ৩১০৫ - ৩০৩ বৎসর পরে প্রাচীনতম চীনা আমলে খুঁটি ফেলা যাইতে পারে। ব্রহ্মবাক্য উপাখ্যায় বলিতেন, মহাভারতবর্ণিত কুরুক্ষেত্র-যুদ্ধ ৩১০০ খৃষ্ট-পূর্বাব্দে ঘটিয়াছিল। সুতরাং কুরুক্ষেত্রের পরে ফু-হির রাজ্যশাসন। এই হিসাব সত্য হইলে, চীনা সন-তারিখের সীমানা মিশরীয় সন-তারিখের সীমানা হইতে নবীনতর। কারণ, মিশরীয় ইতিহাসের প্রথম খুঁটি ৪০০০ খৃষ্ট-পূর্বাব্দ : আর তদন্যেও প্রাচীন তথ্য মিশরীয় কাহিনীতে পাওয়া যায়।

এই ত গেল সন-তারিখ ওয়াজা ইতিহাসের সীমানা। এই পর্যন্ত অকাটা প্রমাণ আছে। অথবা চলনসই প্রমাণ বা অনুমান বা আন্দাজ চালাতে পারে। কিন্তু তাহারও পূর্বের কথা চীনা দেশে মুখে শুনিতে

পাওয়া যায়। সে গুলি মাকাতার আগলের কথা। বস্তুতঃ তাহাকে “সত্যযুগে”র কথা বলাই সম্ভব ।

পৃথিবীর সকল জাতিরই এই ধরণের একটা সত্যযুগ আছে। সেই যুগ সম্বন্ধে নানা প্রকার কালনিক বা আজগুবি গল্প প্রত্যেক নর-সমাজেই প্রচলিত। গ্রীক, হিন্দু, চীনা, কহই এ বিষয়ে পশ্চাত্তপদ নয় ।

(ক) সত্যযুগ

আমাদের শাস্ত্র-অনুসারে কোটি-কোটি বর্ষে এক-এক “কল্প” সম্পূর্ণ হয়। চীনাদের কল্পনা অতদূর পৌঁছিতে পারে নাই। চীনা সত্যযুগ মাত্র পঞ্চাশ হাজার বৎসরেই ফুরাইয়া গিয়াছিল। এই যুগের প্রধান কথা দুইটি ।

(১) পান্-কু (Pan-Ku) চীনাদের আদি-মানবী ঠিক আমাদের অতি-বৃদ্ধ মত্ন। পান্ কু হাতুড়ি-বাটালি দিয়া জগৎ পড়িয়াছেন—তাঁহার পারের পোকা হইতে মানবজাতির সৃষ্টি হইয়াছে। ইনি আঠারহাজার বৎসর এই কঠোর সাধনায় নিযুক্ত ছিলেন ।

(২) সুই-জিন (Sui-jin) অগ্নির ব্যবহার প্রবর্তন করেন। ইঁহাকে চীনাদের প্রমিথিউস বলা যাইতে পারে। বোধ হয় ইনি রন্ধন-বিজ্ঞানেরও প্রবর্তক ।

(খ) ত্রেতাযুগ (খৃঃ পূঃ ২৮৫২—২২৫৫)

ভারতীয় যুগ-বিভাগই রক্ষণ করিয়া যাইতেছি। চীনা ত্রেতাযুগকে সাধারণতঃ “পঞ্চ-নৃপতি”র যুগ বলা হয়। এই যুগটা সত্যসত্যই “মাকাতার আগল”। চীনা-সমাজে এই আগলকে “বহা-প্রাচীনকাল” বলা হইয়া থাকে। এই যুগে বিবাহ-প্রথা প্রবর্তিত হয়—বাদ্য-যন্ত্র ।

চীনের রাজবংশ।

শাবিক্ত হয়—লিপি-প্রণালী প্রচলিত হয়—তুঁ তের চাষ এবং রেশম-কাঁচ-পালন শুরু হয়—ওজন করিবার দাঁড়িপাল্লা প্রথম ব্যবহৃত হয় ইত্যাদি। অধিকন্তু অতি বিখ্যাত দুইজন নরপতিও এই যুগেই আবির্ভূত হন। পরবর্তী কালে কন্ফিউশিয়াস সেই দুই ব্যক্তিকে “আদর্শপুরুষ” বা “নর-নারায়ণ” রূপে বর্ণনা করিয়াছেন। এই যুগেরই মাঝামাঝি হইতে চীনের সর্বপ্রথম ঐতিহাসিক ছি-মা-চিয়েনের (Sze-Ma Tsien) সুপ্রসিদ্ধ ইতিহাস গ্রন্থ (খৃষ্টপূর্ব ৯০) শুরু হইয়াছে। আমাদের ত্রেতাযুগ রামচন্দ্রের জন্ম প্রসিদ্ধ। হিন্দু মতে আদর্শ রাজ্যের নাম রামরাজ্য। কন্ফিউশিয়াসের দেশে দুইজন রামচন্দ্র আছেন। একজনের নাম য়াও (yao)। আর একজনের নাম শুন্ (Shun)। আমরা জন্মিয়া অবধি যুথস্থ করি—“পুণ্যশ্লোকো নলো রাজা পুণ্যশ্লোকো যুধিষ্ঠিরঃ।” চীনারাও জন্মিয়া অবধি য়াও ও শুন্ এই দুইজন পুণ্যশ্লোক ব্যক্তির নাম জপ করে। এমন কি, চীনা-ভাষায় সম্পাদিত প্রসিদ্ধ সংবাদপত্রেও বোধ হয় প্রতিদিন অন্ততঃ একবার এই দুই নামের উল্লেখ দেখিতে পাই। বাব্বীকির হাতে রামচন্দ্র অমর হইয়াছেন, গ্রীক হোমারের হাতে ইউলিসিস্ অমর হইয়াছেন। সেইরূপ কন্ফিউশিয়াসের হাতে য়াও ও শুন্ অমর হইয়াছেন।

(গ) দ্বাপর যুগ (খৃঃ পূঃ ২২০৫—২৪৯)

এইবার দ্বাপরে আসা যাউক। রাজবংশের নামগুলি সহজে মনে রাখিবার জন্ত এই যুগ বিভাগ করা যাইতেছে। কোন অবতারের আবির্ভাব-কল্পনা করিবার প্রয়োজন নাই।

(১) হিয়া (Hia) রাজবংশ (খৃষ্টপূর্ব ২২০৫—১৭৬৬)। এই

রাজবংশ ।

বংশের প্রথম রাজা য়ু-(Yu) ও-আর একজন “আদর্শ নরপতি” । কনফিউশিয়-সাহিত্যে য়ুকে দেব-চরিত্ররূপে বর্ণনা করা হইয়াছে । এই বংশের শেষ নরপতিকে ঠিক তাহার উল্টা দেখান হইয়াছে । নরাধম বা মানবে পশুত্বের নিকৃষ্ট দৃষ্টান্তরূপ সেই নাম চীনা-সমাজে আজও প্রচলিত ।

(২) শাঙ্ (Shang) রাজবংশ (খৃঃ পূঃ ১৭৬৬—১১২২) । এই বংশের প্রতিষ্ঠাতা তাঙ্ (Tang) কনফিউশিয় সাহিত্যে ভূরি প্রশংসা পাইয়াছেন । ইনি তাঁহার স্তানামারে লিখাইয়া রাখিয়াছিলেন— “মিতা নুতন জীবন যাপন করিবে” । অর্থাৎ “প্রতিদিনই যেন কিছু-না-কিছু উন্নতি হইতে থাকে” । তাঙ্ একবার দেশের দুর্ভিক্ষ-নিবারণের জন্ত আত্মবলিদানে প্রস্তুত ছিলেন । এমন সময়ে সাত বৎসর অনাবৃষ্টির পর যুধলধারায় বৃষ্টি আরম্ভ হইল ।

(৩) চাও (Chou) রাজবংশ (খৃঃ পূঃ ১১২২—২৪৯) । এই যুগের কথা কে খাঁটি ঐতিহাসিক কথা বলা চলে । এই যুগেই লাওট্কে এবং কনফিউশিয়াসের নিকট চীনারা দীক্ষালাভ করে । তাঁহাদের বাণীই আজও চীন-সমাজের অনুশাসন । এই দুই ধর্ম-প্রচারক আমাদের মহাবীর ও শাক্যসিংহের সমসাময়িক । চাও আমলকে প্রাচীন চীনের শেষ স্তর বিবেচনা করিতে পারি । এই আমলের বৃত্তান্ত না জানিলে চীনা-সত্যতার গোড়ার কথা অজানা থাকিবে । এই যুগের প্রতিষ্ঠিত ভিত্তির উপরেই পরবর্তী চীনা-সমাজ গড়িয়া উঠিয়াছে । বর্তমান চীনের মাথা চাও-আমলে । এইখানে দ্বাপর শেষ করিলাম ।

(ঘ) কলিযুগ (খৃঃ ২৪৯—১৯১২ খৃঃ অঃ)

এই বার “কলি”—আজকালকার নর-নারীর সুপরিচিত যুগ । এই

চীনের রাজবংশ ।

২১৫০ বৎসরের কথা যেন সেদিনকার কথা—অতি আধুনিক ; বুঝিতে বেশী কষ্ট হয় না । কালিকাল পাপের যুগ নয় ! কঙ্গিযুগই শ্রেষ্ঠযুগ—কেন না, এই যুগে আমরা বাঁচিয়া আছি । আবার যখন কঙ্গীযুগে আমাদের জন্ম হইবে, তখন কঙ্গীযুগই হিন্দুর শ্রেষ্ঠ যুগ হইবে । চীনে সেই কঙ্গীযুগ আজকাল চলিতেছে ।

চীনের কঙ্গিযুগে ২৩২৪টা রাজবংশ চীনের ভাগ্য নিয়ন্ত্রণ করিয়াছে । এই সমুদয়ের মধ্যে চীনারা (১) চিন (Chin), হান (Han), (৩) তাং (Tang), (৪) সুন (Sun), ও (৫) মিং (Ming) এই পাঁচ বংশের নামে গৌরব অনুভব করে । এই পাঁচটি নাম নিদেশীয়গণেরও মনে রাখা কর্তব্য । এই পাঁচ বংশ চীনের খাঁটি প্রদেশী বংশ । এই জগৎ চীনাগণের ব্যবশ্য গোবর । মিং বংশের পূর্বে মোগলবংশ এবং পরে মাঞ্চু বংশ রাজত্ব করে । এ দুই বংশই বিদেশী । এ দুই আমলে চীনারা বিজিত জাতি ছিল । এই কারণে চীনা-সমাজে এই দুই নামের আদর নাই । কিন্তু চীনা-রাজবংশের তালিকায় এবং চীনা সভ্যতার ইতিহাসে মোগলবংশ এবং মাঞ্চুবংশ উভয়ই প্রসিদ্ধ । ফলতঃ, চীনা রাজবংশসমূহের মধ্যে পাঁচটা প্রদেশী এবং দুইটা বিদেশী বংশ স্থানীয় চিরস্মরণীয় হইবার যোগ্য ।

এই সঙ্গে কয়েকটা কথা মনে রাখা আবশ্যিক ।—প্রথমতঃ, ভারতীয় রাজবংশাবলীর নামে আর চীনা-রাজবংশাবলীর নামে কিছু প্রভেদ আছে । আমাদের মৌর্য্যবংশ, গুপ্তবংশ, পালবংশ, সেনবংশ এবং অগাধ বংশগুলি নরপতিগণের বংশ বা গোত্র বা পদবী-অনুসারে অভিহিত হইয়াছে । কিন্তু চীনা-রাজবংশের নামে কোন গোত্র বা জাতি বা উপাধিই বুঝা যায় না । এইগুলি প্রদেশের নাম । হান-রাজবংশ বলিলে বুঝিতে হইবে হ্যান প্রদেশের বাসিন্দা নরপতিগণের

বংশ । সেইরূপ তাঙ, সুঙ, চীন ইত্যাদি সবই প্রদেশের নাম ।
 যুগে যুগে ভিন্ন ভিন্ন প্রদেশের নবাব বা জমিদারেরা চীনের অধীশ্বর
 হইয়াছেন । সঙ্গে সঙ্গে প্রদেশগুলির নাম-অনুসারে রাজবংশের নাম
 পরিচিত হইয়াছে । বিলাত এক সময়ে করাসী দেশস্থ নরম্যান্ডি
 প্রদেশের জমিদারগণের অধীন ছিল । তখন বিলাতের রাজবংশ
 বংশের নাম ছিল নরম্যান বংশ । এই নামকরণ চীনাদের অল্পকাল
 সেইরূপ করাসী দেশীয় এ্যাঞ্জু প্রদেশের জমিদারেরাও এক সময়ে
 ইংলণ্ডের রাজা ছিলেন । সেই সময়কার বিলাতের রাজবংশের নাম
 এ্যাঞ্জেলিন । চীনা কাযদায় বিলাতী রাজ-বংশের নামকরণ আরও
 আছে । এই কাযদায় ভারতীয় রাজবংশের নামকরণ হইলে, মৌর্য-
 বংশকে বানব, মগধবংশ ; বর্দ্ধনবংশকে বলিধ কান্তকূজবংশ, গাল-
 বংশকে বলিধ বরেন্দ্রবংশ, সেনবংশকে বলিধ রাঢ়বংশ ; ইত্যাদি ।

চীনা স্বদেশী-রাজবংশের মধ্যে একমাত্র মিঙবংশের নামকরণ এই
 কাযদায় হয় নাই । এই বংশের প্রতিষ্ঠাতা কোন স্থানের জমিদার বা
 শাসনকর্তা ছিলেন না । তিনি একজন বৌদ্ধ-পুরোহিতমাত্র ছিলেন ।
 ঘটনাচক্রে তিনি বিদেশীয় মোগল-রাজবংশের বিরুদ্ধে প্রথম বিদ্রোহের
 প্রবন্ধর হয় । অবশেষে তিনিই রাজপদে অধিষ্ঠিত হইয়াছিলেন ।
 কাজেই তাঁহার বংশ কোন প্রদেশের নামে অভিহিত হইতে পারে না ।
 'মিঙ' শব্দের অর্থ "উজ্জল" বা "গৌরবময়" । শিঙ্কন-দেবোপাসিত
 সাম্রাজ্যের ভার পাইবার পর এই উপাধি গ্রহণ করেন । জাপানের
 বিখ্যাত মিকাদোর শাসনকাল এই ধরনের এক শব্দে পরিচিত
 হইতেছে । ইহাকে 'মোজি-যুগ' বলা হয় । "মোজি"র অর্থ "উন্নতি"
 "গৌরব" ইত্যাদি ।

দ্বিতীয়তঃ তাঙ-বংশও চীনের স্বদেশী ; আবার চীনবংশ, হানু-বংশ,

ঙ্গবংশ ইত্যাদিও চানের স্বদেশী। কিন্তু নৃত্য, বংশতত্ত্ব, জাতিতত্ত্ব ইত্যাদির হিসাবে এইগুলিকে এক গোত্রের অন্তর্গত করা সম্ভবপর নয়। খাঁটি স্বদেশী চীন-রক্তের সঙ্গে বিদেশী রক্তের সংমিশ্রণ বংশেটুই হইয়াছিল। চানের প্রাচীনতম সত্যতাই গঠিত হইয়াছে বিদেশীয়-গণের আগমনের পর। সেই সত্যযুগের “বন্দরগমন” হইতে বহুশত বৎসর পর্য্যন্ত দেশ-বিদেশী-সংমিশ্রণ সাধিত হইয়াছে। মোগল, ত. প্রাচ. হুন, পুরোচি, শক, কুশান, ইত্যাদি নানা নামে এই সকল বিদেশীয়গণ অভিহিত। চানের উত্তর-পশ্চিম অঞ্চলে এই সমুদয় জাতির প্রভাব কখনই চাপা পড়ে নাই। এদিকে ইরানসির দক্ষিণস্থ জনপদের বন্দরগমনে নবাপ্ত সত্য চীনাদিগের জীবনে কম প্রভাব বিস্তার করে নাই। ফলতঃ, চীনবংশই বানি, বা তাঙবংশই বানি, বা মিজবংশই বানি—সকল বংশই ন্যূনাত্মিক দো-আঁসলা বা মিশ্রিত জাতি। “খাঁটি চীনা” শব্দের প্রয়োগ বিজ্ঞানে চলিতে পারে না। ভারতবর্ষের রাজবংশগুলির কথাও এইরূপ। শিশুনাগবংশ রক্তাহসাবে একই গোত্রের অন্তর্গত বলা সম্ভবপর কি? সেইরূপ মৌর্যবংশেরই বা রক্ত কোথা হইতে আসে? এই প্রশ্ন পাল, সেন, চোল পর্য্যন্ত সকল বংশ-সম্বন্ধেই তোলা হইতে পারে। মোটের উপর, সংক্ষেপে বলা গেল যে, জাতিতত্ত্ব এবং অ-ভাবপ্রায় (অর্থাৎ হিন্দু এবং অহিন্দু) অথবা আর্য্য এবং অনার্য্য এই দুই রক্ত প্রায় সকল বংশেই বিদ্যমান। ভারতীয় ইতিহাসের এই কথাগুলি মান রাখিলে চীনা-রাজবংশের প্রস্তাভু সহজে বঝিতে পারা হইবে। মৌর্য্যবংশও হিন্দু বা ভারতীয়, আবার চৌহান-বংশও হিন্দু বা ভারতীয় এবং সেনবংশও হিন্দু বা ভারতীয়। কিন্তু মৌর্য্য, চৌহান, আর সেনে পার্থক্য কত? ঠিক এই পার্থক্য চীনা স্বদেশ-বংশসমূহের মধ্যেও দেখিতে হইবে। এই সকল বিষয়ে আলো-

চীন বিস্তৃতরূপে হওয়া আবশ্যিক। চীন-ভূভাগেরা সে দিকে বেশী দৃষ্টি দিয়াছেন বলিয়া বিশ্বাস হয় না।

তৃতীয়তঃ, সমগ্র চীনে কর্তৃত্ব করা কোন বংশেরই সকল নৃপতির পক্ষে সম্ভবপর হয় নাই। চীন বহুবার ভাঙিয়াছে ; চীনের ভিতর অস্থায়ী ঘরোয়া লড়াই, বিদ্রোহ, দাঙ্গা-হাঙ্গামা ঘটিয়াছে। অধিকন্তু, উত্তর এবং পশ্চিম হইতে বহিঃশত্রুর আশঙ্কা চীনে সর্বদাই ছিল। এই কারণে অনেক সময়ে চীনের কিয়দংশ পরহস্তগত হইয়াছে, এবং অবশিষ্টাংশ ভিন্ন ভিন্ন স্বাধীন রাষ্ট্রের অধীন রহিয়াছে। ফলতঃ অথচ চীনের সাম্রাজ্য-ভোগ অধিক সংখ্যক নৃপতির কপালে জুটে নাই। কয়েকটি রাজবংশের দু'একজনমাত্র স্বার্থ “রাজ-চক্রবর্তী” ছিলেন। চীন, জুন ও তাঙ এই তিন বংশের কয়েকজন সম্রাট সত্যসত্যই চীনেশ্বর ছিলেন। বিদেশীয় মোগল এবং মাঞ্চু আনলেও চীনে এবং চীনের বাহিরেও সাম্রাজ্য বিস্তৃত হইয়াছিল। কিন্তু চীনের ইতিহাসে প্রায়ই বিদেশীয় শত্রুর আক্রমণ দেখিতে পাই। আর, অন্তর্বিদ্রোহ, “মাংস্কায়া”, “ভাই ভাই, টাই টাই”—নীতি, “জোর বার মলুক গার” প্রভৃতি ইত্যাদির পরিচয় যথেষ্ট।

ভারতীয় ইতিহাসের কথাও এই, ইয়োৰোপীয় ইতিহাসের কথাও এই। ইয়োৰোপ ভারত ও চীন ত এক-একটা বিরাট মতাদেশ। এত বড় ভূখণ্ডে অশান্তি এবং গণ্ডগোল ত থাকিবারই কথা। কালেভদ্রে এক শাল্যমান, গাষ্টাভাস এ্যাডোল্ফাস, ফ্রেড্রিক, পিটার, নেপোলি-রানের আবির্ভাব হইয়া থাকে। তাঁহাদের প্রত্যাপেও কতখানি জন-পদই বা একছত্র শাসনের অধীন হইয়াছে? চীনা এবং ভারতীয় নেপোলিয়ানদিগের কৃতিত্বও প্রায় তদ্রূপ। “মাংস্কায়া” বহুকালের কল্যাণ নিবারণ করা মানুষের কোঠিতে লেখে নাই।

বড় বড় মহাদেশের ত কথাই নাই। ছোট খোট ইংলণ্ড, ফ্রান্স, জার্মানি ইত্যাদি দেশেই বা কি দেখি ? রহিঃ-শক্রের আক্রমণ এবং ধরোয়া লড়াই এই সকল ক্ষুদ্র দেশে বন্ধ হইয়াছে কি ? কোন দিনই না। ইয়োরোপের বৃক্ষের উপরকার জনপদগুলিতে শান্তি কখনই ছিল না, এখনও নাই—ভবিষ্যতেও থাকিবে না। ইয়োরোপ আগাগোড়া “মাৎস্ক্যায়ের” দৃষ্টান্তস্থল। আজকাল ইতালী, ফ্রান্স, জার্মানি ইত্যাদি নামে যে কয়টা দেশ দেখিতে পাই, সেইগুলি ১৮৭০ খৃষ্টাব্দেব পূর্বে ছিলই না! রাষ্ট্রসমূহের সীমানা রোজই বদলাইয়া যাইতেছে; এগুনও বাইতেছে। ইংলণ্ড দেশটা দ্বীপ—সমুদ্রের মধ্যে অবস্থিত। ক্রীষ্ট জন্ম ইংরেজের ইতিহাসে স্বাধীনতার বয়স কিছু বেশী। কিন্তু পরাধীনতার ভয়ে ইংরাজকেও চিরকাল শণবাস্ত্ব থাকিতে হইয়াছে। ইংরেজ দাতি বহুবার পরাধীন হইয়াছে। দিনেমার, ফরাসী, ওসমানী এবং জার্মান রাজবংশ ইংলণ্ডের রাজা হইয়াছেন। অধিকন্তু “মাৎস্ক্যায়ের”র গাণ্ডব বিদ্যাতী সমাজেও কম দেখা যায় নাই। ইংলণ্ডের ভিত্তি ভিন্ন প্রদেশের মধ্যে গাঠালিটি সুবিদিত। ইংলণ্ডের সঙ্গে “ডয়ে-স-স্টলণ্ড, এবং আয়র্লণ্ডের লড়াইও সুবিদিত। স্টলণ্ড যারা হুই বৎসব হইল, ইংলণ্ডের সঙ্গে আপোষ করিয়াছে। আয়র্লণ্ড যারা এক শত বৎসর হইল, ইংলণ্ডের সঙ্গে যুদ্ধ হইয়াছে। সেই সংযোগ আজও দৃঢ় নয়। একদাতীত রাজার প্রজার মারকাট ত বিদ্যাহে মাৎস্ক্যায়ের দিন শেষ হইয়াছে।

সমুদ্রের মধ্যে বড় হাঁকরে ছোট হাঁকরকে গিলিয়া ফেনে। নদাদ মধ্যে বড় মাছ ছোট মাছকে উদরসাৎ করে। প্রকৃতির দৃষ্টান্ত এই। প্রকৃতির কথা “সংগ্রাম” পাশ্চাত্য দার্শনিক লকার ও স্পিনোজার ভাষায় সংগ্রামকেই বলে “স্ট্রেট অব নেচার” অর্থাৎ জীবনের প্রাকৃতিক

অবস্থা। আমাদের প্রাচীন রাষ্ট্র-গুরু কেউলোর পরিভাষিকে তাহাকে বলা হয় “মাংস্তুয়ায়”। অর্থাৎ “আগি বড় মাছ, তুমি ছোট মাছ। অতএব বুদ্ধং দেখি—অর্থাৎ উদরস্থ ভবা।” সোজা কথায় ইহার নাম অরাজকতা।

প্রাথমিক সর্বত্র শক্তির খেলা চলিতেছে। বিশ্বশক্তিকে যে যত প্রায়শ্চিত্ত করিতে পারবে, সে তত টিকিয়া থাকিবে। সুতরাং সংগ্রাম এবং অশান্তি ছাড়ি, দুনিয়ায় আর কোন ঘটনা নাই। মানুষ যত দিন জীবিত থাকে, ততদিন বিশ্বশক্তির সঙ্গে যুদ্ধাযুদ্ধ করিতে পারে। ততদিন মানুষ সংগ্রামে এবং অশান্তিতে ভয় পায় না। এশয়ার ইতিহাসে সংখ্যাগত মাংস্তুয়ায় বা ধরোয়া লড়াই দেখা যায়। ইহা এশিয়াবাসীর দুর্বলতার চিহ্ন নয় তাহার সজীবতার লক্ষণ। আমেরিকার ইতিহাসেও ঠিক এগুলি অশান্তি এবং বিদ্রোহের পরিচয় পাই। সেই সমুদয়কে কোন পাশ্চাত্য পণ্ডিত দুর্বলতার বা সংযমহীনতার বা চরিত্রহীনতার লক্ষণ বলেন। ক ?

চীন-সাম্রাজ্যের অধীশ্বরগণ ।

১৭৮৫ খৃষ্টাব্দে ব্রিটিশরাজ ইয়াক্বি-স্থানের সাম্রাজ্য হইতে অপসৃত হন । ১৭৮৯ খৃষ্টাব্দে ফ্রান্সের বোর্বোঁ রাজবংশ সিংহাসন হইতে তাড়িত হন । ১৮৭০ খৃষ্টাব্দে অষ্ট্রিয়ার হ্যাপ্সবুর্গ বংশ ইতালী এবং জার্মানি এই দুই প্রদেশকে হাওছাড়া করিতে বাধ্য হন । ১৯১২ খৃষ্টাব্দে চীন গণ-শক্তির প্রভাবে মাঞ্চু সম্রাট এইধরনের শোচনীয় অবস্থায় পতিত-
যাছেন । চীনের শেষ সম্রাট তখন নাবালক শিশু মাত্র ।

মাঞ্চু বংশ (১৬৪৪—১৯১২) যখন চীনে প্রবর্তিত হয়, তখন মোগল ভারতের গৌরবযুগ । মাঞ্চুরা যুদ্ধে হইতে পিকিঙে আসেন । যে বংশ ধ্বংস করিয়া মাঞ্চু বীর সম্রাট হন তাহার নাম মিউ বংশ (১৩৬৮—১৬৪৪) । মিউ বংশের স্থাপয়িতা একজন সাধারণ লোক-
মাত্র ছিলেন । তিনি পূর্ববর্তী মোগলবংশ ধ্বংস করিতে সমর্থ হন । মোগলবংশের কাল ১২৬০ হইতে ১৩৬৮ পর্যন্ত । এই বংশের প্রবর্তক কুবলা খাঁ সুপ্রসিদ্ধ । মোগলেরা শাবতবর্ষে মুসলমান, কিন্তু চীনে বৌদ্ধ । ভারতীয় বাবর আকবর, আওরঙজেব ইত্যাদি সম্রাটগণ কুবলা খাঁর নিকট-আত্মীয় । মোগল বংশে ৯ জন রাজা হইয়া ছিলেন, মিউবংশে ১৭ জন রাজা হইয়াছিলেন । মাঞ্চুবংশের রাজসংখ্যা ১০ । এই তিন বংশেরই প্রবর্তকগণ রণ-কুশল নেপোলিটন পদব্যাচ্য ছিলেন । ঐক্যবন্ধ সাম্রাজ্যে একচ্ছত্র আধিপত্য ভোগ তাহাদের ঘটিয়াছিল । প্রসিদ্ধ মাঞ্চু সম্রাট কাংঘি (Kanghi) আগাদের আওরঙজেব ও বৃষ্টি-
রোপের চতুর্দশ পুইয়ের সমসাময়িক ।

মিঙ্-বংশ প্রবর্তক তাই-চু বিদেশীয় মোঙ্গল বংশ ধ্বংস করিয়া-
ছিলেন। সেইরূপ বর্তমানে সুনুয়াং-সেন বিদেশীয় মাপু-বংশ ধ্বংস
করিয়াছেন। মিঙ্-বংশ প্রবর্তক তাই-চু একজন লোক-
জরাজড়াদের রক্ত তাঁহার ধমনীতে একবিন্দুও ছিল না। সানের
স্বাধীনতা সাধারণ মধ্যবিত্ত শ্রেণীর পরিচায়ে হইয়াছে। তাই-চু
সম্রাট হইয়াছিলেন; সান্ অল্পকালের জন্য স্বাধীনতার সপ্তপাতি বা
পঞ্চায়তের মণ্ডল মাত্র ছিলেন। তাই-চুর মোঙ্গল-ধ্বংস আর সানের
মাপু-ধ্বংস এক শ্রেণীর অন্তর্গত। এই কারণে মাপু-বংশ সিংহাসন হইতে
সরাইয়া পরসান্ মিঙ্-সম্রাটগণের গোরহানে গমন করেন। সেখানে
পূর্ববর্তী স্বদেশী সম্রাটগণের প্রেতাগার নিকট সান্ এবং তাঁহার সহ-
মোঙ্গলগণ বর্তমান স্বদেশোদ্ধারের সংবাদ পাঠাইয়াছিলেন। সান্ স্বয়ং
পুটান—কিন্তু দেশের কাজে জনগণের চিরাভ্যস্ত কনফিউশিয়ান প্রথা
অবলম্বন করিতে আপত্তি করেন নাই।

ত্রয়োদশ শতাব্দীর মধ্যভাগে চীন প্রথমবার বিদেশীয়গণের হস্তগত
হয়। এই সময়ে উত্তর-ভারতও মুসলমানদিগের হস্তগত হইয়াছে—
দক্ষিণ-ভারতে তখনও মুসলমানদিগের অধিকার বেশীদূর বিস্তৃত হয়
নাই। মাটের উপর বলা বাইতে পারে যে, দ্বাদশ শতাব্দীর শেষ
এবং ত্রয়োদশ শতাব্দীর প্রথম ভাগ পর্যন্ত চীনে এবং ভারতে জনগণের
স্বাধীনতা ছিল। এই স্বাধীনতার আমলে হই চূড়ান্তেই যুগে যুগে
ক্রমিক উন্নতি দেখা দিয়াছিল। এই উন্নতির বেগ কখনই বাধা প্রাপ্ত
হয় নাই। রাজবংশের পরিবর্তন হইয়াছিল সত্য, স্বাধীন চীন
এবং স্বাধীন ভারত বহুবার বহু খণ্ড-চীনে এবং খণ্ড-ভারতে বিভক্ত
হইয়াছিল সত্য; কিন্তু ভারতীয় সভ্যতার দ্বারা সুপ্রাচীন কালে
হইতে পৃথিবী দ্বাদশ শতাব্দী পর্যন্ত ক্রমবিকাশিত ও অসামান্যতঃ লাভ

করিয়াছিল। চীনা সভ্যতার চরম বিকাশ দ্বাদশ শতাব্দীর শুরু আমলেই দেখিতে পাই।

আর সমসাময়িক বঙ্গের সেন আমলও স্বাধীন হিন্দুসভ্যতার এক গৌরববহুগ। সাহিত্য-হিসাবে দ্বাদশ শতাব্দী সমগ্র ভারত ভরিয়াই ভারতবাসীর অগষ্টান “এজ” বা স্বর্ণযুগ। চীনের দ্বাদশ শতাব্দীকেও লোকেরা অগষ্টান “এজ” বলে। এই ক্রমবিকাশের ধাপগুলি এখন বুঝা যাউক।

চাও আমলে চীনের দ্বাপর শেষ ও কলির আরম্ভ দেখিয়াছি— এক্ষণে কলির শেষ দেখিলাম। খৃষ্টপূর্ব ২৪৯ হইতে খৃষ্টীয় ২২৫০ পর্যন্ত দেড় হাজার বৎসরের কথাই চীনা-জাতির গৌরবের কথা।

এই গৌরবেই চীনের গৌরব। চীনা সভ্যতা বলিলে আমরা সাধারণতঃ এই দেড় হাজার বৎসরের চীন-কথাই বুঝিয়া থাকি।

(১) চীনবংশ (খৃঃ পূঃ ২৪৯-২৫০)। চাও আমলে বর্তমান চীনের আধখানামাত্র সভ্য-গণ্ডীর অন্তর্গত ছিল। হোরাং-হো এবং ইয়াংসি নদীদ্বয়ের মধ্যবর্তী জনপদে সভ্যতা বিস্তৃত হইয়াছিল। ইয়াং-সির দক্ষিণে অর্থাৎ চীনের “দাক্ষিণাত্যে” তখনও “বকরমণ্ডল” বিরাজমান। আর উত্তরে মাজোলিয়া এবং পশ্চিমে তুর্কীস্থান হ চীনা “আর্বা” গণের ধারণায় “দস্যু জাতীয় শক্রগণের আবাসভূমি। এই বকর সম্ভারিত “ভূ মধ্য” দেশে চাও রাজবংশ বাদশাহী করিতেন— কিন্তু তাঁহাদের একতিয়ার বড় বেশী ছিল না তাঁহাদের সেনাপতি, লাঠিয়াল, জমিদার এবং কর্মচারীরা স্ব স্ব স্থানে একপ্রকার স্বাধীন নরপতি হইরা বসিয়াছিলেন এই ধরনের স্বাধীন রাষ্ট্রকেন্দ্র কোন সময়ে শতাব্দিক, কোন সময়ে পঁচাত্তর, কোন সময়ে পঞ্চাশের অধিক ছিল। কাজেই “মাংসুস্তায়ের”-অবাধলীলা চাওআমলে প্রকটিত হইয়াছিল।

অবশেষে একটি প্রদেশ সৰ্ব্বপ্রধান হইয়া উঠে । তাহার নাম চীন (Tsin) । চীনের জমিদার অগ্ৰাণ্য সকলকে কান্দু করিয়া চাওবংশের উচ্ছেদ-সাধন করেন । সমগ্র চীনমণ্ডল এতদিনে প্রথমবার ঐক্যবদ্ধ হইল । এই ঐক্য-সংস্থাপক কৰ্ম্মবীর চীনের “সৰ্ব্বপ্রথম একরাট্” উপাধি গ্রহণ করিলেন (খৃঃ পূঃ ২২১) । চীনা ভাষায় এই উপাধি শিহোয়াংতি (শি=প্রথম, হোয়াংতি=সম্রাট্) । এতদিনে দেশের নাম “চীন” হইল । পূর্বে নাম ছিল “ভূম-ধ্য” (ভূনিয়ার মধ্যবর্তী) দেশ । ইংরেজিতে “মিড্‌ল কিংডম” — চীনাতে “চুং-ছয়া” ।

চীনেশ্বরগণ সম্রাট হইবামাত্র এক-একটা উপাধি গ্রহণ করিয়া থাকেন । তাঁহাদের আসল নামে তাঁহারা পরিচিত হন না । ভারতীয় নৃপতিগণের মধ্যেও কেহ-কেহ এইরূপ উপাধি গ্রহণ করিতেন । বিক্রমাদিত্য, শিলাদিত্য, বালাদিত্য, নরেন্দ্রাদিত্য ইত্যাদি শব্দ সম্রাটগণের উপাধিবাচক, নামবাচক নয় । চীনাদের দৃষ্টে এই যে, কোন সম্রাটই তাঁহার নিজ নামে পরিচিত হইবেন না । ষতশ্লি চীন সম্রাটের নাম আমরা জানি, সবগুলিই উপাধিমাত্র । বৰ্ত্তমানে স্বরাজ-সভাপতি য়ুয়ান্-শি-কাইও সম্রাট হইতে চেষ্টা করিবার সময়ে প্রথমেই একটা উপাধি লইয়াছিলেন । তাঁহার কপালে উহার ভোগ হইল না ।

সমগ্র চীনমণ্ডলের প্রথম অধীশ্বর ঘোষণা করিলেন—“ওহে ভূমধ্যদেশের অধিবাসিগণ, আমার পূর্বে তোমাদের কোন একরাট্ ছিলেন না । আমাকেই তোমাদের সৰ্ব্বপ্রথম রাজরাজেশ্বর বলিয়া জানিও । আমার পূর্বেকার সকল ইতিহাস ভুলিয়া যাও । আমি এক নূতন যুগ প্রবর্ত্তন করিলাম । আমার জন্মভূমি চীন জেলার নাম হইতে এই যুগের নামকরণ হইবে । তোমাদের দেশটাও আগাগোড়া আমার জন্মভূমি অল্পসারে চীন নামে পরিচিত হইবে । আজ হইতে তোমরা

সকলে চীনা ; তোমাদের দেশের নাম চীন, এবং এই যুগের নাম চীন-শি-হোয়াংতির যুগ । আমার পরবর্তী সম্রাটগণ দশহাজার পুরুষ পদান্ত এই যুগ হইতেই কালগণনা করিবেন । আমার উত্তরাধিকারী দ্বিতীয় শি-হোয়াংতি নামে পরিচিত হইবেন - তাহার উত্তরাধিকারী তৃতীয় শি-হোয়াংতি হইবেন ; এইরূপ যাবত-দ্র-দিগাকরৌ চলিবে । ইহাই আমার আদেশ ।”

আমাদের মৌযা চন্দ্রগুপ্ত (খৃঃ পূঃ ৩২২—২৮) এইরূপ কারনে সমগ্র ভারতবর্ষের নাম হইত মগধ, আর ভারতবাসীরা পরিচিত হইত মগধ সন্তান বলিয়া, আর চন্দ্রগুপ্তের নাম এবং উপাধি হইত মগধ-শি-হোয়াংতি বা মগধ-প্রথমসম্রাট । বঙ্গের পালবংশ আর্ঘ্যাবর্ত দখল করিয়াছিলেন । গোপাল, ধর্মপাল বা দেবপালের চীন খেয়ান চাঁপনে, সমগ্র আর্ঘ্যাবর্তের নাম হইত বরেন্দ্র ; কেন না, বরেন্দ্রী পালরাজ্যের পিতৃভূমি । আর গোপাল বা ধর্মপালের নাম হইত বরেন্দ্র-শি-হোয়াংতি বা বরেন্দ্র-প্রথম-সম্রাট । সেইরূপ বিজয়সেন ইচ্ছা করিলে গোপাল বাঙ্গালাদেশকে “রাড়” নাম দিতে পারিতেন এবং নিজের নাম দিতে পারিতেন রাড়-শি-হোয়াংতি বা রাড়-প্রথম-সম্রাট । কারণ রাড় সেন-বংশের জন্মভূমি ।

শি-হোয়াংতি চীনের “দাক্ষিণাত্য” দখল করিতে আসিয়াছিলেন কি না সন্দেহ । বোধ হয় যুধে কার্শাগ জাদি করিয়া তাঁহাকে সম্ভ্রু থাকিতে হইয়াছিল । কিন্তু উত্তরদিকে তাঁহার তীক্ষ্ণদৃষ্টি ছিল । মোগল বর্ষরদিগের আক্রমণ হইতে চীনমণ্ডল রক্ষা করিবার জন্ত পূর্ববর্তী চাও আমলে ‘বিরাট প্রাচীরের’ কিয়দংশ স্থানে-স্থানে নির্মিত হইয়াছিল । শি-হোয়াংতি সেই প্রাচীর সম্পূর্ণ করেন । লোকেরা শি-হোয়াংতিকোট বিরাট প্রাচীর নির্মাণের ষোল আনা বাহবা দিয়া থাকে ।

শি-হোয়াংতি নিকটক সাম্রাজ্য ভোগ করিতে চাহিয়াছিলেন । কিন্তু ডে'পো কনফিউশিয় পণ্ডিতগণের বাকবিতণ্ডায় তাহার কাণ বাজা-পানা হইয়া বাইতেছিল । এষ্ট কারণে চীনের পণ্ডিতবংশ ধ্বংস করা তাহার এক অদ্ভুত কীর্তি বা অকীর্তি । চীনের কোপাও এক পর্য্যন্ত প্রাচীন সাহিত্য আর থাকিল না । মাদ্রাগার আমল হইতে যত রচনা নামিয়া আসিয়াছিল, সকলগুলিকে অগ্নিদাত করিয়া শি-হোয়াংতি ঠাণ্ডা হইলেন । নেপোলিয়ান বা আলেকজান্ডার এষ্ট চীনা নেপোলিয়ানের নিকট তার মানিবেন, সন্দেহ নাই । সকল দিক হইতেই শি-হোয়াংতি চীনে একটা নব্যযুগ আনিলেন ।

শি-হোয়াংতি (খৃঃ পূঃ ২৪৯-২১১) আমাদের অশোকের (খৃঃ পূঃ ২৭০--৩০) সমসাময়িক । অশোক চন্দ্রগুপ্তের পৌত্র । চন্দ্রগুপ্ত ভারতীয় ইতিহাসের শি-হোয়াংতি বা সর্বপ্রথম একরাটি । চন্দ্রগুপ্ত পূর্বে ভারতের অবস্থা চীনের মতই ছিল । মাৎসারায় দূর করিয়া চন্দ্রগুপ্ত ভারতেধর হন । অতএব চীনের চন্দ্রগুপ্ত এবং ভারতের শি-হোয়াংতি অর্থাৎ এশিয়ার দুই সর্বপ্রথম নেপোলিয়ান প্রায় একসময়-কার লোক । উভয়েই দিগ্বিজয়ী আলেকজান্ডারের পরবর্তী । ঐটি ঐতিহাসিক তথ্য দিতে হইলে বলা আবশ্যক যে, ভারতীয় শি-হোয়াংতির প্রায় শত বর্ষ পরে চীনা শি-হোয়াংতির কাল । আর আলেকজান্ডারের ঠিক পরেই ভারতীয় প্রথম নেপোলিয়ানের অভ্যুদয় ।

আলেকজান্ডারের মৃত্যু ৩২৩ খৃষ্ট-পূর্বাব্দে—সেই বৎসরই চন্দ্রগুপ্ত ভারতসম্রাট হন । চীনের চন্দ্রগুপ্ত শি-হোয়াংতি হন ২২১ খৃষ্ট-পূর্বাব্দে ; সুতরাং ভারত সাম্রাজ্য চীন-সাম্রাজ্য অপেক্ষা শতবর্ষ প্রাচীন । বস্তুতঃ কালহিসাবে আমাদের চন্দ্রগুপ্ত কনিয়ার সর্বপ্রথম নরপতি । প্রাচীনতম কালের মিশর ও ব্যাবিলনের কথা সম্প্রতি ভুলিয়া গাইতেছি । অপেক্ষা-

কৃত অর্কাচীন কালে ম্যাসিডন-বীর আলেকজান্ডারই সাম্রাজ্য-প্রতিষ্ঠায় সর্বপ্রথম অগ্রসর হন। কিন্তু তাঁহার অকালে মৃত্যু হওয়ায় তিনি তাঁহার দিগ্বিজয়ের ফলসমূহ ঐক্যবদ্ধ সাম্রাজ্যে পরিণত করিতে পারেন নাই; অথচ সেই সময়ে হিন্দু নরপতি সাম্রাজ্য-স্থাপনে সমর্থ হন। ভগ্নন ও চীনে চাও আমলের মাৎসান্গায়' চলিতেছে; আর স্তম্ভুর পশ্চিমে প্রথম সাম্রাজ্য-প্রতিষ্ঠার কল্পনাও কেহ করিতে অসমর্থ। কাজেই হিন্দু সাম্রাজ্যকে জগতের সর্বপ্রথম সাম্রাজ্য বলিতে বিধা নাই।

চীনে একটা গল্প প্রচলিত আছে যে, শি-হোয়াংতি ভারতীয় মৌর্যবংশের লোক। এই গল্পের কোন ভিত্তি খুঁজিয়া পাওয়া যায় না। ভারতের সঙ্গে চীনের কোন প্রকার লেনদেনই চীন-আমলে (খৃষ্ট-পূর্ব তৃতীয় শতাব্দীতে) বোধ হয় সাধিত হয় নাই। এমন কি চীনারা স্বদেশ ছাড়িয়া মধ্য-এশিয়ার আসিয়াছিল কি না সন্দেহ। এখন পর্যন্ত কোন ঐতিহাসিক প্রমাণ বাহির হয় নাই। মধ্য-এশিয়ার চীনাদের কারবার দৃষ্টিতে আন্দাজ চলিতে পারে মাত্র।

কিন্তু ভারতবর্ষ এই আমলে এশিয়ার পশ্চিম প্রান্ত পর্যন্ত প্রভাব বিস্তার করিয়াছিল। ম্যাসিডনীয়, গ্রীস, এশিয়া-মাইনার, সিরিয়া, ও মিশর এই করদেশেও অশোকের বাণী প্রচারিত হইয়াছিল। ঐ সকল জনপদের অধিবাসিগণের সঙ্গে ভারতবাসীর লেনদেন অনেক হইত। অশোক হুদান তাহার পরিচয় পাই; বিদেশীয় সাহিত্যেও তাহার পরিচয় আছে। কিন্তু চীনের সংলগ্ন মধ্য-এশিয়ায় অশোকের প্রভাব কতখানি ছিল তাহা সবিশেষ জানিতে পারা যায় না।

অশোক হুদানর সর্বত্র নিজের নাম ও নিজ সাম্রাজ্যের নাম জাহির করিতে বস্ত্র করিয়াছিলেন। তাঁহার সময়ে চীনের শি-হোয়াংতি বাস্তবিক জগতে তাঁহার সমান নরপতি আর কেহ ছিলেন না। কিন্তু

পৃথিবীর রাষ্ট্রমণ্ডলে অশোকের নাম-ডাক শি-হোয়াংতি অপেক্ষা বেশী ছিল। বস্তুতঃ শি-হোয়াংতিকে চীনের বাহিরে কেহ জানিত না। আর ভারতীয় অশোক দুনিয়ার রাজ-রাজডামহলে সম্মানিত হইতেন। ভারতের কনসাল, রাষ্ট্রদূত, অধ্যাপক ও বাবসায়ী দুনিয়ার বড় বড় নগরে বসবাস করিতেন। জগতের প্রভাব ভারতে এবং ভারতের প্রভাব জগতে ছড়াইয়া পড়িত। আমাদের পাটলিপুত্র-নগর সেই সময়ে বর্তমান লঙ্কনের মর্যাদা পাইত। বিভিন্ন দেশের নানাভাষা-ভাষী কনসাল, এম্বাসেডার, রাষ্ট্রদূত, দার্শনিক, চিকিৎসক ও বাবসাদার পাটলিপুত্রে বাস করিতেন। অশোক এক বিরাট বিশ্ব সাম্রাজ্যের অধীশ্বর ছিলেন। তাঁহাকে একজন বৈরাগ্য-ব্রতধারী, কামকামনকীর্তিবর্জনকারী, নিরলোভ ধর্ম-প্রচারক বিবেচনা করা নিতান্ত ভুল। অশোককে যশাকাজ্ঞী প্রবলপ্রতাপ রাষ্ট্রবীররূপে না দেখিলে খৃষ্ট পূর্ব তৃতীয় শতাব্দীর ভারতইতিহাস বুঝা অসম্ভব। পরবর্তীকালে প্রাচ্যের ফেডারিক-দি-গ্রেট, রুশিয়ার পিটার-দি গ্রেট, এবং জাপানের মুৎসুইতোমিকাদো ঠিক অশোকেরই আদর্শানুযায়ী প্রভুত্বাকাজ্ঞী রাষ্ট্রবীর হইয়াছেন। ইঁহারা কেহই “প্রতিষ্ঠা”কে “শুকরী-বিষ্ঠা”র আয় বর্জনীয় বিবেচনা করিতেন না।

(১) হান্‌বংশ (খৃঃ পূঃ ২১০ খৃঃ অঃ ২২০)।

(ক) পশ্চিম হান্‌বংশ (খৃঃ পূঃ ২১০-খৃঃ অঃ ২৫)। এই বংশে কতিপয় ক্ষমতাবান সম্রাটের অভ্যুদয় হইয়াছিল। সভ্যতার সকল বিভাগে এই যুগে চীনের শ্রীবৃদ্ধি হইতে থাকে। এইজন্ত চীনারা অনেক সময়ে “হ্যান্‌-সন্তান” বলিয়া গৌরব বোধ করে। ষষ্ঠ নরপতি উ-তি (Wu-Ti) সর্ব-প্রসিদ্ধ হান্‌ সম্রাট (খৃঃ পূঃ ১৫৫-৮৭)। তাঁহার অর্থ “দিগ বিজয়ী”

অনেকসংখ্যকসম্রাটের এই উল্লেখ করা দেয়া

অব সংখ্যা.....২০০.....

পরিগ্রহণ সংখ্যা.....২৪৯৭২.....

০২/০২/২০০৫

যায় । এই রাজত্বকালের দুইটি কথা আমাদের মনে রাখা আবশ্যিক । প্রথমতঃ মধ্য-এশিয়া এবং প্রতীচা এশিয়া পর্য্যন্ত চীনেরা তাহার আমলে অভিবাসন পাইয়াছিল । খৃঃ পূঃ ১০৫-৯০ বর্ষের মধ্যে কতিপয় সেনাপতি এই সকল অঞ্চলে প্রেরিত হইয়াছিলেন । তাতার জাতীয় ছনদিগের সঙ্গে সংঘর্ষ এই সকল অভিবাসনের কারণ । ইতিপূর্বে চীনায়া চীনমণ্ডল ছাড়িয়া কখনও বাহিরে আসিয়াছিল কি না সন্দেহ । উ-তির আমলের দ্বিতীয় কথা হিন্দু সাহিত্য-সেবিগণের বিশেষ প্রণিধানযোগ্য । খৃঃ পূর্ব ৯০ অব্দে ছি-মা-চিয়েন (Sze-Ma-Chien) চীনের ইতিহাস রচনা করেন । এই ধরনের ইতিহাস-গ্রন্থ সংস্কৃত-সাহিত্যে একখানাও নাই । ছির ইতিহাস চীনের সর্ব-প্রথম ঐতিহাসিক গ্রন্থ । এজন্য গ্রন্থকারকে চীনের “হেরোডোটাস” বলা হইয়া থাকে । হেরোডোটাস গ্রীসের সর্বপ্রাচীন ঐতিহাসিক (খৃঃ পূর্ব ৪৩৪ জন্ম) ।

“পশ্চিম হ্যান্”বংশের আমলে ভারতবর্ষের কোন প্রবল-প্রতাপ নরপতির রাজত্ব ছিল না । তাতার জাতীয় শক এবং য়ুয়েচিগণ মধ্য-এশিয়ার গ্রীক-রাষ্ট্রপুঞ্জ ধ্বংস করিতে-করিতে উত্তর-পশ্চিম ভারতে আসিয়া উপস্থিত হয় । তাহারা তাতারজাতীয় ছনগণের আক্রমণ ক্রমশঃ দক্ষিণে আসিতে বাধ্য হইয়াছিল । এই য়ুয়েচিদিগের-সাহায্যে হ্যান্ সম্রাট উতি ছন-বন্ডা হইতে চীন-সাম্রাজ্য রক্ষা করিতে সমর্থ হন ।

এই যুগে ইয়ুরোপে রোমীয় বীরগণ দিগ্বিজয় করিতে-ছিলেন । পরে তুমুল ধরোয়া লঙ্কাকাণ্ডের পর রোমান জাতীর “স্বরাজ”প্রথা বিনষ্ট হয় ; এবং তাহার স্থানে “সাম্রাজ্য”-প্রথা প্রবর্তিত হয় । অগষ্টাস সীজার “সাম্রাজ্যের” প্রথম অধীশ্বর হন (খৃঃ পূঃ ২৭-১৪ খৃঃ অঃ) । এই যুগকে রোমীয় (ল্যাটিন) সাহিত্যের স্বর্ণযুগ বলে । বস্তুতঃ,

পাশ্চাত্য পণ্ডিতগণ সম্রাট অগাষ্টাসের নাম অনুসারেই জগতের যে কোন স্বর্ণযুগের নাম দিয়া থাকেন। তাঁহাদের পরিভাষিক অনুসারে আমাদের বিক্রমাদিত্যের আমলকেও “অগাষ্টান” “যুগ” বলা হইবে।

(খ) পূর্ব হ্যান্‌বংশ (খৃঃ পূঃ ২৫-২২০ খৃঃ পূঃ) এই আমলে রাজধানী পূর্বদিকে স্থানান্তরিত হয়। পশ্চিম হ্যান্‌বংশের সাম্রাজ্য-গৌরব এই দুইশত বৎসর চীনারা ভোগ করে নাই। অশান্তি, বিদ্রোহ, দক্ষলতা চীনে সৰ্বদা বিরাজ করিত।

এই বংশের সম্রাট যিঙ্-তি একটা স্বপ্ন দেখেন। সেই স্বপ্ন অনুসারে তিনি মধ্য-এশিয়ায় এক অভিযান প্রেরণ করেন। এই অভিযানের ফলে সংস্কৃত পুঁথি, বুদ্ধমূর্তি এবং শাক্যসিংহের মত চীনে প্রথম প্রবর্তিত হয় (খৃঃ পূঃ ৬৭)।

মধ্য-এশিয়া এই সময়ে ভারতবর্ষের একটা প্রদেশমাত্র ছিল, বলা যাইতে পারে। ভারতীয় ভাষা, লিপি, সাহিত্য, দর্শন, শিল্পকলা, ধর্ম, টেল সবই মধ্য-এশিয়ায় সুপ্রচলিত ছিল। আর মধ্য-এশিয়ার লোকজন এবং উত্তর-ভারতের লোকজন একই গোত্রের অন্তর্গত ছিল। তাহারা সকলেই তাতার জাতিয়। অথবা অন্ততঃ তাতার রক্ত-মাংসে পণ্ডিত।

খৃষ্টপূর্ব দ্বিতীয় শতাব্দীর মধ্যভাগে এই সকল অঞ্চলে তাতারগণের উপনিবেশ স্থাপন শুরু হয়। খৃষ্টীয় প্রথম শতাব্দীতে য়ুরেচি (ইণ্ডো-তাতার) বা কুষণ নরপতি কাণিক্ষ (খৃঃ ৭৮-১২৩) এক বিশাল সাম্রাজ্যের অধিপতি হন। কাণিক্ষের সন তারিখ এখনও সুনির্দ্ধারিত হয় নাই। আর্ঘ্যাবর্তের অধিকাংশ এই নরপতির প্রভাবে কাশগর, ইরারকণ্ড ও খোতান ইত্যাদি জনপদের সঙ্গে যুক্ত হইয়াছিল। কাণিক্ষের সাম্রাজ্যের বাহিরেও য়ুরেচি অথবা অগ্ন্যাণ্ড তাতার রাষ্ট্রের অস্তিত্ব

অবগত হওয়া যায় । সেই সমুদয়েও কাণিকের প্রভাব বিস্তৃত হইত । সুতরাং তাতার জাতির সংস্পর্শে আসিবার ফলে ভারতবর্ষের আয়তন সত্যসত্যই বাড়িয়া গিয়াছিল । চীনাগণ “পূর্ব হান্” আমলে মধ্য এশিয়ার “বৃহত্তর ভারতে”র প্রতিষ্ঠা ইতিহাসের এক প্রধান কথা । এই কার্যে তাতার বা মঙ্গোলিয় জাতির কৃতিত্বও বিশেষ স্মরণীয় ।

হিন্দু-তাতারগণের গৌরব কথা এতদিন মরুভূমির বালুকার ভিতর লুকাইয়া ছিল । সম্প্রতি ষ্টাইনের (Stein) “Ruins of Desert Cathay” বা মরু-চীনের ধ্বংসাবশেষ এবং অগাঢ় গ্রহে তাহার বৃত্তান্ত বাহির হইয়াছে । মধ্য-এশিয়ার বিভিন্ন স্থানে ধননকার্য হইয়াছে এবং হইতেছে । আবিষ্কৃত তথ্যসমূহের বিবরণ এই সকল গ্রহে পাওয়া যায় ।

এই সময়ে দক্ষিণ-ভারতে অক্ষু রাজবংশের (খৃঃ পূঃ ২০০ খৃঃ অঃ ২২৫) প্রতিপত্তি ছিল । হিন্দু-কুষাণ এবং অক্ষু উভয়েই রোমীয় সাম্রাজ্যের সঙ্গে কারবার চালাইতেন । সুতরাং স্থলপথে চীনের সঙ্গে ভারতের যোগ ছিল ; আর, স্থলপথে এবং জলপথে রোমজাতির সঙ্গে হিন্দুদিগের কারবার চলিত । ট্রাজানের (Trajan) আমলে (খৃঃ অঃ ৯৮-১১৭) রোমীয় সাম্রাজ্যের চরম বিস্তৃতি হইয়াছিল । স্থলপথের কারবারে মধ্য-এশিয়ার স্থান সর্বথা উল্লেখযোগ্য । কুচা এবং খোতা-মের বাজারে-বাজারে রোম, ভারত এবং চীনের সকল প্রকার দালান ও ব্যাপারীরা সম্মিলিত হইতেন । মধ্য-এশিয়ার হাটে আদার ব্যাপারী হইতে আধ্যাত্মিক মালের আড়তদার পর্যন্ত সকল ব্যবসায়ীরই লেন-দেন চলিত । প্রাচ্যের সঙ্গে প্রতীচ্যের বিনিময় এই মধ্য-এশিয়াতেই প্রধানভাবে সাধিত হইত । এই যুগে মধ্য-এশিয়া নগণ্য জনপদ ছিল না—এখানকার মেলায় মেলায় এশিয়া-য়ুরোপের সকল মাল কেনা-বেচা হইত । বর্তমান যুগে এই কথা বুলিতে পারা অতি দুর্লভ । কিন্তু হান্

আমলে চীন হইতে ভারত পর্য্যন্ত বাঁধা রাস্তা ছিল, আবার চীন হইতে এশিয়া-মাইনারের রোমান সাম্রাজ্য পর্য্যন্তও বাণিজ্যপথ ছিল । কাজেই গ্রীক, রোমান, মিশরীয়, সিরিয়, পারসী, হিন্দুস্থানী, চীনা, খৃষ্টান, বৌদ্ধ, শৈব, কণাফিউশিয় ইত্যাদি ছত্রিশ জাতির সম্মিলন ঘটিতে পারিত ।

(৩) মাংস্য-শ্যায়ের যুগ (খৃঃ অঃ ২২০-৫৮৯) ।

(ক) প্রকৃত প্রস্তাবে ১৯০ খৃষ্টাব্দে হ্যান বংশের লোপ হয় । এই সময় চীনে এক সঙ্গে তিন বংশ রাজত্ব করেন । হ্যান বংশের প্রভু সঙ্কীর্ণ জনপদে সীমাবদ্ধ ছিল । উত্তরে উ-ই (wei) বংশ এবং দক্ষিণে উ (wu) বংশ স্থাপিত হয় । ২৬৫ খৃঃ অঃ পর্য্যন্ত তিনটা খণ্ড-চীনের আমল ।

(খ) * “পশ্চিম-চীন” বংশ (খৃঃ অঃ ২৬৫—৩১২) ।

হনেরা এই আমলে চীনের নানা অঞ্চল দখল করিয়া বসে । অঞ্চল চীনের সম্রাট এই বংশে কেহ ছিলেন না বলিলেই চলে । খাঁটি চীনারা ইয়াংসির দক্ষিণে কোনমতে রাজ্য রক্ষা করিতে সমর্থ হন ।

(গ) “পূর্ব-চীন” বংশ (খৃঃ অঃ ৩১৩—৪১৯) । এই আমলে কাহিয়ান ভারতে আগমন করেন । ভারতমণ্ডল হইতেও বহু পচারিক চীনে আসিয়াছিলেন । সর্ব প্রসিদ্ধের নাম কুমারজীব । ভারতপক্ষে তখন দ্বিধ্বজয়ী সমুদ্রগুপ্ত, বিক্রমাদিত্য এবং কালিদাসের যুগ । এই যুগে চন্দ্রবর্মা নামক একজন ভারতীয় নেপোলিয়ানের দিগ্বিজয় কথাও অবগত হওয়া যায় । রোমান সাম্রাজ্য এই সময়ে দুইটুকরা হইয়াছে (৩৯৫ খৃঃ অঃ) । পুরাতন অংশের রাজধানী রোমেই রহিল—নূতনের রাজধানী হইল রুম বা কন্সটান্টিনোপলে । পূর্ব-চীন বংশের শেষ ভাগে

হুণ-সেনাপতি এটীলা (Attila) রোমণ সাম্রাজ্য-ধ্বংসের সূত্রপাত করেন (৪১০) ।

(খ) “উত্তর সঙ্”বংশ (খৃঃ অঃ ৪২০—৭৯) । মাংস্ফায়ের এবং পশ্চিম-আফ্রিকার সকল লক্ষণই এই যুগে বিরাজমান । হুণেরা উত্তর-চীন বা চীনা “আর্য্যাবর্তের” নানাস্থানে নূতন-নূতন রাজ্য-গঠন করিয়া দাঁসিয়াছেন । ভারতবর্ষে গুপ্ত সাম্রাজ্যের গৌরব যুগ চলিতেছে । ইয়োরোপে রোমণ সাম্রাজ্যের পুরাতন অংশ ধ্বংস প্রাপ্ত হইয়াছে (খৃঃ ৪৫৫—৭৬) ।

(ঙ) চি-(Tsi) বংশ ৪৭৯—৫০২) । নান্‌কিঙে এই বংশের রাজধানী ছিল । এই সময়ে হুণ উপদ্রব চানে ত ছিলই, ভারতেও দেখা দিল । প্রথম কুমারগুপ্তের মৃত্যুর পর (৪৫৫) হইতে গুপ্তসাম্রাজ্যের গৌরব কমিতে, সুরু হইয়াছে । ইয়োরোপে নব নব রাষ্ট্রগঠনের উদ্যোগ হইতেছে মাত্র । টিউটনেরা প্রদেশে-প্রদেশে বসতি স্থাপন করিতেছে ।

(চ) লিয়াং (Liang : বংশ (৫০২—৫৭) । এই আমলে ভারতবর্ষের সঙ্গে চীনের আদান-প্রদান প্রচুর পরিমাণে সাধিত হইয়াছিল । চীনের “দাক্ষিণাত্য” অর্থাৎ ইয়াংসির দক্ষিণে এই বংশের কর্তৃত্ব ছিল । প্রসিদ্ধ নরপতির নাম উ-তি । ইনি যৌবনে কন্‌কিউশি-য়াম-ভুলু ছিলেন—প্রৌঢ় বয়সে ভারতীয় মহাস্থার শরণাপন্ন হন । তিনি গুপ্তসম্রাটের নিকট লোক পাঠাইয়া স্বদেশে বৌদ্ধ-সাহিত্য আনয়ানি করেন । তাঁহার অভিযান জলপথে প্রেরিত হইয়াছিল । সিংহল দ্বীপে তখন চীন ও ভারতের জলবাণিজ্যের প্রধান আড়ত ছিল । দক্ষিণাত্যের রাজপুত্র বোধিধর্ম্ম এবং উজ্জয়িনীর পণ্ডিত পরমাণ উ-তির বাজত্বকালে জলপথে চীনে উপস্থিত হন । দুইজনেই ক্যান্টন বন্দরের ষ্টেশনে জাহাজ হইতে নামিয়াছিলেন । বোধিধর্ম্ম চীনা বৌদ্ধ-মহলে

প্রসিদ্ধ। তাঁহার ধান-ধারণা এবং অলৌকিক শক্তি সম্বন্ধে নানা কাহিনী প্রচলিত আছে। চীন চিত্রকলায়ও বোধধর্মের অনেক কথা জানিতে পারা যায়। লিয়াঙ আমলে ভারতায় গুপ্ত-সম্রাটগণের রাষ্ট্রীয় ক্ষমতা কমিলেও কীটিকমে নাই। ইয়োৰোপের কন্স্টান্টিনোপলে এখন জাষ্টিনিয়ান (৫২৭—৫৬৫) প্রবল সাম্রাজ্যের অধাশ্বর। জাষ্টিনিয়ানি (Justinian) এই দুপের রাষ্ট্রমণ্ডলে সর্বপ্রধান নরপতি। প্রাচীন যাপা একসঙ্গে নানাধিকে খেলিত। ইউরোপীয় আইন সকলনের জন্য জাষ্টিনিয়ান প্রানক

(ছ; চিন (China) বংশ) (৫৫৭—৮৬২) নামেনাত্র এই বংশের কণ্ড হইল। চীনের সমগ্র "আগ্যাবর্তে"ই বিগত দুইশত বৎসর ধরিয়াজগৎ রাজা চাণিতছে। ছগ আমলে চীনের সঙ্গে উত্তর-এশিয়া, প্রাচীনতম এশিয়া এবং প্রতীচ্যতম এশিয়া নানাযুদ্ধে গ্রীথিত হইয়াছিল। কোরিয়া হইতে কাম্পিয়ান সাগর পয্যন্ত চীনাঙ্গের বাণিজ্য বিস্তৃত হইয়াছিল। কুযাণদিগের আমলে যেমন হিন্দু-প্রভাব মধ্যএশিয়ার তাতার মণ্ডলে ছড়াইয়া পড়ে—সেইরূপ ছগদিগের আমলে চীনের প্রভাব সমগ্র এশিয়ার তাতার-মণ্ডলে ছড়াইয়া পড়িল।

খৃষ্টীয় ষষ্ঠ শতাব্দীতে ছগ-মণ্ডল এশিয়ার সকল জনপদেই বিস্তৃত ছিল। চীন, ভারতবর্ষ, মধ্য-এশিয়া, আফগানিস্থান, পারস্য সর্বত্রই ছগপ্রভাপ বিরাজ করিত। চানে ছগ-সাম্রাজ্যের কর্তৃত্ব করিতেন ওয়ে (Wu) বংশ (খৃঃ অঃ ৩৮৬—৫৩৪)। ভারতে ছগ-সাম্রাজ্যের রাজধানী পঞ্চনদের সাকল নগর (বর্তমান সিয়ালকোট)। হোরমাণ (৫০০) এবং মিহিরগুণ (৫১০—৪০ ৭) ভারতীয় ছগগণের মধ্যে প্রসিদ্ধ। মিহিরগুণ ৫২৮ খৃষ্টাব্দে গুপ্ত সম্রাট নরসিংহ বালাদিত্য কর্তৃক পরাজিত হন। ভারতীয় ছগেরা শৈব ছিলেন।

ভারতের দক্ষিণাভাগে খৃষ্ট পূর্ব ২০০ অব্দ হইতে খৃষ্টীয় ২২৫ অব্দ পর্যন্ত অন্ধরাজগণ কর্তৃত্ব করিয়াছিলেন । এই যুগ চীনা ক্বান্ বংশের যুগ । তাহার পর তিনশত বৎসরের কোন কথা এখনও আবিষ্কৃত হয় নাই । সুতরাং চীনা মাৎস্যাণ্যের যুগের দক্ষিণ ভারতের ইতিহাস — অলিখিত রহিয়াছে ।

চীনের এই রাষ্ট্রীয় দুর্বলতার যুগ সম্বন্ধে কয়েকটা মোটা কথা পাওয়া যাইতেছে ।

প্রথমতঃ তাতার বা মোগল জাতীয় লোকেরা হানসাম্রাজ্য ত্যাগ-
 যাচ্ছে । এই জাতীয় লোকেরাই তাতার পূর্বে ভারতের মৌর্য সাম্রাজ্য-
 জ্ঞার শেষ নিদর্শন লুপ্ত করিয়াছিল । আবার এই জাতীয় লোকেরাই
 পরবর্তীকালে রোমণ সাম্রাজ্য-ধ্বংসের কারণ হইয়াছে । কালানুসারে
 জগতের প্রথম সাম্রাজ্য ভারতবর্ষে স্থাপিত হইয়াছিল (খৃঃ পূঃ ৩২৩)
 — দ্বিতীয় সাম্রাজ্য চীনে স্থাপিত হইয়াছিল (খৃঃ পূঃ ২০১) — তৃতীয়
 সাম্রাজ্য রোমে স্থাপিত হইয়াছিল (খৃঃ পূঃ ২৭) । ঠিক এই ক্রমানুসা-
 রেই তাতারজাতি কতক সাম্রাজ্যগুলির ধ্বংস-সাপনও হইয়াছে । কুম-
 গেরা ভারতে সর্বপ্রথমে তাতার-সাম্রাজ্য স্থাপন করেন । ছুগেরা
 তাহার পর চীনে তাতার সাম্রাজ্য স্থাপন করেন । তাহার পর হুণ সেনা-
 পতির আক্রমণে টিউটন জাতি রোমণ সাম্রাজ্য ভাঙিতে বাধ্য হয় ।
 সুতরাং তাতার জাতির ইতিহাস-কথা এশিয়া এবং ইউরোপের সম্ব-
 দ্ধেই আলোচিত হওয়া আবশ্যিক । এ বিষয়ে আলোচনা অতি অল্পই
 হইয়াছে । সুপ্রসিদ্ধ গিবন (Gibbon) প্রণীত “Decline and Fall
 of the Roman Empire” অর্থাৎ “রোমান সাম্রাজ্যের ক্রমপতন”
 নামক গ্রন্থে তাতার বা মোগল বা সীথিয় বা হুণ বা হেত্তল
 জাতি সম্বন্ধে চিত্তাকর্ষক বিবরণ আছে । এতদ্ব্যতীত (Howarth)

হাওয়াথ-প্রণীত “History of the Mongols” বা “মোগল জাতির ইতিহাস” নামক বিরাট গ্রন্থ বিশেষ উল্লেখযোগ্য।

দ্বিতীয়তঃ চীনমণ্ডল যখন নানা খণ্ড চীনে বিভক্ত, ভারতবর্ষ তখন দিগ্‌বিজয়ী হিন্দু নেপোলিয়ানগণের অধীনতায় ঐক্যবদ্ধ। এই সময়ে রোমান সাম্রাজ্য ওঁড়া হইয়া গিয়াছে। ভারতীয় বিক্রমাদিত্যগণের সমান নামডাক এই যুগে দুনিয়ার কোন নরপতির ছিল না। মৌর্য আমলে প্রথমবার ভারতবর্ষের এই মর্যাদা হইয়াছিল—আবার গুপ্ত আমলেও হিন্দুগণ সেই গৌরবের অধিকারী হইল। পাটলিপুত্র এই দুই যুগেই জগতের শীর্ষস্থানীয় নগর। কন্টিনেন্টিনোপলে জাটিনিয়ানের আমলে প্রাচ্য ইউরোপের গৌরব বাড়িয়াছিল—কিন্তু তখনও গুপ্ত সাম্রাজ্যের কাঁতি লুপ্ত হয় নাই। বরং শক-বিজয়ী এবং হন-বিজয়ী ভারতীয় রাজগণ নূতন উদ্যমে রাষ্ট্র গঠন করিতে তৎপর ছিলেন। প্রাচীনকালের ইতিহাসে পাটলিপুত্র সত্য-সত্যই এক “ইটালিয়ান সিটি” বা অমর নগর।

তৃতীয়তঃ, এই যুগে তাতার-প্রভাবে সমগ্র এশিয়ার ঐক্য স্থাপিত হইয়াছিল। ভিন্ন ভিন্ন নামে তাতারজাতীয় লোকেরা চীন, মধ্য-এশিয়া, ভারতবর্ষ, পারস্য, ইত্যাদি দেশে বসতি ও উপনিবেশ স্থাপন করে। তাহাদের সঙ্গে স্থানীয় জনগণের রক্তসংমিশ্রণ বহুল পরিমাণে ঘটিয়াছিল। তাহারা ধর্ম, সাহিত্য, আদর্শ ইত্যাদি বিষয়ে নিজস্ব কিছু আনে নাই। চীনে তাহারা চীনা হইয়াছিল—ভারতে তাহারা হিন্দুস্থানী হইয়াছিল। কিন্তু রক্তের প্রভাবে সমগ্র তাতার-মণ্ডলে নানা ক্ষেত্রে লেন-দেন, বিনিময় ও আদান-প্রদান সহজসাধ্য হইয়াছিল। বর্তমান-কালে এশিয়াবাসীদের মধ্যে বহু বিষয়ে ঐক্য দেখিতে পাওয়া যায়। এই ঐক্যের মূল অনুসন্ধান করিতে অগ্রসর হইলে, এশিয়ায় মোগল-

প্রভাব ধরা পড়িলে । মৌর্যবংশের পরবর্ত্তের পর ইহতে প্রায় এক হাজার বৎসর পর্য্যন্ত ভারতে শক, কুষাণ ও ছগজাতীয় লোকের উপনিবেশ স্থাপিত হইয়াছে ;—তাহারা হিন্দু, বৌদ্ধ, সৌর, শাক্তদিগের সঙ্গে মিশিয়া গিয়াছে । সেইরূপ চীনেও হান্ সম্রাটগণের আমল হইতে মাৎশ্বায়ের যুগের অবসান পর্য্যন্ত, ছগ-আক্রমণ অথবা ছগরাজ্য-স্থাপন বন্ধ হয় নাই । তৎপরে চীনাগণের আবেষ্টনে পড়িয়া বৌদ্ধ হইয়াছে, কনফিউশিয়স হইয়াছে, তাও-ধর্ম্ম হইয়াছে । কিন্তু তাওপন্থী চীনা তাতারের জীবনে এবং সৌরপন্থী হিন্দু তাতারের জীবনে অনেক সন্মা আছে ।

চতুর্থতঃ, এই যুগে ভারতের সঙ্গে চীনের ঘনিষ্ঠ সম্বন্ধ ছিল । মুখ্যতঃ, দক্ষিণের বাণিজ্যীরাই আসা-যাওয়া করিতেন । বোল (Boul) প্রণীত “Buddhist Literature in China” অর্থাৎ “চীনের বৌদ্ধ সাহিত্য” গ্রন্থে এইরূপ কয়েকজনের নাম প্রকাশিত হইয়াছে । দক্ষিণের সঙ্গে সঙ্গে গোপভাবে অগ্ৰাণ্য বিষয়েরও আদান-প্রদান এই দুই জাতির মধ্যে যথেষ্ট হইয়াছিল । ভারত-প্রভাব যৌন্য আমলে পশ্চিম-এশিয়ায় ছড়াইয়া পড়ে ; কুষাণ আমলে মধ্য-এশিয়ায় ছড়াইয়া পড়ে ; গুপ্ত আমলে চীনে বা পূর্ব-এশিয়ায় ছড়াইয়া পড়ে ।

পঞ্চমতঃ, চীনে যাহাকে বৌদ্ধধর্ম্ম বলা হয়—তাহা শাক্যসিংহ-প্রচারিত নির্ঝাণ নয়—তাহা অশোক প্রতিষ্ঠিত “ধর্ম্ম”ও নয় । উহা বর্ত্তমান ভারতের তথাকথিত “হিন্দু” নামক ধর্ম্মানুষ্ঠানেরই উনিশ-বিশ মাত্র । সেই বৌদ্ধধর্ম্মের সাহিত্য সংস্কৃতে লিখিত, ‘পালি’তে নয় । এই ধর্ম্মের “বুদ্ধ” একজন দেবতা—ধর্ম্মপ্রচারক মানুষ ন’ন । ধর্ম্মানুষ্ঠানের অঙ্গ-প্রত্যঙ্গ সবই শৈব, শাক্ত, তান্ত্রিকগণের সুপরিচিত । :প্রতিমা-পূজা তাহার বিশেষ লক্ষণ । এই ধর্ম্ম হিন্দু-তাতার নরপতি

কণিকের আমলে তাতার-মণ্ডলের প্রধান কেন্দ্র উত্তর-পশ্চিম ভারতে প্রথম প্রবর্তিত হয়। এই কেন্দ্র হইতেই উহা মধ্য-এশিয়ার কেন্দ্র-কেন্দ্রে প্রেরিত হইয়াছিল। মধ্য-এশিয়া হইতে হ্যান্-সম্রাট মিংতি এই মাল চীনে আমদানি করেন। হ্যান্ আমলের পর তাতার সম্রাটগণই বিশেষভাবে মধ্য-এশিয়ার পথে ভারত হইতে নব শক্তি লাভের জন্ম সচেষ্ট হন। সুতরাং পৌদ্ধধর্ম তাতার-মুলুকে উৎপন্ন হইয়া তাতারমণ্ডলে প্রসার লাভ করিয়াছে—সাধারণভাবে এই কথা বলা বাইতে পারে।

• তাঙ ও সুঙ আমল ।

মাংসু-স্মার নিবারিত হইল। শি-হোয়াংতি এবং হ্যান্-ট্যাংর পৌরবয়ুগ ফিরিয়া আসিল। সমগ্র চীনমণ্ডল অধুণ সাম্রাজ্যে পরিণত হইল।

(১) সুই (Sui) বংশ (৫৮৯-৬১৯)। এই বংশের প্রবর্তক 'উত্তি' অর্থাৎ দিগ্-বিজয়ী বা বিক্রমাদিত্য উপাধি গ্রহণ করেন। এই আমলে চীনে নাকি ভারতীয় চাতুর্ক্য প্রবর্তিত হইতেছিল। একমায়ে এই তথ্য হইতেই হিন্দু প্রভাবের পরিমাণ আন্দাজ করা যায়। এই আমলে দক্ষিণে আনান ও টংকিন এরং উত্তর পূর্বে কোরিয়া পর্য্যন্ত চীনের সেনা প্রেরিত হইয়াছিল।

ভারতবর্ষে এই আমলে পূর্ববর্তী গুপ্ত-সাম্রাজ্যের উত্তরাধিকারিগণ লুপ্ত-কীর্তির পুনরুদ্ধারে যত্নবান্। তাঁহাদের মধ্যে শশাঙ্ক অগ্রগণ্য।

শেষ পর্যন্ত কাঙ্ক্ষকূলের এক নূতন বংশ ধীরে-ধীরে মাথা তুলিতে সমর্থ হইলেন। হন-বিজয়ী বর্ধন-বীরের পুত্র হর্ষবর্ধন আর্ঘ্যাবর্তে এখন একরাট (৬০৬)। দাক্ষিণাত্যে চালুক্যরাজ তৃতীয় পুলকেশী হর্ষবর্ধনের প্রবল প্রতিদ্বন্দ্বী। দক্ষিণ অঞ্চলে ৬২০ খৃষ্টাব্দের পরাজয়ের পর হর্ষবর্ধন আর্ঘ্যাবর্তে লইয়াই সমুদ্রে থাকিলেন।

এদিকে আরবে মহম্মদের জন্ম হইয়াছে (৫৭০)। এক্ষণে এই যুগপ্রবর্তক বীরবর যেন বা টানিয়া ছিঁড়িয়া ভূতল নূতন করিয়া গড়িবার জন্য প্রস্তুত হইতেছেন। মুসলমানদিগের দিগ্বিজয় শীঘ্রই শুরু হইবে। আর, জাপানে শোতোকু তাইশি (৫৭৩-৬২১) চীনা ও ভারতীয় মাল আমদানি করিতেছেন। জাপানী সভ্যতার জন্ম হইল।

এখন ইয়োরোপে চূড়ান্ত বিশৃঙ্খলা এবং ইংলণ্ডেই সাত-সাতটা স্বাধীন রাজ্য। ইতালী, স্পেন, ফ্রান্স, স্বাভিভিয়া ইত্যাদি জনপদে নিত্যনূতন পরিবর্তন, আর মধ্য-ইয়োরোপের বর্ষবর্ষগুলি ত সকল প্রকার ঝাটিকার কেন্দ্র। অধিকন্তু কনষ্টান্টিনোপলের জাষ্টিনিয়ান-স্থাপিত সাম্রাজ্যও এই সময়ে ভাঙিয়া গিয়াছে।

দেখা যাইতেছে যে, সমগ্র এশিয়াতেই সপ্তম শতাব্দীর প্রথম ভাগে এক বিরাট কাণ্ডের আয়োজন চলিতেছে—ইয়োরোপের এখন ঘোর অমানিশা বা “ডার্ক এজ্”। পূর্বেও কয়েকবার দেখা গিয়াছে যে, এশিয়া ইউরোপের আগে-আগে চলে।



(২) তাঙ্ (৬১৮-৯০৫) বংশ

এই বংশের নাম ও বৃত্তান্ত না জানিলে চীনের কথা জানা হইল না। তিন শতাব্দী ধরিয়। এই বংশের রাজত্বকাল,—কিন্তু যথাথ কমতাবান্ চীনেশ্বরের সংখ্যা অতি অল্প। পৃথিবীর সকল নেপোলিয়ান-বংশেরই এই অবস্থা। দুই পুরুষ বা তিন পুরুষের অধিককাল কোন বংশে নামজাদা লোক জন্মগ্রহণ করেন নাই। একজন নেপোলিয়নের পর দশজন রামা-শ্যামার আবির্ভাব হইয়া থাকে। এই চীনা বিক্রমাদিত্যগণের বংশেও দু-একজনের বেশী বিক্রমাদিত্য জন্মেন নাই। তাঙ্‌বংশে একুশ জন সম্রাট্ হন—তাঁহাদের অধিকাংশই দুর্বল ও নগণ্য ছিলেন। অশান্তি এবং অন্তর্বিদ্বেহ ও শত্রুর আক্রমণ চীনে প্রায়ই দেখা দিত। অনেক ক্ষেত্রেই মন্ত্রিবর্গ অথবা কস্মচারিগণ কিংবা সেনাপতিরা সম্রাটের উপর কর্তৃত্ব করিতেন।

সর্বপ্রসিদ্ধ তাঙ্ সম্রাটের নাম তাই-চুঙ্ (Tai Tzung)। ৬২৭ হইতে ৬৫০ পর্যন্ত তাই-চুঙের রাজত্বকাল। সমগ্র চীন-মণ্ডল তাঁহার অধীনতা স্বীকার করে। তিনি চীনের বাহিরে একটা “বৃহত্তর চীন” গঠনেরও প্রয়াসী ছিলেন। তাঁহার বাহুবলে মধ্যএশিয়া চীনের অধীন হয়। কাম্পিয়ান সাগর পর্যন্ত তাঁহার সাম্রাজ্য বিস্তৃত হইয়াছিল। পশ্চিমে পারশ্ব, দক্ষিণে হিন্দুকুশ ও হিমাচল, উত্তরে সাইবিরিয়া এবং পূর্বে মহাসাগর তাই-চুঙের সাম্রাজ্যসীমা। কোড়িয়া দখল করিবার জন্য তিনি সেনা পাঠাইয়াছিলেন। তাঁহার মৃত্যুর পর কোড়ীয় চীন-সাম্রাজ্যের অন্তর্গত হয়।

শিহোয়োংতি চীনের আধখানা পাইয়াই চীনেশ্বর হইয়াছিলেন। চীনা-দাক্ষিণাত্যে তাঁহার আদেশ স্বীকৃত হইত কি না, জানা যায় না।

হ্যান আমলে চীনা-দক্ষিণাত্য বোধ হয় চীনা-আর্য্যবর্তের সামিল হয়। তাহার পর হইতে বর্তমান চীনের সকল প্রদেশেই মোটের উপর চীন-মণ্ডলের অন্তর্গত ছিল, বলা চলিতে পারে। মাৎশুয়ায়ের যুগে এই জনপদে অনেকগুলি স্বয়ংপ্রধান রাষ্ট্র ছিল সত্য—কিন্তু বর্তমান চীনের কোন অংশই তখন চীনা-সভ্যতার বাহিরে ছিল না। তবে দক্ষিণ অঞ্চলের পার্শ্বতা-প্রদেশের অধিবাসিগণ পূরাপুরি চীনা হইতে পারে নাই ;—বস্তুতঃ আজও তাহারা সম্পূর্ণ চীনা নয়।

তাই-চুঙের আমলে চীন মণ্ডল'ত ঐক্যবন্ধ হইলই—আধিকন্তু একটা বৃহত্তর-চীনও গড়িয়া উঠিল। চীন-সাম্রাজ্য বলিলে আমরা বর্তমান কালে চীনমণ্ডলের বহিভূত ঐক্যত, তুর্কীস্থান, মঙ্গোলিয়া, মাকুরিয়া এবং কোড়ীয়া এই পাঁচ প্রদেশও চীনের সামিল করিয়া থাকি। সেই চীন-সাম্রাজ্য তাই-চুঙের পূর্বে কখনও ছিল না। তাহার বাহুবলেই চীন-সাম্রাজ্য প্রথম স্থাপিত হয়। তাহার মৃত্যুর পর কোড়ীয়া দখল হইলে, আজকালকার চীন-সাম্রাজ্য সর্ব্বাঙ্গে পূর্ণ হইল। তাঙ-আমলের ইহাই প্রথম গৌরব। তাঙ-যুগের আর একটা কথা মনে রাখা আবশ্যিক। চীনে সভ্যতার দ্বারা উত্তর-পশ্চিম অঞ্চল হইতে পূর্ব এবং দক্ষিণে নামিয়া আসিয়াছে। অতি অল্পকালের মধ্যেই পূর্ব-অঞ্চল পশ্চিমের রীতিনীতি গ্রহণ করিয়াছিল ; কিন্তু দক্ষিণ অঞ্চলকে চীনা করিতে অনেক সময় লাগিয়াছে। তাঙ-যুগে সমুদ্রকূলের কোয়াংটুঙ-প্রদেশ চীনের অন্তর্গত চীনে পরিণত হইল। দক্ষিণের লোকেরা উত্তরের আদর্শ ও রীতিনীতি অনুসারে জীবনগঠন করিতে শুরু করিল ; এমন কি তাহারা তাঙ-সন্তান বলিয়া নিজের পরিচয় দিতে গৌরব বোধ করিত।

ভারতবাসীর পক্ষে তাই-চুঙ-পরিব্রাজক যুয়ান-চোয়াঙের আশ্রয়-

দাতা ও সংরক্ষক বলিয়া চিরস্মরণীয় । য়়ান্-চোয়াঙ্, ৬২৯ খৃষ্টাব্দে চীন হইতে ভারতে আসেন । তখন তাই-চুঙের রাজত্বকাল আরম্ভ হইয়াছে । ১৬ বৎসর পরে য়়ান্ দেশে ফিরিয়া যান । তখন চীনের নেপোলিয়ান নানাবিধ রাষ্ট্রীয় ও সামরিক কামো নিপুণ । য়়ান্ মধ্য-এশিয়ার পথে ভারতে আসিয়াছিলেন,—এই পথেই আবার ফিরিয়া-ছিলেন । বলা বাহুল্য, মধ্য-এশিয়া তখন বৃহত্তর চীনেরই অংশমাত্র,— কিন্তু জ্ঞানবিজ্ঞান ও সভ্যতার হিসাবে মধ্য এশিয়া এখনও “বৃহত্তর ভারতের” অগতম কেন্দ্র ।

তাঁও আমল ভারতবাসীরও পৌরব-যুগ । মৌর্য-ভারত ও গুপ্ত-ভারত আবার ফিরিয়া আসিয়াছিল । তাই-চুঙের সম সামরিক দুইজন হিন্দু নেপোলিয়ানের কথা য়়ান্-চোয়াঙ্, চীন্দাদিকে জানাইয়াছিলেন । কারণ তিনি দুইজনেবই রাজ-অতিথি ছিলেন । আর্থাবর্তেব হংবর্কিন (৬০৬ ৪৭) এবং দাঙ্কাতোর বিগৌয় পুন্সকশী (৬০৮-৫৫) ভারতের তাই-চুঙ্ । এদিকায় একসঙ্গে তিন জন নেপোলিয়ানের অভ্যুদয় তইয়াছিল, বলিতে হইবে ।

তাহার পর তাই-চুঙের বংশধরগণ দুর্ভাগ্য তইয়া পড়িতেছিলেন— ভারতবর্ষে নব নব বংশে নব নব নেপোলিয়ানের জন্ম হইতেছিল । এই সময়ে ভারতীয় সমাজের পরদায়-পরদায় হিন্দুপ্রভাবাধিত তাতার জাতির অস্থিমজ্জা মিশ্রিত ছিল । কণ্ঠকুঞ্জের গুজ্জর প্রতিহার বংশ ৮১৬ খৃষ্টাব্দে সাম্রাজ্য স্থাপন করেন । ১১২৪ খৃষ্টাব্দ পর্যন্ত এই বংশের সন্তানগণ আর্থাবর্তে রাজত্ব করিয়াছিলেন । তাঁও-বুগের মধ্যে সম্রাট গিতিরভোজ (৮৪০-৯০) গুজ্জর-বংশের তাই-চুঙ্ পদবাচ্য হন । আর এই যুগেই প্রাচ্য ভারতের বরেন্দ্রমণ্ডলে বাঙ্গালী তাই-চুঙ্ বা নেপোলিয়ানের অভ্যুদয় হইয়াছিল । এই নেপোলিয়ান বংশের নাম

পালবংশ (৭৩০-১১৭৫) । তাড় আমলের মধ্যে ধর্মপাল এবং দেবপাল ৭৮০ হইতে ৮৯২ পর্য্যন্ত উত্তর-ভারতে বঙ্গ-মণ্ডল স্থাপন করিয়া-ছিলেন । কবি সুরভ চক্রবর্তীর বচন উদ্ধৃত করিয়া সেই 'বৃহত্তর বঙ্গের' পরিচয় দিতেছি :—

“অবাস্ত্র ভোজগুর্জর কীর বাঘো যাহার নমিতাশর,
নাৎস্ক্যায়ের কণ্টক যেন উপাড়িল বলে ধরিত্রীর ;
কান্তকুলে ধণ্ডিতারতি স্থাপিল যে পুনঃ সিংহাসন ;
কাশ্মীরে রামস্বামীর ধ্বংস করেছে যাহার পুত্রগণ,
হৈহয় আর রাঠোর দণ্ড কণা যাহারে করিয়া দান ;
সে বীরমাতার”—

প্রভাব-মণ্ডলে হিন্দুস্থানের নরনারীগণ চীনা তাড়-যুগে জীবনযাপন করিত।

জাপানে তাই-চুঙের আমলে নারা নগরীতে চীনা ও হিন্দুসভ্যতা প্রবর্তিত হইতেনি (৭১০-৯৪) । পরবর্তীকালে জাপানের রাষ্ট্রকেন্দ্র কিয়োতো নগরে স্থানান্তরিত হয় । সেইখানেও জাপানীরা ভারতীয় ও কনফিউশিয় জ্ঞানবিজ্ঞান শিক্ষা করিতে লাগিল । জাপান প্রথম হইতেই ভারত ও চীনের শিষ্য । দুই দেশের সকল উৎকর্ষই জাপানী-সমাজে পুঞ্জীকৃত । ক্ষুদ্র জাপানে তাড়-যুগে রাষ্ট্রীয়-গৌরব বিশেষ কিছু নাই । জামিদারেরা লাঠালাঠি করিতেছে—মিকাদোর কমতা প্রায় লুপ্ত । কিন্তু অন্যান্য সকল বিষয়ে জাপান এশিয়ার “জের” মাত্র ।

এদিকে পশ্চিম-এশিয়ায় মহম্মদ দিগ্বিজয়ে বাহির হইয়াছেন । ৬৩২ খৃষ্টাব্দে মহম্মদের মৃত্যু হয় । তখন তাই-চুঙ, হর্ষবর্দ্ধন এবং পুলকেশীর গৌরব-রবি মধ্যাহ্ন গগনে অবস্থিত । কিন্তু মহম্মদের

স্বভূতে মহম্মদের গৌরব কিছুমাত্র কমিল না : বরং সত্তর আশী বৎসরের ভিতর আরব, পারস্য, সীরিয়া, মিশর, আফ্রিকার উত্তর কূল এবং স্পেনে পর্যন্ত মহম্মদের নাম প্রচারিত হইল । অষ্টম শতাব্দের প্রথম ভাগেই (৭১২) এক বিপুল মুসলমান সাম্রাজ্য এশিয়াবাসীর কীর্তিস্তম্ভ এবং ইয়োরোপীয়ানের আতঙ্কস্থল হইয়া পড়িল । অষ্টম শতাব্দীর মধ্যভাগে একটা ভাঙ্গিয়া তিনটা স্বাধীন মুসলমান রাষ্ট্র পাড়াইয়া গেল । এশিয়ার মুসলমানসাম্রাজ্যের কেন্দ্র হইল বাগদাদ (৭৪৯) । ইয়োরোপে মুসলমান-সাম্রাজ্যের কেন্দ্র হইল কর্ডোভা (৭৫৬) । আফ্রিকায় মুসলমান কেন্দ্র হইল কাইরো (৭৮৫) । মুসলমান সাম্রাজ্যের অধীশ্বরগণ “খলিফা” নামে পরিচিত । নবম শতাব্দীর প্রথমভাগে হারুণ আলরশিদ বাগদাদের জগদ্বিখ্যাত খলিফা । তাঁহাকে মুসলমানদিগের বিক্রমাদিত্য বিবেচনা করা যাইতে পারে । তাঁহার সমসাময়িক ভারতবীরের নাম বঙ্গের ধর্মপাল ।

তাৎ-যুগের মধ্যে (৬১৮-৯০৫) মুসলমানেরা ভারতবর্ষ পর্য্যন্ত হামুলা চালাইয়াছেন । মুসলমান জাহাজ ক্যান্টন পর্য্যন্ত পৌঁছিয়াছে । চীনের বন্দরে-বন্দরে মসজিদ মাথা তুলিয়াছে । ৭৫১ খৃষ্টাব্দে ক্যান্টনে প্রথম মসজিদ নির্মিত হয় । উহা আজও দণ্ডায়মান । প্রসিদ্ধ চীনা সহরে মুসলমান-পাড়া বৈশ জন্মকাল ভাবে দেখা দিয়াছে । ভারত-সহসাগরের বাণিজ্য মুসলমান জাতি এক্ষণে বোধ হয় অগ্রণী । এদিকে মধ্য এশিয়ার হিন্দুগণও লুপ্ত হইয়াছে—স্থলপথে চীনের সঙ্গে ভারতের আদান-প্রদান বন্ধ হইয়া গেল । চীনের রাজধানীতে অসংখ্য খৃষ্টান এবং জারাখৃষ্টোপত্তী পাশী ইসলামের আক্রমণ হইতে আশ্রয় পাইয়া বাচিল । সমগ্র এশিয়ার ভূমিকম্প উৎপন্ন হইল । ইতিপূর্বে ইয়োরোপে হ ধর্মকেতু উদ্ভিত হইয়াছে ।

ইয়োৰোপে এতদিন অমানিশা ছিল ; সৰ্ব্বত্ৰই মাৎস্ৰ্ণায় অথবা বৰ্ষৰগণের আক্রমণ । তাহাৰ উপৰ মুসলমান উৎপাত আসিয়া জুটিল । ইয়োৰোপের সীমানা কমিতে থাকিল—মুসলমান-প্রভাৱে ইয়োৰোপের বৃকৰ ভিতৰ এশিয়াৰ সীমানা বাঢ়িতে লাগিল ।

কন্ঠাটিনোপলের সম্রাটগণ প্রথমেই মুসলমানদিগের ধাক্কা খাইতে বঞ্ছা হইলেন—একে একে পরাজয়-স্বীকাৰ কৰিতে লাগিলেন । ৭১৮ খৃষ্টাব্দে মুসলমানেরা কন্ঠাটিনোপল দখল কৰিতে উন্নত হইয়াছিলেন । ঘটনাচক্রে উদ্যম সফল হয় নাই । ১৪৫৩ খৃষ্টাব্দে সাত শতাব্দীৰও অধিক পৰে ক্ৰম মুসলমানের দখলে আসিয়াছে ।

অপর দিকে খাঁটি ইয়োৰোপে একমাত্ৰ ফৰাসীৰাজ নামজাদা হইয়াছেন । তাহাৰ নাম জগদ্বিখ্যাত শাৰ্লমান (৭৬৮-৮১৪) । ইনি হাৰুণ আল্‌রসিদ এবং ধৰ্ম্মপালের সমসাময়িক । ইঁহাকে নেপোলিয়ন, তাই-চুঙ্ বা বিক্রমাদিত্যের গৌৰব প্ৰদান কৰা হইয়া থাকে । শাৰ্লমানের বড় সাধ. তিনি একবার টাঙ্কানের সিংহাসনে বসিবেন—একবার “ৰোমেশ্বৰো বা জগদীশ্বৰো বা” ৰূপে অভিনন্দিত হইবেন । অতবড় আকাঙ্ক্ষা পূৰ্ণ হয় নাই । তবে আজকালকার গোটা ফ্ৰান্স, ইংলণ্ড, বেলজিয়াম, সুইটজৰ্লণ্ড, গোটা জাৰ্মানি এবং আধখানা ইতালী তাহাৰ বংশে আসিয়াছিল । ইঁহাকেই তিনি ফৰাসী ‘ৰোমান সাম্ৰাজ্য’ বিবেচনা কৰিতেন । তাঁহাকে মুসলমানের সঙ্কে লড়িতে হইয়াছিল • তাহাৰ মৃত্যুৰ পাৰ্ব্বই ইয়োৰোপের পোড়া কপালে আবার মাৎস্ৰ্ণায় আসিয়া জুটিল । তাও আমলের শেষভাগে ইংলণ্ডে সবেমাত্ৰ একা প্ৰবৰ্ত্তিত হইয়াছে ।

(৩) মাংস্রাচারের দ্বিতীয় যুগে (৯০৭-৬০)

বংশপত্রিক

চীনে এখন আর একবার “ষ্টেট্ অব্ নেচাব” বা অরাজকতা বা মাংস্রাচার উপস্থিত । তাৎ যুগের পরেই বহুসংখ্যক খণ্ড-চীন । এই যুগে তাতারেরা বারবার উত্তর-চীনে দৌরাণ্য করিতেছে । তাহাদিগকে গাটিয়া উঠিতে সম্রাটগণ অসমর্থ । সম্রাটেরা অতি দুর্বল ; সেনাপতিগণের অঙ্গুলিসন্ধিতে উঠিতেছেন, বসিতেছেন । আর সাম্রাজ্যের একান্তিমাত্র মাত্র ইয়াংসির উত্তর পর্যন্ত বিস্তৃত । তাহার দক্ষিণের নবাবেরা রাজধানীতে কোন সংবাদ পাঠান না । অর্ধশতাব্দীকালের মধ্যে নামে মাত্র চীনসম্রাট হইবার জন্যই পাঁচটা বংশ হইতে প্রতিদ্বন্দ্বী জুরিলেন ।

(ক) অর্ধাচীন-লিয়াও বংশ (৯০৭-২৩) ।

(খ) অর্ধাচীন-তাৎ বংশ (৯২৩-৩৬) ।

(গ) অর্ধাচীন-চীন বংশ (৯৩৬-৪৬) ।

এই বংশের প্রবর্তক অর্ধাচীন-তাৎ বংশ ধ্বংস করিবার সময়ে তাহারগণের সাহায্য লইয়াছিলেন । সাহায্যের মূল্য স্বরূপ তিনি রাজ্য হইবার পর তাহারদিগকে রাজ্যের কিয়দংশ দান করিতে বাধ্য হন । অধিকন্তু তাহারেরা তাহার নিকট কিছু বার্ষিক কর ও আদায় করে । এইরূপ অপমান সহ্য করিয়াছিলেন বলিয়া, চীনা-সমাজে তিনি নিকৃষ্ট রূপের নরপতিরূপে স্মরণও নিন্দিত হইয়া থাকেন ।

(ঘ) অর্ধাচীন-হান্ বংশ (৯৪৭-৫১)

(ঙ) অর্ধাচীন-চাও বংশ (৯৫১-৬০)

এই যুগে আৰ্য্যাবর্তের প্রথম পাল-সাম্রাজ্য ভাঙ্গিয়া গিয়াছে । তাতার বা মঙ্গোলিয় তিব্বতী জাতি বরেন্দ্র দখল করিয়াছে, গুজুর প্রতিহার বংশের গৌরব কমিতেছে । দাক্ষিণাত্যের নরপতিগণ বলিষ্ঠ হইয়া উঠিতেছেন । পশ্চিমপ্রান্তে মুসলমান-বিজয় শুরু হইয়াছে ।
কালতঃ ভারতবর্ষে ও দশমশতাব্দীর প্রথমার্ধে মাৎসুরায়েরই যুগ । —

এদিকে মুসলমান কেন্দ্রের সর্বত্রই ভাঙ্গন লাগিয়াছে । এক-রাষ্ট্রের স্থানে চারি রাষ্ট্র দেখা দিতেছে । কিন্তু স্পেনের মুসলমান খলিফা এক্ষণে খুব প্রবল । তাহার নাম তৃতীয় আবদুল রহমান (৯১২-৬১) । ষাশ ইয়োরোপে এই সময়ে একজন জার্মান নরপতি করাসী শালগাম্যানের দৃষ্টান্তে একটা সাম্রাজ্য গড়িতেছেন । তাহার নাম প্রথম অটো । অটোর (৯৩৬-৭৩) সাম্রাজ্যের নাম জার্মান সাম্রাজ্য । টাঙ্কানের ত্রিভুবনব্যাপী সাম্রাজ্যের সিংহাসনে বসিবার সাধ সকলেরই ! ভারতায় 'বত্রিশ সিংহাসনের' কাহিনী মনে পড়ে ।

(৪) সূউ-বংশ (৯৬০-১১৭৯)

তাউ-বংশের সমর-গৌরব ও রাষ্ট্র-গৌরব ছিল । কিন্তু সূউ-বংশের গৌরব প্রধানতঃ সাহিত্যে, দর্শনে ও শিল্পে । সূউ-বংশে নেপোলিয়ান বা নেপোলিয়ান-কল্প কোন সম্রাট জন্মেন নাই । বস্তুতঃ চীনা সভ্যতার চরম বিকাশ চীনাদের অতি দুঃসময়ে দেখা দিয়া ছিল । চীনের রাষ্ট্রীয় স্বাধীনতার লোপ এবং চীনা প্রতিভার পূর্ণ পরিণতি সমসাগমিক !

(ক) অথও চীনে সুঙ-রাজত্ব (১৬০-১১২৭)।

দক্ষিণ অঞ্চলের সর্বত্র শান্তি এবং শৃঙ্খলা ছিল। কিন্তু উত্তরে তাতার-উপদ্রবে সম্রাটেরা ব্যতিব্যস্ত ছিলেন। তাহাদিগকে শান্ত করিবার জন্য চীনেশ্বরগণ নিম্নাজনক সন্ধিসূত্রে আবদ্ধ হইতে লাগিলেন এবং বাসিক কর দিতেও প্রতিশ্রুত হইলেন। এই সময়ে তাতার-জাতীয় দুই বংশের মধ্যে প্রতিদ্বন্দ্বিতা শুরু হয়। একবংশ মোগল, অপর বংশ মাঞ্চু। মোগল তাতারদিগের সঙ্গে চীনাদের পরিচয় আক্রমণ নুতন নয়। মাঞ্চুরাই চীনের উত্তর-পূর্বাঞ্চলে নুতন উৎপাত নাড়াইল। একজন সম্রাট মাঞ্চুদিগকে মোগলের বিরুদ্ধে গড়াইবার ফাঁদ করিলেন। তাহাতে মোগলেরা হারিল বটে—কিন্তু মাঞ্চু-তাতারেরা চীন সম্রাটকে পাইয়া বসিল। চীন সম্রাট সত্যসত্যই “catch a Tartar” বা “হাঁস কমানি ছোড় দিয়া, লেকিন কমানি হাসকে। নেহি ছোড়তা” অবস্থায় পড়িলেন। ভারতের রাণা সংগ্রামসিংহও একবার এইরূপে তাতার-প্রেমে মজিয়াছিলেন। তাতারের পাল্লায় পড়িয়া উদ্ধার পাওয়া কঠিন। চীনের “আর্য্যাবর্ত” মাঞ্চুদের দখলে আসিল। ১১২৭ হইতে ১২৪১ পর্য্যন্ত মাঞ্চুরা কর্তৃত্ব করিলেন। সুঙেরা উয়ান্দিগের দক্ষিণে বসবাস করিতে বাধ্য হইলেন।

এইআমলের দুইজন চীনা-রাষ্ট্রবীর সুপ্রসিদ্ধ। একজনের নাম ওয়াঙ-আন-শি (১০২১-১০৮৬)। অপর জনের নাম ছি-মা-কিয়াঙ্ (১০১২-৮৬)। এই দুইজনে সর্বদা আড়াআড়ি চলিত। ছি (Sze) পুরাতন-পন্থী ছিলেন—আর ওয়াঙ্ (Wang) ছিলেন নব্যতন্ত্রের প্রবর্তক। ছি মাকাতার আমলের কনফিউশিয়-সংহিতার সূত্র আওড়াইয়া রাষ্ট্র-শাসন করিতে চাহিলেন। ওয়াঙ্ একদম নুতন প্রণালী চালাইতে চাহিলেন। ওয়াঙ্ কয়েক বৎসরের জন্য তাহার মত কার্য্যক্ষেত্রে

প্রয়োগ করিবার সুযোগ পাইরাছিলেন । ছি একজন মুকবি ছিলেন—
তাঁহার প্রণীত ইতিহাস গ্রন্থও সুপ্রসিদ্ধ ।

এই সময়ে প্রাচ্যভারতে প্রথম মহীপাল (৯৮০-১০২৬) দ্বিতীয়
পাল-সাম্রাজ্য স্থাপন করিয়াছেন । তাঁহাকে পাহাড়ী কাষোজ বা
তাণ্ডারবংশ ধ্বংস করিয়া পিতৃভূমি বরেন্দ্রী উদ্ধার করিতে হইয়াছিল ।
প্রাচ্য-ভারতের স্বাধীনতা টাঁকিয়া গেল—কিন্তু ইতিমধ্যে আর্য্যাবর্তের
অধিকাংশ মুসলমানের অধিকারে আসিয়াছে । এই যুগে দাক্ষিণাত্যের
চোল-বংশীয় রাজ রাজ (৯৮৫-১০১৮) এবং রাজেন্দ্র (১০১৮-৩৫)
ভারতের নেপোলিয়ান-কল্প সম্রাট । তাঁহাদিগের নৌশক্তি অতিশয়
প্রবল ছিল ।

দাক্ষিণে চোল-সাম্রাজ্য ৯০ হইতে ১৩০০ পর্য্যন্ত ভারতের স্বাধীনতা
রক্ষা করিতে থাকিল । এদিকে প্রাচ্যভারতে পালের গৌরব লুপ্ত
করিয়া সেনবংশ মাথা তুলিল । মাকুরা যখন সুড়-সম্রাটগণকে ইয়াং-
সির দাক্ষিণে পরাসিত্তে বাধা করে, তখন বণকুশল বিজয়সেনের (১০৬০-
১১০৮) বঙ্গসাম্রাজ্যে পরাক্রান্ত লক্ষ্মণসেন উপবিষ্ট (১১২০-৭০) ।
বিজয়সেন বাঙ্গালীর শেষ সমুদ্রগুপ্ত, আর লক্ষ্মণসেন শেষ
বিক্রমাদিত্য ।

এই যুগে মুসলমান জাতির বিজয়গৌরব কিছুমাত্র কমে নাই—
দরং এশিয়ার বিশেষতঃ ভারতবর্ষে বাড়িয়াই চলিয়াছে । কিন্তু
বহুসংখ্যক স্ব-স্বপ্রধান রাষ্ট্র মুসলমান-মণ্ডলে উৎপন্ন হইতেছে ।
মুসলমানেরা মাংসভোজের কুফলে ভুগিতেছেন । ইয়োরোপের সকল
জাতীয় খৃষ্টান মিলিত হইয়া মুসলমানের বিরুদ্ধে একবার ধর্ম্মযুদ্ধে ব্রতী
হইলেন (১০৯৫) । তাহাতে খৃষ্টানদিগের জয় হইল ।

এদিকে ইংলণ্ড করাসী নরমানজাতি কর্তৃক বিজিত হইয়াছে (১০৬৬) । জার্মান—“রোমান” সাম্রাজ্য চলিতেছে । ইতালীর লোকেরা জার্মান-সম্রাটগণের বিরুদ্ধে যাবৎ যাবৎ ক্ষেপিয়া উঠিতেছে । রোমের ধর্মধাক্ক পোপের সঙ্গে জার্মান-সম্রাটের কলহ উপস্থিত হইয়াছে ।

কলহ একাদশ ও দ্বাদশ শতাব্দীতে পৃথিবীর প্রায় সকল স্থানেই স্বাধীনতা নাই—এবং চিরস্থায়ী ন্যেপোলিয়ান-কল্প ব্যক্তি অভ্যস্ত বিরল । হুনিয়া ভরিয়াই মাংসখণ্ড চলিতেছে বলিলেও দোষ হইবে না ।

(খ) দক্ষিণ সুও (১২২৭-১২৭৯) ।

সুওরা প্রথমে নান্‌কিং রাজধানী প্রবর্তন করেন । পরে আরও দক্ষিণে হ্যাংচাওয়ে রাষ্ট্রকেন্দ্র স্থানান্তরিত করিতে বাধ্য হন । এদিকে চীনের আর্ঘ্যাবৃত্তে মঙ্গলা বারবার মোগল আক্রমণ ভোগ করিতেছেন তাহাদের রাজধানী বর্তমান পিকিংয়ের সন্নিকটে অবস্থিত ছিল । মোগল দলপতি চেঙ্গিজ খাঁ উত্তর চীন বিধ্বস্ত করিলেন । (১২১৩-২৭) । ১২৪১ খৃষ্টাব্দে মাকুরা মোগল কর্তৃক বিনষ্ট হইলেন । তাহার পর মোগলেরা চীনা-দক্ষিণাত্য আক্রমণ করিল । ১২৫৯ খৃষ্টাব্দে কুবলা খাঁ মোগল দলপতি হন । সুওরা কোন মতেই মোগলের গতি রোধ করিতে পারিলেন না । হঠাৎ-হঠাৎ সাম্রাজ্যের দক্ষিণতম সীমায় উপস্থিত হইলেন । ১২৮০ খৃষ্টাব্দে ক্যান্টনের নিকটবর্তী এক ক্ষুদ্র ঘাঁপে সুও বীরগণের শেষ যুদ্ধ হয় । স্বদেশরক্ষায় অসমর্থ হইয়া সেনাপতি লু-সিন-ফু (Lu Siu fu) স্বকীয় পুত্রকলত্রের আত্মহত্যায় সাহায্য করিলেন—অবশেষে শিঙ-সম্রাটকে কোলে করিয়া সমুদ্রের মধ্যে ডুবিয়া মরিলেন । ভারতীয় রাজপুত্র বীরগণের আদর্শ ই চীন স্বদেশ সেবকগণও অসিধারণ করিতেন ।

এই যুগে সমগ্র আর্ধ্যাবর্ত্ত মুসলমানের অধীন । দক্ষিণ ভারতে মুসলমান-প্রতাপ অগ্রসর হইতেছে । ইয়োৰোপের রাষ্ট্রমণ্ডলে পোপের সঙ্গে জার্মান-সম্রাটের লড়াই (১০৫৬—১২৫৪) প্রধান ঘটনা । তুর্কীরা কনষ্টান্টিনোপলের সম্রাটকে বিব্রত করিতেছে । বিলাতে স্কটল্যান্ড এবং ওয়েল্‌সের সঙ্গে লড়াই চলিতেছে । এদিকে মোগল বা তাতারবংশের প্রভাবে সমগ্র রুশিয়া কুব্জা খাঁর পদানত । বৌদ্ধ মোগল আগলে চীনারা পরাধীন—কিন্তু এই সময়ে “বৃহত্তর এশিয়ার” প্রতাপ ইয়োৰোপখণ্ডে বিরাজমান । এশিয়ার বিস্তার-সাধনই গোটা মধ্যযুগের রাষ্ট্রীয় ইতিহাসের প্রধান কথা ।

এতদিন মুসলমানেরা দক্ষিণ দিক হইতে ইয়োৰোপের চৌহদ্দি সঙ্কুচিত করিয়া রাখিয়াছিল । এইবার বৌদ্ধমোগলেরা পূর্বদিক হইতে ইয়োৰোপের ভিতর এশিয়ার সীমানা লইয়া গেল । বস্তুতঃ তুর্কী-দিগের কনষ্টান্টিনোপল দখলের (১৪৫৩) পর একশত বৎসর পর্য্যন্ত ইয়োৰোপীয়েরা, সর্বদা এশিয়াবাসীর ভয়ে জড়সড় হইয়া থাকিত ।

একাদশ, দ্বাদশ ও ত্রয়োদশ শতাব্দীতে সর্বসমেত সাতবার পৃষ্ঠা-নেরা মুসলমানের বিরুদ্ধে ধর্মযুদ্ধ ঘোষণা করেন । এই ধর্মযুদ্ধ বা “ক্রুজেড্”গুলির রুত্তান্ত হইতেই বুঝা যায় যে ইয়োৰোপীয় নরনারী এশিয়াবাসীর আক্রমণ হইতে কোনমতে আত্মরক্ষার জন্য বারপার নাই উদ্বিগ্ন ছিলেন । এশিয়া আক্রমণ করে, ইয়োৰোপ আত্মরক্ষা করে । খৃষ্টপূর্ব পঞ্চম শতাব্দী হইতে খৃষ্টীয় ষোড়শ শতাব্দী পর্য্যন্ত ইতিহাসের সাক্ষ্য এইরূপ ।

চীনাদের ইতিহাস-সাহিত্য ।

ভারতীয় সাহিত্যে ইতিহাস-গ্রন্থ খুঁজিয়া পাওয়া যায় না । সংস্কৃত, প্রাকৃত, পালি, তামিল, হিন্দী, মারাঠি, বাঙ্গালা ইত্যাদি কোন ভাষায়ই বোধ হয় খাঁটি ঐতিহাসিক গ্রন্থ রচিত হয় নাই । ইহা ভারতবাসীর কলঙ্ক । দুনিয়ার বাহারা জ্ঞানবিজ্ঞানের খতিয়ান করিয়া থাকেন তাঁহারা আমাদের পূর্বপুরুষগণের এই কলঙ্ক কখনই মাফ করিবেন না । দুনিয়ার সকল কর্মক্ষেত্রেই বর্তমান ভারতের সম্মানগণ মাথা হেঁট করিয়া থাকিতে বাধ্য হন । প্রাচীন সাহিত্যের তরফ হইতে ইতিহাস শাখার কথা উঠিবামাত্র আমরা বাড় গুঁজিয়া বসিতে বাধ্য ।

হিন্দু সমাজে রাজরাজড়া ছিল—রাষ্ট্রশাসন ছিল—যুদ্ধব্যবসা ছিল রক্তারক্তি ছিল—জয় পরাজয় ছিল—দেশলুণ্ঠন ছিল । হিন্দুসমাজে বড় বড় সেনাপতি জন্মিয়াছেন—নামজাদা মন্ত্রী জন্মিয়াছেন, প্রসিদ্ধ রাজকর্মচারী জন্মিয়াছেন । শাল্যমান, পিটার, ফ্রেডারিক, নেপোলিয়ান বিস্মার্ক, কাভুর ইত্যাদির সমান রাষ্ট্রবীর ও রণবীর ভারতমাতা প্রত্যেক পঞ্চাশ বৎসরে অন্ততঃ একজন করিয়া প্রসব করিয়াছেন । চন্দ্রগুপ্ত, অশোক, কোটিল্য, সমুদ্রগুপ্ত, হর্ষবর্দ্ধন, ধর্মপাল, দর্ভপানি সোমেশ্বর, বিজয়সেন, রাজেন্দ্র চোল কুলোত্তুঙ্গ ইত্যাদি করিত-কর্ম্মা লোক ভারতবর্ষের উত্তর-দক্ষিণ-পূর্ব-পশ্চিম প্রান্তে গণ্ডা গণ্ডা জন্মিয়াছেন । তাঁহারা কি “নির্ঝিকার” চিন্তে দেশ জয় করিতে সমর্থ হইতেন ? রক্তগঙ্গা বহাইবার সময়ে এই সকল বীরগণ কি “অহিংসার” দোহাই দিতেন ? তাঁহাদের কি জগতে চিরস্মরণীয় হইয়া থাকিবার সাধ

ছিল না? যাহারা সমাগরা পৃথিবীর একাধিপত্য চাহিতেন তাঁহারা মানব-সমাজে অমর হইতে চাহিবেন না কি?

অথচ আমরা সেই সকল দেশজয় ও নগরলুণ্ঠনের কোন কথা ভারতীয় সাহিত্যে পাই না। “একাতপত্রং জগতঃ প্রভুত্বং” যাহারা ভোগ করিলেন তাঁহাদের সেনাপতিগণের নাম পর্য্যন্ত জানি না। হাজার বার ভারতভূমিতে রক্তগঙ্গা বহিয়াছে, কিন্তু কোনবারকার যুদ্ধান্তই ভারতবাসীর চিন্তায় স্থান পাইল না। প্রবলপ্রতাপ হিন্দু নেপোলিয়ান-গণের রাজদরবার হইতে একখানাও বার্ষিক বা অল্প কোন প্রকার রিপোর্ট বাহির হইল না! রক্ত মাংসের মানুষ একথা বিশ্বাস করিতে পারে না। আমি শত্রু ধ্বংস করিবার জন্য দিনরাত নিজের শক্তিবৃদ্ধি করিতেছি। ঢাক ঢোল পিটাইয়া লক্ষ লক্ষ ফৌজ লইয়া হাজার হাজার শত্রুর কেলা ফতে করিতেছি। বড় বড় শত্রুর মাথা সম্মুখে আনাইয়া হয়ত আনন্দে নৃত্যও করিতেছি। নূতন দেশ দখল করিয়া নিজের আইন, মুদ্রা ও বিচারব্যবস্থা সর্বত্র জারি করিতেছি। সকল উপায়ে নিজের নাম এবং নিজ রাজধানী ও পিতৃভূমির নাম জগতে জাহির করিবার জন্য উঠিয়া পড়িয়া লাগিয়াছি। অথচ সর্বাপেক্ষা সহজ ও সস্তা উপায় ভুলিয়া গেলাম! অগণিত তলোয়ারের খোঁচা মারিতে আমি সুপটু—আর দুইচারিদশ গুণা লেখকের কলমের খোঁচার মূল্য আমি বুঝি না! আমার প্রজারা নিজে গায়ে পড়িয়া হয়ত আমার দিগ্বিজয়ের কাহিনী না লিখিতে পারে। কিন্তু কয়েকজন চাটুকার কবি জুটান কি আমার পক্ষে কঠিন? তাহা ছাড়া, আমার আফিসের দলিলগুলিতে আমার বাহবা লিখাইতে আমি ভুলিয়া যাইব কি? কিন্তু ভারতীয় সাহিত্যের অবস্থা দেখিয়া মনে হয় যে হিন্দুস্থানের সালমান, ফ্রেডারিক, বিস্মার্কগণ এইরূপ

বেকুবিই করিয়াছেন। এই ধরণের বেকুবি নিতান্ত কাণ্ডজ্ঞানহীন পাগলের সাজে। কিন্তু ভারতীয় নেপোলিয়ানগণকে পাগল বেকুবি বা কাণ্ডজ্ঞানহীন বলে সাধ্য কার ?

তাহা হইলে ভারতীয় ইতিহাস-সাহিত্য কোথায় গেল ? রাজা-দিগকে চিরস্মরণীয় রাখিবার জন্ত যে সমুদয় কবি-প্রশস্তি লিখিত হইয়াছিল সে গুলি কোথায় গেল ? আর রাজদরবারে অল্পবস্ত্রে প্রতিপালিত পণ্ডিতেরাই দ্বিগ্ বিজয়ের একমাত্র কাহিনীলেখক হইতেন—এরূপ ভাবিবারও বিশেষ কোন কারণ নাই। দুই হাজার বৎসরের মধ্যে অনেক পণ্ডিতেরা স্বাধীনভাবে রাজ-কাহিনী বিবৃত করিতে প্রবৃত্ত হইয়াছিলেন। এইটুকু বিশ্বাস করিতে বেশী কল্পনা আবশ্যিক হয় না। কবিপ্রশস্তি, চাটুকারের বচন এবং রাজদরবারের সরকারী ইস্তাহার ছাড়াও জনগণের স্বতঃপ্রবৃত্ত ইতিহাসরচনা প্রাচীন ভারত সম্বন্ধে সহজেই অনুমান করা চলিতে পারে। রক্ত মাংসের মানুষ গৌরব চায়, কীর্তি চায়, প্রশংসা চায়। এই জন্ত গৌরব প্রচার করা, দেশের বশোগান করা, স্বজাতিকে অমর করা, মানুষমাত্রেই স্বভাবসিদ্ধ।

অথচ হিন্দুস্থানে আজও কোন ইতিহাস গ্রন্থ আবিষ্কৃত হইল না। দুনিয়ার লোকে ভারতবাসীকে সৃষ্টিছাড়া মানুষ ভাবিতেছে। এই কলঙ্ক মুখের বক্তৃতায় ঘুচিবে না। এই কলঙ্ক সম্পূর্ণ অসম্ভব—ইহা আদৌ বিশ্বাসযোগ্য নয়। কিন্তু ইহা খাঁটি সত্য। ভারতবর্ষ সম্বন্ধে এই ধরণের অসম্ভব অথচ সত্য কথা বিচিত্র নয়।

আমাদের বাঙ্গালা দেশ কবে কোন্ যুদ্ধের পর মুসলমানের দখল হইল ? এই প্রশ্নের জবাব দেওয়া আজিও সুকঠিন। ইতিহাসের বিচারক বলিবেন—“আর ও প্রমাণ চাই—খাঁটি তথ্য এখনও বাহির হয় নাই”। অথচ বাঙ্গালা দেশ যে মুসলমানের হস্তগত হইয়াছিল তাহা

ত নিরেট সত্য। লক্ষ্মণসেনের সন তারিখ লইয়া বধেট গণ্ডগোল আছে। বস্তুতঃ গোটা সেনবংশই অনেকাংশে অজানা রহিয়াছে। এই বংশের কথাও কালকার কথা—অথচ বিজয়সেন, বল্লালসেন, ও লক্ষ্মণসেন সম্বন্ধে কয়টা কথা জোর করিয়া বলা যায় ? জানি মাত্র কৌলীপ্ৰথা। তাহাও বোধ হয় কাহিনীসুলভ আঙ্গুবি গল্প ! কাজেই সেন আনলের কোন ইতিহাসগ্রন্থ আজ পর্যন্ত চক্ষুগোচর না হইলেও বিস্মিত হইবার কারণ নাই।

ধর্মপাল ও দেবপাল দুইজনে ১১২ বৎসর বরেন্দ্র মণ্ডল হইতে আর্ঘ্যাবর্তের উপর শাসন চালাইয়াছিলেন। একথা জানা গেল গত কল্যা। কিন্তু এই ১১২ বৎসরের ঘটনা আমরা কি জানি ? প্রাণান্ত চেষ্টা করিলেও বোধ হয় ১১২ লাইনের বেশী কাগজ ভরা কঠিন হইবে ! কাজেই পালের বাঙ্গালায় কোন ইতিহাস লিখিত হইয়াছিল কিনা তাহার সংবাদ আজই পাইতে পারি কি ? ভারতীয় নেপোলিয়ান-স্থানীয় সমুদ্রগুপ্ত আবিষ্কৃত হইলেন পরন্তু—এইরূপ কত সমুদ্রগুপ্ত এখনও অনাবিষ্কৃত কে জানে ? শুনা যাইতেছে গুর্জর প্রতিহার বংশে কয়েকজন জবরদস্ত নরপতি জন্মিয়াছিলেন। তাঁহারা আমাদের পাল নেপোলিয়ানগণের সমসাময়িক। আবার শুনিয়াছি হরপ্রসাদ শাস্ত্রী মহাশয় একজন মরুবাসী নেপোলিয়ানের দিগ্বিজয়ের কথা প্রচার করিয়াছেন। তাঁহার নাম চন্দ্রবর্মা। ইনি সাগর হইতে সাগর পর্যন্ত সমগ্র আর্ঘ্যাবর্ত দখল করিয়াছিলেন। নামজাদা সমুদ্রগুপ্ত এই চন্দ্রবর্মার সাম্রাজ্য গুপ্ত সাম্রাজ্যের কুক্ষিগত করেন।

আমাদের দেশের নেপোলিয়ানগণকেও অন্ধকার হইতে টানিয়া লোকের সম্মুখে বাহির করা আবশ্যিক। তাঁহাদের সম্বন্ধে এখন পর্যন্ত জানিতে পারি কত খানি ? অমুক নামধারী একজন রাজা

ছিলেন। এই “ছিলেন” পর্য্যন্তই তথ্য আবিষ্কৃত হইয়াছে। আর, কাহারও কাহারও সম্বন্ধে কিছু বেশী জানা গিয়াছে। “অমুক নামধারী অর্ধ শতাব্দী ধরিয়৷ দক্ষিণাত্যের অধীশ্বর ছিলেন” ইত্যাদি। রাখাল-দাসের “বঙ্গালার ইতিহাসে” এবং গুনসেন্ট স্মিথের “ভারতবর্ষের ইতিহাসে” এই ধরনের কয়েক গুণা নাম সকলেই দেখিয়াছেন। আজ বিংশ শতাব্দীর দ্বিতীয় দশক চলিতেছে—বিংশ শতাব্দীর প্রথম বর্ষে এই নামগুলিও জানা ছিল না। কাজেই ভারতীয় নেপোলিয়ান-গণের দরবার হইতে সরকারী ইতিহাস প্রকাশিত হইত কি না তাহার সাক্ষ্য আজ কে দিতে সমর্থ? সেই সকল রাজচক্রবর্তীর আমলে পণ্ডিতেরা স্বাধীনভাবে দেশের কথা ইতিহাসাকারে লিখিতেন কিনা তাহাই বা আজ কে বলিতে পারে? এই জগুই অসম্ভব সূত্য কথা আজ শুনিতেছি—“ভারতবাসী তুমি দিগ্‌বিজয় করিতে জান, কিন্তু তুমি দিগ্‌বিজয়ের কাহিনী প্রচার করিতে জান না।”

যাহা হউক, ভারতবাসী দিগ্‌বিজয় করিতে পারিত। ইহা অলীক নয়, খাঁটি ঐতিহাসিক তথ্য। এইটুকু জানাই বর্তমানে ভারতীয় ইতিহাস-রসিকের প্রথম খুঁটি থাকিবে। ভারতবাসী দুনিয়াখানিকে মায়াবর রচনা বিবেচনা করিত না। প্রথম খুঁটি হইতে অন্ততঃ এই সত্য সুপ্রতিষ্ঠিত হইল। অর্থাৎ যে ধরনের মাধা থাকিলে ইহজগতের সুখসুখ সম্বন্ধে চিন্তা করিতে মানুষের খেয়াল চাপে সেই ধরনের মাধা ভারতবাসীর ছিল। অন্তএব ভারতীয় মস্তিষ্ক হইতে ইতিহাস-সাহিত্য বাহির না হইবার কোন কারণ নাই।

যাহারা জগৎকে অলীক বা মায়া বা মিথ্যা বিবেচনা করে তাহারা জগতে রাজ্যসুখ চাহে না—তাহারা রাজরাজেশ্বর হইতে ইচ্ছা করে না। সুতরাং তাহারা এই সংসারের ঘটনাবলীকে সাহিত্যে স্থান না

দিতেও পারে। কিন্তু ভারতসম্রাটের স্তায় যাহারা সমুদ্র, হইতে সমুদ্র পর্য্যন্ত সাম্রাজ্যের অধীশ্বর হইবার জন্য লক্ষ লক্ষ লোকের জীবননাশ করিয়া আনন্দ পায়, তাহারা এই “রূপরসগন্ধস্পর্শময় ধরাধানাকে ভোগ্যই বিবেচনা করিতে অভ্যস্ত। আর, যাহাদের চরিত্র এইরূপ, তাহারা সেই ভোগ্য ধরিত্রীর কাহিনীতেও যুদ্ধ থাকিবার কথা। অর্থাৎ তাহাদের সাহিত্যে রক্তারক্তির রক্তান্ত এবং দেশজয়, নগরশাসন, রাজস্বসংগ্রহ, বিচারব্যবস্থা, যুদ্ধাশ্রম ইত্যাদির বিনবর্ণ প্রকাশিত হওয়া অতি স্বাভাবিক।

কেহ কেহ বলিতে পারেন—ভারতে কবিপ্রশস্তি, চাটুকারের বচন, তাম্রানুশাসন, প্রস্তর-লিপি ভাটচার্ণের গান ইত্যাদি কথ আছে কি? প্রতিদিনই এই ধরনের অনেক বস্তু আবিষ্কৃত হইতেছে। এইগুলির মধ্যে প্রাচীন ইতিহাসের মূল্যবান দলিল বহুসংখ্যক বাহির হইয়াছে। বস্তুতঃ এই সমুদয় রচনা ইতিহাসের উপকরণ মাত্র। এই সকল মশলা সাজাইয়া গুছাইয়া ব্যবহার করিলে ইতিহাস রচিত হইতে পারে। এই কার্য আমাদের পূর্বপুরুষগণেরই করা উচিত ছিল।

এতদ্ব্যতীত প্রাচীন সাহিত্যেও অনেক ঐতিহাসিক উপকরণ পাওয়া যাইতে পারে। তাহিল ভাষায় প্রণীত গ্রন্থাবলী ঘুঁটিলে অনেক তথ্য আবিষ্কৃত হইতে পারে। মহারাষ্ট্রের সাহিত্যে “বাথার” বা পেশোয়া-দিগের সরকারী চিঠিপত্র অনেক আছে। আমাষে “বুরঞ্জী” আছে। বলা বাহুল্য এইগুলির বড়াই করিয়া আমরা ঐতিহাসিক সাহিত্যের পরিচয় দিতে পারি না।

অধিকন্তু বিরাট ভারতীয় সাহিত্য-সমুদ্রের বিশ্লেষণ শুরু করিলে প্রাচীন জীবনের বহু তথ্যই আবিষ্কৃত হইয়া পড়িবে। ধর্মশাস্ত্র, স্মৃতিশাস্ত্র,

অর্থশাস্ত্র, নীতিশাস্ত্র, কামশাস্ত্র, শিল্পশাস্ত্র, ন্যায়শাস্ত্র, বস্ত্রশাস্ত্র, ইত্যাদি সাহিত্যের নানা বিভাগে ইতিহাসের অনেক কথাই আছে। তাহা ছাড়া কাব্য, নাট্য, গদ্য, গীত এবং সাধারণ সাহিত্যের অন্যান্য শাখায়ও ভারতীয় জীবনধারার আদর্শ ও লক্ষ্য এবং গতি বুঝা সম্ভব। কিন্তু রামায়ণ, মহাভারত, কোটিল্যানীতি, কামসূত্র, শুক্রনীতি, রঘুবংশ যুক্তিকল্পতরু, মানসার, ইত্যাদি গ্রন্থকে ইতিহাস বলিতে হইলে হোমার ইকীলাস, প্লেটো, কান্তো, সেক্সপিয়র, মিল্টনকেও ঐতিহাসিক বলিতে হয়! সেক্সপিয়রের “ম্যাকবেথ”, “কিংলিয়ার” আর “জুলীয়াস সিজার” পড়িয়া ষোড়শ শতাব্দীর বিলাতী ইতিহাস কতখানি বুঝিতে পারি? কবিকল্পন চণ্ডী পাঠে আকবরের ভারত অথবা মোগল বাঙ্গালা প্রায় ততখানি বুঝা যাইবে—“রঘুবংশেও” গুপ্ত ভারত তাহা অপেক্ষা বেশী বুঝা যাইবে না।

পুরাণগুলি বিশ্বকোষ। যুগে যুগে ভারতবাসী যাহা কিছু শিখিয়াছে সবই তাহার পুরাণে স্থান পাইয়াছে। এই হিসাবে পুরাণগুলি অন্যান্য সকল গ্রন্থের চূষক অথবা “সর্বগ্রন্থসংগ্রহ”। কাজেই পুরাণগুলিকে প্রাচীন ইতিহাসের মূল্যবান দলিল বা উপকরণ বিবেচনা করিতে আপত্তি নাই। তথাপি পুরাণ ইতিহাস নয়। “মৎস্য”, “বায়ু” “ভবিষ্য”, “বিষ্ণু” এবং অন্যান্য পুরাণে রাজবংশের তালিকা পাওয়া যায়। কিন্তু ঐ পর্য্যন্তই। এই সকল রাজকুলজী বা বংশাবলীর জোরে ভারতীয় সাহিত্যের কলঙ্ক দূর হইবে না।

মানুষের লিখিত সকল সাহিত্যই তাহার জীবনের ইতিহাস। কাজেই যে কোন লেখা পুঁথিকে ইতিহাস ধরিয়া লওয়া চলে। কিন্তু হিন্দুদের অন্যান্য জাতি ইতিহাস নামক একটা স্বতন্ত্র বিদ্যা গড়িয়া তুলিয়াছে। তাহারা সাহিত্য এবং জীবনের নানা বিভাগ হইতে অশেষ

প্রকার তথা খুঁটিয়া খুঁটিয়া এই ইতিহাস-সাহিত্যের পুষ্টিবিধান করিয়াছে। রামায়ণ, মহাভারত, রঘুবংশের মতন গ্রন্থ সকল দেশেই আছে—এইগুলি ছাড়াও খাঁটি ইতিহাস ঐ সকল দেশের পণ্ডিতেরা লিখিয়া গিয়াছেন। সেই ইতিহাস গ্রন্থ আমাদের কোথায় ?

আজকাল ভারতীয় পণ্ডিতমহলে একটা নূতন “বাস্তিক” দেখা দিয়াছে। আমরা মাঝে মাঝে শুনিয়া থাকি ভারতবর্ষের ইতিহাস রাজবংশের কাহিনী নয়। ● ভারতবর্ষের ইতিহাস জনগণের লড়াই বা রক্তারক্তির গল্প নয়। ভারতবর্ষের ইতিহাস জয় পরাজয়ের রক্তাক্ত নয়। ভারতবর্ষের ষথার্থ ইতিহাস জ্ঞানবিজ্ঞানের কাহিনী। ভারতবর্ষের আসল কথা সভ্যতাবিকাশের বিবরণ। ভারতবর্ষের ষথার্থ পরিচয় ভারতবাসীর দর্শন, সাহিত্য ও ধর্ম। এই কথা অগ্ণাত দেশের লোকেরাও ঠিক এই ভাবেই বলিতে অধিকারী নয় কি ? সকল দেশেই ধর্মের বিকাশ হইয়াছে—সাহিত্যের বিকাশ হইয়াছে—দর্শনের চর্চা হইয়াছে—সর্বত্রই জ্ঞান বিজ্ঞান, আচার বিচার, লেন, দেন ও সৌজন্য শিষ্টাচারের ধারা আছে। তাহার উপর রক্তারক্তি, দাঙ্গাহাঙ্গামা, মারকাট, লুটপাট, ইত্যাদিও সকল দেশেই অনেক হইয়াছে। আর এই সকল কাণ্ডের বিবরণও অগ্ণাত দেশের সাহিত্যে পাই। কিন্তু আমাদের সাহিত্যে অগ্ণাত সকল বস্তুই পাই—কেবল এই রক্তারক্তির কথাটাই পাই না। পাইনা বলিয়াই আমরা একটা কিস্তুতকিমাকার মত প্রচার করিতে ব্রতী হইয়া থাকি।

বস্তুতঃ, লড়াইয়ের কথাই ইতিহাসের মেরুদণ্ড। দেশজয়, নগর লুণ্ঠন, রাজবংশের উঠানামা, প্রজাবৃদ্ধি, প্রজাক্ষয় ইত্যাদি বিষয়ক তথ্যই আসল ইতিহাসের তথ্য। জনগণের সাময়িক এবং রাষ্ট্রীয় ভাষা আলোচনা করাই ঐতিহাসিকের সর্বপ্রধান কার্য। জয় পরাজয়ের

কথা না বুঝিলে কোন জাতির ধর্ম, অর্থ, কাম, ও মোক্ষের কথা বুঝা
অসম্ভব । কতখানি দেশ জুড়িয়া একটা শাসন চলিতেছে এই কথাটা
যিনি না জানেন, তিনি লোকজনের বিবাহপ্রথা, সমাজ কথা, আর্থিক
অবস্থা ও আচার-বিচার বুঝিতে অসমর্থ । কোন বাষ্ট্রের সীমানা বাড়ি-
তেছে কি কমিতেছে এই কথাটা যিনি না জানেন তিনি জনগণের
স্বখদুঃখ, ধনদৌলত, আশা ভরসা, উৎসবব্যসন বুঝিতে পারিবেন না ।
অর্থাৎ তিনি দেশের সাহিত্য, শিল্পকলা ও দর্শনাদির মর্ম ধরিতে
অসমর্থ থাকিবেন ।

গানের সুর শুনিয়া বুঝা যায় গায়ক মরা না জ্যান্ত । চিত্রের
আঁচড় দেখিয়া ধরা যায় শিল্পী সাহসী না কাপুরুষ । দর্শন বিজ্ঞানের
দৌড় দেখিয়া আন্দাজ করা যায় লোকটার কল্পনার সীমানা, কোথায়
গিয়া ঠেকিয়াছে, দার্শনিক বা বৈজ্ঞানিকের পেটে দুই বেলা ভাত
পড়িতেছে কি না । সাহিত্য, দর্শন, শিল্পবিজ্ঞানের সীমানাগুলি রাষ্ট্রের
উন্নতি অবনতির উপর নির্ভর করে । গানের সুর, গল্পের আওরাজ,
ভাস্কর্যের রেখা, আর চিত্রের দৌড় বা খেলার রং জনগণের সামরিক
বলের (ও আর্থিক ক্ষমতার) উপর নির্ভর করে :—দেশের চৌহদ্দির
উপর নির্ভর করে,—সৈনিক পুরুষদের লাঠালাঠি ও রাজরাজড়াদের
জয়পরাজয়ের উপর নির্ভর করে । কাপুরুষের ও নপুংসকের সমাজে
গীতা, রঘুবংশ অথবা কোটিল্যানীতি প্রচারিত হইতে পারে না । রাজের
কথাই ইতিহাসের গোড়ার কথা ।

লাঠালাঠী, মারকাট, ও লুটপাটের তথ্য জানা হইয়া গেলে পর
নানুশের জীবন সম্বন্ধে অল্প কথ্য বুঝা সম্ভব । তাহার পূর্বে নয় ।
এই জন্য দেশের স্বাধীনতা পরাধীনতাটা চতুঃসীমাটা এবং লোক-
সংখ্যাটা (ও আর্থিক সুযোগ সুবিধাটা) সর্বাগ্রে জানা আবশ্যিক ।

তাহা হইলে সমাজ ব্যবস্থা আপনা আপনিই ধরা পড়িবে । তবে বিবাহে রক্তসংশ্লিষ্টতার কথা, জাতিতত্ত্ব, লোকাচার-তত্ত্ব, কৌলীন্য, বংশমর্যাদা ইত্যাদি “সামাজিক” তথা আপনাআপনিই পরিষ্কার হইতে থাকিবে ।

চোখের সম্মুখে ইয়োরোপে আজকাল কি দেখিতেছি ? লক্ষ লক্ষ লোক প্রায় দুই বৎসর ধরিয়া লড়াইয়ের মাঠে উপস্থিত । ইতিমধ্যেই কত হাজার লোক মারাও গিয়াছে । ইহাদের পত্নীরা কি সব ব্রহ্মচারিণী রহিয়া যাইতেছে ? পুরুষ সংখ্যা প্রত্যেক দেশেই কমিয়া গেল ও যাইবে । এই সকল দেশের স্ত্রীলোকেরা অনেকেই স্বামী পাইবে না । কিন্তু তাহারা কি অবিবাহিতা অথবা ব্রহ্মচারিণী থাকিবে ? না থাকিতেছে ? দেখিতে দেখিতে ইংলণ্ডে, জার্মানিতে, ফ্রান্সে বহু অবিবাহিতা নারীর সন্তান জন্মিয়া গেল । ইহাদিগকে “ওয়ার-মাদার” (বা যুদ্ধ জননী) রূপে সর্গর্ভ জাতিতে তুলিয়া লওয়াও হইতেছে । ইহাদের জারজ সন্তানেরাই কালে বহুপ্রসিদ্ধ কুলীন বংশের পূর্বপুরুষ জানে সমাহৃত হইবে ।

এই 'ত গেল মাত্র একদিককার কথা । মানবজীবনের সকল দিকেই লড়াইয়ের প্রভাব বিপুল । আর একটা কথা মাত্র সম্প্রতি উল্লেখ করিব । বেলজিয়ান্ স্ত্রী পুরুষেরা পলাইয়া বিলাতে ও ফ্রান্সে আসিয়াছে । ফরাসীরা পলাইয়া ইংলণ্ডে আসিয়াছে । বিলাত হইতে, জার্মানি হইতে, ফ্রান্স হইতে বহু নরনারী আমেরিকায় আসিয়া আশ্রয় লইতেছে । এক যুদ্ধের ধাক্কায় হাজার হাজার লোক দেশত্যাগ করিতে বাধ্য হইয়াছে । তাহাদের কয়জনই বা স্বদেশে ফিরিতে পারিবে ? ইতিমধ্যে ইহারা যে যেখানে পাইতেছে বিবাহ করিয়া বসিতেছে । এদিকে তাহাদের আইনতঃ বিবাহ হইতেছে না তাহাদেরও সন্তান জন্ম বন্ধ থাকিতেছে না । জগতের ইতিহাসে এইরূপ ঘটনাদ্বয়

অসংখ্যবার জাতিসংমিশ্রণ দেখা গিয়াছে । ইয়ুরোপে এই ধরণের একটা বড় সামাজিক খিঁচুড়ি বা বর্ণসঙ্কর মেপোলিয়ানি সময়ে সাধিত হইয়াছিল । লড়াই হাকামাই রক্তমিশ্রণের একমাত্র কারণ নয় ; কিন্তু প্রধানতঃ যুদ্ধের প্রভাবেই সমাজ-শরীরে অঙ্গপ্রত্যঙ্গ গঠিত হইয়া আসিতেছে ।

ভারতবর্ষ পৃথিবীর সৃষ্টিছাড়া মূলুক নয় । বড় বড় কুরুক্ষেত্রের পর ভারতেও নব নব কোলিণ্ড, নব নব আভিজাত্য ও নব নব জাতিভেদ সংগঠিত হইয়াছে । কোন এক কুরুক্ষেত্রের পূর্বে যে বংশ বা যে জাতি উঁচু ছিল কুরুক্ষেত্রের হিড়িকে এবং পরে তাহাদের স্মৃতি পর্য্যন্তও লুপ্ত হইয়া থাকিতে পারে । আবার যে জাতি বা যে পরিবার বা যে বংশ সমাজে হয়ত একদম অজানা ছিল তাহারাই নুতন ঘটনাসমাবেশে রাষ্ট্রের শীর্ষস্থান অধিকার করিয়া থাকিতে পারে । বর্ণসঙ্কর, সমাজ-সংস্কার বংশগোরব ইত্যাদির মূল কারণই কুরুক্ষেত্র ।

তাই বলিতেছি যে, সংগ্রামের কথা এবং রক্তারক্তির কথাই ইতিহাস-বিদ্যার ভিত্তি । ইহাতে রাজা এবং প্রজা দুই তরফের অবস্থাই বুঝা যায়,—কেবল রাজ রাজরাজড়াদের তরফ মাত্র নয় । এই ভিত্তিটা না ধরিতে পারিলে কোন জাতির অর্ধশক্তি, সমাজব্যবস্থা বা বিদ্যার পরিধি বুঝা অসাধ্য । ভারতবর্ষে এখনও আমাদের প্রাচীন কালের লড়াইগুলির রক্তাস্ত সর্বিশেষ পরিষ্কার হয় নাই । কাজেই প্রাচীন ভারতকে এখনও আমরা বুঝিতে অসমর্থ । রাজবংশের রক্তাস্ত, রাষ্ট্রীয় চতুঃসীমা, জনগণের সংখ্যা, সন্ধিবিগ্রহ, আন্তর্জাতিক লেনদেন ও জয়পরাজয় ইত্যাদি তথ্য সনতারিখসমন্বিতভাবে প্রচারিত হইতে থাকুক, তাহার পর আমরা ভারতীয় ধনসম্পত্তি, দর্শন, শিল্প, সাহিত্য ও ধর্মের ব্যাখ্যায় অগ্রসর হইতে পারিব ; অর্থাৎ প্রত্নতত্ত্ব (আর্কিওলজি) এবং

কালতত্ত্ব (ক্রনলজি) সুনির্দ্ধারিত না হইলে ইতিহাস (অর্থাৎ মানব-
জীবনের ব্যাখ্যা, বিশ্লেষণ ও সমালোচনা) রচনা করা অসাধ্য।

ইতিহাসবিদ্যার এই অ্যানাটমী, অস্থিকঙ্কাল বা কাঠামো ও
উপকরণগুলি আমাদের পূর্বপুরুষগণ সাজাইয়া গুছাইয়া রাখিয়া
মান নাই। ইহা তাঁহাদের ও আমাদের কলঙ্ক। এই কলঙ্ক বিনা বাক্য-
ব্যয়ে সুধীজনের বৈঠকে সহ্য করিতেই হইবে।

যাহা হউক, দুনিয়ার সর্বত্র আজ বিংশ শতাব্দীতে “ইতিহাস বিজ্ঞান”
আলোচিত হইতেছে। যুবক ভারত সবেমাত্র প্রত্নতত্ত্বের অ, আ, ক,
খ, সাধিতে শুরু করিয়াছে। মন্দের ভাল সন্দেহ নাই।

কোন ভারতসন্তানকে জিজ্ঞাসা করা বাউক—“ভারতবর্ষে কয়টা
রাজবংশ রাজত্ব করিয়াছে? সর্বসমেত কয়জন রাজার নাম ভারতবর্ষের
ইতিহাসে জানিতে পারা যায়?” এই দুইটি প্রশ্নের উত্তর দিতে হইলে
ভিসেট স্মিথকেও মাথা চুলকাইতে হইবে। কাগজ পেন্সিল লইয়া
হয়ত তিনি বসিবেন। পরে বলিবেন—“ওহে অমুক সাল হইতে অমুক
সাল ২৫০ বৎসরের একটা তথ্যও এখন পর্য্যন্ত জানা যায় নাই। অমুক
সাল হইতে অমুক সাল পর্য্যন্ত ৫০ বৎসরের ইতিহাসকথা অন্ধকারায়িত।
তাহা ছাড়া কতকগুলি নূতন নাম পাওয়া বাইতেছে। এইগুলি রাজার
নাম না উজীরের নাম তাহা বলা মুশ্কিল।” ইত্যাদি। কিন্তু কোন
চীনাকে জিজ্ঞাসা করা বাউক চীনা রাজবংশের কথা আর চীনা সম্রাট-
গণের কথা। এক নিঃশ্বাসের চীনা শিশু খাঁটি উত্তর দিতে পারিবে।
একশত বৎসর পূর্বেও পারিত, তিন শত বৎসর পূর্বেও পারিত।
আক্ষাত্তর কাল হইতে চীনা পণ্ডিতেরা এই সকল কথা লিখিয়া আসিত-
ছেন। কাজেই বর্তমানের কোন বালককে অন্ধ করিয়া চীনেশ্বরগণের
সংখ্যা স্থির করিতে হয় না। সে খাঁ করিয়া বলিয়া দিবে—“বংশসংখ্যা,

২৫, সত্রাট সংখ্যা ২৫১। হিয়াবংশের (খৃঃ পূঃ ২২০৫) প্রবর্তক পুণাশ্লোক
যু হইতে শেষ পর্য্যন্ত সত্রাট (খৃঃ ১৯১২) পর্য্যন্ত এই গণনা।”

এতদিন আমরা কলহন প্রণীত রাজতরঙ্গিনীর দোহাই দিয়া সংস্কৃত
সাহিত্যের ঐতিহাসিক বিভাগের যুধ রক্ষা করিতাম। খৃষ্টীয় দ্বাদশ
শতাব্দীতে এই গ্রন্থ লিখিত। প্রায় সমসাময়িক কালের কাশ্মীর দেশীয়
রাজরাজাদের কথা ইহাতে আছে। খাটি ইতিহাসপদবাচ্য আর
কোন সংস্কৃত গ্রন্থ আজ পর্য্যন্ত আবিষ্কৃত হয় নাই। কিন্তু কলহনের
অনেক তথ্যই আশ্চর্য্যবি গল্পমাত্র। হর্ষবর্ধনের সভাকবি হর্ষচরিত
লিখিয়াছেন। ইহাতে সমসাময়িক কথা আছে। কিন্তু ইহা কি
ইতিহাস? মুয়ান চুরাঙের ভারতবিবরণের পাশে সপ্তম শতাব্দীর বাণ
প্রণীত এই কবিপ্রশস্তি দাঁড় করান চলিতে পারে না। সম্প্রতি এইরূপ
একখানা “চরিত” শাস্ত্রীমহাশয় নেপাল হইতে বাহির করিয়া আনিয়া-
ছেন। তাহাতে পালের বাঙ্গলার অনেক কথা জানিতে পারা যায়।
উহা সন্ধ্যাকর নন্দী প্রণীত “রামরচিত”। ইহাতে আমাদের রাম-
পালের কথা আছে (১০৬০—১১০০)। বাঙ্গালিকির রামচন্দ্রের সঙ্গে
পাল সত্রাট রামপালের তুলনা করিয়া সন্ধ্যাকর এই কাব্য রচনা করেন।
নন্দী রামপালের একজন বড় কর্মচারির পুত্র।

এই ধরণেব আর এক খানা “চরিতে”র নাম বিক্রমাস্কচরিত। গ্রন্থ-
কার বিহ্বলন দ্বাদশ শতাব্দীর লোক। এক জন চালুক্যবংশীয় পরাক্রান্ত
নরপতির (১০৭৬—১১২৬) বৃত্তান্ত এই গ্রন্থে পাওয়া যায়। “পৃথ্বীরাজ
চরিত” নামেও একখানা ঐতিহাসিক ঘটনামূলক সংস্কৃত গ্রন্থ আছে।

প্রাকৃত ভাষায় লিখিত এক খানা কবিপ্রশস্তির নাম “গৌড় বাহো”
বা “গৌড়বধ”। কবি বাকপতি এই গ্রন্থে কান্তকূলের রাজা যশোবর্ম্মার
গৌড়বিজয় বর্ণনা করিয়াছেন। কিন্তু যশোবর্ম্মার সময়ে গৌড়রাজ

কে ছিলেন এখনও জানা যায় না । যশোবর্মা খৃষ্টীয় অষ্টম শতাব্দীর প্রথমার্ধের লোক ।

বৌদ্ধ “জাতক” সাহিত্য এবং জৈন গ্রন্থমালা নিংড়াইলে ঐতিহাসিক তথ্য কিছু পাওয়া যাইতে পারে । পূর্বেই বলা গিয়াছে, যে কোন সাহিত্য নিংড়াইলেই ঐতিহাসিক কথা পাওয়া যায় । সিংহলের কথা-সাহিত্যে “দ্বীপবংশ” এবং “মহাবংশ” পালিভাষায় লিখিত । বোধ হয় খৃষ্টীয় চতুর্থ পঞ্চম শতাব্দীর রচনা । রাজভরজিনীর ঞায় এই দুই কাহিনীও সাবধানে গ্রহণীয় ।

আউফ্রেঙ্কট (Aufrecht) প্রণীত ক্যাটালোগাম্ ক্যাটালোগোরাম্ (Catalogus Catalogorum) গ্রন্থ প্রাচীন সংস্কৃত পুঁথির ক্যাটালগের (বা তালিকা) ক্যাটালগ্ । ইহাকে “পুঁথির বিশ্বকোষ” বিবেচনা করা চলিতে পারে । ইহাতে বোধহয় পঞ্চাশ হাজারেরও অধিক সংস্কৃত পুঁথির নাম আছে । এইগুলি ছাড়াও আর কত লক্ষ সংস্কৃত পুঁথি ছুনিয়ার নানা স্থানে পাওয়া যাইতে পারে তাহা কে জানে ? হয়ত কালে এই সমুদয়ের মধ্যে “চরিত” জাতীয় বহু গ্রন্থ আবিষ্কৃত হইতেও পারে । এমন কি খাঁটি ইতিহাসও এক আধ খানা বাহির হওয়া অসম্ভব নয় । কিন্তু আজ পর্যন্ত ভারতবর্ষকে ইতিহাস-হীন সাহিত্যের দেশ বলিয়া স্বীকার করিতেই হইবে ।

খৃষ্টপূর্ব পঞ্চম শতাব্দীর প্রথম ভাগে মহাবীর শাক্যসিংহ লাওট্জে এবং কনফিউসিয়াসের আমলে, একটা বড় রকমের রুশ জাপানী যুদ্ধ ঘটিয়াছিল । সেই যুদ্ধে এসিয়ার পারসীরা হারিয়া যায় । গ্রীসের ইয়োৰোপীয়ানদিগের জয় লাভ হয় । সেই মহাসমরের পোট আর্থার (১৯০৫) ছিল গ্রীসের মারাথন (খৃঃ পূঃ ৪৯০) ও থার্মাপলি (খৃঃ পূঃ ৪৮০) । এই বিরাট কুরুক্ষেত্রের ইতিহাস রচনা করিয়াছিলেন

হেরোডোটস্। তিনি খৃষ্টপূর্ব পঞ্চম শতাব্দীর শেষ ভাগে গ্রন্থরচনা করেন। হেরোডোটাসকে ইতিহাস সাহিত্যের জনমাতা বলা হইয়া থাকে। হেরোডোটাসের সময়ে গ্রীসে আর একজন ঐতিহাসিক দেখা দেন। তাঁহার নাম থুসিডিডিস। গ্রীসে তখন এক লঙ্কাকাণ্ড চলিতেছিল। গ্রীসের নগরগুলি দুই দলে বিভক্ত হইয়া আপোষে লড়িতেছিল। সেই মাৎসান্যায় বা ঘরোয়া লড়াইয়ের (খৃঃ পূঃ ৪১১—৪০৫) ইতিহাস লিখিয়া থুসিডিডিস সুপ্রসিদ্ধ। খৃষ্টপূর্ব চতুর্থ শতাব্দীর একজন গ্রীক ঐতিহাসিক আছেন। তাঁহার নাম জেনোফন (Xenophon) থুসিডিডিসের পরবর্তী কালের ঘটনা (খৃঃ পূঃ ৪১১—৩৬২) জেনোফনের ইতিহাসে পাওয়া যায়।

ঐতিহাসিক হিসাবে থুসিডিডিস শীর্ষস্থানীয়। হেরোডোটাস তাঁহার গ্রন্থে পৌরাণিক গল্প গুহব এবং উপকথা বাদ দেন নাই। প্রাচীন ভারত বিষয়ক কিছু কিছু আজও বি কথ্য হেরোডোটাসের গ্রন্থে আছে। কিন্তু থুসিডিডিস বিচারকভাবে ঐতিহাসিক তথ্য বিশ্লেষণ করিয়াছেন। বিজ্ঞানসম্মত ইতিহাসালোচনার প্রবর্তক রূপে থুসিডিডিস চিরস্মরণীয়। অধিকন্তু থুসিডিডিসের রচনাকৌশল বা ষ্টাইল অতি মনোরম ও চিন্তাকর্ষক। ঐ যুগে গ্রীসে বাগ্মিত্য বিশেষ উৎকর্ষ লাভ করে। এখেন্সের প্রায় প্রত্যেক লোকই সুবক্তা ছিলেন। থুসিডিডিসের গ্রন্থ পড়িতে পড়িতে মনে হয় যেন গোলদীঘিতে দাঁড়াইয়া আমাদের বিপিনচন্দ্র পালের বক্তৃতা শুনিতেছি। এই ধরনের ইতিহাসই জাতীয় জীবন গঠন করে।

বলা বাহুল্য আমাদের কল্পন মিশ্র থুসিডিডিস নন। রোমের জগদ্বিখ্যাত সেনাপতি সীজার (খৃঃ পূঃ ১০০—৪৪) ঐতিহাসিক ছিলেন। তিনি জেনোফনের ঞ্চার সৈনিক পুরুষের চোখে ছনিয়ায় দৃষ্টিপাত করি-

তেন। তাঁহার রচনায় সরল সহজভাবে তথ্যসমূহ বিবৃত হইয়াছে। সীজারের সমসাময়িক আর একজন রোমাণ ঐতিহাসিক ছিলেন। তাঁহার নাম স্যালাষ্ট (Sallust)। তিনি রুমীয়ানা পরিবার জন্ম লেখনী ধারণ করিতেন। তাঁহার রচনায় থ্যাসিডিডিসের আভাষ পাউ। তিনি রোমের সেই সময়কার ঘরোয়া লড়াইয়ের সম্বন্ধে দুই তিন খানা বই লিখিয়াছেন। তাঁহার কাল খৃষ্ট পূর্ব ৮৭ হইতে ৩৪।

হেরোডোটাস, থ্যাসিডিডিস, জেনোকন, সীজার ও স্যালাষ্ট এই পাঁচ জনই লড়াইয়ের বৃত্তান্ত লিখিয়াছেন। এইরূপ লড়াইয়ের ইতিহাস ভারত-বর্ষে নাই। রামায়ণে রামরাবণের লড়াইয়ের কাহিনী যদি ইতিহাস হয়, তাহা হইলে হোমারের ইলিয়াডও ইতিহাস।

তার পর দুনিয়ায় রোমিয় প্রতাপ সুরু হইল এবং গ্রীসের রাষ্ট্রীয় জীবন অন্তর্মিত হইল। কিন্তু রোমাণদিগের শিক্ষাগুরু এবং দীক্ষাগুরু থাকিলেন গ্রীক দাসেরা। গ্রীক স্বাধীনতার ক্রমিক লোপ সম্বন্ধে একখানা উৎকৃষ্ট গ্রীক ইতিহাস আছে। লেখকের নাম পোলিবিয়াস (Polybius)। ইনি খৃষ্ট পূর্ব ২০৪ হইতে খৃঃ পূর্ব ১৪৬ সাল পর্যন্ত গ্রীসের ঘটনা লিপিবদ্ধ করিয়াছেন। এই গ্রীক ঐতিহাসিকের রচনায় থ্যাসিডিডিসের রচনাকৌশল দেখা যায়। ইনি অয়ং একজন করিভকশ্মা সেনাপতি ও রাষ্ট্রবীর ছিলেন। পোলিবিয়াসের সময়ে গ্রীস দাসত্বশ্রমে আবদ্ধ হইয়াছে। ইনি খৃষ্টপূর্ব যুগের লোক।

তাঁহার পর গ্রীক ঐতিহাসিকগণের মধ্যে প্লুটার্ক (Plutarch) সর্ব বিখ্যাত। ইনি প্রাচীন কালের গ্রীক এবং রোমাণ বীরগণের জীবন বৃত্তান্ত রচনা করিয়াছিলেন। তাঁহার “লাইভ্‌স্” বা “চরিতমালা” গ্রন্থের পাশে “হর্ষ চরিতের” নাম করিতেও লজ্জা বোধ হইবে। কয়েক জন গ্রীক ঐতিহাসিকের রচনার ভারতবর্ষের প্রাচীন ইতিহাস সম্বন্ধে

কিছু তথ্য পাওয়া যায়। তাঁহাদের মধ্যে আরিয়ান (Arrian) এবং
ষ্ট্রাবো (Strabo) এই দুইজনের কথা ভারতীয় প্রত্নতাত্ত্বিক মহলে
সুবিদিত। ইহারা সকলেই গোলাম গ্রীসের গ্রীক সাহিত্যবীর।

ইহাদের পরবর্তী কালে ল্যাটিন (রোমান) সাহিত্যের ইতিহাসক্ষেত্রে
প্লিনি (খৃঃ অঃ ৬১—১১৫) বিখ্যাত হইয়াছিলেন। প্লিনির (Pliny)
নামও ভৌগোলিক ষ্ট্রাবো এবং ঐতিহাসিক আরিয়ানের মতন শিক্ষিত
ভারতে সুপ্রচলিত। ল্যাটিন সাহিত্যের সর্ব বিখ্যাত ঐতিহাসিকের
নাম ট্যাসিটাস (Tacitus)। ইনি প্লিনির সমসাময়িক। ট্যাসিটাস
(খৃঃ অঃ ৫৪—১১৯) একাধিক ইতিহাস রচনা করেন। তাঁহার লিখিত
জার্মান “বর্কর” দিগের সমাজকথা অতিশয় প্রসিদ্ধ। বিদেশী সমাজ-
দৃষ্টিতে এই ধরণের গ্রন্থ ভারতীয় সাহিত্যে পাওয়া যায় না। ট্যাসিটাস
এবং প্লিনি উভয়েই সম্রাট ট্রাজানের (৯৮—১১৭) আমলের লোক
অর্থাৎ রোমান সাম্রাজ্যের চরম বিস্তৃতির সময়ে জীবিত ছিলেন। এই
সময়ে আমাদের কুষাণ এবং আক্কে নরপতিগণের গৌরব যুগ চলিতেছে।
এই রোমের সঙ্গে হিন্দুজাতির কারবার এই যুগে অনেক হইত।

ল্যাটিন সাহিত্যের “স্বর্ণযুগ” এই আমলের কিছু পূর্ববর্তী। তখন-
কার দিনে লিভি (Livy), প্রসিদ্ধ ঐতিহাসিক ছিলেন। লিভি (খৃঃ
পূঃ ৫৭—খৃঃ অঃ ১৭) রোমান সাম্রাজ্যের প্রতিষ্ঠা দেখিতে পান।
তাঁহার সময়ে রোমীয় বীরগণের ঘরোয়া লড়াই বন্ধ হইয়া গিয়াছিল।
রোমান জাতির দিগ্-বিজয়ের ফলসমূহ একাগ্রাখিত সাম্রাজ্যে পরিণত
হইয়াছিল। এই গৌরবের কালে লিভি কল্পনার ছয় খুলিয়া একবার
প্রাচীন রোমের কীর্তি স্মরণ করিয়াছিলেন। গুসিডিডিসের স্মরণ
বিচারকের আসনে বসিতে লিভি চেষ্টা করেন নাই। রোমের প্রাচীন
কীর্তি আবেগময়ী কবিতার ভাষায় প্রচার করিতে তাঁহার প্রবৃত্তি হইয়া

ছিল। দিগ্বিজয়ী রোমের আশা, স্বপ্ন ও ভাবুকতা বুঝিবার জন্য ল্যাটিন সাহিত্যের এই স্বদেশ প্রেমিক ইতিহাসলেখকের রচনা পাঠ করা আবশ্যিক। ভারতীয় বিক্রমাদিত্যের আমলে এইরূপ ইতিহাসিকের উদ্ভব হইয়াছিল আন্দাজ করিতে পারি। কিন্তু কোন ইতিহাসিকের পরিচয় না পাইয়া কালিদাসের “আসমুদ্রক্ষিতীশানামানাকরথবহু নাম” বাক্যে হৃদয়ের সাধ ঘোলে মিটাইতেছি। কবি কালিদাসকে ভারতেও লিভি বলা চলে না। কারণ লিভির আমলে ল্যাটিন সাহিত্যের কালিদাস ও জীবিত ছিলেন। তাঁহার রঘুবংশের নাম ইনীড্ (Aeneid)। ভার্জিল (Virgil) রোমের কালিদাস। তিনি খৃষ্ট পূর্ব ৭০ হইতে খৃঃ পূঃ ১৯ পর্যন্ত জীবিত ছিলেন। কাজেই প্রশ্ন করিতেছি ভারতীয় অগষ্টান এক বা স্বর্ণযুগের লিভি কোথায় ?

ভারতে স্বাধীন গ্রীসের হেরোডোটাস থুসিডিডিসও নাই, গোলাম গ্রীসের পোলিবিয়াস—প্লুটার্কও নাই, অথবা ল্যাটিন-গোরব লিভি ট্যাসিটাসও নাই। কিন্তু চীনে ইতিহাস-সাহিত্য প্রচুর। চীনারা এই বিষয়ে হিন্দুর ঠিক উল্টো। ইতিহাস রচনার চীনারা ইয়োরোপীয়ান দিগকেও কানা করিয়া দিতে পারে। চীনারা ইতিহাস গ্রন্থ লিখিয়াছেও অনেক—আর ইহাদের লিখনপ্রণালীও পাকা। ফাহিয়ানাди পর্যটক গণের ভারত বিবরণ হইতেই আমরা চীনাদের ইতিহাস লিখিবার ক্রমচা আন্দাজ করিতে পারি। তথা সকলনে এবং তথা নির্বাচনে চীনা লেখকগণ খুবই মজবুদ। অবশ্য ইহাদের রচনায় বাজে ভ্রমিমালাও রাশি রাশি আছে।

ভারতীয় সাহিত্যে ইতিহাস গ্রন্থ পাই না। কিন্তু “ইতিহাসনামক” বিদ্যা ভারতবর্ষে সুপ্রাচীন। বাৎস্যায়নের কামসূত্রে ৩২ “বিদ্যার” এবং ৬৪ কলার উল্লেখ আছে। ইতিহাস এই সমুদয়ের অন্ততম। বাৎস্যায়নের

মনতারিখ এখনও সুনির্দ্ধারিত নয় । খৃষ্টপূর্ব দ্বিতীয় শতাব্দী হইতে তৃতীয় শতাব্দী পর্য্যন্ত আমলের কোন এক যুগে তাঁহার তারিখ ফেলা হইয়া থাকে । চীনা সাহিত্যে সর্ব প্রথম ইতিহাস লিখিত হইয়াছিল খৃষ্টপূর্ব দ্বিতীয় শতাব্দীর শেষ ভাগে, অর্থাৎ গ্রীক সাহিত্যের সর্ব প্রথম ইতিহাস রচনার প্রায় দুইশত বৎসর পরে চীনাদের ইতিহাস গ্রন্থ রচিত হইয়াছে । চীনের হেরোডোটাসের নাম ছি-মা-চিয়েন । ছির জন্ম ১৪৫ খৃষ্ট পূর্বাব্দে ।

চীনাভাষায় ইতিহাসের প্রতিশব্দ “শিহ” অথবা “শু” । ভারতীয় বিদ্যাগুলি কোন কোন হিসাবে চারিশ্রেণীতে বিভক্ত করা হয়—(১) ধর্মশাস্ত্র (২) অর্থ শাস্ত্র (৩) কামশাস্ত্র (৪) মোক্ষশাস্ত্র । চীনাদের শাস্ত্র-গুলিও চারিশ্রেণীতে বিভক্ত হইয়া থাকে । পিকিঙের রাজকীয় গ্রন্থাগারের কাটালাগ্ বা তালিকাসমূহে প্রায় একলক্ষ গ্রন্থের নাম এই চারি শ্রেণীর অন্তর্গত করা হইয়াছে । (১) “ক্লাসিক” বা “বেদ” তুল্য গ্রন্থ (২) “শিহ” বা ঐতিহাসিক সাহিত্য (৩) দর্শন (৪) সুকুমার সাহিত্য ।

শিহ সাহিত্য বিপুল । অন্ততঃ পনের শ্রেণীর রচনা এই সাহিত্যের অন্তর্গত । ওয়াইলি (Wylie) প্রণীত চীনা সাহিত্য বিষয়ক গ্রন্থে এই পনের দফা ঐতিহাসিক গ্রন্থাবলির সংক্ষিপ্ত বিবরণ পাঠ । চীনের সাহিত্য সম্বন্ধে বনিয়াদ পাকা করিতে হইলে ওয়াইলির *Notes on Chinese Literature* খাটিতেই হইবে । জাইল্‌স প্রণীত “চাইনীজ” লিটরেচর গ্রন্থে চীনা সাহিত্যের নিদর্শন উদ্ধৃত আছে ; এই জন্য এই পুস্তক আদরনীয় । কিন্তু নিরেট তথা ওয়াইলির গ্রন্থেই বেশী ।

একণ্ণে পনের শ্রেণীর চীনা ঐতিহাসিক গ্রন্থের বিবরণ দেওয়া যাই-তেছে । (১) “চিং শিহ” বা রাজবংশের ইতিহাস । সুইরাজবংশের (খৃঃ অঃ ৫৮৯—৬১৯) ইতিহাসলেখক এই পারিভাষিক শব্দ প্রথম ব্যব-

হার করেন। তাঁহার বহুপুত্র হইতেই রাজবংশের ইতিহাস রচিত হইয়া আসিতেছে।

হ্যানুবংশের (খৃঃ পূঃ ২১০—খৃঃ অঃ ২২০) আমলে সর্ব প্রথম ইতিহাস রচিত হয়। ইতিহাসলেখক রাজদরবারের ডায়েরি বা রোজ-নামা হইতে তথ্য সংকলন করিয়াছিলেন। রোজনামাকে চীনা ভাষায় ‘জিহ-লি’ বলে। পরবর্তী কালের ইতিহাস-লেখকগণও রাজদরবারের এই সকল ‘জিহ-লি’ অবলম্বন করিয়াছেন। ঐতিহাসিক দলিল দস্তাবেজগুলি প্রতিদিন কাছারীতে রক্ষিত হইয়া থাকে। রাজবংশের লোপ না হওয়া পর্য্যন্ত এইগুলি হইতে গুছাইয়া ইতিহাস লিখিবার দস্তুর নাই। মাকু আমল ১৯১২ সালে শেষ হইয়াছে—কাজেই মাকু আমলের ইতিহাস সংকলন মাত্র আজকাল শুরু হইবার কথা। মাকু সম্রাটগণের সময়ে (৬৪৪—১৯১২) মিউবংশের শেষ পর্য্যন্ত চীনা ইতিহাস সংকলিত হইয়াছিল। সুপ্রাচীন কাল হইতে ১৬৪৩ খৃষ্টাব্দ পর্য্যন্ত চব্বিশ খানা বংশেতিহাস বা চিং-শিহ্ এক্ষণে দেখিতে পাই। এই ২৪ খানা ‘ডাইন্যাষ্টিক হিস্টরি’ বা রাজবংশের ইতিহাস ১৭৪৭ খৃষ্টাব্দে বর্তমান আকারে প্রকাশিত করা হয়। এইগুলি ২১৯ স্তম্ভে ৩৬০ বাঁধাইয়া রাখা হইয়াছিল। আজকাল চীনা রাজবংশের চীনা ইতিহাস বলিলে ১৭৪৭ সালের সংস্করণ বুঝা হইয়া থাকে।

প্রায় প্রত্যেক চি-শিহ্ বা ‘রাজবংশের ইতিহাস’-গ্রন্থে নিম্ন-লিখিত বিষয়গুলি বিবৃত দেখা যায়:—

(ক) ‘রাজচরিত’ বা সম্রাটগণের কার্যাবলী। এই অংশে রাজ-রাজড়াদের কথা ষেরূপ থাকা উচিত সেইরূপই আছে।

(খ) বিবিধ প্রবন্ধ। (১) মাসপঞ্জী বা বর্ষপঞ্জী (২) উৎসব পার্বন নিত্যকর্ম পদ্ধতি ইত্যাদি (৩) সঙ্গীত, (৪) আইনকানুন (৫) আর্থিক

অবস্থা (৬) সরকারী পূজা (৭) জ্যোতিষ (৮) জলবায়ু আবহাওয়া
ও প্রাকৃতিক অবস্থা (৯) ভৌগোলিক তথ্য (১০) সাহিত্য সংবাদ । এই
দশ বিষয়ে ভিন্ন ভিন্ন প্রবন্ধ প্রণীত হয় ।

(গ) দেশের কথা । (১) দেশীয় নামজাদা স্ত্রীপুরুষগণের বৃত্তান্ত (২)
বিদেশপ্রসঙ্গ বা “বর্কর”মণ্ডলের কথা । এই প্রসঙ্গ আমাদের পরি-
ভাষায় “মেচ্ছ” পুরাণ ।

চব্বিশ খানা বংশেতিহাস হইতে ‘বিদেশ-প্রসঙ্গ’ নামক অধ্যায়-
গুলি বাছিয়া লইলে আধুনিক পণ্ডিতগণ চীনাাদের সঙ্গে অগাঢ় জাতির
লেনদেন সহজেই বুঝিতে পারিবেন । অধ্যাপক হার্শ তাঁহার (China and
the Roman Orient অর্থাৎ “চীনের সঙ্গে রোমক এশিয়ার কার-
বার” নামক গ্রন্থে এশিয়া মাইনর বিষয়ক তথ্যগুলি সঙ্কলন করিয়াছেন ।
এইরূপে ভারতবিশয়ক চীনা তথ্যসমূহও সঙ্কলিত হইতে পারে । চীনা
ঐতিহাসিকগণ শৃঙ্খল-পটু । আমাদের পুরাণকারদিগের রচনায়ও
এই শৃঙ্খলা দেখা যায় । চীনা ইতিহাসে হুণ-“অধ্যায়”, ভারত-“খণ্ড”
বর্কর-মণ্ডল ইত্যাদি পরিচ্ছেদবিভাগ আছে । ভারতবর্ষ সম্বন্ধে চীনারা
যুগে যুগে নব নব জ্ঞান লাভ করিয়াছে । চব্বিশ খানা ইতিহাসে এই
জ্ঞানবুদ্ধির পরিচয় প্ৰাণ্ডিয়া যায় । ভারতবর্ষ সাধারণতঃ “তিয়েন-চু”
(সর্গ) নামে পরিচিত । অনেক স্থলে “পাশ্চাত্য বর্করগণের দেশ” এই
নামও দেখিতে পাই । চীনাাদের ধারণায় তাহারাই দুনিয়ার একমাত্র
সভ্য জাতি এবং তাহাদের জন্মভূমিই “মিডল কিংডম্” অর্থাৎ
“দুনিয়ার মধ্যবর্তী বা কেন্দ্র-দেশ” অর্থাৎ “ভূমধ্য জনপদ” । সুতরাং
চীনের উত্তর প্রান্তের লোক উত্তরবর্কর মেচ্ছ বা বিদেশী, দক্ষিণ
প্রান্তের লোক দক্ষিণবর্কর ইত্যাদি । প্রাচীন কালে চীনারা
তাহাদের দেশের পশ্চিম দিকে মধ্য এশিয়ায় সর্ব প্রথমে বিদেশী বা

‘বর্ষর’গণের সঙ্গে সাক্ষাৎ লাভ করে। মধ্য-এশিয়া হইতে তাহারা ভারতবর্ষের প্রথম সংবাদ পায়—পরে মধ্য-এশিয়ার পথেই ভারত-বাসীর সঙ্গে চীনাদের কারবার শুরু হয়। এইজন্য ভারতবর্ষ চীনাদের ধারণায় “পশ্চিম” বর্ষরদিগের দেশ এবং আমরা ‘পশ্চিম বর্ষর’। মাঝে আশলে ভারতবর্ষের নাম হয় ‘ইন্দো’। কিন্তু চীনা সাহিত্যে ভারতবর্ষের কথা জানিতে হইলে “তিয়েন-চু” এবং “পশ্চিম বর্ষর-দিগের দেশ” এই দুই বিষয়ের সূচী দেখিতে হইবে। এই সূচীগুলির অন্তর্গত তথ্যসমূহ সংগৃহীত হইলে একদিন ভারতবর্ষের চীনা ইতিহাস বুদ্ধিতে পারিব।

(২) দ্বিতীয় শ্রেণীর চীনা ঐতিহাসিক গ্রন্থের নাম “পীন্-নীন্”। ইংরেজিতে ইহার প্রতিশব্দ “আন্সাল্‌স্” অর্থাৎ বার্ষিক বিবরণী। এই সকল বিবরণীতে বংশেতিহাসের সকল তথ্যই থাকে। কিন্তু তথ্যগুলি সাজাইবার কার্যদা স্বতন্ত্র। বৎসর অনুসারে পরিচ্ছেদ বিভাগ করা হয় এবং পরিচ্ছেদগুলি বিভিন্ন তথ্যানুসারে বিভাগ করা হয়। ব্রিটিশ ভারতীয় সরকারী রিপোর্টগুলি পীন্-নীন্ জাতীয় গ্রন্থ : বার্ষিক বিবরণী সমূহের সংখ্যা চীনা সাহিত্যে প্রচুর। প্রত্যেক রাজবংশের আশলেই একাধিক ঐতিহাসিক এই প্রণালীতে দেশের কথা, বুদ্ধিতে এবং বুদ্ধিতে চেষ্টা করিয়াছেন। কোন কোন সময়ে সম্রাটগণের আদেশেও পীন্ নীন্ গ্রন্থ সংকলিত হইয়াছে। একাদশ শতাব্দীর মধ্যভাগে সুঙ আশলে ছি-মা-কোয়াঙ্ একখানা “বার্ষিক বিবরণী” প্রণয়ন করেন। এই গ্রন্থে খৃষ্টপূর্ব চতুর্থ শতাব্দী হইতে সুঙ আশলের প্রারম্ভ পর্যন্ত (খৃঃ অঃ ৯৬০) ১৩৬০ বৎসরের কথা বৎসর হিসাবে সাজান আছে। গ্রন্থ ২৯৪ অধ্যায়ে বা ধণ্ডে বিভক্ত। ছি-মা-কোয়াঙ্‌র নাম এই ধরনের ইতিহাস-সাহিত্যে সর্বপ্রসিদ্ধ। কন্ফিউসিয়াস্ স্বয়ং এই রচনা-প্রণালীর প্রবর্তক ছিলেন।

তঁাহার “বসন্ত ও শরৎ” (“শ্চিং অগাও অটাম্”) নামক বার্ষিক বিবরণী এই জাতীয় ইতিহাসগ্রন্থের সর্বপ্রথম ।

(৩) চীনা লেখকগণের মধ্যে কেহ কেহ বংশবৃত্তান্ত এবং বার্ষিক বৃত্তান্ত এই দুই বৃত্তান্তের মাঝামাঝি পথে চলিয়াছেন । হুটনাবলী সাজাইবার জন্য তঁাহারা কোন বাধাবাধির মধ্যে প্রবেশ করেন নাই নিজ নিজ খেয়াল অনুসারে তঁাহারা এই দুই ধরনের গ্রন্থাবলী হইতে তথ্য বাছিয়া লইয়াছেন এবং সেইগুলি খুলিয়া ফলাইয়া বাড়াইয়া বুদ্ধিতে ও বুঝাইতে চেষ্টা করিয়াছেন । এই ধরনের আলোচনা-প্রণালীকে ইতিহাসের ব্যাখ্যা বলা চলিতে পারে । ব্যাখ্যা, টীকা, ভাষ্য ও সমালোচনা সম্বন্ধে লেখকের স্বাধীনতা যথেষ্টই থাকে । আর, লেখকের পেটে বেরূপ বিদ্যা এইগুলির মূল্য ও আদর তদনুরূপ হইবারই কথা । কনফিউশিয়াসের সঙ্কলিত প্রসিদ্ধ “শু-কিও” বা “ইতিহাস-গ্রন্থ” এই প্রণালীতে লিখিত ইতিহাস । কনফিউসিয়াসের পর অনেকদিন পর্যন্ত কোন চীনা পণ্ডিত এই প্রণালীতে দেশের তথ্য ঘাঁটিতে প্ররত্ব হন নাই । সুও আমলে একজন প্রথম হাত দেন তঁাহার নাম য়়েন্-চু । য়়েনের নুতন প্রণালী রাজদরবারে বিশেষ সমাদৃত হইয়াছিল । য়়েন্ তঁাহার সমসাময়িক ছিনা-কোরাঙের বার্ষিক বিবরণী হইতে তথ্য লইয়া ছিলেন । এই সকল তথ্যের ব্যাখ্যা এবং সমালোচনাই য়়েনের গ্রন্থ । ইহা ৪৭ খণ্ডে সম্পূর্ণ । য়়েনের পাশে পরবর্তীকালে অনেক ঐতিহাসিক অগ্রসর হইয়াছেন ।

(৪) চতুর্থ শ্রেণীর ঐতিহাসিক গ্রন্থের নাম “পী-শিহ্” । পী-শিহ্ গুলি চিং-শিহ্ অর্থাৎ বংশেতিহাসের প্রায় অনুরূপ । এইগুলির তথ্য বংশ অনুসারে সাজান । তবে চীনা হেরোডোটাস ছিনা-চীয়েনের প্রবর্তিত তথ্যতালিকা হইতে পী-শিহ্ তথ্যতালিকা কোন কোন

অংশে স্বতন্ত্র । চীনাঙ্গের ইতিহাস-গ্রন্থের সংখ্যাও বেশ মোটা । প্রায় প্রত্যেক যুগেই এই ধরনের গ্রন্থ লেখা হইয়াছে । মিঙ আমলের ইতিহাস সম্বন্ধীয় একখানা গ্রন্থের মধ্যে নিম্নলিখিত চৌদ্দ দফা তথ্য আছে :—(১) সরকারী দলিল দস্তাবেজ (২) সিংহাসনবর্জনের কথা (৩) রাজকুমারগণের কুলজী (৪) রাজকুমারগণের কথা (৫) সম্রাট বা অভিজাত বংশীয়গণের বৃত্তান্ত (৬) অমাত্য, সচিব এবং অগাণ্ড রাষ্ট্র কর্মচারীদের তালিকা (৭) দুই মহানগরীর শাসন-কর্তাদের তালিকা (৮) প্রসিদ্ধ মন্ত্রীদিগের বৃত্তান্ত (৯) বংশলোপের সময়কার হৃদশা-গ্রন্থ অমাত্যগণের কথা (১০) দিন ক্ষণ গ্রহ নক্ষত্র (১১) ভৌগোলিক তথ্য (১২) পূজাপাঠন, নিত্যকর্মপদ্ধতি, আচার বিচার ইত্যাদি (১৩) শাসন-বিভাগের কাগজপত্র (১৪) বিদেশ-প্রসঙ্গ বা বর্ষের ও স্নেহদিগের কথা । এইগ্রন্থ ৬৯ খণ্ডে বিভক্ত ।

(৫) পঞ্চম শ্রেণীর ইতিহাসকে “চা-শিহ্” বলে । কোন বিশিষ্ট নিয়ম অনুসারে এই ধরনের গ্রন্থ লেখা হয় নাই । পূর্বেক্ত চারি শ্রেণীর কোন লক্ষণই চা-শিহ্ গ্রন্থে নাই । হিন্দু সাহিত্যের অনেক গ্রন্থে “মিশ্র” অধ্যায় দেখিতে পাই । তাহাতে “পাঁচফুলে সাজি”র পরিচয় পাওয়া যায় । আমাদের বর্তমান মাসিক পত্রের সুপরিচিত “বিবিধ প্রসঙ্গ” বা “নানা কথা” এই মিশ্র অধ্যায়ের অনুরূপ । চীনা “চা-শিহ্” গুলিও ঠিক তাই । একখানা গ্রন্থে কোন সম্রাটের সঙ্গে মন্ত্রিবর্গের কথোপকথন বিরত হইয়াছে । এই গল্পের ভিতর দিয়া রাষ্ট্র শাসনের নানা কথা বুঝানই উদ্দেশ্য । পুস্তকখানা তাঙ আমলে লিখিত হইয়াছিল । সুঃ আমলের একব্যক্তি ১৫ বৎসরের জন্ম মাঞ্চুরিয়ার রাজদরবারে চীন প্রতিনিধি রূপে বাস করিয়াছিলেন । সেই সময়ে তিনি যুকডেন সম্বন্ধে নানা কথা ডায়রিতে লিখিয়া রাখেন । কিন্তু মাঞ্চু রাজার কর্মচারিরা

তাহাকে এই ডারেরি আঙনে পোড়াইয়া ফেলিতে বাধা করেন । স্বদেশে ফিরিয়া আসিবার পর রাষ্ট্রদূত মহাশয় তাহার পনর বৎসরের স্থিতি লিপিবদ্ধ করিয়াছিলেন । সেই “জীবন স্থিতি” ঐতিহাসিক তথ্যে পূর্ণ । মিও, বংশের শেষ সম্ভ্রানগণ মাঝু আমলে কয়েকবার রাজাপ্রাপ্তির জন্য বিদ্রোহী হন । এই বিদ্রোহের কথাও কয়েক খানা গ্রন্থে বিদ্রুত আছে । এই ধরনের “বিবিধ-প্রসঙ্গ” পূর্ণ চা-শিহ্ গ্রন্থ চীনা সাহিত্যে অনেক ।

এই সমুদয় “মিশ্র” ইতিহাসের মধ্যে একখানা বিশেষ প্রসিদ্ধ হইয়াছে । উহা চিন্তাকর্ষক উপন্যাসরূপে পঠিত হইয়া থাকে । হানবংশের পর চীনে মাৎস্যাণ্যের ঘটনা দেখা গিয়াছিল । এই মাৎস্যাণ্যের বৃত্তান্ত “কাও-চি” অর্থাৎ “ধণ্ড-চীনের কাহিনী” গ্রন্থে বর্ণিত আছে । ইহাতে লেখক ১৭০ খৃঃ অঃ হইতে ৩১৭ পর্যন্ত কালের বিবরণ দিয়াছেন । লেখক খৃষ্টীয় চতুর্থ শতাব্দীর মধ্যভাগে জীবিত ছিলেন ।

(৩) সরকারী দপ্তরের খাতা পত্র সমূহ সংগ্রহ করিবার জন্য চীনে অনেক পণ্ডিত নাগা ঘামাইয়াছেন । রাজদরবার হইতেও উৎসাহ দেওয়া হইয়াছে । তাও আমলের দলিলগুলি সুও আমলে সংকলিত হইয়াছিল । ১৩০ খণ্ডে এই সংকলন বিতরু । অন্যান্য আমলের “বাখার” ইস্তাহার এবং “গেজেট”ও একত্র হইয়াছে । এই সকল “সরকারী কাগজে”র মধ্যে এক প্রকার সাহিত্য বিশেষ উল্লেখযোগ্য । মাঝুবংশের প্রথম পাঁচ সম্রাট আমাদের অনোকের কার্যদায় মাঝে মাঝে “অনুশাসন” জারি করিতেন । এইগুলি আইন বা আদেশ নয়—বক্তৃতা ও উপদেশ মাত্র । কথাগুলো সম্রাটগণ জনসাধারণকে রাষ্ট্রশাসনের নানা বিষয় বুঝাইতে চেষ্টা করিতেন । প্রাচীন ইতিহাসের অনেক দৃষ্টান্ত দ্বারা কথাগুলি সরল ও সহজ-বোধ্য করা হইত । এই সমুদয় অনুশাসন,

রাজ্যোপদেশ বা রাজ্য বক্তৃতা ১৭৪০ খৃষ্টাব্দে সাজাইয়া ওছাইয়া প্রকাশ করা হইয়াছে ! ১১২ খণ্ডে এই “উপদেশামৃত” বিতন্ত্র ।

(৭) চয়েন্-কিহ্” অর্থাৎ জীবন-চরিত ইতিহাস সাহিত্যের অন্তর্গত । খৃষ্টপূর্ব যুগেও চীনারা জীবনচরিত লিখিত । কন্ফিউশিয়াস-ভক্ত দার্শনিক মেন্শিয়াস খৃষ্টপূর্ব চতুর্থ শতাব্দীর লোক । তাঁহার বিরুদ্ধবাদী ছিলেন দার্শনিক “মিহ্-ট্জে” । মিহ্-ট্জের এক শিমোর নাম গান্-রাও । এই “গানের” চরিত-কথা পাওয়া যায় । লেখকের নাম অজ্ঞাত । “গান্ চরিত” হইতে আমরা চীনা দার্শনিক মহলের অনেক তথ্য পাইতে পারি । গ্রীক দার্শনিক সফ্রেটিশ প্লেটো ইত্যাদির মতবাদ আমরা তাঁহাদের কথোপকথন হইতেই সংগ্রহ করিয়া থাকি । খৃষ্টীয় প্রথম শতাব্দীতে প্রসিদ্ধ নারীগণের এক আখ্যায়িকা প্রণীত হইয়াছিল । “নারী-চরিত” চীনা সাহিত্যে অনেক । মোটের উপর জীবন-চরিতের সংখ্যা অগণিত বলিলেই চলে । কোন গ্রন্থে ৯৬ জন পণ্ডিতের কথা, কোন গ্রন্থে ৩৯ জনের কথা, কোন গ্রন্থে ৫৯ জনের কথা, কোন গ্রন্থে ৩৯৭ জনের কথা জানিতে পারি । মোগল আমলের ৪৭ জন প্রধান মন্ত্রীর জীবন-চরিত একখানা ১৫ খণ্ডে বিতন্ত্র গ্রন্থে বিরূত আছে ।

১১৭২ খৃষ্টাব্দে একজন বড় কর্মচারী রাজধানী হইতে তাঁহার কর্মক্ষেত্রে যাইতেছিলেন । পথে তিন মাস কাটে । এই তিন মাসের ডায়েরী পাওয়া যায় । লেখকের নাম ফান্-চিং-তা । ইনি ১১৭৭ খৃষ্টাব্দে আর একবার ছি-ছোয়ান প্রদেশ হইতে হাং-চাও নগরে আসিতেছিলেন । পথে পাঁচ মাস কাটে । এই পাঁচ মাসের বৃত্তান্তও লিপিবদ্ধ হইয়াছে । এই ১১৭৭ সালের ডায়েরিতে ভারতবাসীর জাতব্য তথ্য আছে । বৌদ্ধ-সাহিত্য সংগ্রহের জগু ৩০০ চীনা পুরোহিত ভারতে আসিয়াছিলেন । তাঁহাদের অভিজ্ঞানের কথা এবং ভারত-পরিচয় ও ফান্ মহাশয়ের

দ্বিতীয় আত্মজীবনী গ্রন্থে সন্নিবিষ্ট হইয়াছে। এই ৩০০ পুরোহিত কোন্ কোন্ যুগের লোক জানি না।

এই শ্রেণীর ডায়েরি বা ভ্রমণবৃত্তান্ত চীনা সাহিত্যে আরও আছে। এতদ্ব্যতীত সেনাপতিদিগের লিখিত “ডিপ্লোম্যাটিক” অভিযানের বিবরণ, বিদ্রোহদমনের বিবরণ ইত্যাদিও পাই।

সরকারী চাকরীতে লোক বাহাল করা চীনে এক বিরাট কাণ্ড। কেতাবী শিক্ষার পরীক্ষা না লইয়া রাষ্ট্রবীরগণ কোন কর্মচারী নিযুক্ত করেন না। লোক বাছায়ের জন্ত “আচ্চ” পরীক্ষা, “মধ্য” পরীক্ষা এবং “উচ্চ” পরীক্ষার ব্যবস্থা আছে। ১৩৭১ খৃষ্টাব্দে মিঙ্ আমলে সর্বপ্রথম “উচ্চ” পরীক্ষা গৃহীত হয়। এই কাণ্ডের এক সরকারী রিপোর্ট প্রকাশিত হইয়াছিল।

এক খানী সচিত্র গ্রন্থে কনফিউশিয়াস এবং তাহার ৭১ জন শিষ্যের কথা আছে। প্রত্যেকের ছবিও ছাপা হইয়াছে। বিবরণ গদ্যে এবং পদ্যে প্রদত্ত। পৃষ্ঠাংশে প্রত্যেকের মাহাত্ম্য-কীর্তিন।

১৭২৯ খৃষ্টাব্দে একখানা গ্রন্থ প্রকাশিত হইয়াছিল। তাহার নাম “চাও-জিন্-চুয়েন” অর্থাৎ “গণিতজ্ঞ জীবনী”। প্রাচীনতম কাল হইতে ১৭২৯ খৃষ্টাব্দ পর্য্যন্ত প্রত্যেক চীনা গণিতকারের বিবরণ ইহাতে আছে। ৪৬ খণ্ডে এই গ্রন্থ বিভক্ত। শেষ তিন খণ্ডে ইয়োরোপীয় পণ্ডিতগণের নাম পাওয়া যায় :—যথা এরিষ্টার্কাস, ইউক্লিড, ক্ল্যাভিয়াস, নিউটন, ক্যাসিনি। অধিকন্তু চীনে যে সকল জেসুট পাদ্রী গণিত-শাস্ত্র প্রচার করিয়াছেন তাহাদের পরিচয়ও পাই। রিচি (Ricci), শাল (Schaal), ভার্বিয়েষ্ট (Verbiest) ইত্যাদির নাম চীনা মধ্যযুগে প্রসিদ্ধ।

(৮) “শিহ্-চ্যাও” অর্থাৎ “ইতিহাস-চুস্ক” এবং “ঐতিহাসিক চয়ন” চীনা ইতিহাসের এক বিভাগ। প্রকাণ্ড প্রকাণ্ড গ্রন্থ হইতে বাছিয়া

কিয়দংশ প্রকাশ করা অনেকে বুদ্ধিমানের কার্য্য বিবেচনা করিতেন। কনফিউশিয়াস স্বয়ং এই পথের প্রবর্তক। তাঁহার “ও-কিঙ” বা “ইতি-হাস-গ্রন্থ” একশত অধ্যায়ে বিভক্ত। তিনি নাকি ৩২৪০ অধ্যায়ে বিভক্ত মহাভারত-কল্প গ্রন্থের সারাংশ শুকিঙে চালিয়াছেন। ভারতবর্ষের সাহিত্যে এইরূপ সারাংশ বা চম্বক বা সংক্ষেপ সুপরিচিত। চিকিৎসা বিভাগে, নীতি-শাস্ত্র বিভাগে, নাট্যশাস্ত্র বিভাগে, এবং অন্যান্য বিভাগে, নাকি বড় বড় মহাভারত ছিল। স্বল্পায়ু মানুষের প্রতি দয়া করিয়া আয়ুর্বেদাদি বিদ্যার প্রবর্তকেরা লাখ শ্লোকের কথা নাকি দশ শ্লোকে বলিয়াছেন। শুক্রনীতির লেখক ভূমিকায় একথা বলিয়া গ্রন্থ শুরু করিয়াছেন। সাঙ আমলে চীনে ১৭ রাজবংশের ইতিহাস ছিল। সেইগুলি হইতে প্রয়োজনীয় অংশ একজন সঙ্কলন করিতে প্রবৃত্ত হন। এই চয়নিকাই ২৭৩ খণ্ডে বিভক্ত। এইরূপ চয়নকার্য্য চীনে সর্বদাই চলিয়াছে।

(৯) “সমসাময়িক দলিল” নামে এক প্রকার ইতিহাসগ্রন্থ চীনে দেখিতে পাওয়া যায়। এই সমুদয় দলিলে ছোট ছোট রাজবংশের বৃত্তান্ত আছে। চীনে বড় বড় সাম্রাজ্যের সঙ্গে সঙ্গে ছোট ছোট স্বাধীন রাজ্যের অস্তিত্ব প্রায় সকল শতাব্দীতেই দেখা গিয়াছে। অথও চানের এক্যবন্ধ রাষ্ট্র কখনও বহুকাল স্থায়ী হয় নাই। কাজেই স্বয়ং-প্রধান ক্ষুদ্র ক্ষুদ্র রাষ্ট্রের ইতিহাস চীনা সাহিত্যের এক বড় বিভাগ।

(১০) “শিহ-লিঙ” বা ঋতু-তত্ত্ব বা কালতত্ত্ব ইতিহাসেব অন্যতম শাখা। প্রাকৃতিক অবস্থা এবং আবহাওয়ার পরিবর্তন এই সকল গ্রন্থের আলোচ্য বিষয়।

(১১) “তে-লে” বা ভূগোল ও প্রকৃতি-পরিচয়। চীনাদের ভূগোল-সাহিত্য বিরাট। জগতের আর কোন জাতি স্বদেশের নদ নদী বন পর্বত এরূপ বিস্তৃত ও পুঙ্খানুপুঙ্খভাবে জানিতে চেষ্টা করে

নাই । রাজবংশের ইতিহাস এবং অন্যান্য খাটি ইতিহাসগ্রন্থে ভৌগোলিক তথ্য আছেই । স্বতন্ত্র ভৌগোলিক গ্রন্থের পরিমাণও প্রচুর । প্রত্যেক প্রদেশ, প্রত্যেক জেলা, এমন কি প্রত্যেক পল্লীর কথা চীনা “তে-লে” সাহিত্যে বিরাজ করিতেছে । কনফিউশিয়াসের “লু-কিও” গ্রন্থের যুগ হইতেই চীনাঙ্গের ভূগোল-বিদ্যার অঙ্গুরাগ বৃদ্ধিতে পারি । ভারত-বর্ষের ভূগোল নামক স্বতন্ত্র বিদ্যার অস্তিত্ব ৩২ বিদ্যার তালিকায় পাঠি না । পৌরাণিক গ্রন্থাবলীতে যত খানি ভূগোল আছে তাহার জোরে ভারতবাসীকে ভূগোলতত্ত্ববিৎ বলা চলে না । স্বন্দ-পুরাণের “কাশীখণ্ড” “সহ্যাদ্রি-খণ্ড” ইত্যাদি নামের উল্লেখ করিলে আমাদের লজ্জা বাড়িবে বৈ কমিবে না ।

(১২) “চিহ্ কোয়ান্” বা “রাষ্ট্রসেবকগণের কর্তব্য” । এই নামে এক প্রকার সাহিত্য সুপ্রাচীন কাল হইতে চলিয়া আসিতেছে । খৃঃ পূঃ ৭ম দশম শতাব্দীতে “চাও-লি” গ্রন্থ রচিত হইয়াছিল । চাও রাজ-বংশের আমলে (খৃঃ পূঃ ১১২২-২৪৯) এই গ্রন্থবর্ণিত নিয়ম অনুসারে রাষ্ট্রকর্ম পরিচালিত হইত । ইহা চীনের “অর্থশাস্ত্র” বা কোটিকা-নীতি । হুনিয়ার সাহিত্যে এত পুরাতন “নীতিশাস্ত্র” এখনও আবিষ্কৃত হয় নাই । চাও-লির পর তাও আমলে রাজকর্মচারীগণের কর্তব্য সম্বন্ধে একখানা গ্রন্থ প্রণীত হইয়াছিল । তাহার পর অন্যান্য আমলেও চি-কোয়ান্ রচিত হইয়াছে ।

(১৩) “চিং-ও” বা রাষ্ট্রবিজ্ঞান বা শাসন-বিজ্ঞান । চীনা ইতিহাস-সাহিত্যে এই গ্রন্থাবলী বিশেষ উল্লেখযোগ্য । এই সময়ের সংখ্যাও অনেক । সর্বপ্রাচীন গ্রন্থের নাম “তুং-তীয়েন্” । ২০০ খণ্ডে উহা বিভক্ত । ইহা তাও যুগের রচনা । গ্রন্থের আনোচ্য বিষয়-(১) ধনবিজ্ঞান (২) দেশের আর্থিক অবস্থা (২) সাহিত্য (৩) শিক্ষার কথা (৩) সরকারী

কাছারীর কথা (৪) নিতাকর্ষ পদ্ধতি (৫) সঙ্গীত (৬) সময়বিভাগ, (৭) ভূগোল (৮) দেশ রক্ষার বিভিন্ন উপায় । ঊন্বোদশ শতাব্দীর একখানা গ্রন্থ বিদেশীয় পণ্ডিত মহলে আজকাল বিশেষ প্রসিদ্ধ । উহার নাম “ওয়ান্-হীয়েন্-তুঙ্-কাও” । লেখকের নাম না-তোয়াম্ লিন্ । প্রত্যেক যুগেই চীনে এইরূপ “শুক্ৰনীতি” প্রণীত হইয়াছে । আবুল ফজলের “আইনি আকবরীর” মতন হাজার হাজার গ্রন্থ চীনা সাহিত্যে পাওয়া যায় ।

(১৪) “গ্রন্থতালিকা” নামক গ্রন্থের সংখ্যা চীনা সাহিত্যে অপরিমিত । চীনারা লেখা পড়ায় ওস্তাদ । প্রত্যেক যুগেই তাহারা গ্রন্থশালায় আদর করিয়াছে । কাজেই গ্রন্থতালিকা প্রস্তুত করাও আবশ্যিক হইয়াছে । এই তালিকাগুলি আলোচনা করিলে চীনা শিক্ষা ও সাহিত্যের ক্রমবিকাশ বুঝা যাইতে পারে । ভারতবাসী এ বিষয়ে নিতান্ত দরিদ্র নহেন । গ্রন্থশালায় মধ্যযুগে এবং গ্রন্থতালিকার মূল্য প্রাচীন এবং মধ্য যুগের হিন্দু পণ্ডিতেরা ও রাজ-রাজড়ারা বেশ বুঝিতেন । এখনও প্রত্যেক অর্ধ স্বাধীন বা করদ রাষ্ট্রের সরকারী লাইব্রেরী সবচেয়ে রক্ষিত হইয়া থাকে । এই সময়ের গ্রন্থতালিকাও আছে । এই তালিকাগুলির তালিকা প্রস্তুত করিয়া আউফ্রেঙ্ক্, “ক্যাটালোগাস ক্যাটালোগোরাম” প্রকাশ করিয়াছেন ।

(১৫) “শিহ্-পিঙ্” বা “ঐতিহাসিক প্রবন্ধ ।” লক্ষ লক্ষ গ্রন্থ এই শ্রেণীর অন্তর্গত । ঐতিহাসিক তথ্যের ভাষা, ব্যাখ্যা ও সমালোচনা এই সাহিত্যের উদ্দেশ্য । এইগুলিকে চীনা “ইতিহাস-বিজ্ঞান” বলিতে পারি । ঊন্বোদশ শতাব্দীর একজন লেখক পূর্ববর্তী তাঙ্ আমলের চীনা জীবন সমালোচনা করিয়া একখানা গ্রন্থ লিখিয়াছিলেন । ঊন্বোদশ শতাব্দীতে এক রাজকর্মচারী আফিস হইতে ছুটি লইয়া

চীনাঙ্গের ইতিহাস-সাহিত্য ।

একখানা বই লেখেন । তাহাতে প্রাচীনতম কাল হইতে আরম্ভ করিয়া তাহার সময় পর্য্যন্ত প্রসিদ্ধ চীনা রাষ্ট্রবীরগণের কার্যাবলী আলোচিত হইয়াছে ।

উনবিংশ ও বিংশ শতাব্দীর ইয়োরামেরিকানেরা এশিয়াবাসীকে কাণ্ডজ্ঞানহীন গরু বিবেচনা করিতে অভ্যস্ত । তাঁহারা চীনা সাহিত্যের এই পনর দফা ইতিহাস গ্রন্থাবলীর তালিকা দেখিলেই নিজেদের বেকুবি বুঝিতে পারিবেন । কেহ কেহ বলিতে পারেন—“পাশ্চাত্য সাহিত্যের ইতিহাসগ্রন্থাবলীর পাশে চীনা ইতিহাস-গ্রন্থসমূহ নিতান্ত ছেলেখেলা নয় কি ?” জবাব - “উচ্চশ্রেণীর ইতিহাস-সাহিত্য ইয়োরোপে সে দিন মাত্র জন্মগ্রহণ করিয়াছে । উনবিংশ শতাব্দীর পূর্বে পাশ্চাত্য সাহিত্যসংসারে ইতিহাসের মতন ইতিহাস ছিল না ।” বস্তুতঃ অষ্টাদশ শতাব্দীর মধ্যভাগে ইংরেজ গিবন ইংরাজি সাহিত্যের এই অসম্পূর্ণতা লক্ষ্য করিয়াছিলেন । তাঁহার সময়ে হিউম্ এবং রবার্টসন দুইখানা ইতিহাস গ্রন্থ রচনা করেন । আজকাল সেই গ্রন্থদ্বয়ও “বাতিল” হইয়া গিয়াছে । একমাত্র গিবন-প্রণীত “রোমান সাম্রাজ্যের ক্রমপতন” বিংশ শতাব্দীতেও পণ্ডিতগণের শিরোধার্য্য । এই গ্রন্থের রচনাকাল ১৭৭৬—১৭৮৮ । অষ্টাদশ শতাব্দীর এবং পূর্ববর্তী যুগের অন্যান্য ইতিহাস-গ্রন্থ আজকাল ভদ্রলোকের পাতে দেওয়া যায় না । বড় বড় ইংরেজ ঐতিহাসিক সকলেই উনবিংশ শতাব্দীর লোক । ভু-ভব (জিয়লজি) এবং প্রাণ-বিজ্ঞান (বায়োলজি) এই দুই বিদ্যার প্রভাবে উনবিংশ শতাব্দীর ইতিহাস রচনা নিরস্তিত হইয়াছে । সুতরাং এই যুগের ঐতিহাসিক গ্রন্থের সঙ্গে পূর্ববর্তী কোন যুগের ইতিহাস-লেখকের রচনা তুলনা করা চলে না । এই কথা মনে রাখিলে বুঝিব

১৪ চীনাঙ্গের ইতিহাস-সাহিত্য জগৎক জাতিজীবন ।

সংস্কৃত বৌদ্ধ সাহিত্যের চীনা অনুবাদ ।

চীনে ভারত-প্রভাব একমাত্র ধর্মক্ষেত্রেই আবদ্ধ ছিল না । চীনা-জাতির সমগ্র জীবনধারাই ভারতীয় ভাবাপন্ন হইয়াছিল । সেই বিরাট ভারত-প্রাবনের ইতিহাস এখনও রচিত হয় নাই । চীনারা নিজে এই প্রাবনের ধর্ম-বিভাগটার ইতিহাস লিখিয়া রাখিয়াছে ।

সংস্কৃত সাহিত্য চীনা ভাষায় অসংখ্যবার অনূদিত হইয়াছে । চীনা পণ্ডিত এবং ভারতীয় পণ্ডিত উভয়ের সমবায়ে এই কার্য সাধিত হইয়াছে । অনুবাদগুলি অনেকবার সম্রাটগণ কর্তৃক গ্রন্থাগারে সংগৃহীত হইয়াছে । অনেকবার এই গ্রন্থসমূহের তালিকা-গ্রন্থ প্রস্তুত করা হইয়াছে । অনেকবার অনুবাদ গ্রন্থগুলি মুদ্রিত করানও হইয়াছে ।

অনুসন্ধানে জানা যায় যে, অন্ততঃ দ্বাদশ বার বৌদ্ধ সংস্কৃত গ্রন্থের চীনা অনুবাদগুলি রাজদরবার কর্তৃক লাইব্রেরিতে একত্র করা হইছিল ।

(১) ৫১৮ খ্রীষ্টাব্দে প্রথম সংগ্রহ হয় । লিয়াও বংশের প্রবর্তক উ-তি (৫০২-৪৯) তখন রাজা ছিলেন ।

(২) ৫৩৩-৩৪ সালে দ্বিতীয় সংগ্রহ । উক্তর উ-ই বংশের তখন রাজত্বকাল ।

(৩) ৫৯৪ (৪) ৬০২ খ্রীষ্টাব্দে তৃতীয় ও চতুর্থ সংগ্রহ । এই সংগ্রহের প্রবর্তক ছিলেন সুইবংশের স্থাপয়িতা সম্রাট ওয়ান্-তি (৫৮৯-৬০৪) ।

(৫) ৬০৫-৬১৬ সালে পঞ্চম সংগ্রহ । সুইবংশের দ্বিতীয় সম্রাট প্রবর্তক ।

(৬) ৬৯৫ সালে ষষ্ঠ সংগ্রহ। তাঙবংশের সম্রাট উ (৬৮৪-৭০৫) এই সংগ্রহের প্রবর্তক।

(৭) ৭৩০ সালে সপ্তম সংগ্রহ। তাঙসম্রাট ছয়েন-চুঙ (৭১৩-৫৫) প্রবর্তক।

(৮) ৯৭১ সালে অষ্টম সংগ্রহ। দ্বিতীয় সুঙবংশের স্থাপয়িতা (৯৬০-৭৫) প্রবর্তক।

(৯) ১২৮৫-৮৭ সালে নবম সংগ্রহ। মোগলবংশের স্থাপয়িতা (১২৮০-৯৪) ইহার প্রবর্তক।

(১০) ১৩৬৮-৯৮ সালে দশম সংগ্রহ। মিংবংশের স্থাপয়িতা প্রবর্তক।

(১১) ১৪০৩-২৪ সালে মিংবংশের তৃতীয় সম্রাট একাদশ সংগ্রহ প্রবর্তন করেন।

(১২) ১৭৩৫-১৭৩৭ খৃষ্টাব্দে দ্বাদশ সংগ্রহ। মাক্স সম্রাট শি-চুঙ (১৭২৩-৩৫) এবং কাও-চুঙ (১৭৩৬-৯৫) এই সংগ্রহের প্রবর্তক।

প্রত্যেক রাজবংশের আমলেই বৌদ্ধ সাহিত্যের সংগ্রহকার্য অনুষ্ঠিত হইয়াছে। এই সকল সংগ্রহ সরকারী সংগ্রহ। জনসাধারণ কর্তৃক সংগ্রহের কথা স্বতন্ত্র। রাজ দরবারে লাইব্রেরিতে এই সকল গ্রন্থ রক্ষিত হইত।

চীনা অনুবাদ গুলি বহুকাল পর্য্যন্ত হস্তলিখিত পুঁথির মধ্যে আবদ্ধ ছিল। নয়শত বৎসর কাল ভারতীয় ধর্মের প্রচার হইবার পর ধর্ম-সাহিত্যের মুদ্রণ কার্য আরম্ভ হয়। খৃষ্টীয় প্রথম শতাব্দীতে (৬৭) বৌদ্ধ সংস্কৃত গ্রন্থ চীনা ভাষায় সর্বপ্রথম অনূদিত হইয়াছিল। কিন্তু ৩৭২ খৃষ্টাব্দের পূর্বে ভারতীয় ধর্মগ্রন্থের কোন অনুবাদই ছাপান হয় নাই। তখন হইতে আর পর্য্যন্ত একহাজার বৎসরের ভিতর বহুবার

চীনা বৌদ্ধ গ্রন্থ ছাপা হইয়াছে । কতিপয় মুদ্রিত সংস্করণের তালিকা নিম্নে প্রদত্ত হইতেছে ।

(১) ৯৭২ খৃষ্টাব্দ । দ্বিতীয় সূঙ্‌বংশের স্থাপয়িতা মুদ্রণ-কার্যের প্রবর্তক ।

(২) ১০১০ সাল । কাড়ীয়ার নরপতি ক' ধর্মসাহিত্যের মুদ্রণ করাইয়াছিলেন । এই সংস্করণের একখানু বই আজও জাপানে দেখা যায় ।

(৩) ১২৩৯ সাল । দক্ষিণ সূঙ্‌বংশের রাজত্বকালে এক ব্যক্তি এই সংস্করণ ছাপাইয়াছিলেন । প্রকাশকের নাম নাই । জাপানে এই বই আছে ।

(৪) ১২৭৭-৯০ সাল মোগল আমলে এক ব্যক্তি এই সংস্করণ প্রকাশ করেন । নাম জানা যায় না । এই বই জাপানে পাওয়া যায় ।

(৫) ১৩৬৮-৯৮ সাল । মিঙ্‌বংশের স্থাপয়িতা এই সংস্করণেব প্রকাশক ।

(৬) ১৪০৩-২৪ সাল । মিঙ্‌বংশের তৃতীয় সম্রাট্ প্রকাশক ।

(৭) ১৫০০ সাল । একজন চীনা ভিক্ষুণী প্রকাশক । নাম ফা-কান । ইনি খাঁটি চীনা কায়দায় বই বাঁধাইয়াছিলেন । ইহার পূর্বে যে সমুদয় সংস্করণ ছাপা হইয়াছিল সেইগুলি ভারতীয় পুঁথির আকারে বাহির করা হয় । গ্রন্থ ব্যবহার করিতে পাঠকগণের বিশেষ অসুবিধা হইত । এই কারণে ফা-কান নূতন রীতি অবলম্বন করেন ।

(৮) ১৫৮৬-১৬০৬ । চীনা পুরোহিত মি-চাঙ্ প্রকাশক । তিনি ফা-কানের প্রদর্শিত প্রণালীতে বইগুলি ছাপাইয়াছিলেন ।

(৯) ১৬২৪-৪৩, জাপানী পুরোহিত তেন্-কাই প্রকাশক । এই সংস্করণটী জাপানী বৌদ্ধ সাহিত্যের প্রথম স্বদেশী ছাপা বই ।

সংস্কৃত বৌদ্ধ-সাহিত্যের চীনা অনুবাদ ।

(১০) ১৬৭৮-৮১। জাপানী পুরোহিত :দা-কো বা তেৎ-চু-গেন প্রকাশক । ইনি জনসাধারণের নিকট হইতে টাকা তুলিয়া বই ছাপা-ইয়াছিলেন ।

(১১) ১৭৩৫-৩৭। মাঝুবংশের দুই সম্রাট ইহার প্রকাশক ।

(১২) ১৮৬৯। একজন চীনা পণ্ডিত এবং একজন চীনা পুরো-হিত সমবেতভাবে এই সংস্করণ প্রকাশ করেন ।

(১৩) ১৮৮১। জাপানী বৌদ্ধ পরিষৎ হইতে এই সংস্করণের প্রকাশ হইয়াছে ।

এই ধরনের নব নব সংস্করণ চীনে বহুবার হইয়াছে । সকল সং-স্করণের সংবাদ পাওয়া যায় না । প্রত্যেক সংস্করণের বইও আঙ্ক-কাল নাই । অসংখ্য বিপ্লবে পুস্তকাদি লুপ্ত হইয়াছে । অধিকন্তু অগ্নি-কাণ্ডও গ্রন্থনাশের জন্ম দায়ী ।

এইবার চীনা বৌদ্ধ-সংস্কৃত-সাহিত্যের তালিকাগুলির নাম করি-তেছি । সর্বসমেত তেরবার এইরূপ কাটালগ প্রকাশিত হইয়াছিল । ত্রয়োদশ সংখ্যক তালিকা মিঙ্ আমলে (১৩৬৮-১৬৪৪) প্রস্তুত করা হয় । তারিখ ১৬০০ খৃষ্টাব্দ । এই তালিকাখানা জাপানী পণ্ডিত বৃনিউ নানজিউ কর্তৃক ইংরেজিতে অনূদিত হইয়াছে (১৮৮৩) । প্রকাশক অক্সফোর্ডের ক্লারেগুন প্রেস । প্রবর্তক বিলাতের ভারত-দরবার ।

এই কাটালগে ১৬৬২ খানা গ্রন্থের নাম আছে । এই সমুদয়ের মধ্যে ৩৪২ খানা বিবিধ—অপর গুলি “ত্রিপিটক” নামের অন্তর্গত । গ্রন্থসংখ্যা নিয়ে প্রদত্ত হইল ।

(১) “সূত্র” পিটক

ক। মহাযান সূত্র

১।	প্রজ্ঞাপারমিতা জাতীয় নং ১-২২	গ্রন্থ সংখ্যা
২।	রত্নকূট জাতীয় ২৩-৬০	"
৩।	মহাসম্মিপাহ " ৬১-৮৬	"
৪।	অবতংশক " ৮৭-১১২	"
৫।	নির্ঝাণ " ১১৩-১২৫	"
৬।	ছইখানা করিয়া অনুবাদ আছে এইরূপ গ্রন্থের সংখ্যা ৩৫০ । এইগুলি উপরের পাঁচ শ্রেণীর অন্তর্গত নয় । নং ১২৬-৩৭৫	"
৭।	একখানা মাত্র অনুবাদ আছে এইরূপ গ্রন্থের সংখ্যা ১৬৬ । এইগুলি উপরের পাঁচ শ্রেণীর অন্তর্গত নয় । নং ৩৭৬-৫৪১	"

খ। হীনযান-সূত্র

১।	আগম জাতীয়	৫৪২-৬৭৮	"
২।	অপর বিধ	৬৭৯-৭৮১	"
গ।	সুঙ্ (৯৬০-১২৮০) এবং মোগল (১২৮০-১৩৬৮) আমলে কতকগুলি মহাযান এবং হীনযান সূত্র অনুদিত হয় । এইগুলিও ত্রিপিটকের সামিল	৭৮২-১০৮১	"

(২) "বিনয়" পিটক

ক।	মহাযান বিনয় নং	১০৮২-১১০৬	"
খ।	হীনযান বিনয়	১১০৭-১১৬৬	"

(৩) "অভিধর্ম" পিটক

ক।	মহাযান অভিধর্ম	১১৬৭-১২৬০	"
খ।	হীনযান অভিধর্ম	১২৬১-১২৯৭	"

গ। সুঙ্ এবং মোগল আমলে কতকগুলি অভিধর্ম ত্রিপিটকের সামিল
করা হয় ।—নং ১২৯৮-১৩২০

(৪) বিবিধ

ক। “পাশ্চাত্য দেশ” অর্থাৎ ভারতবর্ষের ঋষি ও পণ্ডিতগণের বিরচিত গ্রন্থাবলী ১৩২১-১৪৬৭

খ ১। “এই দেশ” অর্থাৎ চীনের গ্রন্থাবলী ১৪৬৮-১৬২১

২। মিঙ্ আমলে কতকগুলি চীনা গ্রন্থ ত্রিপিটকের সামিল করা হয় ১৬২২-১৬৫৭

৩। মিঙ্ আমলে নান্‌কিঙ্ নগরে প্রথম ক্যাটালগ প্রস্তুত হয়। তাহার পর তৃতীয় সম্রাটের আদেশে পিকিঙ্ নগরে ক্যাটালগের নূতন সংস্করণ তৈয়ারি হয়। নান্‌কিঙ্ের সংস্করণে কতকগুলি বেশী গ্রন্থের নাম ছিল। সেইগুলি পিকিঙ্ের সংস্করণেও জুড়িয়া দেওয়া হইয়াছে ১৬৫৮-৬২।

মিঙ্ আমলের এই ক্যাটালগখানাই শেষ পর্যন্ত চীন, কোড়ীয় ও জাপানের বৌদ্ধ সম্প্রদায়ের বেদস্বরূপ রহিয়াছে। ১৬৭৮-৮১ খৃষ্টাব্দে জাপানী ভিক্ষু দো-কো এই তালিকাই জাপানে প্রকাশ করিয়াছিলেন। চীনাদের বৌদ্ধধর্ম বৃদ্ধিতে হইলে এই তালিকা ঘাঁটিতে হইবে।

অতি প্রাচীন কাল হইতেই ত্রিপিটকসমূহের ক্যাটালগ চীনারা তৈয়ারি করিয়া আসিতেছে। কোনখানার নাম “ত্রিপিটক তালিকা,” কোন খানার নাম “ত্রিরত্ন সংগ্রহ,” কোনখানার নাম “শাক্যমুনির উপদেশ-সংগ্রহ,” কোন খানার নাম “ধর্মরত্ন তালিকা” ইত্যাদি। ঋষিসমেত ১৩ খানার সন্ধান পাওয়া গিয়াছে। এইগুলির বিবরণ নূরে প্রদত্ত হইল।

(১) ৫২০ খৃঃ অঃ। প্রথম ক্যাটালগ। এই তালিকায় ২২১৩ চীনা গ্রন্থের নাম ছিল। সান্-ইউ নামক এক চীনা ভিক্ষু তালিকা প্রস্তুত করেন। ৬৭ খৃষ্টাব্দে বৌদ্ধধর্মের প্রচার হয়। অতএব দেখা

বাইতেছে যে, প্রতিবৎসর অন্ততঃ ৪ খানা করিয়া সংস্কৃত গ্রন্থ চীনা ভাষায় অনূদিত হইয়াছিল । সর্ব প্রাচীন তালিকায় প্রকাশিত গ্রন্থাবলীর মধ্যে ২১৬ খানা মিঃ আমলের ত্রিপিটক তালিকায় আঙ্গু পড়িয়া যায় ।

(২-৪) সুই রাজবংশের আমলে তিনখানা ক্যাটালগ প্রস্তুত করান হয় । তারিখ ৫৯৪, ৫৯৭, ৬০৩ খৃঃ অঃ । দ্বিতীয় ক্যাটালগে ২০৫৭ খানা, তৃতীয় ক্যাটালগে ১০৭৬ খানা, এবং চতুর্থ ক্যাটালগে ২১০৯ খানা গ্রন্থের নাম আছে । তিনখানা ক্যাটালগে তিন স্বতন্ত্র শ্রেণী বিভাগ অবলম্বিত হইয়াছিল । সুই সম্রাট অতিশয় ভারত-ভক্ত ছিলেন । তিনি চীনে “বর্ণাশ্রম” প্রবর্তনের উদ্যোগ করেন ।

(৫) ৬৬৪ খৃঃ অঃ । ইহাতে ২৪৮৭ খানা গ্রন্থের নাম আছে ।

(৬) এই বৎসরেই আর একখানা ক্যাটালগ প্রস্তুত হয় । তাহাতে ৩ গ্রন্থসংখ্যা ১৬২০ ।

(৭) ৬৯৫ খৃঃ অঃ । গ্রন্থসংখ্যা ৩৬১৬ । এতদ্ব্যতীত ৮৯৫ খানা নূতন গ্রন্থ ত্রিপিটকের সামিল করা হয় । অধিকন্তু ২২৮ খানা “বিবিধ” গ্রন্থের নামও পাওয়া যায় ।

(৮-১০) ৭৩০ খৃঃ অঃ । তিন খানা ক্যাটালগ তৈয়ারি হয় । প্রথম খানা সুবিস্তৃত । ২২৭৮ খানা গ্রন্থের নাম আছে । দ্বিতীয়খানা প্রথমের সংক্ষেপ মাত্র । তৃতীয়খানা প্রথমের ক্ষেত্র । ১৬৩ নূতন গ্রন্থের নাম পাওয়া যায় ।

(১১) ১২৮৫-৮৭ খৃঃ অঃ । ১৪৪০ খানা গ্রন্থের নাম আছে ।

(১২) ১৩০৬ খৃঃ অঃ । সুও আমলে আরম্ভ করা হয়—মোগল আমলে সমাপ্ত । এই ক্যাটালগ একাদশ সংখ্যকেরই অনুকরণ মাত্র ।

(১৩) ১৬০০ খৃঃ অঃ । মিঙ্ আমলের কাটালগ ।

মিঙ্-আমলের চীনা “ত্রিপিটক” তালিকায় ৫৯ জন ভারতীয় গ্রন্থকারের নাম পাওয়া যায় । ইহাদের কেহ কেহ বিশ পঁচিশখানা গ্রন্থের লেখক বলিয়া বিদিত । নামগুলি নিম্নে প্রদত্ত হইতেছে ।

(১) মৈত্রেয় (২) অশ্বঘোষ (৩) নাগার্জুন (৪) দেব (৫) অসঙ্গ (৬) বসুবন্ধু (৭) স্থিরমতি (৮) আৰ্য্যশূর (৯) শুদ্ধমতি (১০) জিন (১১) স্তম্ভমতি (১২) অগোত্র (১৩) শঙ্করস্বামিন্ (১৪) ভাববিবেক (১৫) বন্ধুপ্রভা (১৬) ধর্মপাল (১৭) জিনপুত্র (১৮) গুণদ (১৯) ধর্মযশস্ (২০) পদ্মশীল (২১) সূর্যনি (২২) বুদ্ধশ্রী জ্ঞান (২৩) ত্রিরত্নার্য্য (২৪) শ্রীগুণরক্তাশ্বর ।

এই চব্বিশ জন “বোধিসত্ত্ব” রূপে বিদিত । নিম্নলিখিত গ্রন্থকারগণ “অর্হৎ” ও “আর্য্য” নামে পরিচিত ।

(২৫) সারিপুত্র (২৬) উপতিষা (২৭) মহামৌদ্গল্যায়ন (২৮) কাভ্যাবনীপুত্র (২৯) দেবশর্পন (৩০) ঘোষ (৩১) ধর্মত্রাত (৩২) পঞ্চমহাইকথতানি (৩) (৩৩) বসুমিত্র (৩৪) তাও লুয়ে (এই ব্যক্তির আসল ভারতীয় নাম উদ্ধার করা কঠিন) (৩৫) সজ্বরক্ষ (৩৬) বসুভদ্র (৩৭) সজ্বসেন (৩৮) নাগসেন (৩৯) উপশান্ত (৪০) হনিবর্ষণ (৪১) চিয়া তিন (ভারতীয় নাম অনাবিক্ত) (৪২) বুদ্ধিমিত্র (৪৩) বুদ্ধত্রাত (৪৪) বসু বর্ষণ (৪৫) গুণমতি (৪৬) ঈশ্বর (৪৭) উল্লজ্য (৪৮) সজ্বভদ্র (৪৯) নন্দিমিত্র (৫০) সুগন্ধর (৫১) জিনমিত্র (৫২) বৈশাখা (৫৩) মাতৃকেত (৫৪) শাকাবশস্ (৫৫) সমস্তভদ্র (৫৬) সূনিমিত্র ।

গ্রন্থকারগণের মধ্যে একজন রাজার নাম পাওয়া যায় । (৫৭) শীলাদিতা । ইহার প্রণীত পুস্তিকার নাম “অষ্ট মহাশ্রীচৈত্যা সংস্কৃত স্তোত্র ।” ইহা প্রধান প্রধান আটটা চৈত্যের মঙ্গলাচরণ । ইনি কোন্ শীলাদিতা কে জানে ? দুই জন “তীর্থক” বা সঙ্কল্পদোহীর

নাম দেখিতেছি। (৫৮) কপিল। ইনি সাত্ব্যাদর্শনের ধর্ম বুলিয়া পরিচিত। (৫৯) জ্ঞানচন্দ্র। ইনি বৈশেষিক দর্শনের অধ্যাপক।

এই ৫৯ ভারতীয় গ্রন্থকারের মধ্যে কেহ চীনে আসিয়াছিলেন কি না জানা যায় না। বলা বাহুল্য ইহঁরা কোন এক যুগ বা এক প্রদেশের লোক নন। ইহঁরা সকলেই সংস্কৃত ভাষায় গ্রন্থ লিখিতেন। সংস্কৃত ভাষা শৈব বৈষ্ণব শাক্ত দিগেরই একচেটিয়া ভাষা নয়। বৌদ্ধ-ধর্মও সংস্কৃত ভাষায়ই প্রচারিত হইয়াছিল। পালিভাষায় শাক্যসিংহের মত প্রচারিত হয়। কিন্তু শাক্যসিংহ যখন বুদ্ধাবতার হইলেন তখন পালি সাহিত্যের পসার আর ছিল না। বৌদ্ধধর্ম বলিলে আমরা যাহা বুঝিয়া থাকি তাহা শাক্যসিংহের প্রচারিত মতবাদ নয়। বৌদ্ধধর্ম শাক্যসিংহের তিরোধানের বহুশত্রু পরে জন্মগ্রহণ করিয়াছিল। সেই বৌদ্ধধর্ম সংস্কৃতসাহিত্যে নিবদ্ধ। আর এই "বৌদ্ধ সংস্কৃত সাহিত্যই চীনা-বৌদ্ধদিগের রসদ জোগাইয়াছে। খৃষ্টীয় প্রথম শতাব্দী হইতে চীনা সাহিত্যে সংস্কৃত সাহিত্যের প্রভাব বুঝিতে হইবে।

সংস্কৃত গ্রন্থগুলি চীনাভাষায় অনুবাদ করিবার জন্ম নানাদেশের পণ্ডিত নিযুক্ত হইয়াছিলেন। ভারতীয় এবং চীনা প্রচারকগণও ছিলেনই। অধিকন্তু মধ্য-এশিয়া আফগানিস্থান, তিব্বত, গ্রাম, ইন্দো-চীন ইত্যাদি জনপদের বৌদ্ধগণও এই কার্যে সহায়তা করিয়াছেন। সমগ্র এশিয়াই ভারতভবের প্রচারক ছিল। সংস্কৃত সাহিত্যের ইতিহাস রচনা করিবার সময় এ কথাটা মনে রাখা আবশ্যিক।

মিষ্ট-আমলের তালিকায় ১৫৩ জন অনুবাদকের নাম আছে। ইহঁরা নানা যুগের লোক। একত্ৰাতীত বহু অনুবাদকের নাম পাওয়া যায় না।

বুনিউ নান-জিউ সম্পাদিত কাটাংগ খানা ভারতীয় পণ্ডিতমহলে

চীনা শিল্প-শাস্ত্র

ব্যবহৃত হইয়া থাকে। কিন্তু ইহা হইতে পাঁচিয়া ভারতীয় ইতিহাসের তথ্য এখনও বাহির করা হয় না। এই সঙ্গে বীণ প্রণীত “চীনে বৌদ্ধ সাহিত্য” গ্রন্থও আমাদের পাঁচটা আবশ্যিক।

চীনা “শিল্প-শাস্ত্র”।

আমরা ভারতে ৬৪ “কলা”র কথা জানি। বাৎস্যায়নের কামসূত্রে এইগুলির উল্লেখ আছে—শুক্ৰনীতিতেও আছে। ইংরেজীতে “আর্টস্ অ্যাণ্ড ক্রাফ্টস্” বলিলে বাহা বুঝি আমাদের কলাশব্দে প্রায় তাহাই বুঝায়। ‘ফাইন আর্টস্’ বা স্কুমার শিল্প ছাড়াও অনেক দ্রব্য এই কলার অন্তর্গত।

৬৪ কলা সম্বন্ধে নানা গ্রন্থই ভারতীয় সাহিত্যে আছে। এই সম্বন্ধে নানা নামে পরিচিত। সাধারণ নাম শিল্পশাস্ত্র। অগ্ণাণ্ড নাম ময় শাস্ত্র, ময় মত, ময় বিদ্যা ইত্যাদি। ময় নামক মাকুম বা দেবতা বা অসুর এই সকল শাস্ত্রের প্রবর্তক। এতদ্ব্যতীত শিল্পের বিভিন্ন বিভাগ অনুসারেও বিশিষ্ট সাহিত্যের নাম আছে—যথা, বাস্তবিদ্যা, “চিত্র লক্ষণ” ইত্যাদি। এই সকল গ্রন্থ আমরা অনেকেই চোখে দেখি নাই। কিন্তু প্রায় শতাব্দিক পুথির নাম আউফ্রেঙ্কট সম্পাদিত ‘ক্যাটালোগাস ক্যাটালোগোরাম’ গ্রন্থের মধ্যে পাওয়া যায়। সম্প্রতি ত্রিবেন্দ্রাম হইতে বাস্তবিদ্যা নামক একখানা গ্রন্থ প্রকাশিত হইয়াছে। বহুদিন পূর্বে ‘মানসার’ নামক গ্রন্থের তথ্য মহিশূরের পণ্ডিত রামরাজ প্রণীত “হিন্দু আর্কিটেকচার” গ্রন্থে সন্নিবিষ্ট হইয়াছিল। রামরাজের গ্রন্থ বিনাতে মুদ্রিত হয়। সে অনেক দিনের কথা। আজকাল

আমাদের দেশে স্কুম্বার শিল্পের নানা আলোচনা শুরু হইয়াছে। মনোমোহন গাঙ্গুলী প্রণীত “উড়িয়া শিল্প” গ্রন্থে মানসার বাবহুত দেখিতে পাঠ। মানসারের উল্লেখ সকলেই করিয়া থাকেন। এতদ্ব্যতীত শুক্রনীতির ক্রম অধায়ে শিল্প বিষয়ক নানা কথা আছে। কালে শুক্রনীতির উল্লেখ ও আজকালকার শিল্পসমালোচনার দেখিতে পাই। এই মানসার ও শুক্রনীতি ব্যতীত অন্য কোন গ্রন্থ আমাদের পণ্ডিত মহলে এখনও সুপ্রচারিত নয় বলিতে হইবে। যুক্তিকল্পতরু নামক পুঁথি, বৃহৎসংহিতা এবং রামায়ণ মহাভারত ও আধুনিক শিল্প সাহিত্যের আলোচনার মাঝে মাঝে স্থান পায়। কিন্তু খাঁটি শিল্পশাস্ত্রের পরিচয় আজও আমরা পাই নাই বলিতে বাধ্য—তবে সঙ্গীত কলায় বিভাগ হইতে কেরেকথানা সংস্কৃত গ্রন্থ আজকালকার সাহিত্য সংসারের দাঁড়াইয়া যাইতেছে।

সকল প্রকার শিল্পেই চীনাঙ্গের নামডাক খুব বেশী। এই নামডাক আজকালকার কথা নয়। অতি প্রাচীন কালেও চীনা জাতিকে পাক শিল্পী বলিয়া জগতের লোক জানিত। স্থানীয় নবম শতাব্দীতে দুইজন মুসলমান পর্যটক সমুদ্রপথে চীনে আসেন। তাঁহাদের ভ্রমণ-বৃত্তান্ত আরবী হইতে পারস্যভাষায় অনূদিত হইয়াছিল। অনুবাদক ছিলেন রেনদো (Renandof)। সেই করাসী অনুবাদের ইংরেজি অনুবাদ ১৭৩৩ খৃষ্টাব্দে প্রকাশিত হইয়াছিল। গ্রন্থ দুপ্রাপা—কিন্তু নবম শতাব্দীর এশিয়া সম্বন্ধে নানা কথা ইহাতে জানা যায়। ভারতবর্ষ সম্বন্ধে কিছু কিছু আজও বি গল্পও ইহার মধ্যে পাঠ। অধিকন্তু ভারতীয় ছাঁপপুঞ্জ, ভারত মহাসাগরের জাহাজকোম্পানী এবং চীনা, হিন্দু ও মুসলমান সমুদ্রবাণিজ্যের কথা প্রত্নতাত্ত্বিকগণের পক্ষে প্রয়োজনীয় হইবে।

দ্বিতীয় পর্য্যটকের নাম আবু জীদ আল হাসান । ইনি শিরাজের লোক । ৮৬৮ খৃষ্টাব্দে ইনি ভারত হইয়া চীনে আসেন । এই পর্য্যটক বলিতেছেন—“চীনারা জগতের সকল জাতিকেই যে কোন শিল্পে পরাস্ত করিতে পারে । চিত্রবিদ্যায় ইহারা বিশেষ পারদর্শী । চীনাদের হস্তশিল্প-নানাবিধ । এই বিষয়ে চীনাদের সঙ্গে টক্কর দিতে পারে এমন কোন লোক নাই । বস্তুতঃ অগ্ণাণ জাতি চীনাদের হাত সাফাই দেখিয়া বিস্মিত হইবে । এমন কি চীনাদেরকে অনুকরণ করিয়া চীনা উৎকর্ষলাভ করাও অণের পক্ষে কঠিন ।”

মুসলমান পর্য্যটক মহাশয় চীনা শিল্প-সংসারের একটা দস্তুর লিপিবদ্ধ করিয়াছেন । তাহাতে শিল্প-সমালোচনার রীতি বুঝা যায় । ইনি বলিতেছেন— চিত্রকর তাঁহার হাতের কাজ লইয়া রাজদরবারে উপস্থিত হন । বক্শিশ বা ইনাম পাওয়াই উদ্দেশ্য । রাজা তৎক্ষণাৎ শিল্পীকে পারিশ্রমিক বা পুরস্কার প্রদান করেন না । রাজপ্রাসাদের কটকের সম্মুখে শিল্পী তাঁহার চিত্র রাখিতে আদিষ্ট হন । এক বৎসর কাল ইহা ঐখানেই থাকে । রাস্তার লোক, বাজারে লোক, মুটে-মজুর, আদালী পেয়াদা, ম্যাগারিণ, পুরোহিত, পণ্ডিত, মন্ত্রী, আর্মীর ওমরাহ, স্বী, চাকর সকলেই চিত্রটা যখন তখন দেখিতে পায় । সকলেই একটা করিয়া ভালমন্দ বলিতেও অধিকারী । এইরূপে এক বৎসর ধরিয়; বাজারে যাচাই চলিতে থাকে । একবৎসরের মধ্যে এই খোলা মাঠের সমালোচনায় চিত্রের কোন দোষ বাহির না হইলে শিল্পী ইনাম পাইবেন । তখন শিল্পীকে শিল্পের ওস্তাদমহলে আসন দেওয়া হইবে । কিছু সামান্য মাত্র ক্রটিও যদি রাস্তার কোন লোক দেখাইতে পারে তাহা হইলে শিল্পীকে সমাদর করা হইবে না । রাস্তার লোকেরাই এখানে সমজদার এবং পরীক্ষক । কিছুদিন হইল এক ব্যক্তি শশুর

শীষ ঝাঁকিয়াছিল। এই শীষের উপর একটা পাখী-বসানু ছিল। রেশমের জমিনের উপর চিত্রটা ঝাঁকা। রাজ-প্রাসাদের কটকের সম্মুখে এইটা যথারীতি রক্ষিত হইল। সকলেই ইহার যারপরনাই তারিফ করিতে থাকিল। যে দেখিত সেই বিস্ময়ে তাকাইয়া রহিত। কেহই কোন দোষ বাহির করিতে পারিল না। এমন সময়ে একটা বে-আকেন লোক বলিল-‘এই ছবি পুরস্কার যোগ্য নয়। ইহাতে দোষ আছে। শিল্পীর হাত এখনও পাকে নাই।’ রাজদরবারে লোকটার মত জানান হইল। সকলেই অবাক। এই ব্যক্তিকে রাজার নিকট লইয়া যাওয়া হইল; দরবারে চিত্রকরও স্নয়ং উপস্থিত। লোকটা নির্ভয়ে রাজাকে বলিতে লাগিল ‘শীষের উপর পাখী বসিয়াছে। বেশকথা। কিন্তু চিত্রে দেখিতেছি শীষটা ঝাড়াই রহিয়াছে। ইহা নোয়াইয়া পড়া উচিত ছিল না কি? পাখীটা তুলার মতন হালকা নয়! চিত্রকর এই সামান্য কথাটাই জানেন না। কাজেই এই শিল্প অতি নিম্ন শ্রেণীর কার্য।’ সভার লোকজন সকলেই ‘সাপু’ ‘সাপু’ করিয়া উঠিল। শিল্পী ইনাম পাইলেন না।

প্রাচীন গ্রীসের শিল্প সমালোচনাও ঠিক এই ধরনের ছিল। কেবল শিল্প কেন—গ্রীক জাতির সাহিত্যও বাজারের বাচাইয়েই চলিয়া থাকিত। বড় রাস্তার ধারে গ্রীক স্থপতিগণের হাতের কাজ সর্বদা রক্ষিত হইত। “ফোরামে”র মাঠে ও হর্মে তাহাদের শিল্পনৈপুণ্য জনগণের পরীক্ষার বস্তু ছিল। হাতে বাজারে বক্রতা করিয়া কস্ম-কর্তারা যশস্বী হইতেন। প্রকাশ্য সভায় সকল নগরের অধিবাসীদিগের সম্মুখে নাচিয়া গাহিয়া অভিনয় করিয়া গ্রীক সাহিত্যবীরগণ প্রশংসা লাভ করিতেন। ইক্বীলাস, সফক্লীস, ফিডিয়াস, প্রোক্সিটেলিস, ডিমস্ট্রেনীস, আইসক্রেটিশ, ইহারা সকলেই বাজারের বাচাইয়েই মানুষ।

নিন্দা প্রশংসা, সুনাম কুনাম বিতরণের জন্ত গ্রীক সমাজে কোন প্রকার দরজা-বন্ধ-করা পরীক্ষা গৃহ ছিল না। পাশ ফেল ছোট বড় বিচারের জন্ত সময় নষ্ট করা হইত না। হাট বাজার মাঠ ঘাটই গ্রীক বীরগণের দর ঠিক করিবার আড্ডা। “জনসাধারণে”র দাবীই শিল্পের উৎকর্গ সম্বন্ধে চরম মত ছিল। উহাট খাঁটি জুরির বিচার—দেশের মত। সম্বন্ধে ধর্মমন্দিরে এবং মঠে শিল্পকার্য্য প্রধানতঃ সংগৃহীত হইত। তখনও শিল্পীদিগের পরীক্ষক থাকিত জনসাধারণ। প্রকাশ স্থানে খোলা বাজারে ওস্তাদগণের কার্য্য পরীক্ষিত হইতে পারিত। লোক-মত উল্টা হইলে কোন ব্যক্তিই মন্দিরে মঠে-চিত্রশালায় স্থান পাইতেন না। বাজে মাল নীচই ঝরিয়া পড়িত। এশিয়া ও ইয়োরোপ দুই ভূখণ্ডেই শিল্পসমালোচনার এই দস্তুর ছিল। এই জন্তই পুরাণা কারিকরণের কাজ আজও এত প্রশংসিত হইতেছে। শতাব্দীর পর শতাব্দী চলিয়া যাইতেছে কিন্তু প্রাচীন শিল্পের মর্যাদা কমিতেছে না। জনসাধারণের রুচি এবং অন্য প্রদেশের কঠোর সমালোচনার কষ্টিপাথরে সেই শিল্প দাঁড়াইয়া গিয়াছিল। কাজেই তাহার মার নাই। বর্তমান যুগের আর্ট গ্যালারিগুলি সেইরূপ জনসাধারণের “ফোরম” বা “প্রাসাদের ফটক” বা মন্দির মঠ বা “গোলদীঘি” নয়। এই জন্তই খোলা হাওয়ার নিরপেক্ষ সমালোচনা আজকালকার শিল্প সম্বন্ধে না হইবারই কথা। এই কারণেই নব্য যুগের অনেক বস্তুই ঝরিয়া যাইতে বাধ্য। সাময়িক প্রশংসা লাভে শিল্পীরা শেষ পর্য্যন্ত অমর হইতে পারিবেন না। “লোকে যারে নাহি ভুলে” এইরূপ ভাষা একমাত্র জনসাধারণের বিচারেই সম্ভব—কোন দরজা-বন্ধ-করা সমালোচনা-পরিষদের সুনজর কুনজরে নয়। সেনেটহাউস, অ্যাকা-ডেমী বা পরিষদের পরীক্ষার প্রথম স্থান অধিকার করিলেই অমর

হওয়া যায় না। গোলদৌঘির পরীক্ষায় যিনি পাশ হইবেন, তিনিই অমর ।

চীনারা শিল্পসৃষ্টি করিতে মজবুত ছিল। আবার শিল্পকর্মে সংগ্রহ কাযোও চীনারা খুব পাকা। আজকাল ইরোরামেরিকায় ধনবান বিদোৎসাহী পণ্ডিতেরা নানা বস্তু সংগ্রহ করিয়া থাকেন। একথা সকলেই জানি। কিন্তু চীনাদের এই বাতিকে অতি প্রাচীন। মধ্য-যুগে অনেক ব্যক্তি শিল্প-সংগ্রাহক বা প্রভাবসায়ী হইয়া চীনা সমাজে নাম করিয়াছেন। আরও প্রশংসায়োগ্য কথা এই যে, চীনারা চিরকালই শিল্পের বিবরণ লিপিবদ্ধ করিয়া গিয়াছেন। শিল্পদ্রব্যের সংগ্রহ সম্বন্ধেও বিবরণ লিখিত হইয়াছে। শিল্পকর্ম রাখিবার বা বাচাই করিবার প্রণালী সম্বন্ধেও নানা মত প্রচারিত হইয়াছে। এই জন্য শিল্প-সমালোচনার যর চীনা সাহিত্যে বেশ বড়। বস্তুতঃ সাহিত্য সমালোচনা এবং শিল্প সমালোচনা দুইই চীনা পণ্ডিতগণের দৃষ্টি আকর্ষণ করিয়াছে। এই সকল বিষয়ে নানা গ্রন্থ দেখিতে পাওয়া যায়। চীনারা সমগ্রদার জাতি।

(১) চিত্রকলা ও হস্তলিপি ।

চীনা অক্ষরগুলি এক একটা ছবির মতন। অক্ষর লিখিতে পারা চীনে একটা বিশেষ বাহাদুরী। হাতের লেখা এই কারণে এক বড় শিল্প। ছবি আঁকা আর হস্তলিপি দুইই এক কলা। হাতের লেখার উৎকর্ষের জন্য অনেকেই নামজাদা হইয়া গিয়াছেন। ভাল হাতের লেখার জন্য পুরস্কার বিতরণ আজকালও হইয়া থাকে। দরবারী উচ্চ-তম কার্যের জন্য এখনও চীনারা মুদ্রাষন্ত্রের সাহায্য লয় না—পাক: স্নেহকের সাহায্য গ্রহণ করে। কোন প্রসিদ্ধ পণ্ডিত বা কর্মবীরকে অভিনন্দন পত্র দিতে হইলে লম্বা রেশমের কাগজে হাতের লিখার

বস্তুর প্রকাশিত করা হয়। এই ধরনের এক এক খানা অভিনন্দন পত্রের খরচ প্রায় দুইশত তিনশত টাকা পড়ে। বঙ্গা বাতলা আরও বেশী খরচ হইতে পারে।

আমরা ভারতবর্ষে হস্তলিপিকে এত বড় সম্মান প্রদান করি না। ইয়োৰোপেও ইহার একরূপ সমাদর নাই। অবশ্য মধ্যযুগে এশিয়ার এবং ইয়োৰোপে উভয়ত্রই হাতের লেখার মর্যাদা খুব বেশী ছিল। তখনকার দিনে হিন্দুশাস্ত্র, কোরাণ, বাইবেল ইত্যাদি গ্রন্থ সুন্দর অক্ষরে লিখিবাদ জন্ম পণ্ডিত মৌলবী পুরোহিতেরা এবং এমন কি রাজরাজড়া-গণও চিত্রজীবন উৎসর্গ করিতেন। একরূপ লিপিকার্যে সমর প্রদান করাই ধর্মও বিবেচিত হইত। সে দিন আর আজকাল নাই। ছাপাখানার প্রভাবে হস্তলিপির আদর দুরীভূত হইয়াছে। কিন্তু চীনা সমাজে হস্তলিপির আদর ছাপাখানার প্রভাবেও কমে নাই। চীনারা অক্ষর ছাপবার কৌশল অতি প্রাচীন কালেই আবিষ্কার করিয়াছিল। ইয়োৰোপে মুদ্রায়ন্ত্র সেদিন মাত্র আবিষ্কৃত হইয়াছে। তাহার বহু পূর্বে চীনারা অক্ষর ছাপবার প্রণালী প্রবর্তন করে। বহুতঃ চীনাঙ্গের দৃষ্টান্তেই ইয়োৰোপে মুদ্রায়ন্ত্র প্রবর্তিত হয়। তথাপি চীনে হস্তলিপির আদর কমে নাই। তাহার একমাত্র কারণ চীনাঙ্গের বিশেষত্ব। চীনাঙ্গের লিপিগুলি চিত্রবিশেষ। ছবি আঁকিতে যে রূপ নৈপুণ্য আবশ্যিক, চীনাঙ্গের লিখিতেও সেইরূপ নৈপুণ্য আবশ্যিক। প্রকৃত পক্ষে চীনারা চিত্রবিদ্যায় হাত দিবার পূর্বে এই কারণে হস্তলিপিতে হাত মক্‌স করিয়া থাকে। হস্তলিপি চীনে চিত্রশিল্পেরই সামিল। নামজাদা চিত্রকরগণের অনেকে হাতের লেখায়ও প্রসিদ্ধ ছিলেন।

খৃষ্টীয় পঞ্চম শতাব্দীর একখানা চিত্রশিল্পের পুস্তক আছে। তাও আমদের একখানা দশখণ্ডে বিভক্ত বিরাট গ্রন্থ প্রণীত হয়। নাম

“লীহ-তায়-মিচ্-ছয়া-কে” । গ্রন্থকারের নাম চাঙ য়েন-মুয়েন্ ইহাতে চিত্রশিল্পের নানা অঙ্গ সম্বন্ধে বিবিধ প্রবন্ধ আছে । লেখকের বংশে পুরাণা চিত্র বহুসংখ্যক সংগৃহীত ছিল । এই সংগ্রাহের বিবরণ গ্রন্থমধ্যে সন্নিবিষ্ট হইয়াছে । এতদ্ব্যতীত পুরাণা ওস্তাদগণের জীবন বৃত্তান্তও ইহাতে লিখিত আছে ।

সুও আমলের চু-চাঙ-ওয়ান হস্তলিপি সম্বন্ধে একখানা গ্রন্থ রচনা করেন । ইহাতে গ্রন্থকার পূর্ববর্তী লেখকগণের মন্তব্য শ্রেণীবদ্ধ করিয়াছেন । নিজের মত অল্প বিস্তর আছে । তাহের লেখার উৎকর্ষ জাতির নানা উপায় ইহার আলোচ্য বিষয় । গ্রন্থের নাম মিহ চে-পীন । ১২৪৩ খৃষ্টাব্দে তুঙ-শে একখানা গ্রন্থ রচনা করেন । তাহাতে সুও আমলের ওস্তাদ লেখকগণের বিবরণ আছে ।

তাঙ আমলের উই-সুছ একখানা গ্রন্থ লিখিয়াছিলেন । তাহাতে ৫৬ বিভিন্ন লিপি-প্রণালী বিবৃত হইয়াছে । এইগুলি সবই নাকি চীনে নানা যুগে প্রচলিত ছিল । তন্মধ্যে সংস্কৃত ভাষার জন্য ব্যবহৃত দেবনাগরী লিপির উল্লেখও আছে ।

একখানা গ্রন্থ বিশ খণ্ডে বিভক্ত । ইহাতে নানা যুগে প্রকাশিত হস্তলিপির নিদর্শন সংগৃহীত হইয়াছে । দ্বাদশ শতাব্দীর পরবর্তী কালের নমুনা ইহাতে নাই । সম্রাট এবং রাজরাজুদিগের হাতের সহিও এই পুস্তকে দেখিতে পাওয়া যায় ।

বাঁশ চিত্রণে চীনারা সিদ্ধ হস্ত । বাঁশ পাছ আঁকিবার প্রণালী একখানা গ্রন্থের আলোচ্য বিষয় । ইহা ১২৯৯ খৃষ্টাব্দে প্রকাশিত । লেখকের নাম লে-কান্ । পুস্তকের নাম “চুহ-পু-য়েয়াংলুহ” । ইহাতে চারি অধ্যায় আছে—(১) বাঁশের সাধারণ আকৃতি বিময়ক ছবি, (২) কতকগুলি এক রঙা ছবি, (৩) নানা অবস্থায় বাঁশ কিরূপ দেখায়,

(৪) নানা জাতীয় বাঁশের আকৃতি । গ্রন্থের মধ্যে অতি সূক্ষ্ম ও বিস্তৃত নিয়ম প্রদত্ত হইয়াছে । বাঁশগাছ সম্বন্ধে অতি গভীর গবেষণাও ইহাতে আছে । ওয়াইলির মতে গ্রন্থে সন্নিবিষ্ট ছবিগুলি নিখুঁত । ঠিক যেন প্রকৃতির বাগানে ও মরদানে বাঁশগাছ গুলি দেখিতেছি । কাজেই পুস্তক খানা চীনা শিল্প শাস্ত্রের একখানা বেদু বিশেষ ।

ছয়া-কীন গ্রন্থে চিত্র শিল্পের ইতিহাস লিপিবদ্ধ আছে । খৃষ্টীয় তৃতীয় শতাব্দী হইতে "মোগল আমল" পর্য্যন্ত চীনা চিত্রকলার ধারা ইহাতে বৃদ্ধিতে পারা যায় । লেখকের নাম তাও হাও । বিদেশীয় চিত্রশিল্প সম্বন্ধেও সামান্য বিবরণ আছে । বোধ হয় ভারতীয় চিত্রকলার কোন কোন তথ্য ইহাতে পাওয়া যাইতে পারে । গ্রন্থকার চিত্রকলার নানা রীতি ("স্কুল") বা পদ্ধতি বিশ্লেষণ করিয়াছেন । কোন ছবি কোন রীতির অন্তর্গত তাহা বুঝবার নানা সঙ্কেত গ্রন্থ মধ্যে সন্নিবিষ্ট আছে ।

চতুর্দশ শতাব্দীর মধ্যভাগে হীয়া ওয়ান-য়েন চিত্রকরগণের বৃত্তান্ত প্রকাশ করেন । গ্রন্থের নাম "তু-হুই-পাও-কীয়েন" । ইহাতে ১৫০০ ওস্তাদের নাম আছে । সুপ্রাচীন কাল হইতে মোগল আমল পর্য্যন্ত ইত্যাদের আবির্ভাব কালা ।

এই ধরনের অসংখ্য গ্রন্থই আছে । লেখকগণ পূর্ববর্তী লেখকগণের ভুল ধরিতে ছাড়েন নাই । সমালোচনার সমালোচনা এইরূপে চীনা সাহিত্যে অনেক জন্মিয়াছে । মাঝু আমলেও হস্তলিপি এবং চিত্রশিল্প সম্বন্ধে নানা ঐতিহাসিক গ্রন্থ এবং সমালোচনা ও ব্যাখ্যা পুস্তক বাহির হইয়াছে ।

চীনে শীলমোহরের ব্যবহার অতি প্রাচীন । রাজরাজড়াগণ ত কবিরাছেনই—সাধারণ লোকেরাও শীলমোহর ব্যবহার করে । কাজেই

শীলমোহর প্রস্তুত করা চীনে একটা বাবসায় বিশেষ । মোহরে নামলেখ বা ছবি আঁকাও একটা কলা বিশেষ । সুতরাং এই সকল বিষয়ে সাহিত্য গড়িয়া উঠাও অতি স্বাভাবিক । বস্তুতঃ শীলমোহর সম্বন্ধে গ্রন্থের পরিমাণ চীনা শিল্প-সাহিত্যে বিশাল । চীনা সাহিত্যের যে দিকেই তাকাই সেই দিকেই “বিশালং বিপুলং ভদ্রংস্কারং সমং বশিষ্ঠকং” দেখিতেছি । চীনারা “লিখিয়ে লোক ।”

(২) সঙ্গীত ।

সঙ্গীতের বৈজ্ঞানিক সমালোচনা নানা গ্রন্থেই আছে । অধিকন্তু বাদ্যযন্ত্রের বিশেষ বিবরণ এবং যন্ত্রব্যবহার করিবার কৌশল সম্বন্ধেও বিশেষ সাহিত্যের পরিচয় পাই ।

নবম শতাব্দীতে নান-জো ঢাক বাজাইবার প্রণালী সম্বন্ধে একখানা গ্রন্থ রচনা করেন । ইহার কয়দংশ ঐতিহাসিক । গ্রন্থকার বলিতেছেন মধ্য এশিয়া হইতে ঢাক চীনে আমদানি হইয়াছে । তাৎ আমলে মধ্য এশিয়ায় বলিলে ভারত “মণ্ডল”ই বুঝিতে হইবে । নানা প্রকার ঢাকের জন্মকথা ও ইতিহাস এই গ্রন্থে আছে । ১২৯ প্রকার বাগ্মতী, সুর বা গৎ ইহাতে বিবৃত হইয়াছে । ওয়াইলি বলিতেছেন — “অনেক জুলির নামেই বুঝিতে পারি এই ‘সমুদয় ভারতীয় ।’ ভারতের ঢাকও চীনে আসিয়াছে । গ্রন্থের নাম কী-কুও-লুহ্ ।

দশম শতাব্দীতে একখানি গ্রন্থ রচিত হয় । ইহাতে নানা প্রকার সঙ্গীতের বিবরণ আছে । নৃত্যকলা সম্বন্ধে গবেষণা আছে । নাটকের অভিনয় সম্বন্ধেও প্রবন্ধ আছে । বাগ্মতী এবং গীতও আলোচিত হইয়াছে । ২৮ প্রকার রাগ বা রাগিনী সম্বন্ধে সংক্ষিপ্ত বিবরণ পাওয়া যায় । তাৎ আমলের নাচগান বাজনা বুঝিতে হইলে এই গ্রন্থ পাঠ করিতে হইবে । চীনের তাৎ আমল ভারতীয় প্রভাবের আমল ।

কাজেই এই যুগের সকল চীনা গ্রন্থেই ভারতবর্ষকে পাইব—কোথাও মুখ্যভাবে কোথাও বা গৌণভাবে। ভারতবর্ষ চীনকে কেবল ধর্ম প্রদান করে নাই—সমগ্র ভারতীয় সভ্যতারই নামা অঙ্গ প্রদান করিয়া ছিল।

“কিন্” বা বীণা সম্বন্ধে ১৫৭৩ খৃষ্টাব্দে একখানা বই লেখা হয়। উহা দশখণ্ডে বিভক্ত। বহু পূর্ববর্তী লেখকের মত ইহাতে উদ্ধৃত আছে। বীণা বাজাইবার নানা রীতি ইহার আলোচ্য বিষয়।

বীণা সম্বন্ধে ১৮৩৩ খৃষ্টাব্দে একখানা বই লেখা হয়। উহাও দশখণ্ডে বিভক্ত। ইহাতে নিম্নলিখিত বিষয় আলোচিত হইয়াছে— (১) শিক্ষার্থীদের পালনীয় নিয়ম, (২) সঙ্গীতকলার নানা রাগ রাগিণী সুর বা গতের নাম ও বিবরণ, (৩) এই সকল বিষয়ে লিখিত গ্রন্থের তালিকা, (৪) বীণা প্রস্তুত করিয়া প্রসিদ্ধ হইয়াছেন এরূপ ওস্তাদ কারিগরগণের নাম। সংখ্যা বিপুল। (৫) স্বরলিপি।

৭৮৫ খৃষ্টাব্দে জেড্ পাথরের বাণ্যযন্ত্র ভারতবর্ষ হইতে চীনে আনা হয়। তোচুঙ্ তখন চীনেখর। ফরাসী পণ্ডিত ব্যাজঁ (Bazin) তাহার “চীনা থিয়েটার” গ্রন্থে লিখিয়াছেন যে নাট্যকলা ভারতবর্ষ হইতেই চীনে আসিয়াছিল। ১০ খৃষ্টীয় অষ্টম শতাব্দীর পূর্বে চীনে রঙ্গমঞ্চ ছিল না। নাচগান সমন্বিত অভিনয় চীনারা ভারতীয় বৌদ্ধ অধ্যাপকগণের নিকট প্রথম শিক্ষা করে। বৌদ্ধ বলিলে যে কোন ভারতবাসীকেই বুঝাইত। ভারতবর্ষের সকল বস্তুই চীনাদের বিবেচনায় “বুদ্ধমার্কা” ছিল।

(৩) শিল্প-সংগ্রহ ও বিবিধ “কলার” কথা।

খৃষ্টীয় পঞ্চম শতাব্দীতে তাও-কীয়েন-লুই নামক একখানা গ্রন্থ রচিত হইয়াছিল। ছুরি, ছোরা তলোয়ার খাঁড়া ও অন্যান্য শস্ত্র সম্বন্ধে

ইহা ইতিহাস পুস্তক । লোহা তামা ও সোনার তলোয়ারের উল্লেখ আছে । পাথরের নির্মিত শস্ত্রের কথাও জানিতে পারি । সোনাগি অক্ষরে নাম খোদাই করা হইত । এই ধরনের তলোয়ার প্রাচীন ও মধ্য যুগের রাজরাজড়াদের অনেক ছিল । জাপানের দাইম্যোগণও এই সকল হাতিয়ার রাখিতেন । গ্রন্থে মাকাতার আমলের তলোয়ারের বিবরণ আছে—সমসাময়িক চীনের পরিচিত শস্ত্রেরও বিবরণ আছে ।

চিঙ-লুই নামক একখানা গ্রন্থ ষষ্ঠ শতাব্দীতে লিখিত হয় । তাহাতে ধাতুনির্মিত পাত্রেণ ঐতিহাসিক বিবরণ আছে । অধিকাংশই হান্-আমলের জিনিষ । ধাতু ঢালাই করিবার প্রণালী, পাত্রগুলির মাপজোক এবং নাম খোদাই সবই এই গ্রন্থে পাওয়া যায় ।

দ্বাদশ শতাব্দীতে ওয়াং-কু নামক এক ব্যক্তি পুরানা জিনেবের এক তালিকা প্রস্তুত করেন । উহা একপ্রকার বিশ্বকোষ বিশেষ । নাম সুয়েল-হো-পো-কু-তু । ত্রিশখণ্ডে বিভক্ত । নানা প্রকার পাত্র, আয়না, পেরালা, রেকাবি, ফুলদানের বিবরণ, ইহাতে আছে । চাঙ-অমল হইতে হান্ আমলের বস্তু এই গ্রন্থের আলোচ্য বিষয় । প্রত্যেক প্রবন্ধ সচিত্র । পাত্রেণ গায় খোদাইকরা অক্ষরগুলিও গ্রন্থের মধ্যে উদ্ধৃত করা হইয়াছে । বস্তুগুলির বর্ণনার ওয়াংকু নিজের কথা প্রায়ই বলেন নাই । পূর্ববর্তী লেখকগণ এই সমুদয় সম্বন্ধে নানা কথা লিখিয়া গিয়াছিলেন । ওয়াংকু সেই সমুদয় সংকলন করিয়াছেন মাত্র । ছবি-গুলি নিখুঁত । প্রাচীন চীনের শিল্প সুবিবার পক্ষে এই সংগ্রহ-পুস্তক খানা বিশেষ মূল্যবান । ভারতীয় সাহিত্যে এই ধরনের একখানা পুস্তিকাও আছে কি ? বোধহয় না ।

এই ধরনের শিল্পসংগ্রহ-বিষয়ক গ্রন্থ চীনারা নানা যুগেই লিখিয়াছে । বর্তমান যুগেও এই সাহিত্য চলিতেছে । ১৭২৬ খৃষ্টাব্দে একখানা

গ্রন্থ প্রকাশিত হয় । তাহাতে শিল্পদ্রব্যের গাত্রে খোদাই করা রচনার বিবরণ দেখিতে পাই । এই গুলি চাঙ্ আমল হইতে তাঙ্ পর্যন্ত কালের বস্তু । পর বৎসর আর একখানা গ্রন্থ প্রকাশিত হয় । তাহাতে কেবল আয়নার ছবি আছে । এই গুলিও চাঙ্-তাঙ্ আমলের দ্রব্য ।

দোয়াত, কালী, কাগজ, তুলী ইত্যাদি হস্তলিপি এবং চিত্রশিল্পের উপকরণ সম্বন্ধেও নানা গ্রন্থ আছে । মোগল আমলের লুই-ইউ একখানা গ্রন্থ রচনা করেন । নাম মিহ্-পে । তাহাতে কালী প্রস্তুত করিবার শিল্প বিবৃত আছে । ইহা ঐতিহাসিক তথ্যে পূর্ণ । ১৫০ জন পুরাণা মসী-শিল্পীর কথা এই পুস্তকের আলোচ্য বিষয় । অধিকন্তু চীনের বাহিরে লোকেরা কিরূপে কালী প্রস্তুত করে তাহার বিবরণও আছে । কোড়ীয়ার মসী-শিল্প, ভাতারজাতির মসীশিল্প, এবং মধ্য এশিয়াবাসীদিগের মসী-শিল্পের কথাও ইহাতে জানিতে পারি । মধ্য এশিয়ার কথায় ভারতের কথাই আন্দাজ করা চলিতে পারে ।

চীনে প্রচলিত মুদ্রা সম্বন্ধেও নানা গ্রন্থ আছে । পুরাণা অন্যান্য মুদ্রা সংগ্রহ করিবার বাস্তবিক চীনাগের ছিল । সেইগুলির বিবরণ লিখিয়া রাখাও তাহাদের অভ্যাস ছিল । খৃষ্টের সপ্তম শতাব্দীতে এই ধরনের মুদ্রাসাহিত্যের অস্তিত্ব অবগত হওয়া যায় । ১১৪৯ খৃষ্টাব্দের এক খানা গ্রন্থ বিশেষ প্রসিদ্ধ । ইহাতে সুপ্রাচীন কাল হইতে দশম শতাব্দী পর্যন্ত কালের মুদ্রাতত্ত্ব আলোচিত হইয়াছে । গ্রন্থ সচিত্র । প্রত্যেক মুদ্রার আকার পরিমাণ ও লিপি যথারীতি বর্ণিত আছে । বিদেশীয় রাষ্ট্রের মুদ্রার কথাও ইহাতে জানিতে পারি । লেখকের নাম হং-চুন । গ্রন্থের নাম চুয়েন-চে । ১৫ খণ্ডে বিভক্ত ।

পিকিঙের রাজ দরবারে পুরাণা মুদ্রার সংগ্রহ রক্ষিত হইয়া থাকে ।

১৭৫০ খৃষ্টাব্দে এই সংগ্রহের বিবরণ রাজাদেশে প্রকাশ করা হয় । ইহাতে এশিয়ার নানা দেশের মুদ্রাও বিবৃত আছে । নানা পদক বা মেডেলের বিবরণও দেখিতে পাই । গ্রন্থ সচিত্র ।

প্রস্তর শিল্প চীনে অতি পুরাতন । কাজেই নানা প্রকার পাথর সম্বন্ধে চীনা সাহিত্যও রচিত হইয়াছে । সুগন্ধি দ্রব্যের তালিকা, কৃত্রিম উপায়ে সুগন্ধি দ্রব্য প্রস্তুত করিবার কৌশল ইত্যাদিও চীনা সাহিত্যে স্থান পাইয়াছে ।

চা চীনাদের খাঁটি স্বদেশী বস্তু । কাজেই চা গাছের কথা চীনা সাহিত্যে থাকিবারই কথা । চা-কিঙ্ নামক গ্রন্থ অষ্টম শতাব্দীর রচনা । ইহার আলোচ্য বিষয়—(১) চা গাছের উৎপত্তি (২) গাছ হইতে চয়ন করিবার প্রণালী (৩) চার পাতা প্রস্তুত করিবার নিয়ম (৪) এই সকল কার্যে ব্যবহারোপযোগী পাত্রের বিবরণ (৫) চা-পান (৬) ঐতিহাসিক তথ্য (৭) কোন্ কোন্ জেলায় চা উৎপন্ন হয় (৮) বিবিধ (৯) চিত্র পরিচয় । চা সম্বন্ধে নানা গ্রন্থই রচিত হইয়াছে । কোন্ জলে চার স্বাদ উৎকৃষ্ট হয় সে বিষয়েও একাধিক গ্রন্থের পরিচয় পাই । এক লেখক সাত নদীর তুলনা করিয়া ইয়াংলির জল সর্বোৎকৃষ্ট বলিয়াছেন । চার জন্ম জল গরম করিবার নিয়মও সাহিত্যে স্থান পাইয়াছে । চাঙ্ আমলের এক ব্যক্তি ষোলটা প্রবন্ধ লিখিয়া ছিলেন । তিন প্রবন্ধে জল ফুটিবার মুহূর্তটা লক্ষ্য রাখিবার জন্ম বিশেষ সঙ্কেত আছে । তিন প্রবন্ধে জল ঢালিবার নিয়ম বিবৃত হইয়াছে । কেটলি ও অন্যান্য পাত্র সম্বন্ধে পাঁচ প্রবন্ধ লিখিত । আর জাঙ্গানি কাঠের কথা পাই পাঁচ প্রবন্ধে ।

মদ চৌয়ানো, বাগান তৈয়ারি করা, বাঁশের ঝোল প্রস্তুত করা, পাখী ধরা, মাছধরা ইত্যাদি অসংখ্য বিষয়েই চীনা সাহিত্যে আছে ।

ভারতীয় চৌষটি কলার মধ্যে এই ধরনের অনেক জিনিস অন্তর্গত । সেই সকল কলা সম্বন্ধীয় সাহিত্য ভারতেও ছিল । সেই সমুদয়ের প্রাথমিক আলোচনা অন্তর্বিস্তর আশ্রয় দেখা যাইতেছে ।

চীনের কালিদাস লী-পো ।

১১

আমাদের কালিদাসকে আমরা ভারতের গো'টে অথবা শকুস্পীয়ার বলিয়া জানি । জার্মান কবিবরের রচনাপ্রণালী হইতে ইংরেজ কবিবরের রচনাপ্রণালী পৃথক্ । আবার হিন্দু কবিবরের রচনাপ্রণালীও এই দুই জনের রচনাপ্রণালী হইতেই পৃথক্ । এই তিন কবির তিন প্রকার ধরণ ধারণ । তাহা হইলে তিন জনকে এক গো'লের অন্তর্গত করা হয় কেন ? কেবল এই হিসাবে যে গো'টে জার্মান সাহিত্যের ১ নং কবি, সেকুস্পীয়ার ইংরাজ সাহিত্যের ১নং কবি, আর কালিদাসও সংস্কৃত সাহিত্যের ১নং কবি । সেই রূপ লী-পো চীনাদের সর্বশ্রেষ্ঠ কবি । কোন চীনা বালককে যদি জিজ্ঞাসা করা যায়—“তোমাদের নং ১ কবির নাম কি ?” সে তৎক্ষণাৎ জবাব দিবে—“লী-পো” এই জন্ত লীকে চীনা সাহিত্যের কালিদাস বলিলাম ।

লী নাটকও লিখেন নাই, নাভেলও লিখেন নাই, আর এপিক বা মহাকাব্যও লিখেন নাই । লী ছিলেন গায়ক এবং গীতিকাব্যের লেখক । ছোট ছোট কবিতা, দোহা, সনেট ও গান ছাড়া অন্য কোন

রচনা লীর ত্রিশধণ্ডে সম্পূর্ণ গ্রহাবলীতে পাওয়া যায় না। ইনি, সর্বদা মদের ভাটিতে ডুবিয়া থাকিতেন। মদের নেশায় “চুর” না হইলে নাকি লীর মাথা খুলিত না। চীনা কবি মাত্রেই এই দস্তুর ছিল। শুনা যায় লী ফুলভক্ত ছিলেন। বস্তুতঃ নদনদী পাহাড় পর্বত গাছ পানা এক কথায় প্রকৃতি চীনা কবিমাত্রেই অতি প্রিয় বস্তু। প্রকৃতি বিষয়ক কাব্য চীনা সাহিত্যে প্রচুর। অধিকন্তু সঙ্গীতে লীর ঝাঁক ছিল। এই ঝাঁকটাও চীনা কবিমাত্রেই স্বভাবসিদ্ধ। কবি লিলেই চীনে সঙ্গীত-প্রিয় প্রকৃতি-পূজক পানাসক্ত লেখক বুঝায়। এই বর্ণনা বিশেষ ভাবে “লিরিসিষ্ট” বা গীতিকার সম্বন্ধেই প্রয়োগ করা হইয়া থাকে। লী-পো তাঁহাদের মধ্যে সেরা।

চীনের কেন, দুনিয়ার সকল দেশের গীতিকার সম্বন্ধেই এই চীনা বর্ণনা প্রয়োগ করা চলিতে পারে। হয়ত কোন কবি মদের নেশায় মাতাল না থাকিতেও পারেন। কিন্তু অস্তুতঃ ভাবের নেশায় গীতিকারকে মাতাল হইতেই হইবে। মাতাল না হইলে লিরিসিষ্ট হওয়া যায় না। মাতলামি ও পাগলামি গীতিকাব্যের প্রাণ। কেহবা মদে পাগল, কেহবা প্রেমে পাগল, কেহবা ধর্মে পাগল, কেহবা স্বদেশ সেবার পাগল। শেক্সপীয়ারও এক স্থানে এই চীনা মতে সায় দিয়াছেন। তাঁহার মতে “লাভার, লুচ্যাটিক অ্যাণ্ড দি পোরেট” অর্থাৎ “প্রেমিক, পাগল এবং কবি” একই চরিত্রের লোক। জার্মান শিলার, বাঙ্গালী হেম ও নবীন, ইংরেজ শেলী ও বায়রণ এবং ফরাসী লামারটিন্ সকলেই প্রেমিক, পাগল ও মাতাল ছিলেন। চীনা “কবি-লক্ষণ” অনুসারে ইঁহারা লী-পোর জুড়িদার—অর্থাৎ ‘এক গ্লাসের ইয়ার’।

নব্য ভারতের কবিবরও এইরূপ প্রেমিক, পাগল ও মাতাল। ঠিক বায়রণের ঝাঁক নিয়ের কথা শুনিতে পাইতেছি না কি ?

“নিমেষ তরে ইচ্ছা করে বিকট উল্লাসে
সকল টুটে যাইতে ছুটে জীবন উচ্ছ্বাসে ।
শূন্য ব্যোম অপরিমাণ
মদ্যসম করিতে পান
যুদ্ধ করি রুদ্ধ প্রাণ
উর্দ্ধ নীলাকাশে ।”

এই জুয়ুই সেক্সুপিয়ার বলিয়াছিলেন—“প্রেমিক, পাগল এবং কবি এক উপদানেই গঠিত । প্রেমিকের কল্পনায় পাগলের কল্পনায় আর কবির কল্পনায় কোন প্রভেদ নাই ।” চীনা গীতিকারেরা সেক্সুপীয়ারের সার্টিফিকেট পাইবার উপযুক্ত । তবে চীনের সেক্সুপিয়ার ইংরেজ সেক্সুপীয়ারের অন্ততঃ আটশত বৎসর পূর্বে জীবিত ছিলেন । ৬৯৯ হইতে ৭৬২ খৃষ্টাব্দ পর্য্যন্ত লী-পোর জীবনলীলা ।

লী কোন বিশেষ এক বিষয়ে কবিতা লিখিতেন না । যখন যে বিষয়ে খেয়াল চাপিত, তখন সেই বিষয়ে কবিতা লিখিতেন । পৃথিবীর যে কোন ঘটনাই লীকে চাপা করিয়া তুলিতে পারিত । দুনিয়ার যে কোন কুশ্রেই তাঁহার কল্পনা তরঙ্গায়িত হইত । লীর বীণায় চড়া নরম কোন ব্যঙ্গার বাদ পড়ে নাই । লী-পোর কাব্যে নয় রসেরই স্বাদ পাওয়া যায় । ছত্রিশ রাগিণীতেই গলা সাধিবার ক্ষমতা তাঁহার ছিল । এই হিসাবে লী ঠিক যেন সেক্সুপিয়ার—গোষ্ঠী । দুনিয়াই লীর সাহিত্যে ছাপ মারিয়া দিয়াছে । লীর গ্রন্থাবলী বিশ্বকোষ । বীররস চাহ, বীররস পাইবে, শৃঙ্গার রস চাহ শৃঙ্গার রস পাইবে । তাণ্ডবের সৌন্দর্য চাহ তাহা পাইবে—চাঁদের সৌন্দর্য চাহ তাহাও পাইবে । হত্যাশের সহচর ভাবে লী-পো পাঠকের মন মুগ্ধ করিতে পারিবেন । আবার

তেজস্বী কঠোর ব্রতধারী ভাবুক ব্যক্তিও এই বিশ্বকোষ ঘাঁটিতে আরম্ভ করিলে যাতোয়ারা হইয়া পড়িবেন।

লী লেখা পড়ায় পণ্ডিত ছিলেন। কেতাববিদ্যা তাহার বেশ ছিল। চীনা কবির সকলেই পণ্ডিত। কিন্তু লী-পো অশিক্ষিত এবং নিরক্ষর লোকজনের তারিফ করিতেন। সম্রাটের গভীর বাহিরে পার্শ্বত্যাগ বনজঙ্গলের অধিবাসীরা স্বাধীন জীবন যাপন করে। তাহাদের শরীর শক্ত, চিত্ত দৃঢ় এবং ক্ষুধা অগাধ। লী বলিতেছেন—“আমরা ঘরের মধ্যে আবদ্ধ হইয়া ছুনিয়ার কি বুঝিতেছি? কিছুই না। কতকগুলি পুঁথি ঘাটিতেছি বৈত নষ! কিন্তু এই পাহাড়ী পাড়াগেঁয়ে লোকেরা যেন পৃথিবীর সঙ্গে মিলিয়া মিশিয়া ঘরকন্না করিতেছে। ইহারা কেতাবের ধার ধারেনা। গোটা জগৎই এই সকল নিরক্ষর লোকের কেতাব। আজ ইহারা পশু মীকার করিতেছে—কাল বনের গাছ কাটিতেছে,—পরশু সদল বলে নাচ গান করিতেছে।” জার্মান-গ্যেটের ‘গটজ্’ এবং শিলারের “রবাস” কাব্যদ্বয় এই স্বচ্ছন্দ জীবনের বার্তা আনিয়াছিল। তাহা হইতেই ইয়োরোপে উনবিংশ শতাব্দীতে রোমান্টিক ভাবুকতার আন্দোলন উপস্থিত হয়।

লী সৈনিক পুরুষের জীবন চিত্রিত করিতে ভাল বাসেন। ঠিক যেন তলোয়ার হাতে লইয়া কবির রাগিনী ধরিয়াছেন। পণ্টনী পোষাকের বর্ণনায়ও লীর দৃষ্টি আছে। যুদ্ধের সময়ে সৈন্তেরা সদর্পে কায়দা করিয়া পা ফেলিয়া থাকে লী তাহাও বর্ণনা করিবেন। আবার অস্বাভাবিক পণ্টনের গতিবিধিও তাহার নজরে পড়ে। “ইহারা পবনের বেগে দৌড়িতেছে। বলিতে কি, ঠিক যেন উল্কাপাত দেখিতেছি। সাদা ঘোড়ার উপর রূপার পাড় ওয়ালা জিন। বরফের মতন পালিশ করা ও চক্ চক্ তলোয়ারের ধনু উ-দেশের কারিগর!

বাহবা চাওদেশের অখারোহী!” এই ধরণের বর্ণনা লীর যুদ্ধ-সঙ্গীতে এবং শীকারের গানে অনেক পাওয়া যায়। কেজো জীবনের আনন্দ, সংসাহসের আনন্দ, সুস্থ সবল শরীরের আনন্দ, তাজা প্রাণের আনন্দ লী প্রচুর দিয়াছেন।

চীনের ইতিহাসে তাতার বর্ষরদিগের আক্রমণ এক প্রকার কোন যুগেই বন্ধ ছিল না। লী প্রসিদ্ধ তাঙ্ বংশের (৬১৮-৯০৭) আমলের লোক। তাঁহার সময়ে ছয়ান-চুঙ্ বা মিঙ্-ছয়াঙ্ (৭২৩-৫৬) সম্রাট ছিলেন। এই বংশের সর্ব প্রধান নরপতি তাই-চুঙ্ (৬২৭-৫০) ছয়ানের ৬৩ বৎসর পূর্বে মারা গিয়াছেন। তাই-চুঙ্ চীনের নেপোলিয়ান পদবাচ্য বীর সেনাপতি ছিলেন। তাঁহার আমলে তাঙ্ বংশ অঞ্চল চীনের সাম্রাজ্য ভোগ করেন। কিন্তু লি-পো যে সময়ে কবি তখন চীন সাম্রাজ্যের ভাঙ্গন লাগিয়াছে। প্রথমতঃ অন্তর্বিদ্বেহ, দ্বিতীয়তঃ তাতারদিগের আক্রমণ। এই দুই কারণে চীনে অশান্তি দেখা দিয়াছিল। চীনে এইরূপ অশান্তি লাগিয়াই আছে।

লী তাতার যুদ্ধের এক কবিতা লিখিয়াছেন। কত যুদ্ধের কত কবিতা লেখা হইয়াছিল কে জানে? ইংরেজিতে মাত্র—একটা পাইতেছি। বাডের (Budd) অনুবাদে এইটার নাম “যুদ্ধযাত্রার গান” চীনা কবিতার ইংরেজি অনুবাদ—তন্ম্বাপি বাঙ্গালা অনুবাদ— তাহাও আবার গদ্যে—সেই গদ্যও দুর্ভাগ্য ক্রমে নিতান্ত অকবির রচনা। কাজেই নিয়ের উদ্ধৃত অংশে চীনা কবিরের “জাত মারা” হইতেছে বলিতে হইবে। দুধের সাধ ঘোলেই মিটানঘাউক!

“তিয়েন্-শানের পাহাড় চূড়া এখনও বলকে
নির্মল স্বৈত পোষাকে ;

বসন্তের গান আমি চাই শুনে

(কিন্তু) ফুলের শোভা নাই কোথাও ।

বিকট এই খোলা মাঠ,

বসন্ত নীরব ।

নীরস এক “উইলো-গীত” (সুরের নাম)

বাজাই বাঁশীতে ।

সকালে হইবে লড়াই তেরীর আস্থান ;

নিশীথে অশ্বারোহী নিদ্রা যায় জিনে ! *

পাশে তার তলোয়ার

মরিচাহীন পরিষ্কার ;

জপিয়াছে দীর্ঘকাল ইহারই খোঁচায়

পাঠাইবে তাতারেরে মরণ সীমার ।

তেজস্বী যুদ্ধাশ্বের হইয়া সওয়ার

বায়ুরে ফেলিয়া ছরা সূদূর পশ্চাতে

ভয়ের না করি ভয়, না ভাবি মরণে

“ওয়ে”নদের জলরাশি পলকে হইল পার

ধনুক তাদের শত্রু বাঁধা

বাণে ভরা তুণ ,

হৃন্মনের সামনে তারা দাঁড়ায় নির্ভীক

দুর্কৃত শত্রুর দল করিবারে খুন ।

গুঁড়া হয় পাহাড় যেমন অশনিপাতে

ছিঁড়িল তাতার-বাহ চীন সেনাঘাতে ;

* সিনের সম্মুখ এবং পশ্চাদ্ভাগ অনেকটা বাকাইয়া খাড়াভাবে উঠে । কাজেই
অনিবার্য হইতে পড়িয়া বাইবার সম্ভাবনা নাই ।

প্রবল ঝড়ের ধাক্কায় মেঘের মতন

কাপুরুষ বর্ষরেরা করে পলায়ন।

তারপর রক্তমাখা বালুকার উপর

ক্রান্ত বিজয়ী বীর পড়িয়া ঘুমায়।

তলোয়ার শোভা পায় যেতোজ্জ্বল তুঘারে

নিষ্কিণ্ত চৌদিকে হেরি ধনুকের কৃষ্ণছায়।

রক্ষা পাইল গিরি-পথ ;

দূর হ'ল শত্রু ;

আনন্দে সৈনিক বধুর

ঘর ভরপুর।”

ইংরেজ স্কটের বীরগাথা সমূহের ঠিক এই ধুয়া। আমাদের চারণ, জার্মানদের “মিনেসিঙ্গার”, ফরাসী “ক্রুবেয়ার” আর বিলাতের “মিন্‌ট্বেল” সকলেই লী-পোকে আত্মীয় বিবেচনা করিবেন। বস্তুতঃ লীর জীবন অনেকাংশে চারণগণের মতনই ছিল। দৈবহুর্ষিপাকে পড়িয়া তাঁহাকে নানা দেশ বিদেশে ঘুরিয়া বেড়াইতে হয়। আজ সহরে, কাল পল্লীতে—আজ নৌকাবন্ধে কাল পর্বত পৃষ্ঠে—এইভাবে লীর জীবন কাটিয়াছে। এই তিনি রাণীর রূপে মুগ্ধ—পরক্ষণেই তিনি তাঁতীকন্ঠার সূতাকাটা দেখিতেছেন। চাষীদের আলে দাঁড়াইয়া লী একবার গলা ছাড়িলেন, খানিক পরেই মাতালের পাল মদের দোকানে কবিবরের সঙ্গে মসৃণল। আজ তিনি পণ্ডিতের অতিথি কাল এক জমিদার তাঁহার সেবক। লী অনেক ঘাটের জল খাইয়াছেন—ছনিয়ার কোন রস তাঁহার অ-চাখা ছিল না। এমন ঘটনাবল্লন বৈচিত্র্যপূর্ণ জীবন—তাঁহার উপর সরস্বতীর কৃপা—কাজেই লীর কলমের (বস্তুতঃ তুলীর, চীনারা কলমে লেখে না) আগায় যাহা

আসিয়াছে তাহাই অমর হইয়াছে। ভাবিতেছি ইয়ো,রোপের রোমান্টিক ভাবুকতা যে বস্তু ঠিক সেই বস্তুই যেন হাজার বৎসর পূর্বে চীনের এই কবিবরে মূর্তি গ্রহণ করিয়াছিল। বার্ণসের উন্মাদনা, শ্রীতোত্রিয়াদের অগাধ কল্পনা, বুবক জার্মানির চরমপন্থিতা সবই এশিয়ার এই সাহিত্যবীর নিজ জীবনে উপলব্ধি করিয়াছিলেন। চীনের কালিদাস ছনিয়ার কবিসভায় কুলীনের আসন পাইবার যোগ্য।

চীনা সাহিত্যে রামায়ণ, মহাভারত, রুবংশ, কুনাসস্তব, ডিভাইন কমেডি এবং প্যারাডাইজ লষ্ট নাই, অর্থাৎ চীনারা কেহই কখনও “মহাকাব্য” রচনা করেন নাই। চীনা সাহিত্যে নাটক আছে, নাটকগুলি ভারতীয় নাট্য সাহিত্যের দৃষ্টান্তে প্রথম রচিত হইতে থাকে। তাও আমলের পূর্বে চীনে নাটক ছিল না। লীর সময়ে চীনারা নাট্য সাহিত্যে হাত মক্‌সু করিতে শুরু করে। ষাদশ ও ত্রয়োদশ শতাব্দীতে মোগল আমলে চীনা নাটককারগণ প্রসিদ্ধ হন। কাজেই লীর সময়কার কবিগণ ছোট কবিতায়ই হৃদয়ের কথা প্রকাশ করিতেন। চতুর্দশগদী কবিতা, চতুস্পদী কবিতা এবং অন্যান্য অন্নায়-ভনের কবিতায় তাও যুগ চীনা সাহিত্যের স্বর্ণযুগ।

ভারতবর্ষের পণ্ডিতমহলে একটা কথা অনেক দিন হইতেই চলিয়া আসিতেছে। যত কম শব্দে একটা “মুত্র” প্রচার করা যায় ততই আমাদের ধারণায় বাহাদুরী। কোন মুত্র হইতে একটা অনাবশ্যক শব্দ তুলিয়া দিতে পারিলে আমাদের পণ্ডিতগণ নাকি পুত্র লাভের সুখ অনুভব করিতেন। এই ধারণা জাপানেও দেখিয়াছি—চীনেও দেখিতেছি। “কম কথায় বেশী ভাব প্রকাশ কর”—ইহাই যেন এশিয়ার মূলমন্ত্র। জাপানী সাহিত্যে এক প্রকার কবিতা আছে—

তাহাতে থাকে মাত্র দুই লাইন। নাম “হোকু”। এগুলি ঠিক আমাদের দৌহা। কবি দুই চারিটা । আওয়াজ করিবেন-শ্রোতারা সেই সামান্য আওয়াজেরই প্রভাব কানের মরম পর্যন্ত লইয়া বাউক হোকু বা দৌহার লেখকগণ করিয় থাকেন। চীনা সাহিত্যেও দেখিতেছি এই প্রবল। চীনা চতুষ্পদী কবিতার সংখ্যা বিপুল। এই সম্বন্ধে চীনের পুরানা সমালোচকেরা বলিয়াছেন—“বাক্য খামিয়া গেল—কিন্তু অর্থ ত খামেনাই।” কবি তোমার চোখের পরদাটা খুলিয়া দিলেন—তুমি দিব্য দৃষ্টি পাইলে—এখন নূতন চোখে ছুনিয়াটা দেখিতে থাক। তোমার চামড়ার কানে এতদিন তুমি কয়টা ধ্বনিই বা ধরিতে পারিতে ? চতুষ্পদীর কবিগণ তোমার কানের ক্ষমতা বাড়াইয়া দিলেন। তোমার হৃদয়ের ছয়টা খুলিয়া গেল—তোমার স্মৃতিশক্তি বাড়িয়া গেল—তোমার কল্পনার পাখা অবাধ হইল—কবির ইচ্ছিতে তুমি নবজীবন লাভ করিলে। চতুষ্পদীর সঙ্কেতগুলি তোমাকে নূতন ভাবে মাখাইয়া রাখিল। ফুল শুকাইয়া গেলেও ফুলের গন্ধে তুমি আকুল থাকিতে পারিবে। ইহাই চতুষ্পদীর মাহাত্ম্য। কবি পথ দেখাইয়াই খাল্দিস।

ইংরেজিতে একটা প্রবাদ আছে। তাহাতেও বাক্যসংঘম, নীরবতা, বাজে কথা বর্জন ইত্যাদির প্রশংসা পাই। সেই প্রবাদে কথা বলাটা রূপার মতন সস্তা আর কথা না বলাই সোনার মতন দামী। হোকু, দৌহ এবং চতুষ্পদীর প্রচারকগণ শব্দসংঘম সম্বন্ধে আরও বলিতে পারেন—“সর্বাপেক্ষা বেশী দুঃখ অনুভব করে কে ? বাহার বুক ফাটে ত মুখ ফাটে না। সর্বাপেক্ষা বেশী বদমায়েস কে ? যে বদমায়েসির কথা একদম বলে না। সর্বাপেক্ষা প্রবল শত্রু কে ? যে শত্রুতার

চীনের কাগাদাম লী-পো ।

কথা মুখেও আনে না । সর্বাপেক্ষা বেশী ভালবাসে কে ? যে ভালবাসার কথা প্রকাশই করে না । সর্বাপেক্ষা বড় জানী কে ? যে বাজারে জানের জাহির করে না ইত্যাদি । আরও চরম ভাবে বাক্যসংঘের তারিফ করা চলিতে পারে । “ভক্ত”দর্শী কে ? যে লোকজনের নিকট ধরা ছোঁয়া দেয় না । সংসারের গূঢ় রহস্য বুঝিয়াছে কে ? যে একদম নির্বাক, মৌনব্রতাবলম্বী “যুনি” । জীবনের চরমকথা জানে কে ? যোগী, সাধক, ও ধ্যানী যে । চীনা, জাপানী, হিন্দু, মুসলমান, খৃষ্টান সকল সমাজেই এই মত দেখিতে পাওয়া যায় । সংঘের শক্তি সম্বন্ধে দুনিয়ার মানুষ যাত্রেই মত এক প্রকার । তবে দুনিয়ার লোক কোথাও সকলেই দরজাবন্ধ করিয়া নীরব সাধনায় মত্ত থাকে না । জগতের কোন সাহিত্যেই কেবল চুটকী বা স্মৃত্তেরই পশার অতিমাত্রায় দেখা দেয় নাই । বাচালতা, প্রগল্ভতা ও লম্বচাঁড়া রচনা সকল সাহিত্যেই আছে ।

লীপোর একটা চুটকীর নমুনা দিতেছি । এইটা দশ বৎসর বয়সের লেখা । জোনাকি পোকা দেখিয়া বালক লী নিয়ের চতুষ্পদীটি লিখিয়া ছিলেন ।

“রুটিতে নিবাইতে নারে আলোক তোমার বাতির,
বাতাসে তোমারে করে আরও বেশী উজ্জ্বল,
উড়িয়া উঠনা কেন ? ঐ সুদূর আকাশ-কোল !
ভাতিবে চাঁদের পাশে ;—যেন তারা যামিনীর।”

লীপোর আর একটা চতুষ্পদী নিয়ে উক্ত হইতেছে :—

“পাখীরা লুকা’ল এখন গাছের নীড়ে,
আকাশের শেষে মেষ এই ধীরে ভেসে যায় ;

ক্লান্তি স্পর্শে না কভু মোদের দুজনায়,

“যতই একত্র থাকি আমি ও পাহাড় ।”

এই খানে কবিবরের পর্ষতপ্রীতি দেখিলাম । আর একটা চুটকিতে দেশের স্মৃতি জাগিতেছে ।

“সহসা ভাঙ্গিল যুম ; দেখিলাম চাঁদের কিরণ বিছানার উপর ;

চমকিল চোখ যেন হেরিয়া তুমার জ্যোতি ।

ক্রমশঃ সুন্দরবরণ দীপ্ত শশধর পানে উঠাইয়। শির

আবার করিলু শয়ন ,—জাগিল দেশের স্মৃতি ।”

একটা চতুষ্পদীতে লীপো হেঁয়ালির সংবাদ হেঁয়ালির ভাষায় দিয়েছেন । মিষ্টসিদ্ধ, অতীন্দ্রিতা, অধ্যাত্ত্ব, শৃঙ্গদর্শন, ইত্যাদি বস্তু সকল লোকের পক্ষে সুবোধ্য নয় । কাজেই তাহার ব্যাখ্যা করা ও সহজ নয় । এইজন্য তত্তদর্শী ব্যক্তির। খোলা খুলি বলিয়াছেন “ওহে বাপু, আমি ত ঠিকই বুঝিয়াছি—চরম সত্যলাভও করিয়াছি—পরমানন্দে বিভোরও হইয়া আছি । কিন্তু তুমি কি তাহা বুঝিবে ? ভাষায় তাহা বুঝাইতে পারি না ।” “বেদাহমেতং পুরুষং মহাত্মং” বধন প্রচারিত হইয়াছিল তখনও শ্রোতার। কিছু বুঝিয়াছিলেন কি ? বোধ হয় না । চরম ভাবুকতার বাণী জনসাধারণ বুঝিতে অসমর্থ । চরম-পন্থী লীপো ঠিক এই কথাটাই বলিতেছেন—

“আকাশে আমার চিত্ত এত কেন ধার ? জিজ্ঞাসিছ তুমি ;

শুনিয়া হৃদয় হাসে, না পারি জবাব দিতে !

পীচফুল নদী স্রোতে কোথায় বা যায় ভাসি ? জানিনাক আমি ।

সখা, যোর নূতন জগৎ না পারিবে বুঝিতে ।”

জীবনের অভিজ্ঞতার এক একটা তত্ত্ব আবিষ্কৃত হয় । সে অভিজ্ঞতা সাহায্য নাই সে কখনও কোন তত্ত্ব বুঝিতে পারিবে না । চীনা ভাবুক

প্রবর হুনিয়ার সকল ভাবকের পক্ষ হইতে এই চতুষ্পদীর দ্বার খুঁটা খুলিয়া বলিয়াছেন ।

দেশ বিদেশে ঘুরিতে ঘুরিতে লী কয়েকজন এক গেলানদের ইয়ার পাইলেন । সংখ্যার হইলেন তাঁহার। ছয় জন । নিজেই পাহাড়ের এক বাঁশের কোঁপে এই ছয় নিকরগা আভড়া গাড়িয়া বসিলেন । “বংশকুঞ্জের ছয় ইয়ার” নামে লী-দল চীনা সাহিত্যে প্রসিদ্ধ হইয়াছে । ইহাদের কাজ ছিল দুই—পেট ভরিয়া মদ খাওয়া এবং গাল ভরিয়া গান করা । গানের ধূম এই—“সংসার অসার—খাও দাও, মজা কর ।”

• “জীবনের মূল্য কি ? সে ত স্বপন সমান !”

হেঁচ হেঁচ গঙগোলে কিবা কাজ ভাই ?

সাঁর মাত্র এজগতে মদিরা সেবন,

নেশা কোঁকে সাঁরা দিন থাকি এক ঠাই ।

জাগিলে উঠিয়া তাকাই মাঠের দিকে,

শুনা যায় ফুল মাঝে পাখীর এক গান ;

“সকাল কি সন্ধ্যা এখন ?” জিজ্ঞাসা পাখীকে ;

হাসিয়া পাখী বলে “বসন্ত এখন” ।

দেখিয়া সুন্দর দৃশ্য চোখের হয় খুস,

কাজেই পেয়ালা পুরি আবার চুঘন ;

মনে ভাবি গীতে ডাকি চক্রাকরণ,

(কিন্তু) শীঘ্রই লুটাইয়া পড়ি হইয়া বেহঁস ।

লীর মদিরা “অধ্যাত্মিক” মদ নয়—খাঁটি ভাটিতে চৌরানো মাতালকরা রস । সমালোচকগণের একটা বাতিক আছে । তাঁহারা বিখ্যাত কবিগণের রচনার প্রেমের কথা দেখিলেই আধ্যাত্মিক প্রেম

বুঝিতে চেষ্টিত হন । মদের কথা শুনিলেই ভগবৎ প্রীতি বুঝিতে লাগিয়া যান । পারস্যের ওয়ার খায়াম, জামি, রুমি এবং অন্যান্য স্তম্ভী ভাবুকগণের রচনায় মদ কোন কোন স্থলে আধ্যাত্মিক নেশার জনক । ইহা অস্বীকার করিবার জো নাই । কিন্তু যেখানে সেখানে আত্মা, জীব, মানুষে ভগবানের সম্বন্ধে “সাম্বীপ্য” “সামুজ্য” আধ্যাত্মিক মিলন ইত্যাদি বুঝিতে যাওয়া অনাবশ্যক । ভারতীয় রাসাক্ষরের প্রেমেও অনেক স্থলে চামড়ার চৌধ কাণ দিয়া যাহা বুঝা যায় তাহাতেই সম্বষ্ট থাকা উচিত ।

লীর এই কবিতাগুলি জাইলসের ইংরেজি অনুবাদ হইতে উদ্ধৃত করা হইয়াছে । ক্র্যান্‌মার-বিঙের ইংরেজি অনুবাদ হইতে খানিকটা উদ্ধৃত করিতেছি । ছয় নিষ্কর্মার পরিষৎ হইতে যে সুর বাহির হইতে পারে সেই সুরই লক্ষ্য করিবার বিষয় ।

সবুজ হাতে বসন্ত ডাকিছে আমারে,
 প্রকৃতির গানও পশে হৃদয় মাঝারে ।
 পীচ-গন্ধে আমোদিত কুঞ্জগৃহে আসি
 মিলিলাম বন্ধুসনে সদা মুখে হাসি ।
 ইয়ার দলের আমোদ প্রমোদ কেবা না জানে ?
 রসের কথায় আলাপ সেথায় সরস ভোজনে ;
 ফুলের বিছানার পাশে মদিরার লাল পেয়ালো,
 আমাদের সভাপতি টাঁদ রানী অমলা ।
 কবিতা স্বরগের ধন ; ইহার পরশ বিনা
 রুদ্ধ হৃদয়ের ষার কখনো খুলিবে না ;—
 “কল্পনার মদিরা যেবা না করিয়াছে পান
 তিন পেয়ালো মদ সে টাঁকুক”—বাগানের বিধান ।

বাগানের এই নিয়মটা কেন হইয়াছিল ? নৈসর্গিক কবিত্বশক্তি না থাকিলে নেশার জোরে তাহা গজাইয়া তুলিবার জ্ঞান ? না, কবিতা না লিখিবার শাস্তি স্বরূপ ইয়ার মহাশয়কে বেশী মাত্রায় মদ দেওয়া হইত ?

একটা নৈরাশ্যের গান শুনা যাউক । “হাল ছেড়ে বসে আছি মশায় ! যা থাকে কপালে তাই হবে ।” এই দুয়ার কয়েক পংক্তি ক্র্যান্‌মারি বিঙ দিয়াছেন ।

কালিকার সোণা কেবা জমাইয়া রাখিতে পারে ?

আজিকার কালো মেঘ গুটাইয়া রাখিবে কে ?

দরিয়া-স্রোতের সূতা কাটে কি লোহার আঁচড়ে ?

মদিরার নেশাতে হার দুঃখ নাশ হয় কবে ?

মানুষের আকাজক সনে,

বিধাতার বাধিলে রণ,

একমাত্র পথ এই,—

পাল তুলিয়া দাও তরণীর

সজোরে বহুক পবন,

জলস্রোতে যাও ভাসি ।”

নান্‌কিঙ্‌ নগরের মাহাঙ্গা নিয়ে বিরত হইতেছে । এটা বিষাদের ছবি ।

নান্‌কিঙ্‌ ! তুমি দেখিয়াছ ছয় রাজ্যের অবসান ;

তোমারি তরে এই গৌরব গীত ও তিন পেমালা পান ।

মাঠের শোভা সোণার বাগান আছে কত স্থানে ;

তাদের চেয়ে সুন্দর তুমি,—নীল পাহাড় এখানে ।

নান্‌কিঙেতেই “উ” রাজাদের উত্থান ও পতন,

ধ্বংস মাঝে বিরাজে যেথা বন জঙ্গল এখন।
 নানুকিঙেতেই—এই না সে দিন ?—“চীন”বংশের রাজা
 সূর্যাস্তের স্বপ্ন দিয়ে গড়েছে পাথর ধ্বজা।
 মৃত্যু জগতের নিয়ম, সবারি এক পরিণাম,
 বিজয়ী ও বিজিত লভিবে একই বিরাম।
 ইয়াংসি-কিয়াঙের বারি তরঙ্গে তরঙ্গে
 নাচিয়া মিশিবে শেষে সাগরেরি সঙ্গে !

চীনা সমাজদারেরা লীপোর একটা কবিতাকে নিখুঁত কবিতার আদর্শরূপে প্রচার করিয়াছেন। কাজেই এইটা দেখিলে চীনাদের কষ্টিপাথর বুঝিতে পারি। চুটকী কবিতার মাহাত্ম্য দেখিয়াছি তাহার ইঙ্গিত করিবার শক্তি। এই ইঙ্গিত মাত্র যেখানে চীনারা সেইখানেই উৎকর্ষ দেখিয়া থাকেন। লীপোর নিম্নলিখিত কবিতায় চীনা পাঠক-গণ নানা ভাবে বিভোর হয়।

কচ্ছপ একটা ব'সে আছে পদ্ম ফুলের উপর ;
 নলের ঝোঁপের মাঝে বাসা এক পাখীর ;
 মাঝি-কত্যা বাহে দাঁড় হাক্কা তরণীর ;
 গানের ধ্বনিতে তাহার মিশিছে জলের মর্শ্বর ।”

কবির ইচ্ছা পাঠকগণ নিজ নিজ বিদ্যার দৌড় অনুসারে এই কয় লাইনের সূক্ষ্ম অর্থ বাহির করুক। কল্পনার পার্থক্য অনুসারে এখানে ব্যাখ্যার কম বেশী পার্থক্য হইবে। কেহ বলিবেন,—“নির্জ্ঞান আবেষ্টনের মধ্যে এক একটা জীবকে দেখান হইয়াছে। এই বা”। কেহ বলিবেন—“ইহার মধ্যে হাতী ঘোড়া কিছুই নাই। বেশী মাতামাতি করা অনাবশ্যক।” কেহ বলিবেন—“মোটের উপর একটা নিবিড় শান্তির চিত্র পাইতেছি।” কেহ বলিবেন—“অনন্ত শক্তিগুণের মাব-

খানে : একটা ক্ষুদ্র শক্তির অবস্থান দেখাইতেই কবি তিনটা ছবি
দিয়েছেন।” ইত্যাদি।

এক বিরহিনীর দুঃখ নিয়ে বিবৃত হইতেছে ;—

গোধূলি সময়ে বিহঙ্গম সব

কলরব করি আসিছে কুলায় ;

গাছের ডালে ডালে বসিয়া সরষ

নিশার বিশ্রামে জোড়া-জোড়া যায়।

অদূরে যুবতী এক ভদ্র ঘরের

বসিয়া কাপড় বুনিছে তাঁতে ;

ভেদ করি জানালার পর্দা রেশমের

পাখীদের গান তার কাণে আঘাতে।

কাজ ধামিল রমনীর ; আকুল হইল প্রাণ

স্মরিয়া স্বামীরে যে না আর ফিরিবে ;

গভীর রজনী কালে হতাশ নির্জন

দুঃখিনীর আঁধিতে বরষা দ্রবে।

লী-পো কিছু দিনের জন্ত রাজ দরবারে চাকরি পাইয়াছিলেন।
চীনেস্বরের তিনি বড় প্রিয়পাত্র হন। সম্রাট নিজেও কবিতা লিখিতে
এবং গাহিতে পারিতেন। কাজেই লীর “সঙ্গজের” অভাব হইত না।
এক দিন সম্রাট তাঁহার প্রাসাদের আমোদ-গৃহে সকালে বসে হাবুডুবু
খাইতেছিলেন। হঠাৎ খেয়াল চাপিল যে তাঁহার এই স্মৃতির দৃশ্য
কবিতার বর্ণনায় স্থায়ী করিতে হইবে। লীপোর ডাক পড়িল। কবির
তখন এক রাস্তায় মাভলামি করিতেছেন। কয়েকজনে মিলিয়া
তাঁহাকে সম্রাটের নিকট লইয়া আসিল। লী বলিলেন—“হজুর,
আমি রাজকুমার বাহাদুরের পাল্লায় পড়িয়া বড় বেশী মদ ঢালিয়া

ফেলিয়াছি। এখন বেহুস ভাবে কিই বা লিখিব ? যাহা হউক যথাসাধ্য চেষ্টা করিতেছি।” তার পর দুইজন রমণী লীর সম্মুখে এক ধান্য রেশমের পরদা ধরিল। কয়েক মিনিটের ভিতর লী দশ দশটা কবিতা ঝাড়িয়া ফেলিলেন। প্রত্যেকটায় আটটা করিয়া লাইন। একটাতে কোন রাজ-প্রেমসীর জীবন চিত্রিত হইয়াছে।

আহা কি আনন্দ যৌবনের ;
কাটে কাল সুখে এই হর্ষ্যতলে !

* * * *

উজ্জ্বল ফুলের মালা খোঁপায় চুলের ;
মাঘ্রা জামাতে রং-বেরঙ খেলে ।
কখনো বেড়াই শুভ্র হাওয়ার’
কখনো বা বসি রাজার পাশে ।

* * * *

নাচ গান বাজনা কিন্তু চির দিনের নয়,
সবাই ত নিশ্চয় এক দিন পাইবে লয় ।

জাইল্‌স্ প্রণীত “চীনা সাহিত্যের ইতিহাস” গ্রন্থে লী সম্বন্ধে যাত্র সাড়ে চারি পৃষ্ঠা আছে। সুতরাং চীনের শেক্সপীয়ারকে বুঝিব কি করিয়া ? শেক্সপীয়ারের রচনাবলী হইতে সুন্দর সুন্দর বচন বাছাই করিয়া ডড্ একধানা গ্রন্থ প্রচার করেন। অষ্টাদশ শতাব্দীর জার্মানেরা সেইটা পড়িয়াই শেক্সপীয়ারের অনুরক্ত হয়। তাহার পর তাহারা অনুবাদ শুরু করে। অথচ বস্তুতঃ তাহাতে শেক্সপীয়ারের আসল ক্ষমতা সহস্রাংশ ও বুঝা যায় না। লী-পোর ক্ষমতা কথঞ্চিৎ বুঝিবার জগুও অন্ততঃ একজন ডডের আবশ্যিক। সেই ডড্ এখনও দেখা দেন নাই। কালিদাসের রচনা সবই ইংরেজিতে অনূদিত

হইয়া গিয়াছে। কিন্তু চীনা কবিবরের পরিচয় পাইতেছি মাত্র এক শত লাইন হইতে। কাজেই লীব যথার্থ মূল্য শীঘ্র নির্দ্ধারিত হইতে পারে না।

মানুষ যাত্রাই চাঁদ-পাগলা—কবিদের ত কথাই নাই। বাঙ্গালী গাহিয়া থাকেন “এমন চাঁদের আলো মরি যদি সেও ভালো।” কিন্তু চাঁদের সঙ্গে পিরীত করিয়া কোন বাঙ্গালী বোধ হয় এখনও করেন নাই। সেই মরার দৃষ্টান্ত আমরা চীনে পাইতেছি। কবিবর লী-পো চাঁদের সঙ্গে কোলাহাল করিতে যাইয়াই জলে ডুবিয়া মরিয়াছিলেন। “প্রেমিক, পাগল ও কবি” একই জীব নহেন কি ?

লী ভবদুরের মতন নিরুদ্ধেশ ভাবে আজ এখানে কাল ওখানে ঘুরিয়া বেড়াইতেছেন। একদিন রাত্ৰিকালে নদীবক্ষে নৌকায় সঞ্চয় হইতেছে। আকাশে চাঁদ উঠিয়াছে কোন সঙ্গী নাই—লাল সরাবের ভরা পেয়ালার গুলিই এক মাত্র বন্ধু। জলে চাঁদের ও নিজের প্রতিবিম্ব দেখিবার জন্য কবি নৌকার কিনারায় বসিয়াছেন। নেশার ঝোঁকে নৌকা হইতে বড় বেশী ঝুঁকিয়াছেন—তাহার পরেই ঝপাৎ এক “অ্যাক্সিডেন্টে”র কয়েক মিনিট পূর্বে লী তাহার মনের আবেগ লিখিয়া রাখিয়াছিলেন। “জোনাকি”তে কবির দশ বৎসর বয়সের কল্পনা দেখিয়াছি এইটাত্তে ৬৩ বৎসর বয়সের শেষ খেয়াল দেখিব।

কুলের ছড়াছড়ি তরীর ভিতর,
কেটলির গৌরব এই মদিরা অমর,
সুখের কুটিলে (কিন্তু) নাইক হায়রে
সখার ভালবাসা সদা সহচর।
এদিকে চাঁদরাণী কিরণ ঢলে
পেয়ালার উপর ও আমার ভালো।

আমার ছায়াতে মূর্তি জ্বলেতে ;
 যেন বা চিনের দল নিশাকালে !
 আকাশের চাঁদ কিম্বা চাঁদের ছায়া—
 মদের হিষ্টিয় তার দেখি না মায়ী ;
 আমার ছায়া, সে ত দাসীর মতন
 আসিবে সেবিতে আমার কায়া ।
 ভবুও তাদের বন্ধু আমার
 একক পানোন্নাসের হইবে বাহার ;
 হাসাহাসি করি দুঃখ পাসরি
 পূর্ণ রাশিব বসন্ত বিহার ।
 ত্রি দেখ চাঁদ বিরাজে আকাশে,
 আমার গান শুনি কল না হাসে,
 ছায়াটি আমার নাচে অনিবার,
 তালে তালে এই সুরনী ভাসে ।
 যখন মাথায় নোর নেখা না থাকে
 চাঁদ ও ছায়া তখন আমার ডাকে ;
 নেশার ঘোরে যখন হই অচেতন
 সঙ্গীরা ফেলিয়া যায় আমাকে ।
 ভাগ্যও নাই দুঃখ, আবার মিলন
 হ'বে শীঘ্র বিদায় বচন ;
 সঙ্গতে বসি আনন্দে ভাসি
 যাপিব সদাই স্বরগ জীবন ।

চাঁদের কোলে বাইবার জন্ত লীর এই সাধ । বস্তুতঃ “চাঁদ ধরিবার”
 পরিত্যক্তিকৈই “আইডিয়লিজম্”, “রোমান্টিসিজম্”, “মিষ্টিসিজম্” বা

ভাবুকতা বলে। যাহা পাওয়া যাইবে না অথবা যাহা ধরা কঠিন তাহার জন্ত ব্যাকুলতাই ভাবুকতা। জার্মান ভাবুকগণের ষ্টুর্ম উণ্ড ড্রাঙ ইংরেজদিগের “ষ্টর্ম অ্যাণ্ড ষ্ট্রেম্” আর চীনা কবিবরের চাঁদ-ধরা একই শ্রেণীর পাগ্‌লামি বা উন্মাদনা। এই জন্মই লীকে সেদিনকার ইয়ো-রোপীয় রোমান্টিক আন্দোলনের অবতার বলিয়াছি।

লীর উন্মাদনা বা চাঁদ-পাগলামি বাঙ্গালী সহজেই বুঝিতে পারিবেন। লী আসল চাঁদ ধরিতে চাহিয়াছিলেন—যুবক ভারত রূপক চাঁদ ধরিতে চাহেন। যুবক ভারতের সকল মহলে আজ কাল রোমান্টিসিজ্‌ম জ্বলজ্বার হইয়া বসিয়াছে। একটা সামান্য দৃষ্টান্তে কথাটা স্পষ্ট হইবে। চিত্র সমালোচক সমরেন্দ্রনাথ ঞ্চু আমাদের পুরাণা ওস্তাদগণের আঁকা পশু পাখীর ছবি সম্বন্ধে বলিতেছেন—“এমনই সঙ্কোচ আমাদের হয়ে পড়েছে। কিন্তু পুরাকালে শিল্পীদের এমন কোন দ্বিধা ছিল না। তারা পশু পাখী আঁকতো তেমনি ভাবে যেমন প্রকৃতিতে তারা ঘুরে বেড়ায়। হাতী আঁকবে যদি তাহলে মস্ত হাতী কমল বনে কেমন করে মাতোয়ারা হয়ে ফুল ছোড়াছুড়ি করে তাই দেখাত; বাঘ এঁকেছে জঙ্গলে ছাড়া অবস্থায় বা মৃগের উপর লাফিয়ে পড়ার অবস্থায়; বলদ এঁকেছে বোঝা বইবার অবস্থায় নয়, অল্প একটা বলদের সঙ্গে হৃন্দ যুদ্ধ করার অবস্থায়; শূকর এঁকেছে পোষ মানা নিরীহ নয়, অশ্বারোহী শিকারীর প্রতিদ্বন্দ্বী বরাহ এঁকেছে; পাখী এঁকেছে মুক্ত প্রকৃতির জামল পল্লবের ছায়ায় ফুলের কুঞ্জ বনের মাঝে; মরাল এঁকেছে শত-দল শোভিত সরোবরের মাঝে বা নীল আকাশের গায়ে; ক্রৌঞ্চের সারি এঁকেছে বিজুলীহানা কালো মেঘের গায়ে; কপোত কপোতী এঁকেছে পাশাপাশি লতা পাতার মাঝে; বাজপাখী এঁকেছে চোখে ঠুলি-দেওয়া বোবা নয়, এঁকেছে শিকার ধরা জঙ্গলা বাজ।”

এই বর্ণনার ঝাঁক দেখিয়াই ভারতীয় রোমান্টিক আন্দোলনের জোয়ার বহিতেছে বুঝিতে পারি। এই চিত্র সমালোচনায় ভাবুকতায় বড় বড় তিন লক্ষণ এক সঙ্গে বাহির হইয়া পড়িয়াছে। প্রথমতঃ স্বাধীনতার আকাঙ্ক্ষা এবং বাধাহীন অকৃত্রিম স্বচ্ছন্দ জীবনে অনুরাগ। দ্বিতীয়তঃ প্রকৃতি-নিষ্ঠা অর্থাৎ দেওয়াল-ঘেঁসা সভ্যতাকে ঝকঝকি বিবেচনা করা। তৃতীয়তঃ মধ্যযুগের সমাদর ও মোটের উপর অতীত-প্ৰীতি। রুপষ্টক, লেসিঙ, হার্ডার, গ্যোটে ও শিলরের যুগে যুবক জর্মানি অবিকল এই নেশায় মাতাল হইতেছিল। ক্লিডার (১৭৫২-১৮৩১) একখানা গ্রন্থই লিখিয়া ফেলিয়াছিলেন। তাহার নাম “ষ্টুম-উণ্ড-ড্রাণ্ড”। সেই গ্রন্থ হইতেই রোমান্টিক আন্দোলনের নামকরণ হইয়াছে। ভারতীয় চিত্র-সমালোচকের মূলমন্ত্রে আর ক্লিডার প্রচারিত মূলমন্ত্রে কোন প্রভেদ নাই। এই জন্তই বলিতেছি চীনের চাঁদ-পাগলা কবিবরকে যুবক ভারত শীঘ্রই আপনার করিয়া লইতে পারিবে।

ইংরেজিতে লী-পোর যতটুকু বাহির হইয়াছে সবটুকুই বাঙ্গালীকে দেওয়া গেল। এখন একটা মজার গল্প বলিতেছি। লী সম্বন্ধে চীনে একটা কাহিনী প্রচলিত আছে। লী মফঃস্বলের লোক। ছিছোয়ন প্রদেশে তাহার জন্ম। লীর চেহারা খুব সুন্দর ছিল ঠিক যেন কার্তিক। তাহার উপর দশ বৎসর বয়সেই প্রাচীন কনফিউশিয়স সাহিত্য তাহার কণ্ঠস্থ—আর লোকজনের সঙ্গে কথাবার্তায় অতি উঁচু দরের ক্ষমতা প্রকাশ। কাজেই পাড়াগাঁয়ের লোকেরা ভাবিত—“লী মানুষ নয়—স্বর্গের জীব। অমর লোক হইতে বোধ হয় কোন কারণ বশতঃ মর্ত্যে নির্বাসিত হইয়াছে।” রুপগুণ সমন্বিত ছোকরা মদের অনুরক্ত হইয়া উঠেন। একদিন সে কোথায় গুনিল, যে চীনের সেরা মদ পাওয়া

যার লিও চিঙ্ নগরে। নিজের বাড়ী হইতে তিন শত মাইলের পথ।
কুছ পেরোয়া নাই। স্বর্গের জীব মর্ত্যের অমৃত পান করিতে দেশত্যাগী
হইলেন। মাতালের আড্ডায় গান চলিতেছে। এমন সময়ে এক
সেনাপতি ঐ পথে যাইতেছিলেন। চীনের রাজকর্মচারীরা ও পণ্ডিতেরা
সকলেই সঙ্গীতভক্ত। গান শুনিবামাত্র সেনাপতি মহাশয় লীকে
সঙ্গে লইলেন। লী রাজধানীতে উপস্থিত। এইখানে এক মদের
দোকানে সভাপণ্ডিত হো মহাশয়ের সঙ্গে লীর আমোদ প্রমোদ ও
বন্ধুত্ব।

হোর পরামর্শে লী দরবারী উপাধি পরীক্ষার জন্ত প্রস্তুত হইলেন।
পরীক্ষক ছিলেন দুইজন। রাণীর ভাই ইয়াঙ্ আর রাজশরীর-রক্ষী-
দিগের কাণ্ডেন (কাও)। ইঁহারা ঘুশ খোর। নজর না পাইলে ডিগ্রি
দেওয়া ইঁহাদের দস্তুর নয়। হো লীর হাতে একখানা চিঠি দিয়া
বলিলেন—“পরীক্ষকদিগকে এইটা দেখাইলেই তোমার নজর দিতে
হইবে না।” পরীক্ষকেরা চিঠিটা পড়িল আর বলাবলি করিতে
ধাকিল—“দেখেছ—হোর কি বাটপারি? নজরটা একাকীই হজম
করিলেন—আর আমাদের জন্ত কেবল মোলায়েম চিঠি খানা পাঠাইয়া-
ছেন!” পরীক্ষার দিন আসিল—পাশ হওয়া’ত লীর গক্ষে হাতের
পাঁচ। অগ্ণাত সকল পরীক্ষার্থীর আগেই তিনি তাঁহার প্রবন্ধ আফিসে
পেশ করিলেন। কিন্তু পরীক্ষকেরা প্রবন্ধটা পাঠ করা পর্যন্ত আবশ্যিক
বিবেচনা করিলেন না। লীর নাম দেখিয়াই কাগজের উপর নহর
বসাইয়া দিলেন ও ইয়াঙ্ বলিলেন—“এই পরীক্ষার্থী আমার কালী
বসিবার উপযুক্ত—ইনি চান উপাধি।” কাও বলিলেন—“আরে বলো
কি? আমি ত দেখিয়াছি যে, লী আমার মোজা ও বুটের ফিতা
পরাইবার উপযুক্ত।”

লী তেলে বেগুনে জলিয়া হোর গৃহে ফিরিলেন। তাঁহার দৃঢ় প্রতিজ্ঞা “ইয়াঙের দ্বারা আমি কালী ঘসাইব তবে মরিব। আর কাওয়ের হাতে আমার মোজা ও বুটের ফিতা পরাইব তবে মরিব।” হো বলিলেন—“ওহে বেশী না চটাই ভাল। তিন বৎসরের ভিতরেই আবার পরীক্ষা আসিবে। তখন ইঁহারা পরীক্ষক থাকিবেন না। কাজেই তোমার ডিগ্রি লাভ হইবেই হইবে।”

কয়েক মাস মদ খাওয়া ও গান গাওয়া চলিতে থাকিল। এমন সময়ে একদিন রাজদরবারে মহা হৈ চৈ পড়িয়া গেল। নান্ কিঙ তখন রাজধানী—পিকিঙের অস্তিত্ব ছিল না। তাও আমলের তিন শতাব্দী পরে মোগল আমলে পিকিঙ রাজধানী হয়। নান্-কিঙের দরবারে কোন্ এক বিদেশী মুল্লুক হইতে কয়েকজন দূত আসিয়াছেন। তাঁহাদের পত্র কোন রাজ কৰ্মচারীই পাঠ করিতে অসমর্থ। • সম্রাট্ মিঙ্ ছয়াঙ্ বাঁ ছয়াঙ্ চুঙ্ চটিয়া মন্ত্রিবর্গকে জানাইলেন—“ছনিয়ার গৌরব চীন আর চীনের গৌরব নান্ কিঙ্। সেই নান্ কিঙের কোন পণ্ডিত এক ধানা বিদেশী রাষ্ট্রের চিঠি পড়িতে অসমর্থ। তাহা হইলে অসভ্য বর্ষেরেয়া কি চীনের নিকট আর মাথা নোরাইতে রাজি হইবে ? অতএব তিন দিনের ভিতর তোমরা যদি চিঠি পড়িতে না পার তাহা হইলে সকলকেই ‘সাম্পেঙ’ করিব। যদি ছয় দিনের মধ্যে চিঠির অর্থ না বাহির করিতে পার তাহা হইলে সকলকে বরখাস্ত করিব। আর নয় দিনের পর সকলেরই গর্দান নিব।”

হো আসিয়া লীকে সংবাদ দিলেন। মুচ্চক হাসিয়া লী বলিলেন—“কি বলিব মহাশয়, আজ যদি আমার ডিগ্রি থাকিত তাহা হইলে রাজদরবারের সেবায় আমি নিযুক্ত থাকিতে পারিতাম।” হো পরদিন দরবারে জানাইলেন—“নানা ভাষায় সুপণ্ডিত এক ব্যক্তি আমার গৃহে

অতিথি । হুকুম করিলে তিনি মহারাজের উদ্দেশ্যে দূর করিতে পারেন । তাঁহার অজানা কোন বিদ্যাই নাই ।” চীনেখর তৎক্ষণাৎ লীর নিকট লোক পাঠাইলেন । লীর অভিমান শুরু হইল । তিনি এক ডাকে সম্ভায় আসিলেন না । সম্রাট বাহাদুরকে জানানো হইল—“লীর প্রবন্ধ গত পরীক্ষায় অমঞ্জুর করা হইয়াছে । তাঁহার কোন উপাধি নাই । তিনি দরবারে উপস্থিত হইলে হয় ত ইয়াঙ্ এবং কাও রাগ করিতে পারেন ।” সম্রাট বলিলেন—“সে কি কথা ! এখনই লীকে ডিগ্রী দেওয়া হউক । আমার হুকুমে লী প্রথম শ্রেণীর ডাক্তার হইলেন । এই উপাধির চিহ্ন-সূচক পোষাক, কোমরবন্ধ ও টুপি এখনই তাঁহাকে পাঠাইয়া দেওয়া হউক । হো আপনি যাইয়া লীকে আমার আদেশ জ্ঞাপন করুন ।” উপাধি পাইয়া পোষাক পরিয়া ডাক্তার লী সর্গোরবে রাজ সভায় দেখা দিলেন । লীর গৌ এখনও থামে নাই । কাওতাঙ্ (কুর্নিশ বা সাষ্টাঙ্গে প্রণাম) এর পর লী বলিলেন—“মহারাজ, আমি শু কালী ষসিবার উপযুক্ত এবং রাজকর্মচারীদের চরণ সেবা করিবার উপযুক্ত । পরীক্ষক মহাশয়গণ আমাকে পরীক্ষা গ্রহ হইতে দূর দূর করিয়া তাড়াইয়া ছিলেন । তাঁহারা এখন কোথায় ? বিদেশী বর্ষররাষ্ট্রের দূতেরা চীনা পণ্ডিতদিগের মূর্ত্তা দেখিয়া হাসিতেছে না কি ?” সম্রাট বলিলেন—“আরে ! ডাক্তার লী, সে কথা কি মনে রাখিতে আছে ? বাহা হইবার তাহা হইয়া গিয়াছে । ধরো—চিঠি খানা পড়ো ।”

নিমেষের মধ্যেই গোটা চিঠি পড়া ও বুঝা হইয়া গেল । লী হাসিয়া বলিলেন—“ইহার জন্ত এত কাণ্ড ? এ ত ছেলে খেলা ? চীনা ভাষাতে লী বর্ষর চিঠির অনুবাদ করিতে লাগিলেন—“তাঙ্ রাজের নিকট পোহাই দেশের প্রবল প্রতাপ কো-তো বাহাদুরের চিঠি । তাঙ্ রাজগণের কোড়ীয়া দখল করিবার পর কয়েক পন্টন

চীনা সৈন্য কোড়ীয়ায় রহিয়াছে । তাহারা আমাদের স্বাধীন রাজ্যের ভিতর আসিয়াও সময়ে সময়ে দাঙ্গা করে । এই জুলুম আমরা সহ করিতে প্রস্তুত নই । আপনারা কোড়ীয়ার ১৬২ টা সহরের শাসন ভার আমাদের হাতে প্রদান করুন । তাহা হইলে গণ্ডগোল থাকিবে না । তাহার পরিবর্তে আমরা চীনশ্বরকে অমুক পাহাড়ের ভেষজ অমুক সমুদ্রের ঝিকু ও শঙ্খ, অমুক দেশের হরিণ, অমুক দেশের ঘোড়া অমুক দেশের রেশম, অমুক নদীর মাছ, অমুক জনপদের ফল, আর অমুক দেশের ইটপাথর দিতে রাজি আছি । এই উপহার শীঘ্রই পাঠাইয়া দিব । যদি আপনাদের অমত থাকে তাহা হইলে অবিলম্বে আমরা চীন যুদ্ধ আক্রমণ করিব ।”

চড়াশুরের পত্রখানা গুনিবামাত্র দরবারে আতঙ্ক উপস্থিত হইল । কাহারও মুখে কথা সরে না । শেষে হো বলিলেন—“মহারাজ, আপনার পিতামহ তাই-চুঙ্ বীর ছিলেন । তাহার আমলে চীনারা সর্বদা বুদ্ধের জন্য প্রস্তুত থাকিত । তিন তিন বার তাই-চুঙ্ কোড়ীয়া আক্রমণ করেন—কিন্তু বাঁচিয়া থাকিতে থাকিতে তিনি কোড়ীয়া বিজয় দেখিতে পান নাই । শেষ পর্যন্ত শতাধিক যুদ্ধের পর কোড়ীয়া দখল হইয়াছে । কিন্তু আজ কাল আমরা যুদ্ধবিদ্যা এক প্রকার ভুলিয়াই গিয়াছি—আমাদের তলোয়ারে মরিচা পড়িয়া গিয়াছে । পঞ্চাশ বৎসর কাল লড়াইয়ের কোন উদ্যোগ হয় নাই । শান্তির ফলে আমরা এক্ষণে নিতান্ত নিষ্ক্রম । বিদেশী বর্ষরের সঙ্গে আজ যুদ্ধ করা এক প্রকার অসম্ভব । আমরা হারিয়া বাইতে বাধ্য ।”

অতএব কি কর্তব্য ? সকলের চোখ লীর দিকে পড়িল । লী বলিলেন “ভাবনা কি ? আমি বর্ষর দূতগণকে বেশ গরম জবাব দিয়া দিব । ঠিক তাহাদেরই জবাব এই সভাস্থলে চীনেশ্বরের হুকুম জানাইয়া

দিব।” সম্রাট্ জিজ্ঞাসা করিলেন—ডাক্তার লী কো-তো কাহাকে বলে ?” লী বলিলেন—“বর্কর ভাষায় কোতো শব্দের অর্থ রাজা। যথা হুই হুই দেব রাজা “কোকন” তিব্বতীদের রাজা “চাংপো” লোচাওদের রাজা “চাঙ” হোলিঙ্দের রাজা “সি-মো-য়ে”। লীর অগাধ পাণ্ডিত্য দেখিয়া সম্রাট্ মুগ্ধ। সেই দিন হুইতেই লীর জন্ম প্রাসাদের ভিতর ঘর ঠিক করিয়া দেওয়া হইল। তার পর তিনি স্বয়ং সম্রাটের এক গ্লাসের ইয়ার হইলেন। রাজপ্রেয়সীরাই লীর প্রেয়সী হইলেন। নাচ গান বাজনা চীনেশ্বরের পদমর্যাদা অনুসারেই চলিতে থাকিল। চীনা সাহিত্যে এই সম্রাট্ অমর হইরাছেন। মিঙ্ ছ্যাঙের প্রেম কাহিনী লয়লামজন্মের গল্পের মতন, দান্তে বিয়েট্রিসের গল্পের মতন, এমন কি রাধাকৃষ্ণের প্রেম লীলার মতন চীনাদের আদরণীয় বস্তু। প্রেম-সাহিত্য বলিলে চীনারা এই রাজ-প্রেমের বিবরণই বুঝিয়া থাকে। তাঙ্ যুগের অন্ততম কবিদর পো-চুই (৭৭২-৮৪৬) এই বিবরণ অমর করিয়াছেন।

পরদিন সভায় দূতদিগকে ডাকা হইল। লী জানাইলেন—“দেখ, তোমাদের বড় আশ্চর্য হইয়াছে। তোমরা চীনেশ্বরের মর্যাদা রক্ষা না করিয়া এই চিঠি আনিয়াছ। যাহা হউক চীনেশ্বর অচিশয় ক্ষমাবান লোক—তোমাদের অনিষ্ট করিবেন না। ‘তোমাদের চিঠির জবাব শুন।’” তাহাদের স্বদেশী ভাষায় গভীর ও স্পষ্ট স্বরের আওয়াজ গুলি শুনিবামাত্র দূতেরা জ্যাবাচেকা খাইয়া গেল। দরবারের কর্মচারীরা দেখিলেন উহারা সম্রাট্কে সাষ্টাঙ্গে প্রণাম করিতেছে। তাহাদেরও বিশ্বয়ের সীমা নাই। এইবার লী সম্রাট্কে বলিলেন—“কাল রাত্রে মদের আড্ডায় আপনার প্রেয়সীরা আমার জুতা মোজা নষ্ট করিয়া দিয়াছে। এরূপ কদর্য্য বেশে কি দরবারে দাঁড়াইয়া মূল্য-

বাঁশ্ আদেশ দেওয়া চলে ? আপনি কাওকে বলুন তিনি আমার পায়ে নূতন মোজা ও বুট পরাইয়া দিন। তাহাই হুকুম হইল। লী আবার বলিলেন—“আমি পরীক্ষা গৃহের অপমান আজ্ঞাও ভুলি নাই। আপনি আদেশ করুন ইয়াও, আমারজন্য কালী ধসিতে থাকুক।” তাহাই হইল। লী অল্পকালের ভিতর বর্ষের অক্ষরে এক লম্বা জবাব লিখিয়া ফেলিলেন। চীনা ভাষায় তাহার তর্জমা ও সভায় পাঠ করা হইল।

জবাবটার মর্ম এই :—“ওরে মুর্খ কোতো তুই চীনেশ্বরের সঙ্গে লড়িতে চাস ? পাহাড়ের উপর ডিমের আক্রমণ ? ডেগনের সঙ্গে সাপের লড়াই ? চীন-সাম্রাজ্য চারি সাগর পর্য্যন্ত বিস্তৃত। আমার লোকবল, ধনবল, সৈন্যবল, অস্ত্রবল অসীম। এই সেদিন এক বর্ষের বেকুবি করিয়া লড়িতে আসিয়াছিল। পলকের মধ্যে সে বশ্বতা স্বীকার করিতে বাধ্য হইল। চীনেশ্বরের হুকুম তামিল করে না ছনিয়ার কোন রাজা ? কোড়ীয়া হইতে আমরা রেশম উপহার পাই। তাহাতে চীনেশ্বরের স্তুতি লেখা থাকে। পারস্য হইতে আমরা সাপ উপহার পাই। এই সাপ গুলি ইঁহুর ধরিতে পারে। ভারতবর্ষ হইতে আমরা পাখী উপহার পাই। এই সকল পাখী কথা বলিতে পারে। রোম হইতে আমরা কুকুর উপহার পাই। এই কুকুর মুখে লণ্ঠন রাখিয়া ঘোড়ার পথ-প্রদর্শক হয় ইত্যাদি ইত্যাদি। অতএব ভাল চাস ত শীঘ্র কর পাঠাইয়া দে। তাহা না হইলে কোড়ীয়ার ভাগ্য তোর মুহুরের দেখিতে পাইবি। স্মতরাং আর আহাম্মুকি করিস্ না।”

জবাব পাইয়া দুতেরা প্রস্থান করিল। ফটক পর্য্যন্ত হোস ছিলেন। দুতেরা জিজ্ঞাসা করিল—“মহাশয়, এক বিচিত্র কাণ্ড

আপনাদের রাজধানীতে ! প্রধান মন্ত্রী কালী খসিতেছেন—আর প্রধান সেনাপতি জুতা যোজা পরাইতেছেন ! আর যিনি আমাদের জবাব দিলেন তিনিই বা কে ?” হো বলিলেন—ইহারা সকলেই মহা পণ্ডিত এবং চীনের শীর্ষস্থানীয় লোক । কিন্তু ডাক্তার লী একজন অসাধারণ লোক মাত্র নন । ইনি মানুষ নন—দেবতা ! স্বর্গ হইতে নামিয়া ইনি চীনেশ্বরের দরবারে নকরি লইয়াছেন ।” “বাপুরে !” বলিয়া দূতেরা নিজের যুলুকে চলিয়া গেল । দূতযুখে সকল বৃত্তান্ত শুনিয়া কোতো ভাবিলেন—“চীনেশ্বরের কাছারীতে স্বর্গের জীব বাহান থাকেন । অতএব তাহার বিরুদ্ধে যুদ্ধ ঘোষণা করিয়া সফল হইতে পারিব না । গণ্ডগোল না করিয়া কর পাঠাইয়া দেওয়াই বুদ্ধিমানের কার্য ।”

লী আজও চীনা মহলে “স্বর্গের জীব” নামে পরিচিত । “সরস্বতীর বরপুত্র” অথবা স্বয়ং “বৃহস্পতি” বলিলে আমরা যাহা বুঝি ডাক্তার লী তাই । রাজদরবারে লী বেশী দিন তিষ্ঠিতে পারেন নাই । ইয়াও, কাও এবং অন্যান্য কর্মচারীর হিংসায় এবং বোধ হয় রাজপ্রেমসীগণের ষড়যন্ত্রে লী-পো রাজভোগ ও রাজবহুত্ব ত্যাগ করিতে বাধ্য হন । পরে নাকি তিনি একবার রাজজাহের যাম্‌লায়ও পড়িয়াছিলেন এবং বন্দীও হন । জেলে বেশী দিন থাকিতে হয় নাই ! তাহার অধিকাংশ জীবনই ভবঘুরের জীবন ।

চীনা কাব্যের ত্রি-বীর ।

• শিলারকে গ্যো'টে ছোট ভাইয়ের মতন ভালবাসিতেন । সাহিত্য-সংসারে এরূপ বন্ধু বড় একটা দেখা যায় না । শিলার কবিতা লিখিবেন—গ্যো'টে তাহার খসড়া প্রস্তুত করিতেছেন । গ্যো'টে তাহার “ফাউষ্ট” কাব্য সম্পূর্ণ করিতে পারিতেছেন না—শিলার তাহাকে খোঁচাইয়া খোঁচাইয়া চাক্ষু করিয়া তুলিতেছেন । জার্মান সাহিত্যে নব জীবন আনা আবশ্যিক—দুই জনে মিলিয়া কাগজে বাহির করিলেন । গান, নাটক, সমালোচনা, আদর্শ প্রচার—সকল বিষয়েই দুই জনে এক সঙ্গে কর্ম করিতেন । বহুকাল একস্থানে বসবাসও হইয়াছিল । দুইজনে দুই ধরনের কবি—দুইয়ের জগৎ বিভিন্ন কিন্তু জীবনে ইহারা “হরিহর এক আত্মা” । তথাপি “কুচুটে” জার্মানেরা দুই জনের মধ্যে ঝগড়া বাধাইতে চেষ্টা করিত । তাহারা আজ শিলারের তারিফ করিবার জন্য সভা করিতেছে—কাল “শিলার-সমিতি” স্থাপন করিতেছে ; পরন্তু শিলারের মূর্তিতে যুকুট পরাইবার জন্য মজলিশ পাকাইতেছে । গ্যো'টেতে শিলারে আড়াআড়ি সৃষ্টি করিবার জন্য এই সমুদয় আন্দোলন । কিন্তু শিলারের মৃত্যু পর্যন্ত গ্যো'টে তাহার বন্ধুই ছিলেন । মৃত্যু সংবাদ পাইয়া গ্যো'টে বলিয়া-ছিলেন—“আমার আধখানা জীবন চলিয়া গেল ।” শিলার বাঁচিয়া থাকিতে থাকিতে গ্যো'টের “ফাউষ্ট” বাজারে প্রকাশিত হয় নাই কিন্তু লেখা শেষ হইয়াছিল । ইহাতে শিলারের জীবনের এক বড় সাধ মিটিয়াছিল । “ফাউষ্ট” সম্পূর্ণ হওয়ায় শিলার ভাবিয়াছিলেন—“আমার কাজ শেষ হইয়াছে ।” জার্মান সাহিত্যের বাজারে কিন্তু আজও মামুলা মিটে নাই । আজও সমালোচকগণ জিজ্ঞাসা করিতে-ছেন—“গ্যো'টে বড় কবি, না শিলার বড় কবি ?”

ইংরেজি সাহিত্যেও এই ধরনের একটা প্রশ্ন অনেক দিন হইতেই

চলিতেছে । ইংরেজ সমালোচকেরা ভাবিয়া আকুল—“শেক্সপীয়ার বড় না বেন্ জন্সন্ বড় ?” আর একটা প্রশ্নও ইংরেজমহলে পাকাইয়া উঠিতে পারে—“টেনিসন বড়, না ব্রাউনিঙ্ বড় ?” ভারতবর্ষেও প্রশ্ন উঠিয়া থাকে—“কালিদাস বড়, না ভবভূতি বড় ?” আর আমাদের বাঙ্গালাদেশেও একটা প্রশ্ন আছে—“দ্বিজেন্দ্রলাল বড়, না রবীন্দ্রনাথ বড় ? চীনা তর্কিকেরাও এই ধরণে একটা বাতীক লইয়া মাথা ঘামাইয়া আসিতেছেন । তাঁহাদের প্রশ্ন—“লী-পো বড় কবি, না তু-ফু বড় কবি ?” এই হিসাবে তু-ফুকে চীনের “ভবভূতি” বলিয়া লইলাম । লী যেমন “স্বর্গের জীব” তু সেইরূপ “কাব্যদেব” । লী-পো এবং তু-ফু দুই জনেই এক সময়ে জীবিত ছিলেন । ইঁহারা খৃষ্টীয় অষ্টম শতাব্দীর প্রথমার্দ্ধের লোক । তু-ফু ৭১২ হইতে ৭৭০ পর্য্যন্ত জীবিত ছিলেন । লী-পো এবং তু-ফু আমাদের ভবভূতিরই সমসাময়িক । ইঁহারা সকলেই কালিদাসের তিন শত বৎসর পরের লোক ।

আমরা বিক্রমাদিত্য-গৌরব বলিলে অশেষ প্রকার উৎকর্ষ বুঝিয়া থাকি । চীনাদের তাঙ্-গৌরবও ঠিক তাই । রাষ্ট্রগৌরব, শিল্পগৌরব, ধর্মগৌরব, সাহিত্যগৌরব সকলই তাঙ্ যুগের (৬১৮-৯৬০ খৃঃ অঃ) চীনে মজুত । এই যুগের অনেক কবি অমর । তাঁহাদের মধ্যে এক জনকে চীনারা লী-পো এবং তু-ফুর সঙ্গে এক আসন প্রদান করিয়া থাকে । তাঁহার নাম হ্যান্-য়ু । ইঁহার জন্ম ৭৬৮ খৃষ্টাব্দে । অর্থাৎ লীর মৃত্যুর দু-এক বৎসর পরে এবং তুর মৃত্যুর দুএক বৎসর পূর্বে হ্যান্ জন্ম গ্রহণ করেন । ইনি ৮২৪ খৃষ্টাব্দ পর্য্যন্ত জীবিত ছিলেন । হ্যান্-য়ু আমাদের গোপাল ও ধর্মপালের সমসাময়িক । হ্যান্-য়ুকে চীনারা “সাহিত্য-রাজ” উপাধি দিয়াছে । ভারতবর্ষে এই ধরণের অনেক উপাধি সুপরিচিত । দেশের লোকেরা এ সকল উপাধি

সম্মান করিয়াও থাকে । চীনা সমাজেও এই “সাহিত্যরাজ” উপাধি চরম প্রশংসার প্রমাণ । এই উপাধি বোধ হয় অন্য কোন চীনা কবি ভোগ করেন নাই ।

হানের মৃত্যুর তিনশত বৎসর পর এক ব্যক্তি হান্—“প্রশস্তি” রচনা করেন । তাহা হইতে চীনা সাহিত্যে হানের স্থান বুঝা যায় । লেখকের নাম সু তুংপো বা সু শিহ্ (১০৩৬-১১০১) । প্রশস্তিকার লিখিয়াছেন :—

গিয়াছিল সে চড়িয়া ড্রেগনে	সাদা নীরদের রাজ্যে ;
কাড়িয়া আনে সে আকাশের জ্যোতি	দিব্য বাহুর সাহায্যে ;
পরিয়াছিল সে দরবারি পোষাক	তারার আলোকে ভরা ;
সিংহাসনে তাবে পরমেশ্বরের	পবন বাহিল ঘরা ।
বচক্ষণ সে কাড়িয়া উড়াল	স্বদেশ হ'তে ভূসি ও তুষ ;
ভ্রমিল সদা বিশ্বজগতের	সীমা প্রান্তে সে অমানুষ । •
পাইয়াছিল সে নিজের দীপ্ত	প্রকৃতি সুন্দরীর অঙ্গে ;
কাব্য-রাজ্যের আসরে তৃতীয়	বর সে লীপোতুফুর সঙ্গে ।
বিক্রম দিতে তাহার মনে	চেষ্টা করিল অগণিত লোক,
স্বপ্ন তাদের বলসিয়া গেল	পাইয়া তাহার উজ্জ্বল আলোক
ধরগে তখন ছিলনা সঙ্গী ও,	দেদগৃহ সব আনন্দ হীন ;
—গবান তাতে তলব করিলেন—	“ত্রিদিবে আসি বাজাও বীণ” ।

এই “হান-য় মঙ্গলে”র অনশিষ্ট অংশে কবির জীবনের কয়েকটা কথা আছে । তাহার অনুবাদ দিলাম না । কিন্তু হান-য়র কবিত্বশক্তিকে চীনারা তিন শত বৎসর পরেও কোন চেষ্টা দেখিত তাহার পরিচয় পাওয়া গেল । এই সঙ্গে চীনা সমালোচকগণের দোষও বুঝিয়া লইলাম । কবিপ্রশস্তি হিসাবে এই কয় লাইন ছনিয়ার সর্বোচ্চ সাহিত্যে স্থান পাইবার যোগ্য নহে কি ? চীনারা ভাবুক জাতি । ইহার কল্পনার পাথর উধাও হইতে পারে ।

তুফুর জীবন আর লীপোর জীবন অবিকল একপ্রকার। চাঁদা পাগুলা লীর মতন তুও 'মাতাল', প্রকৃতিভক্ত এবং ভবঘুরে। তু ও রাজদরবারে বড় চাকুরি পাইয়াছিলেন—কিন্তু কাছানীতে তিনি তিষ্ঠিতে পারিলেন না। পরে মফঃস্বলে একটা বড় পদ তাঁহাকে দেওয়া হইয়াছিল—কিন্তু তাহার দ্বারা আফিসী কাজ চালান অসম্ভব! আজ এখানে কাল ওখানে ঘুরিয়া ফিরিয়া বেড়ানই তুর জীবনের প্রধান ঘটনা। অনাহার, অনিদ্রা, চিরপ্রবাস এবং কষ্ট ভোগ সকল বিষয়েই লীর ছুড়িদান তু। রাজধানীতে থাকিবার সময়ে দুই জনের বন্ধুত্বও হয়। এক ছয়ের বৃত্তাও একপ্রকার। লী নৌকা হইতে জলে পড়িয়া মারা গান। তুর কপালেও নৌকা ডুবিছিল। ঘটনাটিকে আর মরা অবস্থা তাঁহাকে তুলিয়া লোকালয়ে আনা হয়। উদ্ধারকর্তা মহাশয় তুকে সম্মান দেখাইবার জন্য এক পৌত্র-ভোজের আয়োজন করিলেন। তাহাতে নানা প্রকার চর্কাচোষের ব্যবস্থা ছিল। একে একজন প্রসিদ্ধ লোকও নিমন্ত্রিত হইয়া ছিলেন। তু বেচানা অনেক দিনের অনাহারের পর পেট ফরিয়া মন গানিয়া লাগিলেন। মদের সঙ্গে গোমায়সও প্রচুর উদবহু হইল; তৎক্ষণাৎ ব্যাধিও মৃত্যু।

বাঙ্গালা দেশে আমরা কাল বৈশাখের উপদেব প্রত্যেক বৎসরই দোহা থাকি। অসংখ্য মানি, মজুব, কনকেরা এই সময়ে গৃহস্থীনে হইয়া পড়ে। এক বাউক মেন বিক্রমপুরের গোবিন্দ দাস এইরূপ এক দরিদ্র গৃহস্থীনের অদম্ব বর্ণনা করিতেছেন। তুফুর "শরতের বড়" কবিতায় বাঙ্গালী আপন কথাই পাইবেন। নারদের উৎসর্গে অন্ত্যস্ত হইতে চানা দরিদ্রের আক্ষেপ উদ্ধার করা হইতেছে।

আমার ঘরের ঢালা মিমাছে উড়ি

আজ এই শরতের প্রচণ্ড ঝড়ে!

ঢালাটা তৈরি মাত্র কক্ষী ঝড়ে,—

একমাত্র আচ্ছাদন, হায়! ছাড়া লেপমুড়ি।

ঘুরিতে ঘুরিতে নদীব 'ওপারে,
 উড়ে গেল ঢালা এলো মেলা ;
 দম্কা হাওয়ায় গড় গোছে ঠেকানো,
 চমা নাঠেতে হ'ল কিছু শুকুরে ।
 পাড়ার ছোড়ারা বলাবলি করে
 মতা আনন্দে—“দ্যাখ্ মজা ঐ বুড়োর”,
 আর চোখের সামনে মত জুরাচোর
 গরিবের জিনিস হেসে খেলে করে ।
 বহুকষ্টে তাড়ালাম দুষ্ট জনে ;
 ফিরে দেখি, হায় ! চালা নাই দরের :
 ঠোট শুকনা মোর, যেন জিহ্বা কাঠের ;
 শরীর দুর্বল ; শোওয়া যাক হতাশ মনে ।
 নাতিম নবম হ'ল ; গোব মেঘ আকাশে ;
 রাত্রিতে কনকনে শীত বেড়ে যায় ;
 গায়ে কাপড় নাই জীর্ণ বিছানায়
 বাথা 'ও চিন্তার ভারে ঘুম না আসে ।
 গুঁড়ি গুঁড়ি বৃষ্টি এখনও পড়ে ;
 শুইয়া দেখিতে পাই মেঘলা আকাশ ;
 সবই সঁয়াত সোঁতে ঘরে ; মন উদাস ;
 এ দুঃখ নাশের উপায় কে বা গড়ে ?
 হায় ! যদি থাকিত আনন্দ-ভবন,
 এক কোটি কুঠরি তার সুন্দর উজ্জ্বল,
 ছনিয়ার দরিদ্রের সে আশ্রয়-স্থল,
 চির-শান্তি-সুখের মহা নিকেতন !

দেখিতাম যদি সেই গরীয়ান্ আশ্রম
আজ বা কোনো দিন উঠিছে গড়ি,
প্রাণ ও কুটির তবে সুখেই ছাড়ি ।

সুরু হ'ত জগতে নগ্নলের ক্রম !

বুড়োর আপশোষের প্রথম অংশটা পড়িতে পড়িতে মনে হইতেছিল যেন পশ্চিমা দরিদ্রবন্ধু কৃষক-কবি বার্নসের (১৭৫৯-৯৬) রচনা পড়িতেছি । তৎক্ষণে শেষ অংশে দরিদ্রের জন্তু একটা সরকারী বর চাহিয়াছেন । প্রস্তাবটা যেন নিতান্ত আধুনিক সোশ্যালিষ্টদিগের আড্ডা হইতে বাহির হইয়াছে । লুই ব্লান্স (Louis Blanc) নেতৃত্বে ফরাসী শ্রমজীবীরা ১৮৪৮খৃষ্টাব্দে প্রায় এই ধরনের এক প্রস্তাব কার্যে পরিণত করিতেছিল । লুইব্লান্স মতে কুলীমজুরদিগের জন্তু রাষ্ট্রের কর্তারা কাজ খুঁজিয়া দিতে বাধ্য । এইজন্তু প্রয়োজন হইলে সরকারী ফ্যাক্টরী, সরকারী শিল্পকারখানা এবং সরকারী শ্রমজীবী-ভবন খোলা আবশ্যিক । জার্মানিতেও কার্লমার্কস্ এবং কাউর্নিয়াণ্ড লান্ডেলের নেতৃত্বে গরিবের জন্তু এইরূপ আন্দোলন প্রথম দেখা দেয় । ইতালীর স্বদেশ সেবক ম্যাটসিনিও লুইব্লান্সের আদর্শ গ্রহণ করিয়াছিলেন । চীনা কবিরা এতদূর অগ্রসর হন নাই । তিনি গরিবের জন্তু ঘর মাত্র দাবি করিয়াছেন । তাহা হইলেও দাবিটা খৃষ্টীয় অষ্টম শতাব্দীতে প্রচারিত হওয়া বিশেষ বিস্ময়ের কথা । চিনিয়ার সোশ্যালিষ্ট শ্রমজীবী-নেতারা এই চীনা কবিতার গ্রন্থাদেব গীতার স্থান দিতে পারেন ।

তুইবৎসর ধরিয়া ইয়োরোপে মহাসমর চলিতেছে । ইতিমধ্যে সকল পক্ষেই লক্ষ লক্ষ লোক মারা পড়িয়াছে । প্রত্যেক যুদ্ধেরই একদিক জয় বা পরাজয়, লাভ বা ক্ষতি, অপর দিক লোকক্ষয় । যুদ্ধের বাজনা বাজিয়া উঠিবার সময়ে এই লোকক্ষয়ের দিকটা মনে থাকেনা । “বায় প্রাণ থাকে-মান” বিবেচনা করিয়া রক্তমাংসের মানুষ বেতন ভানে লাড়িতে অগ্রসর হয় ।

এই উন্মাদনায় বাধা দেওয়া এক প্রকার অসম্ভব । জগতের ইতিহাসে কোন দিন যুদ্ধ থামে নাই—থামিবেও না । কিন্তু চিরকালই যুদ্ধের বিরুদ্ধে একটা তীব্র প্রতিবাদ উঠিয়াছে । আজ কালকার তথাকথিত পীস্ (বা শান্তির) পাণ্ডাদিগের প্রতিবাদের কথা বলিতেছি না । এই প্রতিবাদ উঠিয়াছে স্নাতক বালক বালিকাদিগের নীরব হৃৎস্পর্শ হইতে—আর উঠিয়াছে নারীজাতির সশ্রু দীর্ঘশ্বাস হইতে । ইংরেজ পুরুষ লড়িতেছেন প্রাণ দিতেছেন, জার্মান পুরুষ লড়িতেছেন, প্রাণ দিতেছেন । “সম্মুখ সমরে যার, মাথা কাটা যায় । কবিগণ মুক্তকণ্ঠে তার গশ গায় ।” ঠিক কথা, অপর দিকে ইংরেজ সমাজে ক্রন্দনের বোলও কম কি ? আজ জার্মানির পরিবারে পরিবারে হাহাকার শুনিতোছি না কি ? বস্তুতঃ ফরান্সী, ইংরেজ, রুশ, জার্মান, তুর্কী, ইতালীয়, সার্বভৌম—ইহাদের প্রত্যেক পরিবার হইতেই অন্ততঃ একজন করিয়া পুরুষ ইতিমধ্যে প্রাণ দিয়াছে । অগণিত শিশু পিতৃহীন হইল—অগণিত রমণী বিধবা হইল । ইংবেজেবা যুদ্ধে জিতিলেও ইংরেজ রমণীর হৃৎস্পর্শ ঘুচিবেনা—জার্মানেরা যুদ্ধে জিতিলেও জার্মান-রমণীর হৃৎস্পর্শ ঘুচিবেনা । যুদ্ধে যে মরিয়া গেল সেও স্বর্গে গেল ; আর যাহারা তাহার স্মৃতি লইয়া জগতে রহিল তাহাদের হৃৎস্পর্শ দীর্ঘনিশ্বাস হইল, তাহারা চিরজীবন কাঁদিয়া কাটাইবে । পুরুষেরা হৃৎস্পর্শ মাতৃপন্থী হইল, তাহারা কোন দিনই শান্তিলাভ করিবেনা । এত অশান্তি, ক্রন্দন, হৃৎস্পর্শ ও বিষাদ প্রত্যেক যুদ্ধেরই তীব্র প্রতিবাদ । কিন্তু এত সকল বিপদকে মানব জাতি চিরদিনই সহিয়া আসিতেছে । ইহা অগ্নিপরাীক্ষা—এই অগ্নি পরীক্ষায়ই চরিত্র গঠিত হয়—মানুষ ক্রমশঃ উন্নতির পথে উঠে ।

যুদ্ধ-সাহিত্যে যুদ্ধের দুই তরফই দেখিতে পাঠ । প্রথমতঃ জয় পরাজয়, শান্তি ক্ষতি, গৌরব অগৌরব ইত্যাদির কথা । দ্বিতীয়তঃ ক্রন্দনের বোল, বিদায়ের কথা, হৃৎস্পর্শের প্রতিবাদ । আজকালকার ইয়োরোপীয় সাহিত্যেও এক সঙ্গে দুই ধরনেরই যুদ্ধ-কাব্য রচিত হইতেছে । চীনা সাহিত্যেও

এই দুই ধরণেরই চিন্তা দেখিতে পাই। লীপোর রচনায় দৃগোরবে যুদ্ধ যাত্রার বিবরণ দেখিয়াছি। তুকুব কাবো ক্রন্দনের রোল শুনিতেছি।

চীনা কবিবরের যুদ্ধ-প্রতিবাদ শুনা যাউক। তুকু পুরাণা ইতিহাসের কোন ঘটনা উপলক্ষে কবিতাটা রচনা করিয়াছেন। হান সম্রাট ছয়েন্ চুও অনেক দিন পর্য্যন্ত যুদ্ধে লিপ্ত ছিলেন। কাজেই সৈন্য সংগ্রহ করিবার জন্য তাঁহাকে বাধ্যতামূলক আইন জারি করিতে হয়। জাম্বাণিতে এই আইন আছে। ইংরাজেরাও বর্তমান যুদ্ধের জন্য এই আইন জারি করিতে বাধ্য হইলেন। এই আইনের ভোরে যখন তখন যে কোন পুরুষকে যুদ্ধক্ষেত্রে পাঠান যাইতে পারে। চীনা কবিতার পড়িতেছি :-

বনের বর্ষর ;

গোড়ার ডাক ,

পল্টনের শব্দ ;

যুদ্ধের হাঁক ;

ঢাকের বাজনা ;

ভেরী আওয়াজ ,

স্বক পাড়া

বল্লমের কাজ ।

সোজের পীঠে লক্ষ্মান

ধনুক ভরফব তাঁক্ষ-বাণ ,

বানীর পোপো, ঘণ্টার গুম্ গুম্,

দলে চলে পল্টন গুম্ গুম্

বুড়া মা বাপ্, বেটা বেটা,

সবাই দৌড়ে এসেছে ছুটি,

আছাড় হোঁচট খাচ্ছে তারা

বালুব মেনে দিশেহারা ।

মাতা বা পত্নীবা হেথা

বুকে ধরে প্রানের মাথা ,

কোথাও তনু আছাড়ি

ধূলাতে বার গড়াগড়ি ।

না তার পত্নীর শিশুর ক্রন্দন

উঠে ভেদি হিল্লার স্পন্দন,—

মেঘলোক ভেদি স্বর্গে যায়,

দেবতার কাছে বিচার চায় ।

এই গেল যুদ্ধযাত্রার ছটা পুটি ও বিবাদের তরফ। ছনিয়ার যে কোন যুদ্ধযাত্রার বিবরণই এইরূপ। বিলাতেও সেদিন এই দৃশ্য দেখা গিয়াছে জাম্বাণি ফ্রান্সেও এই দৃশ্য দেখা গিয়াছে। এইবার তুকু যুদ্ধ-পিপাসু সম্রা-

টেল কার্যা প্রণালীর তীর সমালোচনা করিতে গেলেন । জাম্বাপেরা তাহাদের কাইমারের “কন্সক্রিপশন”-নীতি ঠিক এই ভাবেই আলোচনা করিয়া থাকে । ইংরেজেরাও পার্লামেন্ট-প্রবর্তিত নূতন “কম্পাল্‌সবি মিলিটারি সার্ভিসেস”র আইন ঠিক এই ভাষায়ই সমালোচনা করিতে গেলেন । যুদ্ধের পরিফণ্ড যেমন সকল দেশে এবং সকল যুগেই এক প্রকার,—যুদ্ধের নিগ্ধাও সেই রূপে ছনিয়ায় একরূপ । চীনা হৃদয় হইতেও সর্বজনপরিচিত নানবহুদয়ের কথাই বাহির হইয়াছে । চীনারা সৃষ্টিছাড়া লোক নয় ।

তুকু লিখিয়াছেন :—

“কোন্ দেশে চলিতেছে এই সব পল্টন ?”

রাস্তার পথিক এক জিজ্ঞাসে বুড়ারে ,

“হোআংহো নদীর ধারে এদের গমন—

যেখানে শুকনা মরু বালুর ভারে !

নিতা নূতন এই ফৌজ-বাছাইয়ের ফলে

আমাদের প্রিয়তম ঘর ছাড়ি যায় ;

পল্টন সংগ্রহ হয় জুলুমের বলে,

হান্-মুল্লুক কমিতেছে পুরুষ সংখ্যান্ন ।”

আবার হানের বুড়া বলে আবেগে

যমতা হেরিয়া বিদেশী পাহের,—

“বাদশার থেমালে লড়াই-বাতিক চাগে,

অতএব জীবন যায় নিরীহ জনের !

রক্ষার জন্ত নদীপথ ফৌজ সমাবেশ ;

সীমান্তের পাহাড়ে পাহারা বসে ;

পলকে হাজার হাজার শত্রুপ্রাণ শেষ—

তাণ্ডবের আক্ষালন নিষ্ঠুর সাহসে ।

রাশি রাশি পল্টন-বাছাইয়ের জুকুম
 রোজ রোজ আসিতেছে রাজধানী হ'তে,
 সহর পল্লী গাঁ বাড়ি বাদশার জুলুম
 একে একে লোক সব নেয় কেড়ে লড়তে
 উজাড় দেশ হয় ! বহে রক্ত-দরিয়া,
 কাঁপিছে সে নব নব শোণিতে ;
 ঠাণ্ডা উতুরে হাওয়া যায় বহিয়া
 বীভৎস জমাট-বাধা লাল সরিতে ।
 গিরিপথ রক্ষণে যারা মোতায়েন,
 খোলা মাঠের নদনদী বাদের জিম্মায়,—
 সকলের ঘুম স্বপ্নে জাগিয়া থাকেন
 গৃহদেবতা দিতে পুলক নিশায় ।
 নিশার স্বপ্ন—হরিষ বিবাদে ভরা,—
 আগামী দুঃখের ভার স্বপ্নে থাকে !
 ছ' চার জন ফিরিবে ঘরে অদমরা
 কয়েক দিনের তরে মৃত্যুরে ডাকে ।
 বাদশার এক গুঁরমি তবু না থাকে,—
 স্ত্রী পুত্র পায় না খেতে, জমি চাক-শীন ;
 তবু চিত দেয় সে বেকুবির পাগামে ;
 “লড়িয়া জীবন দাও” বলে নিশিদিন ।
 হবদম্ তলব আসে নয়্য সিকাইয়ের ;
 লড়াইয়ের ধুম সে ত বাড়িয়া চলে ;
 শত্রুর অস্ত্রে গৌ মিশিছে বাদশাহের
 ধ্বংস করিতে জান-দেশের লোকবান ।”

বুড়া দেদার বকিয়া যাইতেছে—বিদেশী পাহু এতটা শুনুক না শুনুক । ভারতবাসী বোধ হয় এই বিষাদ বৃষ্টিতে পারিবেন না । ইংরেজেরা এবং জাপানেরা আজ কাল এই বিষাদ মর্মে মর্মে বৃষ্টিতেছেন । লড়াইয়ের ঢাক এত জোরে বাজিতেছে যে অন্য কোন আওয়াজ দুনিয়াবাসীর কানে আসিয়া ঠেকিতেছে না । কিন্তু লড়াই থামিলেই দেখিব অসংখ্য ইংরেজ ও জাপান এই চীনা বুড়ার মতনই আর্জনা দ করিতেছে । বুড়া আরও লক্ষা গনার গুলিতে থাকিল :—

“মরদহীন হ'ল দেশ ; প্রৌড় জুয়ান মরিয়াছে সব ;
 রহিল রমণীকুল আশাহীন নিরানন্দ ভবে ।
 এদিকে উৎপাৎ ত'শিলদারের খাজনা আদায়ের তরে ;
 বোড়ায় তারা দর্পে চলে ; টাকা কি জন্মে পাথরে ?
 পল্টন চলিছে পল্টনের পরে যেন কুকুরের পাল ;
 কত গিরি হয়ে পার, কত বাড় কত মরু বিশাল !
 ছগ তাতারের সঙ্গে যুঝা বৃষ্টি সেথা রাত্রি দিন ;
 পড়িছে মরিছে তারা সেখানে বন্ধুবান্ধব গীণ ।
 সংসারে আশুক কণ্ঠা কেবল, পুরুষ জীবন ছঃখময়,
 নির্জন বনে ঠাণ্ডা বাতাসে হত্যা তাহার জন্ত রয় ।
 বিনা কবরে মরা সৈন্তের শরীর গড়াগড়ি যার,
 দল বাধি শকুনি উর্দ্ধে ঘুরে বিরাট ভোজের আশায় ।
 সৈনিকের হাড় মূদূরে পচে, ভালবাসা সেথা নাই,
 প্রেতলোকে আত্মা তাদের বিচার মাগে ভগবানের ঠাঁই ।”

লড়াইয়ের বিরুদ্ধে তুফু চরম কথা বলিয়া দিয়াছেন । শান্তিনিদ্র স্ত্রীজাতীর শক্রমেরা তুফুকে ওকালত নামা দিয়া রাগিতে রাজি হইবেন । বহুতঃ ছঃখে পাড়িয়া তুর বুড়া জগৎটাকে নারীজাতির মুল্লুকে পরিণত করিতেই চাহিয়াছে ।

“সংসারে আশুক কণ্ঠা কেবল ।” অবিকল এই কথা একদিন, বঙ্গের এক উচ্চশিক্ষিতা নারী আমাকে বলিতেছেন । তাঁহার মতে — “পৃথিবীতে রাষ্ট্র-শাসনের ভার নারীজাতির হাতে আসিলেই দুনিয়া হঠাৎ বৃদ্ধ উঠিয়া যাইবে ।” তুফুর কবিতায় নারী স্বাধীনতার পাণ্ডারা বেশ আদর করিবেন । ইংরেজ এবং জার্মান সমাজেও এই ধরণের স্ত্রী পুরুষ অনেক আছেন ।

তুফু চিত্রশিল্পে ওস্তাদ ছিলেন । চীনাদের অনেক প্রসিদ্ধ কবি চিত্র শিল্পী । কেত্ কেত্ কাব্য রচনার হাত মক্‌স করিবার পর চিত্রবচনার হাত দিতেন । একাধারে কবি ও চিত্রকর ভারতে কোন প্রসিদ্ধ শিল্পী ছিলেন কি না জানি না । বিলাতে মাত্র এক জনের নাম জগৎপ্রসিদ্ধ হইয়াছে । তিনি সে দিনকার লোক । গের্মিয়েল রসেটির (১৮১৮-৮২) কথা বলিতেছি । ইনি ইতালীয় সন্তান—ইতালীয় রাষ্ট্রবিপ্লবে রসেটির পিতা দেশত্যাগ করিতে বাধ্য হন । বিলাত রসেটি পবিবারের “স্বদেশে” পরিণত হয় । ইতালীর ভাবুক ম্যাট্‌সিনিও রসেটির সমসাময়িক । ইনিও বিলাতেই আড্ডা গড়িয়াছিলেন—কিন্তু বিলাতকে স্বদেশ বিবেচনা করেন নাই । রসেটি ছাড়া একাধারে কবি ও চিত্রকর ইংরেজ সমাজে আর কেহ নাই । রসেটির উভয়বিধ শিল্পের সাহায্যে মধ্যযুগের ইতালীয় কাব্য ও চিত্রাঙ্কন পদ্ধতি ইংরেজ সমাজে প্রবর্তিত হইয়াছে । ঊনবিংশ শতাব্দীর মধ্যভাগে এই ইতালীয় প্রভাবের আন্দোলন “প্রিরেফেলাইট্” আন্দোলন নামে পরিচিত হয় । এই সূত্রে ইতালীয় কবির দাস্তে (১২৬৫-১৩২১) বিলাতে সুপ্রচারিত হন । মোটের উপর এই আন্দোলনটাকে পূর্ববর্তী রোমান্টিক আন্দোলনের জের বলা চলে । প্রকৃতি-নিষ্ঠা ছইয়েরই ভিতরকার কথা ।

আমাদের তুফুও এই ভিসাবে চীনের রসেটি । অর্থাৎ রসেটিকে তুফু গোত্রের লোক বিবেচনা করিতে পারি । তুফুর সময়ে চীনের সর্বপ্রসিদ্ধ চিত্রশিল্পী জীবিত ছিলেন । তাঁহার নাম উ-তাও-ট্‌জু (৭১৩-৫৫) । উ

সম্রাট-মিওংহুয়াও, কর্তৃক লীপো এবং তুফুর মতন রাজদরবারে নিযুক্ত হন।
উর সমান চিত্রকর চীনে আর কেহ জন্মন নাহি। এই কথাটা মনে রাখিলেই
গাওগৌরব সহজে বুঝিতে পারি। বাস্তবিকই তাও বগ “নববহুর” যুগ।

লীপোর “জোনাকি”তে সরল কল্পনার পরিচয় পাউয়াছি। তুফুর একটা
সরল সহজ চিত্র নিয়ে প্রদত্ত হইতেছে। কবি বৃষ্টির গান গাহিতেছেন :—

বৃষ্টি সে যে গো কল্যাণময়ী,

আমাদের অভাব বরো ;

আসে সে বসন্তের বগা সমরে

ফুটাত শস্য বীজে ।

রঙ্গে বিচবে পবনের সাথী,

নীরব নিশিগে সে ;

চন্দ্র মাঠে পড়ে আঁগিনীর তার,

ভূঁই আসে সবুজ বেশে ।

বিগত নিশায় মেবে ঢাকা পথ ;

ঘরে ফিঝিতে কষ্ট ;

তরীতে তরীতে মশাল জ্বালা

যেন উল্লা সুষ্পষ্ট ।

আজ মাটি ভেদি তাজা রঙ খেলে,

প্রজাপতি যায় উড়ি,

যেথা ঘাসে ভরা মাঠ,—মুক্তার হাট

যেন রাজ-বাগান জুড়ি ।

বাঙ্গালীদের “ঘরমুখো” বলিয়া নিন্দা বা প্রশংসা শুনা যায়। চীনারাও
গাই। তুফুর একটা চতুষ্পদীতে এই সোজা কথাটার সোজা বর্ণনা
দেখিতেছি।

“গান” পাখীদের গুল শোভা কালো দরিয়ার অপর পারে ;
 অল্ছে যেন সুর্য্যক্ৰম ফুল সবুজ পাগাড়ের গায়ে গায়ে ;
 এবারও বসন্ত ঋতু কাটল ছায় প্রবাস মাঝারে !

আমার সেদিন আসবে কবে—যে দিন নিবে ঘরে ফিরিয়ে ?

তুফ একবার নৌকা বিহারে গিয়াছিলেন । এ বিহার নিতান্ত হেসে খেলে
 বেড়ানো নয় । এটা বিপদের সঙ্গে লড়াই । চীনের উত্তর পশ্চিম প্রদেশের
 কোন স্থানে একটা পাকতা জলাশয় আছে । ইহার মূর্তি অতি ভয়ঙ্কর ।
 “প্রাণ” হাতে কবিয়া এই “জল খেলায়” তরী ভাসাইতে হয় । এই
 অভিযান বিষয়ে কবিতার নাম “মে-পের জলবাশি” জলাশয়ের নাম
 “মে-পে” ।

তই বহু ভয়ে সদা নব নব বিশ্বয়ের খোজে ;
 সকলের জানা-পাথ মানুষি দৃশ্য ছেড়ে দেয় তারা ;
 একদিন তাহারা বলিল আমারে—“চল যাই বেড়াতে ;
 পাড়ি দিয়ে আসি স্মৃতে ভীমা “মে পের বারিধারা ।”
 সেখানে প্রকৃতিরানী অসংখ্য রূপে বিভাজে—
 কেথা চিত্ত স্কীত গৌরবে কোথা সঙ্কচিত ভয়ে ;
 সেখানে নিসাত শক্তি গড়ে বসবাস পবনীর মূর্তি
 ক্ষুদ্র মানবের তুচ্ছ শক্তি ডুবে যান পদ্ম হনে ।
 আনন্দের অভিযানে বাতিরিল্যক সাহস ভরে ;
 তথাপি আশঙ্কা বৃকের ভিতর ঘর কবিয়া বসে,—
 হস্ত বা প্রকাণ্ড ঘড়িয়ার ছায়া শিকার করিতে,
 তরলী বা মোদের বালক-কুমির কাপটার জলে পশে ;
 হস্ত বা ভীষণ পবনের বেগে তরঙ্গ উদ্ভাবন হয় !
 কিছু ছ’নিরান বকগণ দিক ঘারে পাল তুলিয়া ;

হেথা হোথা হাঁস ও “গানের” সারি রাখিয়া পশ্চাতে
নৌকা চলিল ছুটি,—সাদা ফেনের দাগ জলে দিয়া ।

বলা বাহুল্য এই আবেষ্টনে প্রকৃতির লাবণ্য বা সুষমা নাই—এখানে আছে
ধরিমা ও বিভীষিকা । চীনারা কেবল চাঁদিনী গলাইয়া পান করে না অথবা
আকাশের নীলিমা ছাঁকিয়া গায়ে মাখে না । পাহাড় গুঁড়াইয়া অঙ্গের বিভূতি
ভঙ্গারি করাও ইহাদের অভ্যাস, আর হাড়ভাঙ্গা তরঙ্গের সঙ্গে পাছড়া-
পাছড়ি করিতেও ইহারা মজবুদ । চীনাদের শিল্পসম্পদে প্রকৃতির সকল
রূপই দেখিতে পাই । বস্তুতঃ চীনা চিত্রকরের সকল প্রকার প্রকৃতি-
শিল্পেই বোধ হয় জগতে অদ্বিতীয় ।

কবিবর এই বার “রঙ্গে বেয়ে” বাওয়ার বিবরণ দিতেছেন :—

“বাতাস এখানে নিম্মল অতি শক্তি-স্বাস্থ্যকর,
সতেজে কুম্ভুন্ উঠিছে কুলি ;
সুন্দরে ফৈলে আসিয়াছি দূবিত মহর,—
বেথায় বিরাজ করে ময়লা ধূলি ।
সরল পরাগ নৌকার মাঝি আনন্দে বাহে দাঁড়,
কণ্ঠে তাদের গাণ তৃপ্ত হৃদয়ের ;
ওরী হতে উঠিতেছে বীপাতে তাবের চাঁড়,
পাইতেছে লয় কোলে নীল আকাশের ।
শোভা পায় তাজা শিশির সেমন প্রভাতী কুলে,
নীর কনলের পাতা ভাসে চান ধার,—
যে দিকে ফিরাই আঁখি এই স্বচ্ছ জলে ;
আর বারির না পাই শেষ গভীরতার ।”

রসোটর প্রি-রেকেনাইট দল এই তাজা প্রকৃতির স্বাস্থ্য সুখ খুঁজিতে
ছিলেন । শিলার এবং বার্নসের বোমান্টিক দলও কবের আকাঙ্ক্ষিত

সরল জীবনের ভাল্লাসে ছিলেন । আমাদের তুফুকে ইহাদের সকলেরই
অগ্রগামী বিবেচনা করিতে পারি । ইনি তাহাদের হাজার বৎসর পূর্বেকার
লোক । ভরা পালে নৌকা চলিতে লাগিল । পরের বর্ণনা এই :—

প্রবল স্রোতের মুখে নৌকা ভাসে,

শীঘ্র পৌঁছিল কেন্দ্র সকাশে ।

“পুহু” “সাই”য়ের নীর সম জল পরিষ্কার”

“চোং-নান” গহ্বর প্রায় গভীরতা ভার ।

সরোবর চুম্বিছে পাতাড-চরণ,

দগিন সীমান পড়ে শিখর-কিরণ ।

“শান্তি মন্দির” দেখি মেঘ মণ্ডলে,

বিস্তি তার পূর্ব দিকে ব জলে ।

শ্রীকবির কালি কালের শোভা বিবৃত হইতেছে । গ্রন্থমণ্ডলের নগ্ননাগ
কবি চীনা পৌরাণিক গল্প পাড়িয়াছিল ।

আকাশে চন্দ্রনার চমক রূপার

লাল-তিরেন গিরিপথের কটায় বাহার ।

আননা বসিরা শরীর কিনাবার

পাতাড চূড়ায় নাচ দেখি লহর দোলায় ।

“লি-লঙ্” ড্রেগন ক্রত গতি আসি,

দখিল জলে সেন মন্তুর রাশি ।

“পিডি” ১ দেবের ঢাক বাজিল এখন,

তা শুনি ছুটে তার হতেক ড্রেগন । ২

১ । পিডি চীনাদের বরুণ বা অন্নদেবতা ।

২ । ড্রেগন পাখা-হয়ালী মাংস । চীনের নাগদেবতা । আকাশে থাকে । বোধ হয়
মেঘের জিন্মা ইহাদের ভাষে । বৈদিক ইন্দ্রদেবের বৃত্রাসুর জার চীনা-দেব ড্রেগন
সম্ভবতঃ এক

পত্নীরা পুণ্যশ্লোক রাজা “শুনএর ” ৩

অনুচর কুমারীর ৪ ছায়া পথের ।

বাজনার বহুতৈরি নিরেট সোনার,

লাল সবুজ লীল রত্নের অলঙ্কার তার ;

বাজনার তালে নেচে তারকা গায়

এই আলো এই নোর আকাশে ছড়ায় ।

তুফু জ্যোৎস্না-ধবলিত নৈশ আকাশে নাচ গানের আসন্ন বসাইয়াছেন ।
বান্দা বর্ণের গ্রহ তারকায় চীনা কবির রূপের ছাট দেখিতেছেন । কল্পনা
অতি স্বাভাবিক । ভারতের পুবাণা এবং নয়া কাব্যগু সর্বত্র বিখ্যেই
নটরাজের খেলা দেখিয়া থাকেন—গ্রহমণ্ডলেও মঙ্গলেরই নৈতিক
দেখিয়াছেন । পাশ্চাত্য সাহিত্যের ওস্তাদেরাও আকাশের তাল মান দর
শুনিতেন পান । ভারতবাসীরা তাঁহাদের পূজার “অবতির” সমুদ্রেও
আকাশের আর্তির তালই মনে আনেন । যথা :—

“গগনময় খাল রবি চন্দ্র দীপক জলে,

তারকা মণ্ডলে চনকে জ্যোতিরে ।” ইত্যাদি

কাব্যের জল খেলায় ক্রমশঃ নিয়াদ আসিয়া ছুটিল । “তেন কালে
কালো মেঘ উড়িল আকাশে !”

আকাশের শোভা অতি মনোলোভা

দেখিতেছিলাম হর্ষে ;

৩। শুন (খৃঃ পূঃ ২২৫৮—২২০৬) চীনা “পুরাণে”র এক আদর্শ নরপাত্ত-বান্দা-
বিশেষ । ইহার দুই পত্নী বোধ হয় দুই গ্রহের অধিষ্ঠাত্রী দেবী হইয়াছিলেন ।

৪। ছায়াপথ (“তারা-নদী”) মনকে চীনাদের এক কাহিনী আছে । ইহার দুই
পথের দুই তারাকে চীনারা প্রেমিক যুগল বলিয়া জানে । একজন গোয়ালা পথের
জন তাঁত” কল্পা । দেবতার শাপে ইহারা চিরবিবাহ ভোগ করিতে বাধ্য । পাথর
স্বপ্নরূপে সকল দেখিতেছে—কিছু ছায়াপথটা পার হইয়া একজন অপরের নিবট
বাইতে অসমর্থ । কারণ এই “তারা-নদী”র উপর কোন সেতু নাই ।

হাস্যে অকস্মাৎ জুটিল উৎপাত
 ভরিল মন বিমর্ষে !
 কড়্ কড়াক্ বজ্রের ডাক
 শুনা যায় অদূরে ;
 ভীষণ মেঘের ঘটা, বিকট বিছাচ্ছটা,
 ভীতি হৃদয় পূরে ।
 উথলি উঠিল জল ছলাক্ ছলাক্,
 বাতাসের কাঁকে কাঁকে ভূত প্রেত ঘুরে !
 বিশ্বের দেবদেবী বৃষ্টি অদূরে !
 হ্যাং একাঙ সে ? হলান অবাক্ !
 এই না জীবন মানুষের !
 —ঘণ্টায় ঘণ্টায় বদল দৃশ্যের !
 ক্ষণিক হরিন পরে আসিবে বিনাদ !
 জোয়ার উন্মত্ত বৌবনের, সে নয় কড় চির তরের .
 পূরে কি জনন দিয়ে বার্ককেয়েরে বাদ ?

তুকুর কাব্যে একটা পারিবারিক চিত্র পাইয়াছি :—

স্বচ্ছ নদীর ধারে আগার কুটিরখানি :
 নিদাবে প্রাণীর সেগা সাদা শব্দ নাই,
 গতিবিধি সারসের এক মাত্র পাই,
 কিম্বা সমুদ্র-“গাল”র আগমন জানি !
 গিন্নী করেন তৈরি “দাবা”-“কোট” কাগজে,
 ছিপের বঁশি লৌহ ভারে ছেলেরা বানায়,
 অসুখ মোর সারেনা হাস্য বিনা ভেসে,
 ভানাহলে কাঠামো বক্ষা করা দায় ।

দীর মতন তুও মদিরার তারিফ করিয়া থাকেন।

বিকালের সূর্য্য আমার ছয়াতে রাজে,
 চাকে নাই এখনো নদী সন্ধ্যা সাজে।
 কিনারার বাগান হতে উঠে সুগন্ধ,
 ধোঁয়া উড়ে যেখানে নাও নঙ্গর বন্ধ।
 গেয়ে গেয়ে পাখিরা নীড়ে লুকালো,
 লাফিয়ে লাফিয়ে পোকা বায়ু মাতালো।
 মদিরা, তোমায় কেবা দিল সূক্ষ্ম শক্তি ?
 ছোট এক গ্যাসে ডুবাও হাজার বিরক্তি !

এই ধরণের আরও আছে—

মাছরাঙার বাসা সেথায় মানুষ যেথায় কর্ত মজা,
 ক্যা'ওরাতলার ফটক' পরে (আজ) পাথরের ড্রেগন ধ্বজা !
 হেসে খেলে বেড়ায় যেবা সেই ত জ্ঞানী সংসারে,
 বড় কাজের ঝুঁকি নিতে বেকুব ছাড়া কেবা পারে ?

এই সুরের আর একটা—

ফুলে ফুলে প্রজাপতি বেড়ায় ঘুরে,
 রস চোষা শেষ হলে ফড়িও পলায় দূরে।
 সকল জীবই মেতে থাকে মজার সময়,
 য'দিন পার মজা কর আর কিছু নয়।

কাব্যের দশবিশ পঞ্চাশ লাইন দেখিলেই লেখকের কল্পনার দৌড় বুঝা যায়, কবিত্ব শক্তি বুঝা যায়। ভাব গুছাইবার কায়দাও খানিকটা বুঝা যায়—কিন্তু কবির বক্তব্য বা উপদেশ বা আদর্শ সম্বন্ধে বিশেষ কিছু বলা চলে না। আবার কোন কবিবিশেষের রচনাবলী দেখিগাই একটা জাতির গোটা সাহিত্য অথবা চিন্তাপ্রণালী সম্বন্ধে মত প্রকাশ করাও বুক্তি সম্ভব নয়।

ইংরেজি “গীতাঞ্জলী” অনুসারে গোটা রবীন্দ্র-সাহিত্যের মূল্য নির্ধারণ করিলে আমাদের দুর্দশার সীমা থাকিবেনা । আবার রবীন্দ্রসাহিত্যই যদি গোটা বর্তমান ভারতের একমাত্র সাক্ষী হয় তাহা হইলেও আমাদের সুবিচার করা হইবেনা । এসব কথা সহজেই বুঝিতে পারি । সেইরূপ চীনা মানবা-
 আর বাণী বুঝিতে অগ্রসর হইয়াও সুবিচারের ব্যবস্থা করিতে হইবে । কিন্তু
 চীনা সাহিত্যের সুবিচার এখনও সম্ভবপর নয় ।

বিদেশী ভাষায় চীনা সাহিত্য অনূদিত হয় নাই বলিলেই চলে । সাহিত্য
 হিসাবে চীনা সাহিত্যের মূল্য নির্ধারণ করিতে কেহই অগ্রসর হন নাই ।
 চীনা-সাহিত্য সম্বন্ধে বই ও আছে যাত্রা দুই এক খানা । লেখকেরা নুরুন্নি-
 রানা চালে কেতাব লিখিয়াছেন । তাঁহাদের ধূয়া এই—“চীনারা কবিতাও
 লিখিয়াছেন দেখিতেছি ! তাই ত ! চীনা সমাজেও কবি আছে !”
 ইত্যাদি । চীনা সাহিত্য ইহাদের নিকট প্রত্নতত্ত্বের সামগ্রী মাত্র । এই
 সাহিত্যে যে শৈলী শিলার তিউগো ছুইটিয়ারের সমান ক্ষমতাবান লেখক
 আছেন তাহা বুঝিলেও বোধ হয় ইহারা বুঝিবেন না । পাশ্চাত্য সাহিত্যের
 নকড়াছকড়া কবিকে লইয়া ইহারা কতই না মাতা মতি করেন । কিন্তু
 লীপো-তুকুকে চীনাদের সর্বশ্রেষ্ঠ কবি জানিয়াও তাঁহাদের সম্বন্ধে উচ্চাঙ্গের
 সমালোচনার প্রবৃত্তি হওয়া ইহারা অনাবশ্যক বিবেচনা করিয়াছেন । কেননা
 চীনারা প্রাচ্যজাতি—প্রাচ্যজাতির স্তর হইতে কত বড় কথাই বা বাহির
 হইতে পারে ? কিন্তু প্রাচ্যেরই জাপানীর আজ ফাষ্ট ক্লাশ পাওয়ার—এই
 জন্ত জাপানী সাহিত্য বুঝিবার জন্ত ইয়োরামিরিকায় বিশেষ আগ্রহ । অথচ
 সেই জাপানী সাহিত্য চীনা সাহিত্যের উচ্ছিষ্ট মাত্র ।

এদিকে চীনারা নিজে এখনও “স্বদেশী আন্দোলনে” প্রবৃত্ত হয় নাই ।
 ইহারা জীবনের লক্ষ্য খুঁজিয়া পাইতেছে না । সমগ্র দেশে রাষ্ট্রীয় ও আর্থিক
 দুর্ভাবস্থা অত্যধিক । এই কারণে নব্য জ্ঞানবিজ্ঞান আয়ত্ত করিবার জন্ত

ইহাদের তুমুল চেষ্টি। ছজুগে পড়িয়া ইহারা দেশের সনাতন সকল বস্তুরই
অনাদর শুরু করিয়াছে। অথচ পাশ্চাত্য বিদ্যাও ভাল করিয়া হজম করা ইহা-
দের ভাগ্যে জুটিতেছে না। পাশ্চাত্য জ্ঞানবিজ্ঞান পেটে পড়িবার পর ইহারা
দ্রদেশী চিন্তাধারার সমাদর শুরু করিবে-সে বিষয়ে সন্দেহ নাই। কিন্তু
আজ পর্য্যন্ত কোন নব্য-নির্দিষ্ট চীনা পুস্তক চীনা আদর্শের প্রচারে
প্রবৃত্ত হন নাই।

ইচ্ছা করিলে জাপানীরা চীনা সাহিত্যকে বর্তমান জগতের বাজারে দাঁড়
করাইতে পারিত। জাপানী পণ্ডিত যাত্রাই চীনা ভাষা শিক্ষা করেন।
ভারতবাসীরা, অন্ততঃ বাঙ্গালীরা উচ্চশিক্ষায় অগ্রসর হইবা মাত্র কিছু কিছু
সংস্কৃত আরম্ভ করেন। জাপানী শিক্ষা পদ্ধতিতে চীনা ভাষার স্থান সেইরূপ।
সুতরাং জাপানীরা চীনা আদর্শ প্রচার করিতে সমর্থ। কিন্তু দুর্ভাগ্য ক্রমে
এদিকে নজর দিতেছেন না। ওকাকুরার মৃত্যুর পর এশিয়ার বাণী
সমগ্রতার সহিত বুঝিবার জন্ত এবং প্রচার করিবার জন্ত জাপানে একজনও
নাই। “কোকো” নামক জাপানের চিত্র বিষয়ক পত্রিকায় চীনা চিত্র-
শিল্পের পরিচয় পাই মাত্র।

এসের তরফ হইতে এশিয়ার সাহিত্যকে জুনিয়ান সাহিত্য সংসারে খাচাই
বারিবার সময় আসিতেছে। এশিয়ার সাহিত্য কেবল প্রভুত্বের সামগ্রী
নয়। একথা পশ্চিমারা বুঝেন না—বুঝিতে রাজিও নন। কিন্তু এশিয়াবাসীর
একথা প্রচার করা আবশ্যিক। মনে হইতেছে যে, এই প্রচারের ভার
ভারতবাসীর ঘাড়ে পড়িবে। ভারতবাসী মুসলমানের আদর্শ হজম করিয়া-
ছেন আব বৌদ্ধ আদর্শ সৃষ্টি করিয়াছেন। কাজেই ক্রিয়োত্তো-পিকিঙ্ক
হইতে বাগদাদ কায়েরো পর্য্যন্ত সমগ্র এশিয়ার বাণী ভারতবর্ষে নজুত আছে।
এদিকে চীনাদের অপেক্ষা, পারসীদের অপেক্ষা, মিশরীদের অপেক্ষা ভারত-
বাসীর পাশ্চাত্য দীক্ষা গভীরতর ও বিস্তৃততর। এই হিসাবে ভারতবাসী

অনেকটা জাপানীর সমান । সমগ্র দুনিয়া বুঝিবার যোগ্যতা ভারতবাসী অর্জন করিয়াছেন । এই যোগ্যতা আছে বলিয়াই দুনিয়ার ঐতিহ্যের মূল্য স্থির করিবার ক্ষমতাও ভারতবাসীর আছে । পশ্চিমারা পাশ্চাত্য দীক্ষার চরম তত্ত্ব জানেন সন্দেহ নাই—কিন্তু গোটা প্রাচ্যকে তাঁহারা ভোগভূমি এবং কুকুর বিড়ালেব দেশ বিবেচনা করেন । এইজন্য সমগ্র দুনিয়া বুঝিবার ক্ষমতা তাঁহাদের নাই । তাঁহারা একদেশদর্শী হইতে বাধ্য । একমাত্র ভারতবাসীই বর্তমান জগতে ভাব-সমগ্রতার অধিকারী—একমাত্র ভারতবাসীই সকল-মুখো দৃষ্টির সাহায্যে দুনিয়ার ভিন্ন ভিন্ন বস্তুর ষথার্থ মূল্য নির্ধারণ করিতে সমর্থ । বিংশশতাব্দীর হতভাগ্য ভারতবাসীই জগতের একমাত্র নিরপেক্ষ বিচারক ও সমদর্শী সমালোচক । উচ্চশিক্ষিত ভারতবাসীগণ চীনা ভাষা আয়ত্ত্ব করিলে দশবৎসরের ভিতর চীনা সাহিত্যেব দর কষা শুরু হইবে । তাহার পর চীনারাই স্বদেশী আন্দোলন শুরু করিবে । সেই চীনা জাগরণের প্রবর্তক হইবেন ভারত সন্তান ।

বহুদিন প্রবাসের পর একবাক্তি গৃহে ফিরিয়াছেন । তুফু তাহার এক চিত্র প্রদান করিয়াছেন ।

“পশ্চিমে পাহাড়ের গায়ে মেঘের রাশি ;
 মেঘের লাল রেখা তলে সূর্য্য অস্ত বায় ;
 মাঠ ঘাটে মাথা এবে গোলাপের ঝাঁসি,
 খগকুল কলকলিয়ে আসিছে কুলায় ।
 ভ্রান্ত পথিক আসি ছুয়ায়ে দাঁড়ালো,—
 কতকাল পূর্বে গেছিল ছাড়িয়া !
 অজানা তখন বাহা দৈব ঘটালো—
 সুদীর্ঘ বিরহ কষ্ট, আর ভাঙা হিয়া ।
 বাগানের বেড়া ঘেঁসে' পাড়া পড়শিরা।

হাঁ করে' তাকার স্থিরনেত্রে, কিম্বা খাসে ;
 আবেগে নীরব স্তব্ধ পত্নী সন্তুতিবা,—
 জলভরা চোখে শেষে কোলে ছুটে আসে ।
 “প্রাণ্টু বিল্লবের চেউয়ে ভাসানো ঘোরে,
 হা হুতাসে কাটিল দিন স্বীসন্তুতির,
 বজনীতে যেন বা আজ স্বপ্নের বোবে
 প্রিয়তনের সাথে রই সামনে বাতিব !”

তুফুব সূক্ষ্মতম দৃষ্টিশক্তি নাই কি ? “আবেগে নীরব স্তব্ধ পত্নী সন্তুতিবা ।”
 এই কথাটা যেখানে যে ভাবে বসান হইয়াছে একমাত্র তাহারই জোরে
 বুঝা যায় যে, মানবচিত্তের নিভৃততম কন্দবেণ্ড চীনা কবির গতিবিধি ছিল ।
 কবিতাটাব কাঠামোতে উচ্চতম শিল্প-নৈপুণ্য আছে অনুবাদের অনুবাদে
 ভাবার গৌরব বুঝা গেলনা, কিন্তু বলিবার ভঙ্গী আন্দাজ করা গেল । *আর
 ইহার ভাব ! ঠিক যেন মানুষের হৃদয় নিজেই তাহার পরদার পর
 পরদা খুলিয়া দেখাইতেছে । কবিতাটা সকল দিক হইতে ছনিয়ার সেরা
 সাহিত্যে স্থান পাইবার বোগা ।

“সাহিত্য-রাজ” হান্-যুয়ের মাত্র তিনটা কবিতা ইংরেজিতে পাইতেছি ।
 পয়ত্রিশ বৎসর বয়সে ইনি রাজার ছকুমে কোরাংটুঙ্ প্রদেশে নিরুদ্ধাসিত
 হইয়াছিলেন । পথে নিম্নলিখিত কবিতাটা লেখা হয় :—

হায় ! ঋতুরাজ থাকে না আর,
 বসন্তের শেষ এল এবে !
 ডাঙ্গা-ঠেকা জলে মোর
 তরী দাড়ায়ে ;
 ভোর হয় বুনো পাখীর রবে ।
 মেঘ রয় ঢালু ভুঁয়ে লেগে,

চীনা কাব্যের ত্রি-বীর ।

তারি ভিতর উষা হাসে ;

সে হাসিত জাগে আশা

বদিও ক্ষণেকের ;

মুক্তি চায় যে কয়েদ-পাশে ।

নীরে না ভাসে আঁখি মোর,

(কিন্তু) বাথা বাড়ে হৃদি ভিতরে ;

(অথচ) ছুঃখ বা কিসের তরে ?

চিন্তা যাবে ডুব

চাকনি পাবে ববে কবর ।

জীবনের একটা খেয়াল নিয়ে বিবৃত হইতেছে :—

দাড়ায়ে নদীর ধারে নাছ ধরবে ইচ্ছা করে

জালটা ফেলে দিয়ে জলে ।

অথবা সাধ হয় শিকার করি হংসী নিচয়

ডেকে ডেকে যারা চলে ।

পাজনা আর ভূমির কর দেওয়া যাবে শিকারের পর

লাভ কিছু হ'লে ।

ঘরে থাকতে চাই সুখে সদা হাসি মুখে

স্ত্রীপুত্রের দলে ।

মোটো কাপড় মোটা ভাত তাতেও ব্যয় না জাত

শরীরটা টিকলেই হ'য় ।

মাথার ঘাম পায়ে ফেলে রোজগার করতে হয় বলে

তাতে নিন্দা কিছু নয় ।

এই ত গেল জীবনের সাধ । কিন্তু বেচারার জীবনে মহাকষ্ট গুণিতেছি :—

কি ঝক্‌ঝকি ;

কেতাবের সারি

পড়ে' পড়ে হৃদ হলায় ।
 কিছুই বুঝি কি কে তারে আছে কি ?
 কেবল পাতা উল্টিয়ে ম'লায় ।
 চিত্তের উন্নতি তরে এত চেষ্টার পরে
 লাভ হ'ল এই,
 শরীর বেচাবা যাবে শীঘ্র মার।
 এ দুঃখ কারে কই ?
 সাপ আঁকতে চাই ছনিত পা কেন বসাই ?
 কাজেই বরবাত শ্রমের খেলা,
 এদিকে বোজ চুল আনাব ধবছে সাদার বাগর
 এগুই যতই পাহাড়-নীলা ।১

এইবার তত্ত্বকথা আলোচিত হইতেছে :—

নিজের মাথায় নিজেই, ডেকে এনেছি দুঃখ
 তাবি নাম আছে রঙ্গ !
 ছেড়ে পলায় সবাই, আমি আছি একাই
 জীবন্ত মনোদেব সঙ্গ ।
 মদের পেয়লাতে চাই দুঃখ ডুবাতে
 চেষ্টা সে বৃথা !
 কষ্ট যাবেনা ডুবে, শীঘ্রই বেরাবে
 উঠে' দুঃখের কণা ।
 বুড়িয়ে যাচ্ছি বেশ, (কিন্তু) দূরে এখনো জীবনের শেষ ;
 অতএব এস পেয়লা আরেক, মিটুক দুঃখের লেশ ।

কবিতাটা ঠিক যেন আমাদের

“লিখিব পড়িব থাকিব ছুঃখে,

মৎস্য ধরিব থাইব সুখে।”

অথবা কিঞ্চিল্লিখনং বিবাহেবি কারণম্ !”

অথবা “লেখা পড়া করে যে

গাড়ী চাপা পড়ে সে।”

যাহা শুউক কবিতাটায় হাস্যরস কিছু আছে। বিশেষতঃ প্রথমাংশের খেলালটা ত একপ্রকার ভালই। অনেকেরই মনোমাতৃক কথাটা বলা হইয়াছে। অধিকন্তু স্বাধীন ও স্বচ্ছন্দ জীবনের মন্ব যারা বুঝেন তাঁরা এইটার আদরই করিবেন। মোটের উপর, একটা শব্দা সুরের চীনা কবিতা পাওয়া গেল। মন্দ কি ?

সাহিত্যরাজ মহাশয়ে “জীবদেয়া” প্রচার করিতেছেন :—

আহা মেয়ো না মেয়ো না, বাছা, দিনের মাছিকে !

আর রেতের মশাকে ও ভাই কিবা লাভ মেরে ?

নিতান্তই যদি যত্ননা ভোগো তাদের গতিকে

উড়া তাদের থামাতে পার পড়দার আড়াল ক’রে।

জন্ম হতে মৃত্যু তাদের অল্পকালের লীলা,

তারি মধ্যে তোমারি মতন তৈ চৈ তাদের :

তারপর দেখতে না দেখতেই শরৎ ঋতুর বেলা

ফুরায় তাদের খেলা যেমন তোমারি জীবনের।

এই কয়লাইন পড়িতে পড়িতে মনে হইবে হান্-যু বোধ হয় জৈন অথবা বৌদ্ধ। চীনে এই যুগে বৌদ্ধ ধর্মের বহু বহিতেছিল। কিন্তু প্রকৃত পক্ষে হান্-যু ছিলেন যারপর নাই বৌদ্ধ বিরোধী। চীন হইতে বৌদ্ধধর্ম সমূলে উৎপাটিত করিবার উদ্দেশ্যে সাহিত্যরাজ মহাশয় চূড়ান্ত চেষ্টা করেন। ৮০৩ খৃষ্টাব্দে তিনি চীনেস্বরের দরবারে এক “খোলা চিঠি” ঝাড়িয়া

ছিলেন। চীনেশ্বর তখন বুদ্ধদেবের অস্থি “প্রতিষ্ঠা”র জন্তু মহাসমারোহে ধর্ম্মানুষ্ঠানে নিরত। হ্যান্-ঘর চিঠি চীনা গদ্য সাহিত্যে প্রসিদ্ধ। এইটা অত্যন্ত তীব্র ভাষায় জোরের সহিত লেখা। কিয়দংশ উদ্ধৃত হইতেছে :—

“মহারাজ, নিবেদক আমি আপনার গোলাম। আমি নিরোধ কিন্তু আমার বিশ্বাস আপনি নিজের ইচ্ছায় হাড় প্রতিষ্ঠার ব্রতী হন নাই। এই হাড় প্রতিষ্ঠায় লাভ নাই। তাহা আপনি বেশ বুঝেন। কিন্তু দেশের লোক আগাগোড়া বৌদ্ধ ভাবাপন্ন হইয়া পড়িয়াছে। তাহারা এই বুদ্ধকে লইয়া মাতামাতি করিতেছে। আপনি প্রজাপুঞ্জের মতের বিরুদ্ধে দাড়াইতে অনিচ্ছুক—এই জন্তুই আপনি স্বয়ং সুবিবেচক হইয়াও এই বেকুবিতে সায় দিয়াছেন। আপনার একমাত্র উদ্দেশ্য প্রকৃতিরঙ্গন। কিন্তু জনসাধারণ এতটা তলাইয়া বুঝিবে না। তাহারা মনে করিবে যে স্বয়ং “বিশ্বপুত্র” চীনেশ্বরই তাহাদের মত খাটি বুদ্ধভক্ত। তখন তাহারা আহ্লাদে আটখানী হইয়া এই বুদ্ধকিতে আরও মাতিতে থাকিবে। তাহা হইলে চীনের পরিণাম কি হইবে একবার ভাবিয়া দেখিয়াছেন কি ? মহারাজ, দেশটা গোল্লায় যাইবে। আমি বেশ বুঝিতেছি—চীনারা সংসারের কাজকর্ম্মে টিল দিবে—কেবল বুদ্ধ, বুদ্ধের দাত, বুদ্ধের চুল, বুদ্ধের জুতা, বুদ্ধের মন্দির লইয়া দিন কাটাইবে। সংসারিক জীবনে তাহাদের কোন আস্থা থাকিবে না। আজ তাহারা হাত কাটরা বৌদ্ধ মন্দিরে উপহার দিবে—কাল হয়ত শরীরের আর কোন অংশ দেবতার নৈবেদ্যে চড়াইতে প্রবৃত্ত হইবে। হায়, কনফিউশিয়াস শাসিত সমাজের গৌরব আর কি কখনও দেখিতে পাইব ? দুনিয়ার লোকেরা চীনাজাতিকে শাস্ত্রাস্পদ বিবেচনা করিবে না কি ? ইহা কি কম দুঃখের কথা ?

“মহারাজ, বুদ্ধ আমাদের কে ? সে ছিল এক বর্বর (বিদেশী)। সে চীনা ভাষায় কথা কহিত না। সে শ্লেচ্ছ পোষাক পরিহিত। চীনের সনাতন

রীতি নীতি সে সম্মান করিত না—আমাদের পূর্ব রাজর্ষিদিগের প্রচারিত সূত্রও সে কণ্ঠস্থ করে নাই। সে পিতাপুত্রের সম্বন্ধ বুঝিত না—রাজা ও মন্ত্রী সম্বন্ধও বুঝিত না। ধরা বাউক যেন এই স্লেচ্ছ বর্ষের তাহার স্বদেশীয় রাজার হুকুমে চীনের রাজধানীতে মশরীরে উপস্থিত হইয়াছে। তাহা হইলে আপনি তাহাব স্বদেশের রাজার গৌরব অনুসারে বুদ্ধকে সম্মান দেখাইতেন। তাহার পর কাজ শেষ হইয়া গেলে তাহাকে চীনের বাহির করিয়া দিবারও ব্যবস্থা করিতেন। কিন্তু আজ কি দেখিতেছি? একটা হাড়কে অভিবাদন করিবার জন্ত বিপুল সমারোহ! যে হাড়ওয়ানা লোক শত শত বৎসর পূর্বে মরিয়া পচিয়া গিয়াছে! আর সেই সমারোহ ও রাজ-প্রাসাদের অভ্যন্তরে! মহারাজ, আপনার কর্মচারীরা কেহই আপনার বিরুদ্ধে কোন কথা বলেন নাই। আমি তাহাদের চরিত্রে লজ্জা বোধ করিতেছি। বাহা হউক, আমার প্রার্থনা আপনি হাড়গুলি এখনই জলে অথবা আগুনে নষ্ট করিয়া ফেলিবার আদেশ প্রদান করুন। চীন হইতে বালাই চিরকালের জন্ত দূর হউক। আর যদি ভগবান্ বুদ্ধ এই অপমানের প্রতিশোধ লইতে ইচ্ছা করেন অথবা ক্ষমতা রাখেন, আমুন তিনি আমার সর্বনাশ করুন। আমি মাথা পাতিয়া দিতেছি বুদ্ধের একতিয়ার থাকে তিনি আমার যথোচিত শাস্তি দিন। আমি “বিশ্বদেবকে” সাক্ষী রাখিয়া বলিতেছি সেই শাস্তিতে আমি কিছুমাত্র বিচলিত হইব না।”

হান্-য়ুর আস্পর্কী দেখিয়া সম্রাট্ হিয়েন্-চুঙ্ চটিয়া গেলেন। সাহিত্য-রাজকে বনবাসে পাঠান হইল। তখনকার দিনে চীনের দক্ষিণ অঞ্চল অনেকটা পাড়াগাঁ, মনঃস্বল বা বনজঙ্গলই ছিল। কোয়াং-টুঙ্ প্রদেশে হান্ নির্বাসিত হইলেন। তাহ্ আমলে চীনে বৌদ্ধ আন্দোলনের ভয়া জোয়ার চলিতেছে—হান্‌দের তীর প্রতিবাদ ভূণের গায় ভাসিয়া গেল।

হানের সময়ে চীনা বৌদ্ধ ধর্ম আটশত বৎসরের জিনিষ । অধিকন্তু য়ান্ চুয়াঙ্ দিগ্‌বিজয়ী তাও নেপোলিয়ান তাই-চুওর আমলে (৬২৭-৬৫০) ভারত হইতে চীনে ফিরিয়া আসিয়াছেন । কাজেই লীপো, তুফু ইত্যাদি কবিগণ, এবং উ-তাও-টজু প্রমুখ চিত্রকরগণ এবং মিঙ-হুয়াওর গ্রাম বিদ্যা “সংরক্ষক” বিক্রমাদিত্যগণ ভারতীয় প্লাবনে হাবুডুবু খাইতে ছিলেন । এই হিসাবে ভারতীয় বিক্রমাদিত্যের নবরত্নগণ চীনা বিক্রমাদিত্যের নবরত্ন দিগের পূর্ব পুরুষ । চীনা কালিদাসের বৃত্তান্ত বুঝিবার জন্য ভারতীয় কালিদাসের বংশধর দিগের খোজ লইতে হইবে । চীনের তাও-গৌরবকে আমরা অনেকাংশে ভারতীয় গুপ্ত-গৌরবের পরিশিষ্ট বিবেচনা করিতে পারি । হোআংহো ইয়াংসি কিয়াংওর বারিতে সিন্ধুগঙ্গার জল আসিয়া মিশিয়াছে । সিন্ধুগঙ্গার জলকে চীনারা “বৌদ্ধ” নামে অভিহিত করিয়া থাকে । এই “বৌদ্ধ” শব্দ ভারতবর্ষের প্রতিশব্দ স্বরূপ ব্যবহৃত হয় । চীনাদেব হিসাবে ভারতের আয়ুর্কেদও বৌদ্ধ, সুকুমার শিল্পও বৌদ্ধ, নাট্য কলাও বৌদ্ধ, কুস্তী কছরতও বৌদ্ধ, নাটগানও বৌদ্ধ, আর ধর্ম কস্মত বৌদ্ধ বটেই ।

এই কথা গুলি মনে রাখিয়া লীপো তুফুর কাব্য ঘাঁটিলে ভারতবাসী নূতন আনন্দ পাইবেন সন্দেহ নাই । কিন্তু এসব কথা মনে না রাখিলে ও ক্ষতি নাই । সাহিত্যরসিক মাত্রেই চীনা কাব্যে তাজা জীবনের সরস উচ্ছ্বাস পাইয়া পুলকিত হইবেন । শিনার, হিউগো, রসেটি ও হইটম্যান যদি ভারতবাসির শ্রদ্ধাযোগ্য বিবেচিত হইতে পারেন, তাহা হইলে লীপোর জুড়িদারোবাও হইবেন না কেন ?

পো-চুইয়ের “বীণাওয়ালী”

কোন চীনা সমালোচক একটা কবিতার নিম্নলিখিত তারিফ করিয়াছেন :—“রচনার ভাষা দেখিরা মনে হয় বেন ভাবের প্রতিধ্বনি শুনিতেছি। এই কবিতায় পাঠকের হৃদয় এক বিচিত্র পুলকে ভরিয়া উঠে। সেই আবেগ স্বর্গীয়—তাহার বর্ণনা করা অসম্ভব। বৌদ্ধদের সুপরিচিত ‘সমাধি’র সঙ্গে সেই মনোভাবের তুলনা করা চলে। এইরূপ কবিতা হাজার বৎসরে একটা লেখা হয়।”

এই “লাখে হাজারে একটা” কবিতার নাম “বীণাওয়ালী”। কবির নাম পো-চুই (৭৭২-৮৪৬)। ইনি হান্-য়ুর সময়কার লোক। চীনে কবিরা সকলেই উচ্চশিক্ষিত—এবং সকলেই প্রায় বড় চাকুরে। আর সময়ের ফেরাফারে অনেকের কপালেই চুই একবার করিয়া নির্বাসন বা বনবাস ঘটে। পোও মফঃস্বলে নির্বাসিত হইয়াছিলেন। সিয়াং-শান্ নামক স্থানে পো অড্ডা গাড়েন। এইখানে আর আটজন কবির সঙ্গে তিনি বেনামী জীবনযাপন করিবার সুযোগ পান। লীর “ছয় ইয়ারের” মতন পোর “সিয়াং-শানের নয় বুড়ো” চীনা সাহিত্যে প্রসিদ্ধ হইয়াছে।

বনবাসে যাইবার পথে পো এক গৃহে অতিথি হন। সেখান হইতে পুনরায় যাত্রা করিতেছেন এমন সময়ে নৌকায় বসিয়া বীণার বন্ধার শুনিতে পাইলেন। এই ঘটনাটা চীনা কাব্যে অনুর হইয়া রহিয়াছে। জাইল্‌স্ এই কবিতার বিবরণ দিয়াছেন গদ্যে, ক্র্যান্‌নারবিঙ দিয়াছেন পদ্যে। কিন্তু এই বিবরণে খাটি চীনা কথা কতখানি আছে আর ইংরেজীর ফোঁড়ন কতখানি আছে তাহা বিশ্লেষণ করা কঠিন।

অনুবাদমাত্রেই মূলের ঝাড়াবাছা ও কাটাছাঁটা আবশ্যিক হয়। কবি হয়ত এক প্রকার উপমা ব্যবহার করিয়াছেন—অনুবাদক হয়ত আর এক

রূপক ব্যবহার করিলেন। অথবা কবি হয়ত কয়েকটা শব্দ ব্যবহার করেনই নাই ; কিন্তু অনুবাদক তাঁহার ভাষাভাষিগণের পক্ষে বিদেশী কথাগুলি সহজবোধ্য করিবার জন্ত দুই চারিটা নূতন শব্দ বসাইয়া দিলেন। এই রূপে বিদেশী মাল স্বদেশী দ্রব্যে পরিণত হয়। সকল অনুবাদ সাহিত্যই চাই ধরণের "শোধন করা" জিনিষ—স্বদেশী ছাঁচে ঢালাই করা বিদেশী মাল অর্থাৎ "আডাপ্টেশন"। আমি চীনা কবিতার ইংরেজি আডাপ্টেশন পড়িয়া তাহার আবার বাঙ্গালা আডাপ্টেশন করিতেছি। সুতরাং পো-চুইয়ের আত্মার পিণ্ড চট্‌কান হইতেছে বলিতে বাধ্য। তবে চীনা হৃদয়ের তারে তারে বীণার তারের মতনই সূক্ষ্ম গভীর সকল প্রকার বক্ষার উঠে—

অন্ততঃ এইটুকু বৃক্ষিতে পারিব। পো গাহিতেছেন :—

আসিলাম রজনীতে নদীর ধারে
 মেপুল্ তরুর তলায় ;
 ফুলের মতন তার পাতা লাল বরণ
 শরতে একলা গজায় ।
 হল শেষ এবে বিদায় বচন,
 বসিলাম নৌকাপরে ;
 নেমে গেল বন্ধু, সব নীরব নিব্বুন্,
 ঠাণ্ডা জোৎস্না নদী-বক্ষ ভরে ।
 বীণা সেতারের তারে নাইক ধ্বনি,
 মদিরায় আনন্দ হিয়ার ;
 বন্ধু ফিরে যায় ঘরে ; হঠাৎ কানে
 বক্ষার প্রবেশিল বীণার ।
 থমকিল বন্ধু, অতিথি অচল
 কোথা হ'তে আসে তান ?

জনহীন দরিয়ায় কেবা বাজায় বীণ ?

বুঝি প্রকৃতির গান ?

কাছে আসিল ভাসি তরী এক থানা,

নারব তানাব ভিতর,

সদজ্জ রমণী এক সওয়ারি তাহার,

যাত্র বীণা সহচর ।

বলা হ'ল ভারে অসিয়া এ দলে

বীণান শুনাতে গান ;

ভবা পেয়ানায় পাণ্ডুর আলোর

গুন্ডার আবার উৎসবের স্থান ।

বহু সাধা সাধির পর অপরিচিতা

ছাড়িল সে নিজ তরী ;

বীণায় চাকির্য মুখ দাড়ায়ে আসরে

উপরোধ রক্ষা করি' ।

এইবার তারে হাতের আঙ্গুল পড়িল—

একবার দুইবার তিনবার

তারেতে আঙ্গুল তার

চাঁড়া দিল কাঁপিয়া ;

বীণাতে আওয়াজ হায়

উঠিল না ধনিয়া !

তারপর শুরু হল হৃদয়ের গান,

সে গানে শুনিলাম বিবাদের তান ;

দ্রুত অঙ্গুলিতে সে মাথা নোরাইয়া

আশাহীন ভাঙ্গা পরাণের ব্যথা—গেল যেন গাহিয়া

এই মূঢ় এই দীর

গতি অঙ্গুলির ;

বিচিত্র স্বেবন খেলা

লবু গস্তীর ।

উচ্চ ধ্বনিতে শুনি কুম্ কুম্ বরণার স্বব ;

কানে কানে কণা প্রাব কোমল গানের ;

উড়া-লবঙ্গ এক সঙ্গ দেন মুক্তার নন্দার

পাপবেব রেকাবিত্তে প. ওন-ফালো ।

কভু সে দেব স্তব তরল তালি

মৌপে দেন গাষ্ঠীর কাকলী ;

দীরে তাহা যার নামিবা

নদী সন নীচু দিকে বহিরা

ভাবপর গামিল বীণা একবার,

চরম আবেগভাবে স্তব্ধ অন্তর ;

বরণের আলিঙ্গনে প্রিব দরিয়ার

নিষ্পন্দ জমাট বেরুপ জংকন্দর ।

আবার পড়িল আঙ্গুল বীণার তারে ;—

ঘোড় সওয়ারের বস্বেব ধ্বনি

ঠেকিল শত্রুব অস্ত্রে ;

অথবা জাওয়াজ ছিঁড়িবার যেমন

শুনার রেশমী বস্ত্রে ;

কিষ্কা কলসী ভাঙ্গিলে

জল গড়ায় যে শব্দে ।

শুনিলাম সে সব তান শেষ ঝঙ্কারে ।

পো-চুইয়ের “বীণাওয়ালী” ।

এই গেল বীণাওয়ালীর গুণপনার বর্ণনা ।
 তারপর সে আত্মকাহিনী বলিতে লাগিল—
 বিরাজিল নীরবতা ;
 স্থির রহিল মুগ্ধ পবন ;
 শ্রোতস্বতীর বুকে ঢালে
 শরতের চাঁদ রজত কিরণ ।
 দীর্ঘ শ্বাসিল রমণী, কহিল বিদায়ের পূর্বে :—
 “রাজধানীতে পাহাড়ের কোলে
 শৈশব কাটে মোর গর্বে ।
 তের বছর বরস কালেই আমার
 গানের বাজনার গৌরব
 ছড়িয়ে দিল সহরের মাঝে
 ওস্তাদ কীর্তির সৌরভ ।
 রূপসীরা সবে হিংসার
 মরে দেখিয়া আমার মুখ,
 বুকের দলে আড়া আড়ি চলে
 বাড়াতে আমার সুখ ।
 ছোট এক গানে লভিতাম
 কত অমূল্য উপহার—
 মদিরা-সিক্ত লাল রেশমী ঘাঘরা
 আর সোনার অলঙ্কার,
 কিম্বা রূপার “পিন্” ঘন ঘন
 “বাহবা”র ধ্বনি সহ ;
 বসন্তে শরতে ঐরূপ
 হাসি খেলা অহরহ ।

এই জীবনের তুলনা—

“আমার কুসুম কোমল হৃদয়
সহেনি কখনো রবির কর,
আমার মনের কার্মিনী
পাপড়ি সহেনি ভ্রমর চরণভর,
চিরদিন সখী ভাসিত খেলিত,
জোছনা আলোকে নয়ন মেলিত !” ইত্যাদি ।

তাহার পর কিরূপ হইবার কথা ?—

“সহসা সজনি চেতনা পেয়ে
সহসা সজনি দেগিলু চেয়ে
রাশি রাশি ভাঙ্গা হৃদয় নাঝারে
হৃদয় আমার হারিয়েছি !”

পো চুইয়ের বীণাওয়ালীও “প্রভাত কিরণে”র খেলাধিনার “ব সহসা
না পাইতেছেন । এটি চেতনা কিছু অন্য বকমেব ।

ভাই গেল কান্দু

প্রদেশের যুদ্ধে ;

মৃত্যু হ'ল মাতার ,

বাত দায় দিন আসে,

দিন যায় রাত ;

লাবণা মোর টিকে না আর ।

লোকের ভিড় নাই আমার দুয়াবে,

থাকিল হু এক জন ;

পতিত্বে বনিলাম ব্যবসাদারে ;

ধনাগমে তার মন ।

হৃদয়ের পিপাসা নাই তাহার,
 না বুঝে সে বিরহ ;
 ফেলে' মোরে চা কিনিতে
 স্বচ্ছন্দে ছাড়িল গৃহ ।
 একাকিনী দশমাস ক্ষুদ্র তরী
 বাহি রাত্রিকালে ;
 স্নেহেব স্মৃতি আর আঁখি ভরা জল
 বুঝি মোর কপালে !

এই রক্তান্তে বিষাদটা ঘনাইয়া উঠে নাই বলিতে হইবে ! “ফেলে মোরে
 চা কিনিতে স্বচ্ছন্দে ছাড়িল গৃহ”—এই তথ্যেব উপর হালতাস খানিকট
 হাঙ্গাম্পদ হইবারই কথা । কাজেই যোরতর “ট্রাজেডিব” “ভাঙ্গা হৃদয়”
 “বীণাওয়ালী”তে পাইলাম না । যাহা হউক নির্দাসিত কবিবর বিরহিনীর
 দুঃখে নিজ দুঃখেরই চিত্র দেখিতে পাইতেছেন ।

বীণার করুণ তানে
 হৃদয় আমার
 গিয়াছিল গলিয়া ।
 ব্যথিত পরাণের
 এই মরম কথায়
 ছিঁড়ে গেল বেন হিয়া ।
 বলিলাম তারে “বাছা,
 কপাল দুজন্যরই এক ;
 দুর্ভাগ্যেতে বন্ধ মোরা !
 রাজধানী ছেড়ে গতবর্ষে
 পৌঁছিলাম এ দেশে অর গায়ে আত্মহারা ।

এ মূলুক শশান প্রায়,

বীণা স্বেতারের ধ্বনি

হেথা কেহ না পায় শুনিতে ।

জঙ্গলা নদী কিনারায়

বেড়ে বাণ ও লম্বানলের সারি :

ভারি মারো হঠতেছে জীবন ব্যাপিতে ।

দিনে বা নিশায়

সাদা শব্দ নাট হায় !

মাত্র এক বিকট ডাক

নৈশ চিঁড়িয়াব,

অথবা হাতাকাব

অনক্ষী পেচার ।

অথবা শুনতে পাঠি

পাখাড়া সঙ্গীত,

পাড়াগোয়ে বংশীধ্বনি

বেসুর বেতাল ।

আজ কতদিন পরে

শুনি বীণার আলাপ

ভাবিতেছি স্বর্গে যেন

কেটে গেল কাল ।

অত এর রূপা করি

বস একবার,

আরেক থানা গেয়ে দাও

লিখে নাট কাহিনী তোমার ।

পো-চুই নিতান্ত বেরসিক দেখিতেছি ! বোড়া বা ফড়িং সামনে রাখিয়া চিত্রকরেরা ছবি আঁকায় হাতে খড়ি দেয় । পো-চুই বীণাওয়ালীব সঙ্গীত শুনিতে শুনিতেই তাঁহার কাহিনী লিখিয়া রাখিতে চাহিতেছেন ! গল্প হিসাবে রচনাটা জমাট বাধিল না । বিরহিনীর দুঃখ আর নির্বাসিতের দুঃখ হয়ত ওজনে সমান । কিন্তু পো এই সমতা ফুটাইয়া তুলিতে পারেন নাই । গল্পের ভিতর বিরহের দুঃখও ভারী করিয়া তোলা হয় নাই—আর বনবাসের দুঃখও ভারী করিয়া তোলা হয় নাই । ঠিক যেন বশোহরের ম্যালেরিয়াগ্রস্ত বাঙ্গালী ছাঁকা হাতে দুঃখ করিতেছেন—“আরে ! কি বলিব দুঃখের কথা । পনের মাস ধরে জ্বরিয়ে মরছি হাতে পরমা নাই যে ওষুধের ব্যবস্থা করি । যাক্ দেখ্ছি তোমার কষ্টও আমারই মতন । তোমার গরুটা আজ গোয়াডে আটক্ণ বড়ই আপশোষের কথা । আমাদের বাথা আমরা ছাড়া আর কেহ বুঝবে না ।” পোর গল্পে শিল্প নৈপুণ্য নাই—আটপৌরে জীবনের কথা সাদাসিধা ভাবে বলা হইয়াছে । মামুলি কথা লইয়া অতি উচ্চ অঙ্গের কায়দা দেখান আছে গো’টের “হার্মান ও ডরোথিয়া”য় । তাহার তুলনায় “বীণাওয়ালী”তে পো ফেল মারিয়াছেন বলিতে হইবে । তবে বীণাধরনের বর্ণনাটা মূলে নিশ্চয়ই “লাখে হাজারে এক ।” অনুবাদের অনুবাদে “সমাপি” উপভোগ করা অসম্ভব । গল্পাংশের কথা ছাড়িয়া দিলে কবিতাটা সত্য সত্যই উচুঁদরের । জীবনের একটা সাধারণ অভিজ্ঞতা সরসভাবে ফলাইয়া লেখা হইয়াছে । বস্তুতঃ এটা গল্পের কবিতা নয়, নানা দৃশ্যের ভিতর দিয়া কবি তাঁহার সঙ্গীত-প্ৰীতি দেখাইয়াছেন । সেই প্ৰীতি স্পষ্টই ফুটিয়াছে ।

এতক্ষণ রমণী

দাঁড়ায়ে ছিল ।

অনুরোধে এইবার

বসে’ গায়িল ।

এ আওয়াজ ভরা

কেবল করুণ কোনলে,

তা শুনি সকলের

আঁখি গলিল

আমার বুক ও ভিজিল জলে ।

চীনা জাতি খুব সঙ্গীত প্রিয় । ইহাদের সাহিত্যে গান বাজনার তারিফ অনেক দেখা যায় । আর মাছ ধরা, শিকার করা, নদীর কিনারায় আড্ডা খাড়া ইত্যাদিও চীনাদের অতি প্রিয় কার্য । কিন্তু বোধ হয় নাচের আদর কিছু কম ।

নির্কাসন হইতে ফিরিবার পর পো রাজদরবাবে বড় বড় চাকরি পাইয়াছিলেন । শেষ পর্য্যন্ত তিনি সমরবিভাগের সচিব হন । কাব্যে হানযু অপেক্ষা পো বড় । সুতরাং লী ও তুর সঙ্গে পোকেই “ত্রিবীরে”র দলে ফেলা যুক্তি সঙ্গত । পো তাড় আমলের এক শ্রেষ্ঠ কবি । “বীণাওয়ালী”র মতন তাঁহার আরও অনেক নাম জাদা কবিতা আছে । সর্বপ্রসিদ্ধ রচনার বিষয় মিৎ ছয়াও ও তাইচেনেব প্রেম । এই বিষাদাত্মকে প্রেমের কাহিনী চীনা সাহিত্যের “শকুন্তলা” ।

৬১৮ হইতে ৯০৫ খৃঃ অঃ পর্য্যন্ত তাড় বংশের রাজত্ব কাল । এই তিনশত বৎসরের ভিতর যত কবিতা রচিত হইয়াছিল তাহার মধ্যে ৪৮৯০০টা সংগৃহীত আছে । এইগুলি ৯০০ ভিন্ন ভিন্ন খণ্ডে বিভক্ত ।

চীনা সাহিত্যের ক্রমবিকাশ সম্বন্ধে কোন চীনা সমজদারের মত নিয়ে বিবৃত হইতেছে—

“শি-কিঙে (খৃঃ পূঃ ৫০০) সঙ্কলিত তিনশত গীত সাহিত্য-বৃক্ষের শিকড় স্বরূপ । এইগুলি কন্ফিউশিয়াসের সংগ্রহ । সু-উ এবং লী-লিঙের কবিতা “বৃক্ষকাণ্ডে”র প্রাথমিক অবস্থা । ইহারা দুইজন এক সময়ের লোক

—হান্ আমলের প্রথম অর্ধে জীবিত ছিলেন। খৃষ্টাব্দের প্রথম দিকে ইহাদের কাল। হান্ আমলের দ্বিতীয় অর্ধে বিশেষতঃ কিয়েনএনের রাজত্ব কালে (১৯৬ খৃঃ অঃ) কাণ্ডটা বাড়িতে থাকে। এই সময়ে কয়েকজন নামজাদা লেখকের আবির্ভাব হয়। ২২০ হইতে ৫৮৭ পর্য্যন্ত ছয় রাজবংশের আমল। এই সময়ে চীনা কাব্যতরুর শাখা প্রশাখা জন্মে এবং পাতা গজাইয়া উঠে। অবশেষে তাঙ্ আমলে শাখা প্রশাখা এবং পত্রের সমধিক বিকাশ হয়। অধিকন্তু ফুল ও ফল এই যুগের উৎপত্তি। অর্থাৎ সাহিত্যতরু এই সময়ে চরম পরিণতি লাভ করিয়াছে।” চীনা কাব্য আলোচনা করিবার প্রণালী সম্বন্ধে সনালোচক মহাশয় বলিতেছেন “পুরাণা শি-কিঙ বাদ দিও না। তাহা হইলে চীনা সাহিত্যের গোড়ার কথা বুঝিতে পারিবে না। আর গোড়ার রস না পাইলে ডালপালা ফুল ফলের গৌরব উপভোগ করিতে পারিবে না।” অর্থাৎ চীনের কালিদাস-ভবভূতির সঙ্গে আলাপ করিবার সময়ে চীনা বেদব্যাস ও মনুর বচনগুলিও কাছে রাখিতে হইবে। বস্তুতঃ “শি-কিঙে” অনেক সরস কবিতা পাওয়া যায়। সেগুলি তুচ্ছ করা চলে না।

চীনাদের প্রেম-সাহিত্য ।

কবিবর তু ছিলেন একাধারে চিত্রকর ও কবি—কিন্তু তাঁহার নাম বেশী কাব্যে । তাঁহারই সনয়ে ওয়াঙ-ওয়ে (৬৯৯-৭৫৯) নামক আর একজন একাধারে চিত্রকর ও কবি চীনে প্রসিদ্ধ হন । কিন্তু ওয়াঙের নাম বেশী চিত্রশিল্পে । এঁই ওয়াঙ স্বয়ংক্রমে চীনা সমাজদারেরা বলিয়াছেন—
“ইহার চিত্রগুলি ঠিক যেন কবিতা, আর কবিতাগুলি ঠিক যেন চিত্র” ।

কবিতাকে চিত্র বলা এবং চিত্রকে কবিতা বলা বর্তমান যুগে বিশেষ একটা বাহাদুরীর কথা নয় । পুরাণা আমলে ও ছনিয়ার নানা স্থানে এই ধরনের মতই প্রকাশিত হইয়াছে । মতটা নিতান্তই সহজ ও স্বাভাবিক । কাজেই চীনাদের সমালোচনা রীতিকে চীনাদের খাস আবিষ্কার বলা চলে না—অথবা একটা সৃষ্টি ছাড়া চীনা মুল্লকের বস্তুরূপে অবজ্ঞা করা চলে না । চীনা সমালোচকদিগের মাথায় যে ধরনের কথা বাহির হইয়াছে, জার্মান সমালোচকদিগের মাথায়ও সেই ধরনের কথাই বাহির হইতে পারে, বাঙ্গালী সমালোচকদিগের মাথায়ও সেই ধরনের কথাই বাহির হইতে পারে, আর ইংরেজ সমালোচকদিগের মাথায়ও সেই ধরনের কথাই বাহির হইতে পারে । প্রাচ্যদেশের লোকেরা এক নিয়মে সমালোচনা করে, আর পাশ্চাত্য দেশের লোকেরা অন্য নিয়মে সমালোচনা করে—সমালোচনার আসরে একরূপ “জাতি”ভেদ করা অসম্ভব ।

কেবল সমালোচনা কেন ? মৌলিক কাব্য রচনার কথাই ধরা যাউক । কাব্যের আসরেও প্রাচ্য পাশ্চাত্য, হিন্দু খৃষ্টান, মুসলমান ইহুদি তফাৎ করা অসম্ভব । হিন্দু সাহিত্যে খাঁটি স্বদেশী হিন্দুত্ব কিছুই নাই—আবার জার্মান সাহিত্যেও খাঁটি জার্মান আদর্শ কিছুই নাই । মানবচিত্ত ছনিয়ার

সর্বত্র একইরূপে দেখা দিয়াছে । বাহিরের উদ্ভেজনায় কিম্বা ভিতরকার উন্মাদনায় মানুষের প্রাণ জার্মান ভাবে সাড়া দেয় না অথবা বাঙ্গালী ভাবে সাড়া দেয় না অথবা খৃষ্টান ভাবে সাড়া দেয় না অথবা জাপানী ভাবে সাড়া দেয় না—সাড়া দেয় রক্তমাংসের শরীরওয়াল মানুষের প্রাণ ভাবে । এই পর্য্যন্ত চীনা কাবোর প্রায় ছয় শত লাইন দেখা হইল । অতি সামান্য সন্দেহ নাই । কিন্তু এইটুকুর ভিতরেই চীনের হৃদয় অনেক দিক হইতে দেখা দিয়াছে । সেই হৃদয়ে খাঁটি চীনা বস্তু কিছু পাইয়াছি কি ? জার্মান হৃদয় হইতে, বাঙ্গালী হৃদয় হইতে, ইংরেজ হৃদয় হইতে এই হৃদয় কোন বিষয়ে পৃথক ? লী, তু, হান, পো, ইহারাই যে সকল ভাবে মাতিয়াছেন সে গুলি কি চীনের স্বদেশী ? সেগুলি কি কনফিউশিয়ানদিগের স্বধর্মের একচেটিয়া ? বৌদ্ধধর্মের একচেটিয়া ? তাওধর্মের একচেটিয়া ? হিন্দু, মুসলমান অথবা খৃষ্টান ঠিক এই সকল ভাবে মাতে নাই কি ? তাহা হইলে হিন্দুত্বের বিশেষত্ব, জার্মান “কুন্টুরের” বিশেষত্ব, প্রাচ্য সভ্যতার বিশেষত্ব, ইয়োৰোপীয় আদর্শের বিশেষত্ব—এই ধরণের বিশেষত্বগুলি মিথ্যা, মনগড়া ও অলীক । জগতের মানুষ এবং মানবের হৃদয় এক । হাসিকান্না, নাচাগাওয়া, হিংসাভালবাসা, গৌরব অগৌরব, দুনিয়ার সর্বত্র একরূপ । এই কারণে হোমারও হিন্দু—বাল্মীকিও গ্রীক । কালিদাসও জার্মান, গ্যোটেও হিন্দু, রবীন্দ্রনাথও পশ্চিমা, হুইটম্যানও পূরবী ।

চীনাদের প্রেম-সাহিত্যের দুই একটা নমুনা পাইয়াছি । দেখিলেই যে কোন লোক বুঝিবেন, চীনা প্রেমে আর জার্মান প্রেমে কোন তফাৎ নাই । গো'টের প্রেমে আর হিন্দুর প্রেমে কোন তফাৎ নাই । ইয়োৰোপের সেরা প্রেম-কবিরা জন্মিয়াছেন মধ্যযুগের ইতালীতে । তাঁহাদের শ্রেষ্ঠ কবির নাম দান্তে । সেই দান্তের প্রেমসী ছিলেন বিয়েট্রিস । ইয়োৰোপের

বিয়োট্রিস আমাদের রাধা । আদি বা শৃঙ্গার রসের তরফ হইতেও এই কথা বলা চলে । আবার আধ্যাত্মিক ভক্তিরসের তরফ হইতেও এই কথা বলা চলে । ছনিয়ার সর্বত্র প্রেম একই রূপে দেখা দিয়াছে । কাজেই চীনা প্রেমিকদিগের উচ্ছ্বাসে সৃষ্টিছাড়া উদ্ভট কল্পনা পাইব না । পেট্রার্ক, বিদ্যাপতি, শেক্সপীয়ার, গ্যো'টে, লামার্তিন, রসেটি ও ছইটম্যানের ভাবুকতাই চীনা প্রেম-সাহিত্যের উৎস ।

জমিদারে জমিদারে বা “ব্যারণে” “ব্যারণে” লাঠালাঠি সকল দেশেরই পুরাণা ইতিহাসের প্রধান কথা । বংশ গোরব, “ক্ল্যান”-গোরব, পূর্বপুরুষদিগের গোরব, কোলীনা ইত্যাদির বড়াই ঐ সকল লাঠালাঠির গোড়ায় থাকিত । আমাদের রাজস্থানের কাহিনী এই সকল কথায় ভরা । ইয়োরোপের মধ্যযুগটাও এমন কি অষ্টাদশ শতাব্দীর মাঝামাঝি পর্য্যন্ত এই ধরণের “রাজপুত্র কাহিনী”তে ভরা । এই ব্যারণ শাসিত ক্ল্যান সমাজের কবিদিগের নাম ভাট, চারণ, মিন্‌ষ্ট্রল, মিনেসিঙ্গার, ক্রবেয়ার ইত্যাদি । ইহাদের সাহিত্যে পাওয়া যায় সেই লাঠালাঠি, দলাদলি এবং গোত্রমর্যাদার কথা । লাঠালাঠি কেবল রাজ্যের সীমানা বাড়াইবার জন্তই বাধিত না । আজ মন্দিরের কথা লইয়া, কাল হয়ত সভাকবির সম্মান লইয়া, পরশু হয়ত কণ্ঠার বিবাহের কথা লইয়া ক্লানে ক্লানে তুমুল লঙ্কাকাণ্ড শুরু হইত । ইয়োরোপীয় মধ্যযুগের কাহিনী ইংরেজ সাহিত্যবীর স্কটের গদ্যে ও পদ্যে চিরস্থায়ী হইয়াছে ।

চীনেও এই ধরণের লাঠালাঠির যুগ ছিল । সে খৃষ্টপূর্ব তৃতীয় শতাব্দীর পূর্বেকার কথা । তখন চীন কোন সময়ে শতাব্দিক, কোন সময়ে অর্ধশত ভিন্ন ভিন্ন স্বাধীন রাষ্ট্রে বিভক্ত ছিল । তখনকার চীনা সমাজ আমাদের চারণ বর্ণিত রাজপুত্র সমাজ অথবা স্কট-বর্ণিত ঘিউড্যাল সমাজেরই জুড়িদার ছিল । সেই চীনা সমাজেও বিবাহ লইয়া দাঙ্গা হাঙ্গামা হইত ।

অর্থাৎ প্রেমের অবাধ গতি ছিল না। যে কোন বংশের পুরুষ যে কোন বংশের কন্যাকে বিবাহ করিতে পারিত না। ক্ল্যানের গৌরব 'এবং ভূত-ভবিষ্যৎ বিবেচনা করার পর স্ত্রীপুরুষের প্রেম অথবা বিবাহ বন্ধন মঞ্জুর করা হইত। বলা বাহুল্য হয়ত দুই বংশে রাষ্ট্রীয় আড়া আড়ি তুমুল ভাবে চলিতেছে—কিন্তু ঘটনাচক্রে এই দুই বংশের মধ্যে কোন যুবক কোন যুবতীর প্রেমে পড়িয়া গেলেন। একরূপ ঘটনা অতি স্বাভাবিক। কিন্তু এই প্রেম মঞ্জুর করা কখনই হইত না। কাজেই বিবাদ, আত্মহত্যা, গুপ্তবিবাহ, পলায়ন, অথবা শুকাইয়া মরা অর্থাৎ ট্রাজেডির নানা অভিব্যক্তি। প্রেমের লড়াইয়েই “হরিয়া আনিল কন্যা তাহার বিজয় গর্বে বাপ্পা বীর।” আমাদের রাজস্থানেও এইরূপ প্রেম বিদ্রাটের ট্রাজেডি অনেক ঘটিয়াছে। শেক্সপীয়ারের “রোমিও এবং জুলিয়েট”ও এই প্রেম বিদ্রাটেরই চিত্র আর স্কটের “টিল্ প্রাইড্ বি কোয়েল্ড্ অ্যাণ্ড লাভ বি ফ্রী” সূত্রও এই ট্রাজেডিরই পরিচয়।

“বংশ মর্যাদার বালাই যাক্ রসাতলে
ভালবাসা বাধা হীন থাকুক্ ভূতলে।”—

এই সূত্রটা স্কটও প্রচার করিয়াছেন, শেক্সপীয়ারও প্রচার করিয়াছেন, মধ্যযুগের চারণ মিনেসিঙ্গারেরাও প্রচার করিয়াছেন—আর চীনারও প্রচার করিয়াছেন।

উ দেশের রাজকুমারীর নাম ৫-জে-য়ু। তাঁহার সঙ্গে হান্-চঙের প্রণয় জন্মে। বংশ প্রতিদ্বন্দিতায় প্রণয়ে বিরোধ ঘটিল—বিবাহ হইল না। হান্ প্রবাসী হইলেন—কুমারী তিনবৎসর বিরহের পর মারা গেলেন। কুমারীর কবরের নিকট হান্ একদিন উপস্থিত। সেই সময়ে কুমারী প্রেত মূর্তি গ্রহণ করিল। সেই প্রেতের কথা হান্ কবিতায় লিখিয়াছেন।

দখিনের পাখী দেয় না ধরা উতুরের জালে ;
 চিরন্তন বিরোধ সেরূপ তোমার আমার কুলে ।
 তোমার আমার ভালবাসার সাহস প্রচুর ;
 কর্তারা কর্ত না কিন্তু বিয়ে মঞ্জুর !
 তোমার সাথে ঘুরিতাম আমি অবাধে ;
 কুচুটে লোকের নিন্দা বাধা দিল সাথে ।

(কিন্তু) পরনিন্দা লোকের স্বভাব ; ভয় কিবা তায়
 বস্তুতঃ দুর্ভাগাই মোদের অন্তরায় ।
 দীর্ঘ বছর তিনেক কাঁদিলু তোমার তরে
 “কীনিব্‌সিনী” কাঁদে যেমন ঠারায়ে দোসরে ।
 মরণ পাইয়া করিলাম শোকাশ্রুর শেষ ;
 তোমা ছাড়া ভাবি নাই অন্তরে প্রাণেশ ।
 কাঁদিছ দাড়ায়ে আমার কবর পাশে
 আমার প্রেত তাই আসিল তব্‌সকাশে ।
 মুহূর্তের তরে তোমার মুখ দেখতে ধরায়
 ভূতের রাজা ছেড়ে আস্‌বার হুকুম আমার ।
 হায় ! শীঘ্রই ফিরে যেতে হবে এখন ;
 দেহে দেহে কখনো হবে না মিলন ।
 চির জীবন এক কিন্তু আত্মা দুজন্যর ;
 প্রেমের মিলন হবে পরলোকে আবার ।

এই কবিতাটা বাঙের সংগ্রহ হইতে উদ্ধৃত করা হইল । আর একটা কবিতায় বিদায় গ্রহণের চিত্র পাই । সেনাপতি যুদ্ধে যাইতেছেন—যাইবার সময়ে পত্নীর নিকট শেষ কথা বলিতেছেন । কবিতা হিসাবে এইটা অতি সুন্দর । অধিকন্তু চীনা ইতিহাসের একটা বড় ঘটনার স্মৃতি এইটার সঙ্গে

জড়িত । ১০০ খৃষ্ট পূর্বাব্দে এইটা লেখা হয় । প্রসিদ্ধ সেনাপতি সূ-উ প্রসিদ্ধ হান্ সম্রাট উ-তির (খৃঃ পূঃ ১৪০-৮৭) প্রতিনিধি স্বরূপে হুং-মুল্লকে প্রেবিত হন । হুংগেরা তখন মধ্য এশিয়া হইতে দক্ষিণে ভারত মণ্ডল এবং পূর্বে চীন মণ্ডল উত্তম্ পুস্তম্ করিয়া রাগিতেছিল । এই উৎপাত নিবারণের জন্ত উতি বিশেষ যত্নবান্ হইয়াছিলেন,—অসংখ্যবার তাঁহাকে চীনের বাহিরে পশ্চিমদিকে যুদ্ধের অভিযান পাঠাইতে হয় । এই সম্রাটের পূর্বে আর কেহ কখনও চীনের বাহিরে অভিযান পাঠান নাই সেনাপতি সূ-উ এই সকল বিদেশাভিযানের অগ্রতম ধুরন্ধর নিযুক্ত হন ।

সূ-উ সম্বন্ধে আর একটা কথা জানিবাব আছে । তিনি উনিশবৎসর হুং-মুল্লকে বন্দী ছিলেন । হুংগেরা তাঁহাকে ছলে বলে কৌশলে চীনেস্বরের বিরুদ্ধে অস্ত্রধারণ করিতে সচেষ্ট হয় । সূ-উকে নানা প্রকার নির্যাতনে ফেলা হয় । তথাপি তিনি স্বদেশদ্রোহী হন নাই কিন্তু সূর বন্ধু করি লী-লিঙকে হুংগেরা সহজেই চীনের মমতা ভুলাইতে পারিয়াছিল । খৃঃ পূঃ ৮৯ সালে অশেষ বাধা বিঘ্নের পর সূ স্বদেশে ফিরিবার সুযোগ পান । উনিশ বৎসর পূর্বে দেশ ছাড়িবার সময়ে সেনাপতি মহাশয় পত্নীর নিকট প্রতিজ্ঞা করিয়া ছিলেন—“যদি বাঁচিয়া থাকি তবে ফিরিয়া আসিব ; আর যদি মরি তাহা হইলে তোমার কথা ভাবিতে ভাবিতে মরিব ।”

সূ-উ বলিতেছেন :—

ছ জনে ছিন্ন মোরা যেন একজন ;

অবিশ্বাসে প্রেম কভু হয় নি মলিন ;

উভয়েব ছিল নাত্র একটি সাধন

সুখ ও স্নেহের দেওয়া নেওয়া রাত্রি দিন ।

বসন্তের আনন্দ ফুরাল এবে ;

বিষাদের বাণ হৃদি পশিবে দৌহার ;

নিদ্রা নাই চোখে যাবার সময় ভেবে ;
 কত ক্রত দেখি হায় গতি ঘণ্টার !
 জাগো প্রিয়তমে ! তারা অস্ত যায়,
 সাহসেই সহিতে হবে বিদায়ের শোক ,
 উতলা মন কিন্তু অভিযানের চিন্তায় ;
 পাতাড় মরুবনের পথে চলবে লোক ?
 তার পর অবশেষে ভীষণ যুদ্ধের মাঠ,
 মন্ত্রের সাধন তায়, কিম্বা শরীর পতন .
 কিন্তু হায় দুঃখভাবে অবশ যেন কাঠ
 না হ'তে পারে ভেবে আমার মিলন ।
 চাপা ছিল অশ্রু ; তা' এখন ঝরে
 স্নেহে হাত বুলাইয়া দিলে যেই অভয় ,
 নইলে রুদ্ধ শ্বাস পরাগ ভাঙ্গিবে অন্তরে
 শুনে কথা তোমার ভালবাসায় ।
 যৌবনের প্রেম-কথা স্মরিব এখন,
 স্মৃতি উঠবে জাগি পুরাণা স্মৃথের
 এই মোর সহচর পথে থাকুব যখন,
 তোমার ও করবে লঘু ভার দুঃখের ।
 কত না স্মৃথে পুনঃ রচিব সংসার
 লড়াইয়ের মাঠ হ'তে ফিরিবার পর ;
 কিন্তু হায় যদি ঘটে মরণ আমার
 থাকবে তোমার সাথে মোর আত্মা অমর !

বিদায়ের কোন কবিতা দেখিলেই আমাদের মনে পড়িবে—

“এ বার চলিছে তবে সময় হয়েছে নিকট
 এখন বাঁধন ছিঁড়িতে হবে ।”

কিন্তু সে বিদায়ের পর গৃহত্যাগী আর ঘরে ফিরিবেন না। উহা চিন-
বিদায় উৎকট বৈরাগ্যের তাড়না সেখানে দেখিতে পাই। “মহাকালে”র
ডাক বৈরাগীর কানে পড়িয়াছে—কাজেই তখন “কে আত্ম পর ?”
কাজেই সেখানে বক্তার চোখে জল নাই। “আমি নির্ভুর কঠিন কঠোর
নিশ্চয় আমি আজি।” কিন্তু সৃষ্টি সেনাপতি তাহার পক্ষে গৃহত্যাগ
এবং প্রত্যাবর্তন নামূলি কথা। বরবার্ভা ছাড়িয়া যুদ্ধে যাওয়া ক্ষত্রিয়
শাস্ত্রেরই স্বধর্ম। যুদ্ধের পর ফিরিয়া আসাও গ্রাহ্যর পক্ষে স্বাভাবিক।
পুনরায় সংসার রচনা করিবার আশা তাহার হৃদয়ে বলবতী। কাজেই
বিদায়ের শোক এক্ষেত্রে সাময়িক। তবে এই শোক একতরফা নয়।
“বিষাদের বাণ হৃদি পশিবে দোহান।”

যিনি ছনিয়াকে আপনাব কবিত্তে চাতিতেছেন তাঁহার পক্ষে “সুখনক
নীড়” তুচ্ছ করাই স্বাভাবিক। তাহার চিন্তায়

“অরুণ তোমার তরুণ অধর

করুণ তোমার আঁখি

অমিয় রচন সোভাগ বচন

অনেক রয়েছে বাকি।”—

এই সব বাকি-রওয়া সুখ ভোগ দুর্কলতা মাত্র। তিনি উচ্চতর ভূমি
হইতে এ গুলি সদর্পে দূরে ছুঁড়িয়া ফেলিবেন। কিন্তু লড়াইয়ের জন্ত যে
বীর গৃহত্যাগ করিতেছেন তাঁহার বচন অন্তরূপ। “যৌবনের প্রেম কথা
স্মরিব এখন * * এই মোর সহচর পথে থাকব যখন”।

যুদ্ধ যাত্রার সময়ে যে সেনাপতি স্ত্রীপুত্র পরিবারের দলে বসিয়া কান্নাকাটি
করে না সে নানুষ্ নয়। আবার যে তাহাদের মায়া মমতা কাটাইয়া উঠি-
পারে না সে নরাধম। যদি কোন ক্ষত্রিয় তখন আত্মীয় স্বজনকে বলে—
“স্ত্রী, তুমি কিছু নও ; পুত্র কন্যাগণ, তোমরা আমার কেউ নও ; গুরু

রাছুর ঘরছয়ার টাকা পরমা বন্ধু বান্ধব, ইহারাও অলীক, তোমরা সকলেই আমাকে 'মায়াযুক্ত' করিয়া রাখিয়াছিলে। তোমাদের বন্ধন এড়াইয়া আমি মুক্ত হইতে চলিলাম।" তাহা হইলে বুঝিব যে লোকটা গোঁয়াড় বেকুব, আহাম্মুক ও কাণ্ডজ্ঞানহীন। প্রকৃত ক্ষত্রিয়ের বচন এইরূপ—
 "ক্ষীপ্ত পরিবার তোমরাই আমার সব; ধনদৌলত বাড়ীঘর, এই সমুদয়ই আমার স্বর্গ। আমি এখন যুদ্ধে না গেলে আমার সব ও আমার স্বর্গ রক্ষা পাইবে না। এই জন্ত আমি ক্ষণেকের তরে তোমাদিগকে ছাড়িয়া লড়াইয়ের মাঠে বাইতেছি। শীঘ্রই আমি মুখে ফিরিয়া আসিব। তোমাদের চোখ মুগ্ধ আমার চোখের সম্মুখে রাখিয়া এ কয়দিন কাটাইব—যুদ্ধক্ষেত্রে তোমাদের শুভ আকাঙ্ক্ষা ও প্রার্থনা আমার সঙ্গী থাকিবে। হাঁসপাতালে ভূগিবার সময়ে তোমাদের শুশ্রূষাই স্বরণ করিব। আর যদি মরিয়া বাই তাহা হইল আমার আত্মা তোমাদের চারিদিকে সর্বদা ঘুরিয়া বেড়াইবে।" কাজেই সেনাপতির গৃহত্যাগ চিরবিদায়ের ঘর ছাড়া নয়।

সুউ যে ভাবে ঘর ছাড়িতেছেন আজ-কালকার জার্মান সেনাপতিও ঠিক এই ভাবে ঘর ছাড়িয়া থাকেন, ইংরেজ সেনাপতি ও এই ভাবে ঘর ছাড়িয়া থাকেন ভারতীয় সেনাপতিরও এই ভাবেই ঘর ছাড়িতেন। যুদ্ধে বাইবার সময় চরম বৈরাগ্যের কথা মনে আনা অস্বাভাবিক। বাহারা জীবনে কখন এ যুদ্ধ করে নাই এক মাত্র তাহারাই ঐ সকল কথা মুখে আওড়ায়। কিন্তু যুদ্ধ বাহাদের খেলার সাথী তাহার স্মৃতিময় নীড়ের সাংসারিক সুখও ভোগ করে আবার যথা সময়ে দেশের জন্ত জীবনের রক্ত ও তালিতে প্রস্তুত থাকে।

যুদ্ধ-যাত্রী ভাবিয়া থাকেন—“স্বর্গ হইতে জ্যোৎস্না নামিয়া ভাসায় বাহার কাননতীর সেই স্বদেশ সুন্দরীর ইচ্ছাং রক্ষার জন্ত বাহির হইতেছি। যুদ্ধে জিতিব নিশ্চয়ই। কিন্তু হারিব না তাহাই বা কে বলিতে পারে

লড়াইয়ের মাঠ হইতে ফিরিব নিশ্চয়ই । কিন্তু নির্জন মরু প্রান্তরে প্রাণ বাহির হইয়া যাইবে না তাহাই বা কে বলিতে পারে ” এইরূপ দুঃখনা চিন্তাই সৈনিক পুরুষের স্বাভাবিক চিন্তা । সেই স্বাভাবিক চিন্তাই সু-উর কবিতায় পাইতেছি । সু-উ দুনিয়ার যে কোন ক্ষত্রিয়ের প্রাণের কথা বলিয়া দিয়াছেন । এই কবিতায় সাহস এবং ভয়, ভাবুকতা এবং উদ্বেগ, ত্যাগ এবং ভোগ, অশ্রু এবং হাসি, স্মৃতি এবং দুঃখ, আশা এবং শঙ্কা এক সঙ্গে আছে । এইগুলি এক সঙ্গে না থাকিলে কবিতাটার মূল্য কিছুই থাকিত না । রক্ত মাংসের মানুষের হাজা হুংপিঙে এইরূপ স্পন্দন দেখা যায় ।

যুদ্ধ যাত্রার কালে—

“বিশ্বজগৎ আমারে মাগিলে
কে মোর আত্মপদ
আমার বিধাতা আমাতে জাগিলে
কোথায় আনার ঘর ? ”

এইরূপ গাহিতে হয় না । গাহিতে হয়—

“কত না সুখে পুনঃ রচিব সংসার
লড়াইয়ের মাঠ হ’তে ফিরিবার পর ;
কিন্তু হায় যদি ঘটে মরণ আমার
থাকবে তোমার সাথে মোর আত্মা অমর ।”

চীনা ভালবাসায় চীনের একচেটিয়া স্বদেশী মাল কিছু পাইলাম কি ? এইবার এক বিরহিনীর অন্তরে প্রবেশে করা যাউক । ইনি খৃষ্টপূর্ব দ্বিতীয় শতাব্দীর লোক ।

যে দিন তুমি আমায় ছাড়িয়া গেলে
সে দিনের ক্ষণগুলি কত না ভারী !

যে গাছ তলায় মোদের শেষ দেখা হল
 সে গাছে ছিল কিন্তু ফুলফলের সারি ।
 স্মৃতি শাখা ভাঙ্গি সে তরুবরের
 ঘটনে লগ্নে ছিলাম কিসলয়ে ;
 এত দিন তারে স্থান দিয়াছি বৃকে
 রাখতে সতত মনে সে বিদায়ে ।
 স্মদূর বিদেশে আছ তুমি এব,
 তোমার জীবন আমার চোখের বাহিরে ;
 গন্ধ কোমল কিন্তু ক্ষুদ্র স্মারকের
 হৃদয়ের কাছে মোর আনে তোমারে ।
 তুচ্ছ এই পাতা ফুল সকলেই জানে,—
 রাস্তার লোকের কাছে মূল্য কিছু নয় ;
 বেদনা বিদায়ের আর ভালবাসা
 কতবার দেয় মোরে ক্ষুদ্র কিসলয় ।

বাইশ শত বৎসর পূর্বে এ চীনারা আজকালকার ইংরেজ, ইয়াক্কিও
 ও জার্মান যুবক যুবতীর মতন স্মারক বা “লাভ-চামের” মূল্য বুদ্ধিত ।
 আর তাহার পরিচয় সাহিত্যেও পাইতেছি । মানব হৃদয় যুগে যুগে এবং
 দেশে দেশে বিভিন্ন বোধ হয় কি ? শেষের লাইন দুইটা লিখিতে পারা
 সহজ কথা নয় । ছাড়া ছাড়ির বেদনা ও ভালবাসা বারে বারে আসুক—
 এই ইচ্ছাটা বিচিত্র নয় । কিন্তু কবিতার এই কথা বেশী পাওয়া যায় কি ?
 যে কবিতায় পাওয়া যায় সেটা অতি সূক্ষ্ম চিন্তাশক্তির সাক্ষী—অতি আন্তরিক
 মাল । চীনা প্রেম-সাহিত্যে সেই সূক্ষ্ম শক্তি ও আন্তরিকতা দেখিতেছি ।
 হুনিয়ার যে কোন আন্তরিকতার প্রকাশেই এইরূপ সাহিত্য পাইব । ভারত-
 বর্ষেও আছে—পাশ্চাত্য মুল্লুকেও আছে ।

এক্ষণে খৃষ্টীয় তৃতীয় শতাব্দীর এক চীনা যুবতীর হৃদয় খুলিয়া দিতেছি ।
তাহাতে ও সকলেরই সুপরিচিত রক্তমাংসের গন্ধ ভরা রহিয়াছে দেখিতে
পাইব । প্রেম পাগলের উচ্ছ্বাস ও আকাজকা হুনিয়ায় এক প্রকার ।

আপেল গাছের ফুল ফুটেছে,

জাগলো স্মৃতি আমার প্রিয়ের ;

ইচ্ছা করে “সি-চাও” দূরে,

পাঠাই কিছু গোছা ফুলের ।

হায় সে আছে কত দূরে

ফুল কি কভু পৌঁছাবে সেথা ?

যদি নিজে যেতে পারতাম

দূর হ’ত ছয়ের হৃদয়ের বাথা ।

লব’ বেঁধে চুলের খোপা

কাকের পাখার চেয়ে কালো ;

পূর্ব হর্ষে রেশমী ঘাঘরা

শোভা পাবে সুখের আলো ।

সি-চাও কোথায় কেবা জানে ?

শুনেছি সুদূর উত্তরে,

নদীটা পার হ’লে পরেই

পুছব পাছে পথের তরে !

হায় কষ্ট ! রবি যায় অন্তে,

বহু দূরে রয়ে সি-চাও

নীড় মুখো ফিরে পাখী সব,

আজ না হ’তে পারি উদাও ।

”প্রেম পাগ্‌লা হৃদয়ের এই গেল এক খেয়াল । আর এক খেয়াল নিয়ে
বিবৃত হইতেছে ।

সন্ধ্যাকালে রোজ দাঁড়াব
ঠাণ্ডা তলায় সীতার গাছের ;
ফটক পারে রইব একা,—
আসতে পারে প্রিয় প্রাণের !
খোপার শোভা মুক্তামণি
 জল্ জল্ করে শিশির পেয়ে ;
এখনো না সখা এল
 বাড়ে শোক পথ চেয়ে চেয়ে ।

হিন্দু রাধা ছাড়াও দুনিয়ার অন্যান্য রাধারা বিরহের দুঃখ বুঝেন এবং
সেই দুঃখ নিবারণের চেষ্টাও করেন । ব্যাধি এবং দাগুয়াই সর্বত্রই এক
প্রকার । চীনা বিরহিনীর কথায় রাধার প্রলাপই শুনিতো পাইতেছি ।
আর এক খেয়াল :—

ধীরে বহিছে সমীরণ,
 দিনের মতন হাসে নিশা ;
যাই তুলিগে’ কুমুদ রাশি,
 ‘ দেখব তাহার পথে আসা ।
শরৎ ঋতুর সোনার কালে
 পদ্ম কুমুদ লাল বিরাজে ;
দখিন দীঘির জলের ভিতর
 ‘ উর্দ্ধে তাদের বৃন্ত সাজে ।
হৃদে জাগে স্মৃতির স্মৃতি
 পদ্মবীজ সব তুলি যখন :

বরন তাদের সবুজ গায়
 নলের মাঝে জলের মতন ।
 বৃকের ভিতর রাখি কিছু,
 রক্ত প্রায় লাল ভিতর তাদের ;
 প্রেমের যখন জোয়ার ডাকে
 হৃদয় সেরূপ স্নু প্রেমিকের ।
 বৃকে সে সব কতই চাপি,
 সবার চেয়ে বৃকই সেরা
 রাখবার তরে প্রেমের স্মারক ;
 প্রাণেশ তবু দেয় না ধরা !

চীনা বিরহিনীকে হিন্দুরাধার সখী বিবেচনা করা যায় কি না ? উদ্ভাস
 বলিতেছে—পরের খেয়াল :—

মাথার উপর কাঁকে কাঁকে
 উত্তরে চলে হংসী দল ;
 সি-চাও ছেড়ে যাবে তারা,
 (হায়) থাক্ত যদি মোর পাথার বল ।
 উঠিগে যাই ছুর্গ চূড়ায় ;
 উঁচু জায়গায় দাঁড়ালে পর
 শীঘ্র দেখিব প্রিয়ের আসা,—
 হৃদয়ে আমার রবির কর ।
 ছুর্গটা ত খুবই উঁচু ;
 হায় বেশী দূর পাই না দেখতে—
 প্রিয়ের আমার বাসা যেথায়
 উত্তর তারকার রোশনাইতে !

সকাল হ'তে সন্ধ্যাবধি—
 হায় সুদীর্ঘ দিন না ফুরায় !—
 দুর্গ চূড়ায় ঘুরে মরি
 স্বপ্নের ঘোরে বেন নিশায় ।

বিরহিনীর শেষ খেয়াল—

পর্দা সরিয়ে আর একবার
 বাতির আলো দেখাই পথে ;
 রাস্তা ভুলে' প্রিয় আমার
 নইলে ঘুরতে পারে রেতে ।

কুম্ব যখন মথুরায় তখন রাধার চিত্ত ঠিক এই প্রকার । বিরহিনী
 কাঁচিয়া থাকে কিসের জোরে ? আশার । চীনা বিরহিনীর শেষ কথাঃ—

উচ্চ বত আকাশের ছাদ,
 বিপুল বত স্ফীত সাগর ;
 তিয়ার রাজা রইলে দূরে
 দুঃখে ভরা আমার অন্তর ।
 হৃদয়ে মোর বাধা সদাই,
 কিন্তু প্রিয়ের পণে মন ভরা ;
 সি চাওয়ে মোর প্রাণের আশা
 দখনে বায় নিয়ে যায় হারা ।
 সাগরে কায় করছে পৃথক ;
 সর্বদা গিট বাধা হিয়ায় :
 স্বপ্ন ভয়ের মিশবে সুখে
 পুনর্নির্লনের প্রতীক্ষায় ।

এই চীনা বিরহিনীর বৃকে সাহিত্যের ষ্টেথস্কোপ লাগাইবার প্রয়োজন

আছে কি ? খালি কানেই স্পন্দনটা বেশ বুঝা যাইতেছে । এই স্পন্দন কি প্রাচ্যের হৃৎপিণ্ড ধড়কড় ? না পাশ্চাত্যের হৃৎপিণ্ডের ধড়ফড় ? বস্তুতঃ এই কবিতাটার ভিতর চীনের স্বদেশী দ্রব্য মাত্র সিঁচাও সহর, আর প্রাচ্যের আশ কেবল পদ্ম ও কুমুদ । ভারতীয় রাধা-সাহিত্যেও হিন্দুর খাঁটি-স্বদেশী মাল কেবল যমুনা, তমাল, সহকার, কোকিল এবং চকোর ইত্যাদি । গোটের “হ্যান্সান ও ডেরোথিয়া”রও খাঁটি জার্মান মাল কেবল বোধ হয় ‘বিয়ার’ সরাব !

এই বার চীনাদের সেরা প্রেম-কাহিনীটা খুলিয়া বলিতেছি । উহা রাজার প্রেম । বাদশাহী প্রেমের গল্পে আমরা শাহজাহান ও নুরজাহানের কথাই সহজে মনে করিব । আমাদের বিক্রমাদিত্যের কাহিনীসমূহের মধ্যেও স্বয়ং রাজার প্রেম দু-চারিটা আছে । কিন্তু এই গুলির ভিতর কামকান্ধলা বাইরের সঙ্গে কালোয়াত মধোর প্রণয়ই চরম প্রেমের দৃষ্টান্ত । বিক্রমাদিত্য বাহাদুর এই প্রেমিক যুগলের মিলন ঘটাইবার জন্য রাজ্য পণ করিয়া বসিয়াছিলেন । “বত্রিশ সিংহাসনের” রূপকথায় তাহা জানা যায় । এই প্রেমিক যুগলের বিরহ লয়লা-মজনুনের, অথবা রাধা-কৃষ্ণের অথবা রোমিও-জুলিয়েটের নিবিড় শোক মনে জাগাইয়া দেয় । সুতরাং এই কাহিনীটা প্রেম-সাহিত্যে নং ১ শ্রেণীর অন্তর্গত । কিন্তু উহা রাজ-প্রেম নয় । চীনা রাজ-প্রেমের গল্প এই সকল চরম প্রেমোন্মাদেরই রসে ভরপূর । ইহা বিষম ট্র্যাজেডি-বিষাদের মহাসাগর । গল্পটার ইংরাজি নাম জাইল্‌সের ভাষায় “এভারলাস্টিং রঙ” । আর ফ্র্যান্সিস-বিণ্ডের ভাষায় “নেভার-এণ্ডিং-রঙ” । বাঙ্গালায় বলা বাউক “কল্লাস্তহারী অত্যাচার” বা “অন্তহীন জুলুম” বা “অশেষ অত্যাচার” । প্রেমিক যুগল সংসারের নিকট হইতে অত্যাচার, জুলুম এবং অত্যাচারই পাইয়াছিলেন । কাজেই তাঁহাদের চিন্তার উহা কল্লাস্তহারী, অন্তহীন এবং অশেষ । প্রণয়ের পরেও এই অত্যাচারের

কথা বিশ্ব হইতে মুছিয়া যাইবেনা । নির্যাতিত প্রেমিকেরা এইরূপই ভাবিয়া থাকেন । যে কোন কৰ্মক্ষেত্রেই নির্যাতিত লোকেরা এইরূপ ভাবিতে অভ্যস্ত—কেবল মাত্র প্রেমের রাজ্যে নয় । যে কোন নির্যাতনের কাহিনীই এই কারণে বিশ্ববাসীর হৃদয়ে সনাতন বিষাদ জাগাইতে পারে । যে কোন নির্যাতন কাহিনীই এই কারণে ছনিয়ার ট্র্যাজেডি সাহিত্যে স্থান পাইবার যোগ্য—এবং উহা পাঠ করিয়া জগতের যে কোন নরনারী জাতিধৰ্ম নিৰ্বিশেষে স্বকীয় চিত্তের শোধন করিয়া লইতে পারে । ট্র্যাজেডি সাহিত্যে “স্বদেশিকতা” বা “জাতীয়তা” নাই । উহা সনাতন,—বিশ্বমানবের হৃদয়ের ছবি ।

বিরোধ, অত্যাচার, দলন, নির্যাতন ইত্যাদি মানুষের সকল কৰ্মক্ষেত্রেই দেখা যায় । প্রেমের মুল্লুকেই বিরোধ বা অত্যাচারের এক চেটিয়া পশার নয় । আবার প্রেমে বিরোধ ছনিয়ার সকল দেশেই ঘটে—উহা একমাত্র নব্য পাশ্চাত্য মুল্লুকেরই সামাজিক “ব্যাধি” নয় । সকল সমাজেই এবং সকল যুগেই প্রেমে বিরোধ ঘটিয়াছে । সুতরাং সকল দেশের সাহিত্যেই প্রেম-ট্র্যাজেডির পরিচয় পাই । চীনা সাহিত্যেও পাইতেছি । এই বিষাদের কাহিনী লিখিয়াছেন পো-চুই । তাঁহার “বীণাওয়ালী” পূর্বে দেখিয়াছি ।

শুশুংবংশের দ্বিতীয় চক্রগুপ্ত কে (খৃঃ অঃ ৩৭৫-৪১৫) আমরা “নব-রত্নে”র সংরক্ষক বিক্রমাদিত্য বলিয়া জানি । আমাদের বিক্রমাদিত্য সকল বিষয়েই “বাপ্কা বেটা” ছিলেন । তাঁহার বাহুতে ভারতীয় নেপোলিয়ান, দিগ্বিজয়ী সমুদ্রগুপ্তের (১১০-৭৫) পরাক্রম ছিল । তাঁহার মুদ্রায় দেখা যায় যে তিনি পশুরাজ সিংহের সঙ্গে মল্ল যুদ্ধে ব্যাপ্ত । সিংহ-বিজয়ী বিক্রমাদিত্যের কালিদাসই লিখিয়াছিলেন—“ন খল্ব নির্জিত্য বসুং কৃতী ভবান্ ।” কিন্তু চীনা বিক্রমাদিত্যের কাহিনী কিছু বিপরীত । তাও

সম্রাট মিউছিয়াঙ (৬৮৫-৭৬২ খৃঃ অঃ) তাঁহার পিতামহের বাহুবল লইয়া জন্মগ্রহণ করেন নাই। তাঁও নেপোলিয়ান তাই চুঙের (৬২৭-৬৫০ খৃঃ অঃ) অল্প পরেই চীনা সাম্রাজ্যে ভাঙ্গন লাগে। মিউছিয়াঙ সেই ভাঙ্গনের সময়ে চীনেশ্বর। একদিকে অন্তর্বিদ্রোহ—অপর দিকে ছণতাতরের উৎপাত। কিন্তু তাঁহার রাজত্বকালেই চীনের নবরত্ন বিরাজ করিতেছিল। এই হিসাবে তিনি বাগ্দাদের হারুণ আল রশিদের জুড়িদার। হারুণের আমলে মুসলমান সাম্রাজ্যের পরাক্রম অনেকটা কমিয়া আসিয়াছিল—কিন্তু মুসলমান সভ্যতার গৌরবযুগ তখন চলিতেছে। এই কারণে মিউছিয়াঙকে ইয়ো-রোপের শার্লম্যানের সঙ্গেও তুলনা করিতে পারি না। কেননা শার্লম্যান হিন্দু বিক্রমাদিত্যের মতনই একাধারে পরাক্রমশালী এবং নবরত্নের সংরক্ষক ছিলেন। যাক্ এসব স্মরণ বিচার—সাধারণতঃ দ্বিতীয় চন্দ্রগুপ্ত মিউছিয়াঙ, শার্লম্যান এবং হারুণ আলরশিদকে দুনিয়ার বিক্রমাদিত্য বিবেচনা করা হইবে।

মিউছিয়াঙ ৭১২ খৃষ্টাব্দে রাজা হন। প্রথম কয়েক বৎসর ইনি বিশেষ দক্ষতার সহিত রাজকর্ম পরিচালনা করিয়াছিলেন। বিলাস বর্জনের নামা আয়োজন করা হয়—বেগম মহলে রেশমী বস্ত্র এবং হীরা জহরতের রেওয়াজ তুলিয়া দেওয়া হয়। এদিকে শিল্প, সঙ্গীত সাহিত্য ইত্যাদির পরিপূষ্টির জন্ত মনের মত টাকা খরচ করা হইতে থাকে। অ্যাকাডেমি স্থাপিত হইল, সঙ্গীত ভবন স্থাপিত হইল, কলাভবন স্থাপিত হইল, গ্রন্থাদি প্রকাশের ব্যবস্থা হইল। অভাব রহিল কেবল বাহুবলের। সাম্রাজ্যের শাস্তি রক্ষা করা তাঁহার ক্ষমতার অতীত। এদিকে বাদশাহী মেজাজের খেয়ালও আসিয়া জুটিল। ইয়াঙ বংশের এক রূপসীর প্রেমে পড়িয়া চীনেশ্বর হাবু ডুবু খাইতে লাগিলেন। এই রমণীর নাম তাইচেন। তাইচেনেরই অঙ্গ লিসঙ্কেতে চীনের শাসন চলিতে থাকিল। তাঁহার আত্মীয়

স্বজনেরা রাজদরবারে বড় বড় চাকুরিতে বাহাল হইলেন। “রঘুরাজ” অগ্নিবর্ণ রাজার যে বিবরণ মিঙছ্যাঙের সম্বন্ধে সেই বিবরণই প্রযোজ্য একটা বিদ্রোহের সময়ে আত্মরক্ষা করিতে অসমর্থ হইয়া চীনেশ্বর রাজধানী ত্যাগ করিতে বাধ্য হইলেন। ছিছোয়ান প্রদেশে পলায়ন করিবার পথে তাঁহার সাক্ষোপাঙ্গ ক্ষেপিয়া উঠিল। প্রথমেই তাহারা প্রধান মন্ত্রীর গর্দান চাহিল। প্রধান মন্ত্রী ছিলেন তাই-চেনের ভাই। তাঁহার বিরুদ্ধে সৈন্তেরা অভিযোগ তুলিল—“ইনি চীনেশ্বরের বিরুদ্ধে তিব্বতী সেনার সঙ্গে ষড়যন্ত্র পাকাইতেছেন।” মিঙছ্যাং মন্ত্রীর প্রাণ দণ্ড দিতে বাধ্য হইলেন। সৈন্তেরা ইত্যতেও সন্তুষ্ট নয়। তাহারা রাজ-প্রেমসীর রক্ত চাহে। তাইচেনই তাঁও বংশের শনি! চীনেশ্বর কোন মতেই বেচারার প্রাণ রক্ষা করিতে পারিলেন না। সৈন্তেরা জোর করিয়া তাঁহার হাতে তাইচেনের মৃত্যুদণ্ড লিখাইয়া লইল। তাইচেনের রক্তে মরুপথের ধূলি সিক্ত হইল। ইহাই “কল্লাস্তুস্তায়ী অত্যাচারে”র কথা। পো-চুই এই ঘটনার শতাধিক বৎসর পরে কাব্য রচনা করিয়াছেন। খাঁটি ঐতিহাসিক তথ্যের উপর প্রেমের ট্যাঙ্গেডি খাড়া করা হইয়াছে।

“কল্পান্ত-স্বায়ী অত্যাচার”

শুনা যায় হান্ আমলে (খৃঃ পূঃ ২০২—খৃঃ অঃ ২২০) চীনে একজন নং১ রূপসী ছিলেন। তাঁহার এক চাহনিতে নাকি একটা নগর ধ্বংস হইতে পারিত—আর দুই চাহনিতে একটা গোটা সাম্রাজ্যই লোপাট হইত! সৌন্দর্যের প্রভাব সম্বন্ধে বোধ হয় ভারতবর্ষেও এই ধরণের সংস্কার আছে। সুন্দরী বলিলে চীনারা সেই হান্ আমলের চীন-সুন্দরীকেই মনে আনে। আমাদের তাইচেনও সেই হান্-সুন্দরীর সমানই রূপসী।

পো-চুই বলিতেছেন :—

মজিলেন বাদশাহ রূপের পিপাসায়,

রূপসীর সন্ধানে সময় তার যায়।

নিশ্চিত মুল্লুক নাশ চাহনিতে যার

লভিবেন রাজা সেই নূর্ ছনিয়ার।

চীনের “নূর্ জাহান”কে খুঁজিয়া বাহির করা হইল। তাঁহার রূপে এইবার বেগম মহল আলোকিত হইবে।

ইয়াঙেদের ঘরে ছিল এক মেয়ে,

তনু ভরা যৌবনে ;

জেনানার জীবন কাটে অনুরাগ

লোক চোখের অদর্শনে।

দেওয়া বিধাতার লাবণ্য তাহার

লুকিয়ে রাখা না যায় ;

তলবে বাদশাহ সুন্দরী ধরার

হাজির বেগম মহলায়।

চাহনি চোখের হাসি অধরের

হরে দরবারীর চিত্ত ;

বেগম মহলে রূপ দেখে ঢলে

রানী প্রেমসী ভৃত্য ।

বসন্তাগমে রাজার ছকুমে

“ছরাটিঙ”—সরে সে নায় ;

উষ লহরদল সে দীঘির টলটল

সুন্দরীর অঙ্গ দোলায় ।

নাওরা ধোয়ার পর দাসী সহচর

হেলিয়া সুশ্রী চলে ;

কাবু বাদশার দিন, রাজের লাগাম টিল,

• যুবতীর চাহনি বলে ।

শারীরিক সৌন্দর্যের বর্ণনা হিসাবে এই কয় লাইন হিন্দুদের রাধা-
হিত্যের নিকট দাঁড়াইতে পারিবেনা । কেননা সে সাহিত্য অতি বিপুল ।

বৈষ্ণব সাহিত্যের শৃঙ্গার রসই এখানে পাইতেছি । “বয়ঃসন্ধি”

অধ্যায়গুলি সকলেরই মনে পড়িবে । মধ্য যুগের ইতালীয় এবং ফরাসী
(ক্রবেদোর) সাহিত্যে এই ধরনের “যুবতীর চাহনি” বর্ণনা পাওয়া যায় ।
ইংলণ্ডের এলিজাবেথান সাহিত্যেও শারীরিক সুসমার দিকে নজর
এইরূপই ।

এইবার পো-চুই বিহার-বিলাসের রঙ্গ বর্ণনা করিতেছেন । এইটা
ঠিক বেন “পদাবলী” সাহিত্যের “বসন্ত-লীলা”র এক কণা । হিন্দু সাহিত্যে
ইন্দ্রয়ারামের চর্চা অত্যধিক । কামশাস্ত্র গুলিয়া আমাদের কবিরা পদাবলীর
নাগর তৈয়ারি করিয়াছিলেন । তাহার তুলনায় অগ্ণা অগ্ণ সাহিত্যের
দৈহিক সুখ চর্চা নিম্নতর হইবার কথা । তবে ছনিয়ার সর্বত্রই কামশাস্ত্র

একরূপ কেহ এই বিষয়ে ঘাঁটা ঘাঁটি বেশী করিয়াছেন, কেহ বা কম
এই যা ।

ফুলের মতন মুখের উপর
মেঘের মতন চুল পড়ে তার ;
রাজ বাগিচার বিহার কালে
কি চমৎকার খোপার বাহার ।
আনন্দময় বসন্তের রাত,—
ভায় নিশাকাল কেন না রয় ?
খেলায় তাদের আশ মেটেনা,
চোপোররাতই রঙ্গরস হয় !
আর সকালে না হয় বৈঠক,
দপ্তরের কাজ রয় বকেয়া ;
খানা পীনা ভোজ হয় হরদম্,
কাজের ফুরস্তুত যায়না পাওয়া !
বসন্তের উৎসবে তাই-চেন্,
তাইচেন্ রানী রেতের লীলায় ;
তিন হাজার সুন্দরীর মাঝে .
তাইচেনের বাস বাদশার হিয়ায় ।
জীবন কাটে “সোণার ঘরে”,
সেবা করে তারে দাসী,
“পান-মহলের” লাল সরাবে
মাথায় আসে খেয়াল রাশি ।
তাইচেনের ভাইবন্ধু যারা
ভাবাই এখন দেশের রাজা,

হায় সর্বনাশ ঘটল এতে,—
 চীন যুদ্ধের মস্ত সাজা !
 গোটা দেশের মেয়ে পুরুষ
 চায় না জন্ম বেটা ছেলের
 ভাবছে সুখে থাকতে পারবে
 জন্ম দিলে কেবল মেয়ের !
 প্রাসাদের গানবাজনার আওয়াজ
 ধূসর মেঘের রাজ্যে পৌঁছে ;
 বাতাস তারে উড়িয়ে নে যায়
 এটার ওটার সবার কাছে ।
 সেতার বাঁশীর ধ্বনির সাথে
 ধুম সর্বদা নারির গানের ;
 সারা দিনই সঙ্গত চলে .
 বাদশার নাইক লেশ হায়রানের ।
 হায় অকস্মাৎ বাজল কাঁড়া
 লড়াই বুঝি শীঘ্র বাধে ;
 “রামধনু-ঘাঘরার” তাল ছেড়ে
 —
 তান্ত্রের সুর সবাই সাথে ।

সোণার রাজবংশ ছারখার হইতেছে । পো-চুই তাহার এই চিত্র
 ছেন । কালিদাস ও রঘুবংশের অধঃপতন দেখাইতে যাইয়া অবিকল
 দৃশ্য দেখাইয়াছেন । কামের প্রভাবে রাজ্যনাশ দুই সাহিত্যেই
 । এক ভাষায় বিবৃত হইয়াছে । শৃঙ্গার রসে কলম ডুবাইয়া কালিদাস
 রি কুফল দেখাইয়াছেন । পোচুইয়ের তুলিও সেই রসেই ডুবানো—
 কালিদাসের কথাগুলিই যেন চীনা সাহিত্যে সংক্ষিপ্ত আকারে রহিয়া

গিয়াছে। যে দিন হইতে “অযাধ্যা কষ্টাৎ কষ্টতরং গতা” সেই দিন হইতে “রঘুবংশের” প্রধান কথা চীনা কবিবরের ভাষায় বলা যাইতে পারে—

“কাবু বাদশার দিল, রাজের লাগাম ঢিল,
যুবতীর চাহনি বলে।”

তাহার চরম দৃষ্টান্ত উনবিংশ সর্গে। কালিদাসের অগ্নিবর্ণ আর পোচুইয়ের মিঙলুয়াঙ ঠিক যেন একব্যক্তি।

“আর সকালে না হয় বৈঠক,
দপ্তরের কাজ রয় দকেয়া ;
খানাপীনা ভোজ হয় হরদম্
কাজের ফুরসুত যায় না পাওয়া।”

তিনিয়ার সর্বত্রই শৃঙ্গার রস বা কাম প্রভৃতি এক প্রকার। অতএব জগতের সকল শৃঙ্গারসাহিত্যই এক। ইন্ডিয়ালান্সা হিসাবে মানুষে জাতিভেদ করা অসম্ভব। ইন্ডিয়-ভাগে প্রাচ্য পাশ্চাত্য নাই। কাজে কামসাহিত্যে হিন্দু, চীনা, জার্মান ইতালীয়, আধুনিক বা প্রাচীন বিভা করা অসাধ্য। শৃঙ্গার রসে কলম ডুবাইলে লেখা আজকালও বের হইবে—তুই হাজার বৎসর পূর্বেও সেইরূপ হইত, এশিয়ায়ও যেরূপ হইবে ইয়োরােমেরিকায়ও সেইরূপ হইবে।

মিঙলুয়াঙ রাজ্য ছাড়িয়া পলায়ন করিতেছেন। বিদ্রোহীরা রাজধানী আগ্রমণ করিয়াছে। এই হাম্‌লায় বাধা দেওয়া তাঁহার ক্ষমতায় কুলাই না।

ছাইল ধুলার মেঘে ফটক রাজধানীর
বাদশাহ থামাতে নারে হাম্‌লা বিদ্রোহীর।
হাজার হাজার ঘোড়া রথ পলায় ডরে
দক্ষিণ পশ্চিমের দিকে বাদশাহ তরে।

কল্লান্ত-স্থায়ী অত্যাচার ।

১২১

পলাতক পল্টনের টুপি পোষাকে
ভাঙিল সরানের ধূলা আলোকে ।
পশ্চিম ফটক রইল ক্রোশ ত্রিশেক দূরে,
সদরের দেওয়াল দেখায় ঘেরা অঁধারে ।
তক্রার সুরু করে ফৌজেরা এবে,
বাদশার হুকুম তারা না মানিবে ।
তারা চায় কৃষ্ণক্ৰ তাইচেন বেগমের
তৎক্ষণাৎ হত্যা সম্মুখে সকলের ।
ধুলায় লুটায় বেন সোণার অলঙ্কার,
পাখা মাছরাঙার আর পাখী খেলানার,
পোষাকি চুলের কাঠি জেড পাথরের,
তাইচেন সুন্দরীর সব কত না সখের ।
শ্রেয়সীর কোরবাণি ফৌজের দাবিতে
কমজোর বাদশার হ'ল মঞ্জুর করিতে
অঁধি কহে তাইচেনের নীরব কথা,
মুখ ঢেকে বাদশাহ সহে নিবিড় ব্যথা ।
তারপর চোখ পড়ে ধরাশায়ীর অঙ্গে,
মিশিল অঁধি জল রুধিরের সঙ্গে !

কমজোর মিউছিয়াও প্রথমে বিদ্রোহীদিগের সহরলুঠ-বন্ধ করিতে পারেন
নাই—একগণে প্রিয়তমার জান বাঁচাইতেও পারিলেন না । বিষাদের উপর
বিমাদ । পরে ছিছোয়ান প্রদেশে বনবাসের পর্ব ।

পলাতক পল্টন সুখে বলিল এবে ;

পথে কত মরুমারি হলে বালুকার

যেথায় বিরাজে কেবল বালুর হাহাকার.

কল্লাস্ত-স্বায়ী অভ্যাচার ।

আর দাঁড়িয়ে মেঘ-ছাওয়া পর্বত নীরবে ।
 সুদূর নিরজন অতি “অমি” গিরিবর,
 মোসাকিরের ষাওয়া আসা নাই সেখানে ;
 দিন দিন বাদশাহী ফৌজের ঝাস্তা নিশানে
 জাকজমক মুছিয়া বায় চোখের প্রীতিকর ।
 ছিছোরানের জলরাশি অঁধারে ভরা,
 গিরিকুল ছিছোরানে ঢাকা অঁধারে !
 প্রিয়াশূণ্য বাদশার হিয়া দুঃখভারে
 জ্বলে’ নিশিদিন দেখে আলোহীন ধরা ।
 সঁঝের সফরে সে বাহিরিয়া দেখে চাঁদ,
 সে চাঁদে ব্যথা পায় হুতাশ ভরা হৃদি ;
 আর সন্ধ্যায় বৃষ্টি কালে ঘণ্টা বাজে বদি
 সে আওয়াজ ছিঁড়িয়া ফেলে বুকের বাঁধ ছাঁদ !

বিদ্রোহ আসিয়াছে । চীনেখর মফঃস্বল হইতে সদরে ফিরিতেছেন ।
 পথে পড়িল সেই শ্মশান যেখানে তাইচেনকে মারিয়া ফেলিবারহুকুম নিজ
 হাতে সহি করিয়াছিলেন ।

কিছু দিন পরে আবার সেখানে
 বাদশা দাঁড়ায় দাগ দেওয়া স্থানে ।
 সেথায় কত সে কাটালো সময়,
 ছাড়িতে সে স্থান না পারে হৃদয় ।
 “মা-ওয়ে” পাহাড়ের চরণতলে
 মাটির টিপি শুধু দেখে সকলে ।
 প্রিয়তমার জীবনের চিহ্নেত নাই
 আছে পড়ে’ কেবল কোরবাণির ঠাই ।

কল্যাণ-স্থায়ী অত্যাচার ।

উজিরের চোখ পড়ে চোখে বাদশার,
ভিজায় ছয়ের বেশ অমনি অশ্রুধার ।
তারপর পূর্বদিকে ঘোড়া ছুটে যায়,
সদরের লাল দেওয়াল পৌঁছে ছরায় ।

সদরেও সেই ছিছোয়ানেরই ঘোর অন্ধকার । এ অঁধার কৃষ্ণহীন
বৃন্দাবনের অঁধার । প্রাচ্য এবং পাশ্চাত্য উভয় সাহিত্যেই এইরূপ
অঁধারের বর্ণনা আছে ।

পুরাণা সেই সরোবর সেই ফুল রাশি,
প্রাসাদের চারিধারে সেই “উইলো-বন”
বাদশা দেখে ফুলে তাইচেনের হাসি,
উইলোর ক্র তার, আর “প্যান্সি” যে নরন ।
বাদশার অঁধিধারা বহে অবিরাম,
• বাগিচাতে এই সব দেখে সে যখন ;
বসন্তের সপুষ্প “পীচের” যখন প্যাকান,
আর শরতের বর্ষায় “উতুঙ” পাতার পতন ।
তরুরাজি প্রাসাদের দখিন কোলে ;
যথা সময়ে পাতা তাদের ঝরে,
সিঁড়ি সব ঢাকা পড়ে শুকনা লালে,
ঝাড়ুদার নাই বাহাল—কে পরিষ্কার করে ?
“পেয়ার বাগানের” গানবাজনার ওস্তাদ সকল,
চুল তোমাদের পেকে গেছে গভীর শোকে ।
অন্দর মহলেতে যত রূপসীর দল,
আর ত তোনরা নও যুবতী বাদশার চোখে ।
জোনাকির দল বার উড়ে ঘরের ভিতর ;

বাদশা একলা থাকে বসে' বিষাদে ;
 বাতি হয় আলোহীন পল্‌তে পোড়ার পর,
 ঘুমের সাথে চোখ তবু মগ্ন বিবাদে ।
 পাহারা বদল হয় কতই দেরিতে !
 কি ভীষণ না বড় রাতগুলি আজকাল ?
 তারার দলও আসে না আলো দিতে !
 আর যেন কখনো না হবে সকাল !
 ছাদের টালিতে মূর্তি হংস-হংসীর
 চাপা পড়েছে যেন ঠাণ্ডা তুমারে ;
 “মাছরাঙা” লেপেও না গরম শরীর,
 লেপ মুড়িয়ে কি ফল বিনা বথরাদারে ?
 জ্যাস্ত ও মরার মাঝে সময় চলে যায়,
 দিন রাত্রি আসে যায় সাবেকের মত,
 স্বপনে বাদশা সেই মুখ খানি চায়,
 তাইচেন নিরাশ করে তারে সতত ।

এই কল্প লাইনের ভিতর মিঙলুয়াঙের খাশ বাড়ীঘর বাগবাগিচার উল্লেখ আছে । এইজন্ত বিদেশী লোকের পক্ষে আসল কথাগুলি কথঞ্চিৎ চাপা পড়িয়া যাইবার কথা । আমাদের রাধা সাহিত্যের রসও এই কারণে বিদেশীয়ে পক্ষে উপভোগ করা কিছু কঠিন । অশোক, তমাল, তাম্বুল, চম্পক, মালতী, কদম্ব, কিংসুক, লবঙ্গ, চুত, চন্দন, মাধবী, অরবিন্দ, কুমুদিনী, কমল, শিরীষ, কিংসুক, ইত্যাদি ফুলফলের ছড়াছড়ি দেওয়া হিন্দু তাঁহার পদাবলী সাহিত্য কিছু অতিরিক্ত মাত্রায় আদর করিতে প্রলুব্ধ হন । কিন্তু বিদেশীয়ে পক্ষে এইগুলির জন্তই মহা রসভঙ্গ হয় । সেইরূপ চাতক, চক্রবাক, কোঁকিল, চকোর, ময়ূর, খঞ্জনা, হরিণ, হংস,

ইত্যাদির প্রভাবে আমাদের মিকট রাধা-সাহিত্যের মূল্য বাড়িয়া যায়—কিন্তু বিদেশীয়েদের কাছে এই সমুদরের ফল ঠিক উল্টা। কথাটা সহজেই বুঝা যায়। চীনা প্রেম-সাহিত্যের এই “স্বদেশী” কাঠামোটুকু রপ্ত করিয়া নইলে দেখি যে চীনা স্বদেশে চীনা বস্তু কিছুই নাই। তুনিয়ার ব্যথিত পরাণ বিরহী মাত্রেই রাত্রিকাল সম্বন্ধে পো-চুয়ের ভাষায় ভাবিবে :—

“পাহারা বদল হয় কতই দেরিতে

কি ভীষণ না বড় রাতগুলি আজকাল ?

তারার দলও আসে না আলো দিতে

‘আর বেন কখনো না হবে সকাল !’

এই রাত সম্বন্ধেই এক দিন চীনা প্রেমিক যুগল ভাবিয়াছিলেন :—

“হায় নিশাকাল কেন না রয় ?”

ভারতীয় প্রেম-সাহিত্যে এই সকল কথাই দৃষ্টান্ত অসংখ্যই আছে। বেচারী বাদশা স্বপ্নে তাইচেনের সাক্ষাৎ পাইলেন না। শেষে প্রেতলোকে তাইচেনের তল্লাসে আড়কাঠি পাঠান হইল। ভূতের মুল্লকে ঘাইবেন কে ? একজন তাও-ধর্ম্মের পুরোহিত। তিনি মিউহুয়াঙের দূতভাবে প্রেতলোকে গমন করিলেন।

“তাও”-ধর্ম্মী পুরোহিতের লিন্-চুঙে বাস,

“হুং-তু” সম্প্রদায়ের মতে তাঁহার বিশ্বাস।

ওস্তাদ ছিল সে ভূত বশীকরণে,

তাঁরে রাখিত সে প্রেতলোকের ভূতগণে।

বাদশা হুংখের ভার লঘু করিবারে,

তাইচেনের খবর আনতে ভার দেয় তাঁরে।

রূপসীয়ে চুঁরিতে হয় সে বাহির,

নানা প্রকার বিদ্যা করিয়া জাহির।

মেঘেতে দৌড়ে সে, উড়ে আকাশে,
 বিজলীর সমান জোরে চলে যায় সে।
 এই গেল আকাশে এই রসাতলে,
 এই বা ছনিয়ার গলি ঘোঁচ সকলে।
 উর্কে টুঁরা হ'ল আকাশের আকাশ,
 নিয়ে যাওয়া হ'ল “পীতবরণা”র সকাশ।
 কোথাও না মিলে পাত্তা তাইচেনের,
 শেষে শুনে গল্প এক নূতন জগতের।
 সমুদ্রের মাঝা-মাঝি আছে এক দ্বীপ,
 চারিদিক অস্পষ্ট তার, না হয় জরীপ।
 ঘরবাড়ী গুল্জার সেথা রামধনু প্রায়,
 অমরেরা শান্তি সুখে কাল কাটায়।
 “অনন্ত” নাম ছিল তাদের একজনের,
 গুল্জাকান্তি আর ফুল-মুখ ঠিক তাইচেনের।

তাইচেন-খোঁজ কালে, আমরা সীতা টুঁরার কথা মনে করিতে পারি।
 বান্দীকির হনুমান্ পো-চুইয়ের তাও-পন্থী ওস্তাদ। দুই কাহিনীতেই ছনিয়া
 উস্তম্ পুস্তম্ করা হইয়াছে। অবশেষে বিরহী প্রেমিকের নিকট “শোকা-
 কুলা”র সংবাদও আনা হইয়াছে।

ভূতপূর্ব বেগম সাহেবার নিকট দূত মহাশয় ষথারীতি হাজিরা দাখিল
 করিলেন। দাসী দূতের আগমন বার্তা তাইচেনের নিকট লইয়া গেল।
 “অথ সীতা হনুমান্ সংবাদ”।

সোনার মহালের

পশ্চিম দরওয়াজা

জেড্ পাথরের কবাট তার ;

ওস্তাদ দূত বাদশার
আঘাতি ছুয়ারে

এক সুন্দরীয়ে জানায় ।

“চীনেখরের লোক
আমি মাগি ভেট

ছনিয়া-মুরের সাথে ।

“বিশ্বপুত্র” বাদশার
দূতের সেলাম

সুন্দরী ধরিল মাথে” ।

মশারির মাঝে

তাইচেন শুনি এই

ভাঙ্গিল স্বপনের ঘোর ।

কাপড় সামলাইয়া

উঠায় সে ত্বর।

বালিশের কোল হ’তে শিওর ।

পরে সে অঙ্গে

মণি-যুক্তার সাজ,

যেন দরবারের রাণী ।

ঘুম ঘোর যায় বুঝা

দেখে মেঘ বরণের

তার আলু থালু বেণী ।

মাথা চাকিয়া

ফুলদার পোষাকে

মজলিস্ মহলে সে যায়,

অমর পুরীর তার

জামার হাত ছুটি

ফুলে উঠলো পেয়ে বায় ।

আবার যেম সে

নাচতে এসেছে

“রামধনু বাঘরা”র তালে !

স্থির প্রসন্ন মুখ

অঁখি ভরা জল,—

হৃদয়ের কথা ঢালে ।

অশ্রু ভিজানো

“পেন্নারে”র শাখা,—

বসন্তের বৃষ্টি জলে ।

বুক কাটানো শোক,

হৃদয়ের আবেগ

থামিল ধৈর্য বলে ।

এইবার “ব্যবস্থাপিত বাক্ কথঞ্চিৎ” এবং “অন্তর্গত বাষ্পকণ্ঠ” হইয়া তাইচেন অন্তরের ব্যথা জানাইতে লাগিলেন । আমাদের অশোক কাননের সীতা জীবন্ত অবস্থায় জানাইয়াছিলেন । চীনা বিরহিনীর কথা তাঁহার ভূতের মুখ হইতে শুনিতেছি । তবে ভূতের বাড়ী ঘর বেশভূষার বেরূপ পরিচয় পাওয়া গেল তাহাতে জ্যান্ত মানুষের আভ্যুত্থানই দেখিতেছি । ভূতুড়ে কাণ্ড এখানে কিছু নাই । “তাও” পন্থীদিগের স্বর্গ আমাদের মর্ত্যের স্ত্রীপুরুষেই ভরা । দাস্তে ও মিল্টনের স্বর্গ নরক পো-চুইয়ের কল্পনায় নাই ।

প্রিয়তম মরিয়া গেলে পর তাঁহার আধমরা সখা বা সখী শোকোচ্ছ্বাস

লিখিয়া থাকেন । আমরা “অজ-বিলাপে” এই শোক পাই । “এলিজি” “ইন্ মেমরিয়াম্” “এষা” ইত্যাদি এই শোকের সাহিত্য । কিন্তু যিনি মরিয়া গেলেন তাঁহার শোক কি প্রকার ? তিনি ত নিশ্চয়ই স্বর্গে বাস করিতেছেন । তাঁহার মর্ত্যের বিরহী বা বিরহিণী এইরূপ ভাবিতে বাধ্য । কিন্তু স্বর্গেও কোন প্রকার বিরহ দুঃখ নাই কি ? সেই মরা বিরহী বা বিরহিণীর হৃদয় কিরূপ ? সাধারণতঃ সাহিত্যে বা শিল্পে সেই হৃদয় আমরা দেখিতে পাই না । এই হৃদয় একজন পুরাণা চীনা কবি খুলিয়া দিয়াছেন দেখিয়াছি । উ-কুমারী ৎজেয়ুর ভূত তাঁহার মর্ত্যবাসী প্রাণেশকে স্বর্গবাসিনীর বিরহ ব্যথা প্রকাশ করিয়াছিলেন । এইবার পো-চুই আর একজন স্বর্গবাসিনীর চেরা বুক খুলিয়া ধরিতেছেন । সেই বুক জ্যাস্ত মানুষেরই শিরা কৈশিরা দেখিতে পাই । স্বর্গের লোকেরাও মানুষের ভালবাসাই চায়—এবং মানুষের মতনই ভালবাসিতে চায় । “স্বর্গীয়” প্রেম মর্ত্যের গন্ধরসেই ভরা । বিরহের অবস্থায় জীবন্ত রাধার আত্মা যে কথা বলে সেই কথাই তাইচেনের ভূত বাদশার দূতকে বলিতেছেন । তাহার সার মর্ম্ম :—

“এই পরাণের আশা নয়নের তৃষা

চরণের তলে রেখে আয় ।

আর পারিস্ যদি ত আনিস্ হরিষে

এক ফোটা তার অঁাখি জন ।”

ছনিয়ার নূর প্রিয়তমের দূতের মারফত খবর পাঠাইতেছেন নিজের অবস্থাও বিবৃত হইল—আর কিছু বরাত ও দেওয়া হইল ।

কাতর কণ্ঠে কহে :—“আমি

কৃতার্থ বাদশার স্বরণে ;

কাল মোর কাটিতেছে শোকে

কল্লাস্ত-স্থায়ী অত্যাচার ।

তার মূর্তি বাণী বিহনে ।
 মর্ত্যে মোদের প্রেমের আয়ু
 ফুরিয়েছে অতি সহর ;
 স্বর্গে কিন্তু সুখ সোহাগ কাল
 চলিবে যুগ যুগান্তর ।”

এই কথা বলি সুন্দরী
 ঝুঁকে তাকায় ধরার দিকে ;
 দেখা গেল না রাজধানী
 ধূলা কুয়াসার গতিকে ।
 তার পর সে করিল বাহির
 স্মরক অমর ভালবাসার,—
 আল্পিন এনামেলের স্ত্রী
 আর চুলের কাঠি এক সোনার
 “হৃদয়-নাথের তরে এই মোর
 অন্তরের দান লহ” সে কয় ;
 চুলের কাঠি সে আধখানা,
 আর আলপিনের আধখানা লয় ।
 নিজ হাতে ভাঙ্গি সোনার শিক্
 ছই টুকরা করি এনামেল,—
 সগৌরবে কহে দূতে
 উপাড়ি জোরে হৃদের শেল ।
 “বাদশারে বোলো রাখিতে
 চিত্ত শক্ত সাহস ভরা,
 এই সোনার শলাকা যেমন

আর দৃঢ় এনামেল টুকরা ।
তাহলে কখনো একদিন
হবেই হবে মোদের মিলন,
হয়ত বা স্বরগ লোকে
কিন্মা যেথা নশ্বর জীবন ।”

তাইচেনের বাণী ক্রমশঃ গুরু গম্ভীর হইয়া উঠিতেছে । বুকের আঙুন শেষ পর্য্যন্ত চাপা থাকিল না । প্রেমের শত্রুদিগের অত্যাচার কাহিনী ভুলিয়া যাওয়া অসম্ভব । তাইচেন সে কথা মুখে আনিতেছেন না । কেবল আমরা দেখিতে পাইতেছি যে তাঁহার হৃদয় ছ ছ করিয়া জলিতেছে । পো চুই এই বিষাদের কাহিনীটা অগ্নি ফুলিঙ্গে সমাপ্ত করিয়াছেন । তাই-চেনের অভিশাপে গোটা দুনিয়া যেন যুগ যুগান্তর ধরিয়া জলিতে থাকিবে ।

বিদায় কালে ওস্তাদেরে

কয় সে কত হৃদয় কথা
বাদশার কওয়া প্রেমের বাণী
প্রিয়ার কাণে অমৃত যথা ।
অনেক কথার একটা কথা
বলা হ'ল সর্বশেষে,
প্রেমিক হৃয়ের হৃদের ধন
রত্ন সমান অমূল্য সে ।
সপ্তম মাসের সপ্তম দিনে
নিশীথে “অমর মহালে”
বাদশা দিয়েছিল পণ

তাইচেনেরে অন্তরালে :—

চলব সদা পাঁথা ছয়ে

এক ডানা-ওয়াল পাখীর প্রায়,
 জোড়া বয় মরদ মাদীর ডানা
 আকাশে বখন উড়ে যায় ।
 কিম্বা মোরা উঠব বেড়ে
 এক দেহে সেই গাছের মত
 শাখায় জড়া জড়ি যাহার,
 প্রাণে প্রাণে গিঁট্ সতত ।
 কত কালের ধরিত্রী ঐ
 এই স্বর্গ কত পুরাতন !
 একদিন কিন্তু ছুয়ের হবে
 প্রলয় ভঙ্গ ধ্বংস পতন ।
 অগ্নায়ের সেই অত্যাচার ঘোর
 মুছবে না কিন্তু কোন দিন,
 নিদারুণ জুলুমের কথা
 জগতে থাকবে অস্তুহীন ।

যে কোন অত্যাচার-পীড়িত রক্তাক্ত হৃদয় হইতেই শেষের কথাগুলি বাহির হইতে পারে :—

কত কালের ধরিত্রী ঐ
 এই স্বর্গ কত পুরাতন !
 এক দিন কিন্তু ছুয়ের হবে
 প্রলয় ভঙ্গ ধ্বংস পতন ।
 অগ্নায়ের সেই অত্যাচার ঘোর
 মুছবে না কিন্তু কোন দিন
 নিদারুণ জুলুমের কথা
 জগতে থাকবে অস্তুহীন ।

এই কথাগুলি ছনিয়ার যে কোন ট্রাজেডি নাট্যের ভিতরকার কথা জগতের প্রত্যেক বিষাদাত্মক বেদনামূলক রচনার ইহা চরম উপদেশ । এই উপদেশেই মানুষের চিত্ত আগুনে পোড়ান সোনার মতন পাকা হইয়া উঠে । হৃদয়ের ময়লা দূরীভূত হয় অন্তঃকরণ স্নিগ্ধ ও পবিত্র হইতে থাকে গ্রীক দার্শনিক অ্যারিষ্টটল ট্রাজেডি-সাহিত্যের এইরূপ ফলই প্রচার করিয়া ছিলেন । আমাদের চীনা কবিবর একটা ছোট গল্পের উপসংহারে সেই কথাই জানাইয়াছেন । আর গল্পের ভিতরেও সেই কথাটা বেশ ফুটিয়া উঠিয়াছে । বাগাড়ম্বরহীন শিল্পনৈপুণ্য পূর্ণ বিষাদ কাহিনীর একটা সেরা দৃষ্টান্ত স্বরূপ আমরা পোচুইয়ের “কল্লাস্ত স্থায়ী অত্যাচার”কে সর্বদা মনে রাখিতে পারি ।

মরা বিরহিনীর হৃদয় চীনা কবিতায় দেখিলাম—এইবার ইংরেজি কবিতায় দেখা যাউক । রসেটির সুপ্রসিদ্ধ “ব্লেসেড ড্যামোজেল্” বা “স্বর্গের বালিকা” এই বিরহ ছুঃখের চিত্র । রসেটি রোমান ক্যাথলিক খৃষ্টানের সুপরিচিত আবেষ্টনের ভিতর তাঁহার বিরহিনীকে রাখিয়াছেন । পোচুইয়ের রচনায় তাও ধর্ম্মীদিগের আবেষ্টন দেখিয়াছি । কিন্তু দেখিতে পাইব যে, ছই আবেষ্টনের ভিতর এক নারী-হৃদয়ই কথা কহিয়াছে । “ব্লেসেড ড্যামোজেলে”র কয়েক পংক্তি উদ্ধৃত করা যাইতেছে :—

স্বর্গের বালা দাঁড়ালো বুঁকে

ত্রিদিবের স্বর্গ দণ্ডের উপর ;

অঁখিতে দৃষ্টি তার হৃদয় গভীর,

তুলনার হারে সাঁঝের শান্ত সরোবর ।

করে তার শোভা পায় তিনটি কমল

চুলে ছিল সাতটি তারা মনোহর ।

মেরীর দান সদা গোলাপ পোষাকে তার,
 স্বরগের গায়িকা দলে তাহার স্থান ।
 পীঠে পড়েছে বুলি চুল রাশি তার
 সোণালী বরণ তার পাকা শস্যের সমান ।

“মনে হয় সাধ সে আশুক মোর কাছে,
 আসিবে সে নিশ্চয়” কহিল বালী ।
 “নিষ্ফল কি প্রার্থনা মোর ত্রিদিবে ?
 সেও কি কাঁদে না, দেব ধরায় উতলা ?
 তুই প্রার্থনার শক্তি নয় কি অসীম ?
 তবে কেন মতি মোর হবে চঞ্চলা ?
 স্বর্গের জ্যোতি হবে তার শির ঘিরিবে,
 আর সদা পোষাক পরা হবে তার,
 হাতে ধরে’ তারে লয়ে যাব সাথে
 দিব্য আলোকের গভীর ঝরণার ধার ;
 সেথায় নেমে যাব যেন দরিয়ায়
 লইতে চোখের সামনে জগৎ পিতার ।
 সেথায় দেউল পাশে দাঁড়াব দৌহে—
 অজানা অবুঝা গৃহ সে মন্দির,
 বাতি তার অনিবার লভে আঘাত
 যত বার প্রার্থনা ধরা বাসীর ।
 দেখুব পূর্ণ এবে সাবেক কামনা ছয়ের,
 আর লয় তাদের, নাশ যেন ক্ষুদ্র মেঘ-রাশির ।

“হয়ত তখন সে রবে আবেগে অবাক !

কপোলে তার মোর কপোল রাখি
জানাব মা মেরীয়ে প্রেম আমাদের,

ভয়ে বা সরমে কথা না মাখি ;
মঞ্জুর করবেন মা মোর হৃদয় গরব

আর খেয়াল আমার গুনবেন হরে সুখী ।

“তঁারি সাথে যাব ছুয়ে হাতে হাত

মিলায়ে ভগবৎ সকাশে যেথায়
অগণিত দিব্যদৃষ্টি নতজানু

ঋষিগণ রহে, প্রভামণ্ডল মাথায় ;

বাজাবে সেতার বাঁশী বিছাধরগণ

আর গায়বে পেয়ে সাক্ষাৎ মোদের সেথায় ;

সেখানে মাগিব বর দেব খুঁটের

আমাদের দুজনারই তরে,

থাকতে যেন পারি, ছিনু কিছু কাল

যেমন ধরায়, ভালবেসে হৃদয় ভরে’ ।

দুজনায় সহবাস, (ঋণিক ধরায়),

থাকুক হেথায় এবে চিরকাল ধরে’ ।”

চীনা স্বর্গ-বাসিনীর হৃদয়ে যে কামনা খৃষ্টান স্বর্গ-সুন্দরীর প্রার্থনাও
তাই । দুনিয়ার সকল মরা বিরহিনীর ইচ্ছাই এইরূপ :—

“থাকতে যেন পারি, ছিনু কিছু কাল

যেমন ধরায়, ভালবেসে হৃদয় ভরে’ ।

দুজনায় সহবাস, (ঋণিক ধরায়),

থাকুক হেথায় এবে চিরকাল ধরে’ ।”

মর্ত্যের ভালবাসাই লোকেরা স্বর্গেও লইয়া যাইতে চায়। মানুষের হৃৎপিণ্ডটা স্বর্গে ও মর্ত্যের প্রণালীতেই ধড়কড় করে। স্বর্গে গেলে পর হৃদয়ের স্পন্দন যদি অন্তরূপ না হয় তাহা হইলে ঢেঁকি বেচারী স্বর্গে বাইয়াও ধান ভানিবে তাহাতে বিশ্বয়ের কথা কি? স্বর্গটা মর্ত্যেরই ছায়া, মর্ত্য স্বর্গের ছায়া নয়। ভগবান্ মানুষের সৃষ্টি, মানুষ ভগবানের সৃষ্টি নয়। দুনিয়ার এক মাত্র সত্য বস্তু মানুষ—জীবন্ত মানুষ—রক্তমাংসের শরীরওয়ালী হিংসাতালবাসাওয়ালী, সু-কু-ভরা দোষে গুণে সম্পূর্ণ মানুষ।

চীনা প্রেমের চরম কথা,—

“তা হলে কখনো একদিন

হবেই হবে মোদের মিলন।”

খৃষ্টান প্রেমেরও চরম কথা ;—

“তুজনার সহবাস * * * •

থাকুক হেথায় এবে চিরকাল ধরে”

আর হিন্দু প্রেমেরও চরম কথা এই অনন্ত সাহচর্য্য জন্মজন্মান্তরের বন্ধন যুগযুগান্তরব্যাপী হৃদয়-গ্রহি, আত্মায় আত্মার চিরকালের অচ্ছেদ্য সংযোগ। “ভূয়ো যথা মে জননান্তরেহপি ভূতের ভর্তা ন চ বিপ্রয়োগঃ

তাহা হইলে প্রাচ্য পাশ্চাত্যে প্রভেদ থাকিল কোথায়? কুসংস্কারে। কুসংস্কারের উৎস কোথায়? মানুষের ভাবায়। আর কোথায়? দেশের জলবায়ুতে। আর কোথায়? রাষ্ট্রে অর্থাৎ “স্বদেশ”-নিষ্ঠায়। কুসংস্কার কোন দিন দুনিয়া হইতে চলিয়া যাইবে কি? কখনই না। কুসংস্কারের জোরেই মানুষ বাঁচিয়া আছে। কুসংস্কার না থাকিলে জগৎ মানুষ হীন হইয়া পড়িবে—সে জগতে মানুষের বাঁচা না বাঁচা এক কথা—সে জগৎ পড়িয়া যাইবে।

হুনিয়ার মানুষ এক । কিন্তু এই ঐক্য বৃষ্টিয়াও মানুষেরা কোন দিন বৃষ্টিবে না । এই না বুঝা একটা মস্ত “অবিদ্যা” । এই অবিদ্যার ক্রমবিকাশেই হুনিয়ার ইতিহাসের বিভিন্ন স্তর গঠিত হইবে । প্রত্যেক স্তরেই নূতন নূতন মনগড়া অলীক অনৈক্যের আশ্ফালন দেখিতে পাইব । “বিদ্যার” মাত্রা যে পরিমাণ বাড়িবে সঙ্গে সঙ্গে অবিদ্যার মাত্রাও সেই পরিমাণে বাড়িতে থাকিবে অমৃতলাভ কোনদিনই হইবে না । না হউক । মানুষ অমৃতের তোয়াকা রাখে না । তিনি স্বর্গেই থাকুন ।

চীনা কবির প্রকৃতি-নিষ্ঠা ।

এই পর্য্যন্ত প্রায় হাজার লাইন চীনা কবিতা দেখা গেল । নানা রসেরই আশ্বাদন করা গিয়াছে । সকল রসেই প্রকৃতি কিছু না কিছু ভিজান পাইলাম । চীনা কাব্য চাখা শুরু করিতে না করিতেই প্রকৃতির গন্ধ পাওয়া যায় । চীনারা প্রকৃতি-নিষ্ঠ জাতি ।

ঝালে ঝালে অশ্বলেমুণ সর্ষত্রই বিরাজ করেন । চীনারা সেইরূপ শয়নে স্বপনে নিশি জাগরণে প্রকৃতির চর্চা করিয়া থাকে । প্রকৃতির অংশ বাদ দিলে বোধ হয় চীনা কবিতার বার আনা বাদ পড়িবে । শোক সাহিত্যে প্রকৃতি পাইয়াছি—হর্ষ সাহিত্যেও প্রকৃতি পাইয়াছি । খেয়ালে খোসগল্পে প্রকৃতি পাইয়াছি—বনবাসে নির্বাসনে প্রকৃতি পাইয়াছি—বুক মাত্রায় প্রকৃতি পাইয়াছি—বিরহে প্রকৃতি পাইয়াছি—মিলনে প্রকৃতি

পাইয়াছি । চীনের সকাল দেখিয়াছি—মধ্যাহ্ন দেখিয়াছি, সন্ধ্যা দেখিয়াছি, নিশীথ দেখিয়াছি । চীনের শরৎ দেখিয়াছি, বসন্ত দেখিয়াছি, গ্রীষ্ম দেখিয়াছি, শীত দেখিয়াছি, আর বৃষ্টিপাতও দেখিয়াছি । চীনের নদীর ধার চোখে পড়িয়াছে, সাঁাত সাঁাতে জঙ্গলা বনভূমি চোখে পড়িয়াছে, বিকট মরু প্রান্তর চোখে পড়িয়াছে, বাগবাগিচা চোখে পড়িয়াছে । চীনা আকাশের গ্রহ নক্ষত্র রবি শনী চোখে পড়িয়াছে—চীনা ধরা তলের মাছি মশাও চোখে পড়িয়াছে ।

চীনা কাব্যে ফাল্গুনের স্বানে পাগল করা আমের বন পাই নাই । পাইয়াছি পীচ্ পেয়ারের ফুলের থোসবই । ক্রৌঞ্চ-মিথুন, অথবা চক্রবাক যুগল অথবা চকোর চকোরী চোখে পড়ে নাই । পড়িয়াছে ম্যাগুৱিণ হংস ও ম্যাগুৱিণ হংসী । তমালপাশে কনকলতা চীনে দেখা গেল না । দেখা গেল শাখায় শাখায় জড়াজড়িওয়াল এক বিচিত্র তরুণ । বাঙ্গালার প্রকৃতিতে আর চীনের প্রকৃতিতে বোধ হয় এইটুকুই প্রভেদ । খুঁজিলে অবশ্য আরও অনেকই পাওয়া যাইবে । কেন না চীনের আয়তন সূরহৎ । কাজেই চীনা কাব্যে অনেক নূতন তরুণতা জীবজন্তুর প্রভাব পড়া স্বাভাবিক । কিন্তু অত্যাণ্ড যাহা কিছু সবই আমাদের যেন বরের কথা ।

চীনা কবি জোনাকির মিটি মিটি আলো দেখাইয়াছেন—মাছরাঙার উড়া দেখাইয়াছেন—আকাশের গায়ে হাঁসের ঝাঁক দেখাইয়াছেন । চীনা গ্রীষ্মের সারস ও “গাল,” চীনা শরতের পদ্ম ও কুমুদ, চীনা আকাশের ছায়াপথ, চীনা সূর্যাস্তের গোলাপী আভা, চীনা জলাশয়ে গিরিশৃঙ্খের প্রতিবিম্ব, চীনা চাঁদের রজতকিরণ, চীনা বর্ষার বাম বাম, চীনা নিশীথের পেঁচার ডাক, চীনা মরুর ভীষণ পবন, চীনা মেঘের কালো বরণ, চীনা জলাশয়ে নলের বন, চীনা সাঁঝের খগ কাকলী, চীনা দরিয়ায় নৌকার

সারি, চীনা শস্যের মধুর হাসি—সবই ছ একবার পাইয়াছি । আর এই সবই বাঙ্গালীর সুপরিচিত । পাহাড়ের সবুজ রং, নীল রং, ভীষণ দৃশ্য, কমনীয় দৃশ্য, জলাশয়ের ভীমামূর্তি, মধুর রূপ, আর টাদের বাহার—এ গুলিও আমাদের নূতন নয় ।

চীনা হৃদয়ে প্রকৃতির কোন্ কোন্ বস্তু সব চেয়ে বেশী আদরের ? প্রশ্নটার জবাব দেওয়া কঠিন । কিন্তু চিত্রশিল্পের বহু নমুনা দেখিয়া আর কাব্যের প্রমাণ লইয়া মনে হয় যে, বাঁশের সারি অথবা ঝোপ, টানাদের অতি প্রিয় । পাহাড়ের শোভা নানা ভাবে ইহারা উপলব্ধি করিয়াছে । দরিয়ার দৃশ্য যেন চীনা পারিবারিক চিত্রের একটা আটপায়ে জিনিস । হংস-মিথুন চীনা দাম্পত্য জীবনের পরম পবিত্র বস্তু বলাই বাহুল্য । এমন কি বিবাহের সময়েও বরপক্ষ এবং কন্যাপক্ষ এক ছাড়া হংস হংসী অদল বদল করিয়া থাকে । মেপুলতরুর লালপাতার কথা বোধ হয় ইহারা বেশী পাড়ে না—কিন্তু পীচের গন্ধ শুঁকিতে ইহারা বেশী পছন্দ করে না । আর নাছ দরা এবং শিকার করার সখ চীনা জীবনের একটা মস্ত খেলা ।

“আম জাম নারিকেল খেজুর কাঠাল, চাঁপা শেফালিকা বক তমালের
সারি সারি আছে বন করিয়া আঁধার ।”—ইত্যাদির তালিকা করিয়া
কোনো প্রকৃতিনিষ্ঠা প্রমাণিত হয় না । অবশ্য এই কাটালগেরও মূল্য
থাকে । কাব্যের কোন কোন স্থানে এইরূপ এক তালিকার দাম লাখ
থাকে । কিন্তু চীনা কবিরা জীবজন্তু ও তরুণতার নাম বা তালিকা করিয়াই
কবিতা লেখেন । ইহারা এই গুলির রূপ রস গন্ধ স্পর্শ শব্দ নানা ইন্দ্রিয়ের
দ্বারা “চাখিয়া” দেখিয়াছেন । ইহাদের দেখিবার ক্ষমতা আছে—এক
একটা বস্তুকে আপনায় করিয়া লইবার ক্ষমতা আছে—নিজের জীবন
সংগঠন প্রাকৃতিক পদার্থগুলিকে জীবন্ত করিয়া রাখিবার ক্ষমতা আছে ।

চীনা কাব্যের ভিত্তি আসিলা নদ নদী পর্বত সাগর তরু লতা পশু পক্ষী
আমাদের মানব সংসারেরই অধিবাসী হইয়া রাখিয়াছে । ' এক একটা
মানুষ জগতে তাহার স্বতন্ত্র ব্যক্তিত্ব লইয়া দণ্ডায়মান । একবার তাহাকে
দেখিব তাহাকে ভুলিতে পারিব না । প্রত্যেক নরনারীরই একটা
বিশেষত্ব, নিজস্ব কিছু না কিছু আছে । আমরা চীনা কাব্যের প্রাকৃতিক
বস্তুগুলিকেও ঠিক সেইরূপ ব্যক্তিত্বময় স্বাতন্ত্র্যপূর্ণ নিজস্বতরা ভাবে
পাইতেছি । এক জলাশয়ে আমার আত্মা বাহা পাইল, অন্য জলাশয়ে
তাহা পাইল না । এক সন্ধ্যায় আমার হৃদয়ে যে তরঙ্গ উঠিল অন্য সন্ধ্যায়
সে তরঙ্গ উঠিল না । চীনা কবিগণ ভিন্ন ভিন্ন হৃদয়-ভাবে ভিন্ন ভিন্ন বস্তু
মাথাইয়া রাখিয়াছেন । আমরা প্রত্যেকটাকে স্বতন্ত্র দেখিতেছি । কো-
সময়ে চাঁদ আমার এক গোলামের ইগার—কোন সময়ে চাঁদ দেখিবা মাত্র
দেশের কথা মনে পড়ে । নিশীথে কোথাও বা থানা পীনা ভেঁজ, কোথাও
“ছথিনীর আঁখিতে বরষা ডবে ।” ফড়িং দেখিয়া একবার মনে হইল
“আহা কি মজার জীবন ।” আর একবার মনে হইল “ক দিনের প্রাণ ”
একটা ফুল রাখিয়া দিলাম অসংখ্যবার “ছাড়াছাড়ির বেদনা” মনে করিবার
জন্ত । ফুলটা অমর হইয়া রহিল । আর একটা ফুল ইন্ডাসিকিয়া
ভাসিয়া কতদূর যাইতেছে কে জানে ? অমনি ভাবিলাম “ছনিয়ার চকম
সত্য কখনও বুঝা যাইবে কি ?” কাকের পাখা চোখে পড়ে সুন্দরীর চুল
তার চেয়েও কালো সপ্রমাণ করিবার জন্ত । আর পাখীর সন্ধ্যাকাণ্ডে
বাসায় ফেরা দেখে মনে হয় “হায় আমি একাকিনী !” পদ্মবীজের লাল
কেন্দ্র দেখিতেছি কেন ? ওটা আমার প্রেমপূর্ণ হৃদয়েরই জুড়িদার বলিয়া ।
বায়সকে দূত করিতেছি—মেঘকে দূত করিতেছি—হংসীকে দূত
করিতেছি । ইহার সকলেই বিরহের সহচর । গগনমণ্ডলে দেখিতেছি
হর গান বাজনার সঙ্গত, না হয় প্রেমিক-যুগলের আড্ডা । সহরের বাহিরে

মাগিবাষাৎ নিজ শরীরে মুক্ত বায়ুর প্রভাব বৃদ্ধিতেছি—মাঝিরা সারি
মান ধরিতেছে। চীনা প্রকৃতি-সাহিত্যে কবিদের চামড়ার চোখ কানও
দেখা গেল—আবার “মরম” হৃদয়, প্রাণ এবং দূরা ছোঁয়া যায় না যাহা
সই আত্মাও পাওয়া গেল। অতএব চীনা কবির চুম্বিত অস্ত্র শ্রেষ্ঠ
কবির সভায় বিনা বাক্যবাহ্যে কুলীনের প্রাপ্য পান সুপারি দাবি করিতে
পারেন।

এতক্ষণ যে সকল কবিতা দেখিয়াছি সেগুলি পুরাতন। খৃষ্টীয় অষ্টম
শতাব্দীর পরের কোন নিদর্শন পাই নাই। এক্ষণে একটা অপেক্ষাকৃত
আধুনিক কবিতা উদ্ধৃত করিতেছি। বোধ হয় সম্ভবতঃ কিম্বা অষ্টাদশ
শতাব্দীতে এইটা লিখিত। চীনে সরকারী চাকরী পাইতে হইলে কয়েক
পরীক্ষার ভিতর দিয়া পার হইতে হয়। ছাত্তরের কবিতা বচনায়ও পাশ
হইতে বাধ্য। এই কবিতাটা একজন কৃতকার্য পরীক্ষার্থীর রচনা।
কবিতার নাম “ছাত্তরের পর্যটন।” ওয়ার্ডস্ ওয়ার্থের “নাটিং” কবিতার
বে ভাব ইহারও তাই। বস্তুতঃ ওয়ার্ডস্ ওয়ার্থের প্রকৃতি-“পূজা” এই চীনা
কবির প্রকৃতি-পূজা হইতে গভীরতর নয়। চীনা কবিতাকে প্রকৃতিপূজক
নামেই তাহাদের “ও” স্বরূপ ব্যবহার করিতে পারেন। প্রকৃতিপূজকে
জীবন্ত সহচরী বিবেচনা করা, প্রকৃতির প্রভাবে জীবন গঠন করা, ইত্যাদি
সকল তত্ত্বই এই রচনায় সংক্ষেপে পাইতেছি।

“বাধা থাকতে পারিল না আর	নীল চাপ্ কান্-অঁটা ছাত্তরের দল,
দপ্তর খানায় কেতাব নিয়ে	আর ছিপ্ তাতে নাড়তে নদীর জল।
নীল আকাশের মরুভূমি ভূঁয়ে	সাদা মেঘের মেঘ বিচরে,
চোখের চটক্ বহু-বেদে	বসন্তের হাত ধরনী পরে।
হৃদয় তাদের আকুল আজ	চাখতে তাজা নূতন জীবন,
ভাঙার হাতে প্রকৃতি মারেন	অন্যে নদ শক্তি করেন।

ছাড়ল তারা পুঁথি-পত্র, টোল মাদ্রাসার তকিয়া ফরাস্‌^৬ ;
 বেরুলো তারা ছটা-পুটি কর্তে পায় যেখানে সবুজ ঘাস ॥
 ক্রোশের পর ক্রোশ চলে তারা বসে' কোথাও গাছের তলায়,
 কোথাও কুল-কুলু নদীর ধারে কোথা বা গিরির কোয়ার গায় ।
 কানে তাদের দ্রিয়্যার গান, নিঃশ্বাসেতে মধুর পবন—
 পশলার পরে তাজা ঘাসে, ধরায়, ফুলে যাহার বহন ।
 জমিন্ পরে পাহাড় বিরাট্ ; উর্কে আশ্‌মানের অসীম ওয়ার ;
 ছনিয়ার এই চিড়িয়া খানায় জ্যাস্তে জীবের হরেক বাহার ;
 চলার, বসার, মরার, বাঁচার— সবারই ভিতর শক্তি রাজে,
 তারই ফলে সিজিল্ মিছিল্ যেথায় নইলে গোল-মাল বাজে
 দেখে শুনে ভেবে বুঝে চমক্ তাদের লাগল প্রাণে ;
 • মাতাল হ'য়ে ছুটলো রক্ত শিরায় শিরায় বানের টানে ।
 স্বর্গের কথা, মর্ত্যের জিনিষ,— আজকে এসব হ'ল নিজের,
 এমনতর আপনার এ সব কখনো বুঝা হয় নি তাদের ।
 বিশ্বেশ্বরের পূজা কালেও পায়না মানুষ এমন জীবন,
 হ'লই বা দেউল শ্বেতপাথরের কিম্বা পল্লীর দেবায়তন !”

প্রকৃতির সতেজ ফোয়ারায় স্থান করিয়া ছাত্রেরা ঘরে ফিরিতেছে ।
 এই পর্যটনের প্রভাব জীবনে থাকিয়া গেল । ‘ওয়ার্ডস্ ওয়ার্থের অনেক
 কবিতাই এই প্রভাবেরচিত্র । “লুসী,” “ড্যানোভিল্‌স্,” “হাইল্যান্ড
 গার্ল,” “সলিটারি রীপার,” “এডুকেশন অব নেচার” ইত্যাদির নাম
 সুপরিচিত ।

অবশেষে অনিচ্ছাতে
 কিস্তি তারা ভুলবে নাক
 পথে পড়ল অনেক অনেক

ফিরল তারা ঘরের দিকে ;
 পূজতে প্রকৃতি দেবীকে ।
 লম্বা “সরল”-গাছের বন,

আর শ্রোতব্ধতীর কুলে কুলে	“উইলো” কত কালো বরণ ।
অনেক কালের চাপা হৃদয়	এতক্ষণে খুল্‌ল ছয়ার ;
গলাছেড়ে গায়িল তারা	নামজাদা গান সব বার বার ।
কখনো তারা গায় দল বেঁধে	একা একা বা কখন গায়,
ওলে তালে আওয়াজ তাদের	সাঁঝের বাতাস বয়ে নে যায় ।
শুনে তাদের গানের ধ্বনি	গা-পুকুরের দরিয়ার
চাক্ষা হয় চিড়িয়া সকল	ভেঙে গ্রীষ্মের তন্দ্রা ভার !
ছোঁড়ার দলের গানের তালে	গাওয়া শুরু করে চাবীর দল,
গেয়ে গেয়ে দিনকে বিদায়	দেয় এইরূপে ধরাতল ।
কীট পতঙ্গ বিহগ সবে	এবাও দেয় যোগ সন্ধ্যাগৌণে . .
সবার গীতই পূর্ণ এবে	বিশ্বপতির জয় ধ্বনিত্তে ।
পশ্চিমেতে আশ্রু আশ্রু	রবি ভূবে যায় ধরায়,
অমরদিগের রাজ্য এবে	উঠল জলে আলোর মালায় ।
বেদিস্থান হ’বে প্রকৃতির	খসল পূত গোলক বহির,
উচু’ খেয়াল আর নয়্য রোশ্‌নাই	বাসিন্দা হইল ছাত্র হৃদির ।

এই সুরের কবিতা ও গান চীনা সাহিত্যে প্রচুর । সুরটা নিতান্তই আধুনিক । অষ্টাদশ শতাব্দীর শেষে রোমান্টিক আন্দোলনের প্রভাবে এই সুর পাশ্চাত্য মহলে উঠিয়াছে । পূর্বে ইয়োৰোপীয় সাহিত্যে এই সুর ছিল না । সাবেক কালের প্রকৃতিসাহিত্যে এই রস পাওয়া যায় না । প্রকৃতিকে গোলাখুলি শিক্ষয়িত্রী ও শ্রিয় সখী বিবেচনা করা বর্তমান ইয়োৰোপের পক্ষে নূতন বস্তু ।

“দেখে শুনে ভেবে বুঝে চমক তাদের লাগল প্রাণে,

মাতাল হ’য়ে ছুটল রক্ত শিরায় শিরায় বানের টানে ।”

প্রকৃতির সঙ্গে মানুষের এই সম্বন্ধ গানে প্রচার করা প্রাচীন ও

মধ্যযুগের এশিয়ার অসংখ্য হইয়াছে । ইহা এশিয়াবাসীর, এক প্রকার স্বতঃসিদ্ধ ও প্রথম স্বীকার্য্য তত্ত্ব ।

রোমান্টিক সাহিত্যের প্রকৃতি জীবনময়ী । জীবনময়ী বলিয়া মানুষের মত প্রকৃতিরও সুখ দুঃখ হর্ষ বিষাদ আছে । আর এই জন্মই সে মানুষের সুখ দুঃখের সমবেদনা প্রকাশ করিতে সমর্থ । এই জন্মই সে মানুষকে হাস্য ইতে নাচাইতে কাঁদাইতে পারে । এই জন্মই তাহার প্রভাবে মানুষ জীবন-গঠন করিতে সমর্থ । এই সকল কথা আমাদের রামায়ণে গোটা কাণ্টো-দাসী সাহিত্যে এবং মধ্যযুগের পদাবলীতে মুড়ী মুরকীর সমান মামুলি । ফ্রান্সের ওল্ডফোর্ডস্ ওয়ার্থ ইয়োরোপে এই তত্ত্ব নূতন প্রচার করিয়াছেন । প্রকৃতিকে মানুষের জন্ম ইস্কুল মাস্টারণী করিণে জীবনের বিকাশ কিসক-ভাবে তাহার নানা চিত্র ইনি দিয়াছেন । একটা হইতে কয়েক লাইন উদ্ধৃত করিতেছি :—

“বালিকার খেলা শুনে হরিণীর প্রাণ ;
 শ্যামল প্রান্তরে অথবা পাতাড়ে
 গাতিয়া আনন্দে বে হরিণী লাফায় ।
 তুফান উঠিলেও কাঁপাতে ধরায়,
 স্মরণা দেখিবে বালা সে কাঁপায় ৷
 কুমারীর অঙ্গ উঠিবে গড়িয়া
 তুফানের সাথে তার নীরব ভালবাসায় ।
 হর্ষ স্নধু প্রাণ-বাড়ান বালার হিয়ার
 থাকবে ; তাতেই পুষ্ট হবে বাড়তি-গরিমা ;
 কুমারীর বক্ষ ও ফীত হবে তার ।”

এই ধরণের কুমারী জীবন ভারতীয় সাহিত্যে অনেক । চীনা “চাংসেং-পার্মাটেনে” ও এই আকাঙ্ক্ষাই পাইলাম ।

“সবর তাদের আকুল আজি চাখ্‌তে তাজা নূতন জীবন,
তাও'র হ'তে প্রকৃতি মায়ের আন্তে নব শক্তি রতন ।”

“তাও”-সাধক কবিবর ছু-কুঙ্ ।

সাধক কবি, ভক্ত কবি, ধ্যানী কবি, যোগী কবি, তত্ত্বদর্শী কবি, ঋষি কবি, ইত্যাদি শ্রেণীর কবি ভারতবর্ষে হাজার হাজার। ইংরাজিতে ‘এই শ্রেণীর কবিকে “মিষ্টিক” কবি বলা হইয়া থাকে। ইহারা তুনিয়ার চরম গুণের আলোচনা করেন—কেবল আলোচনামাত্র নয়, জীবনে উপলব্ধি করেন। এই উপলব্ধির প্রথম কথা, দ্বিতীয় কথা এবং শেষ কথা এইরূপ :—
“আমি ও ভগবান্ এক বস্তু। সেই ভগবানে আমি ডুবিয়াছি—অথবা ভগবান্ আমার মধ্যে দেখা দিয়াছেন। আমাব আত্মা সেই বিরাট আত্মায় লয় প্রাপ্ত হইল। আমি অনন্ত সুখে ভাসিতেছি। আমি মুক্তি-লাভ করিয়াছি।”
এই মুক্তির ব্যাখ্যা, এবং এই মুক্তিলাভের উপায় বর্ণনা করা, সাধক কবিদের রচনার স্থান পায়। কখন বা দেখি যে, “মুক্ত” জীব নিজের অবস্থাটার বর্ণনা করিয়া যাইতেছেন। মুক্ত অবস্থার খেয়াল ধারণা এবং চিন্তা প্রণালী সেই সকল বর্ণনার আমাদের নিকট খানিকটা বোধগম্য হয়।

বাস্তবলী অত্যাণ্ড সকল সাধককে ভুলিলেও, সাধকশ্রেষ্ঠ রানপ্রসাদকে কোন দিনই ভুলিতে পারিবেন না। সেইরূপ চীনারাও তাহাদের হাজার-

হাজির সাধক কবির নাম ভুলিলেও, ছু-কুঙ্-তুর নাম ভুলিবে না এই ছু-কুঙ্ নবম শতাব্দীর লোক (খৃঃ ৮৩৪-৯৮)। ইহঁাকে চীনা সাহিত্যে “তাও আমলের শেষ কবি” বলা হইয়া থাকে।

সাধনার নানা সম্প্রদায়িক নাম হুনিয়ার সকল দেশেই আছে। মোটের উপর, সকল সম্প্রদায়ই শেষ পর্যন্ত একই সাধনতত্ত্ব প্রচার করিয়াছেন। ছু-কুঙ্ “তাও”-ধর্মের অনুমোদিত সাধন-প্রণালীর প্রচারক। “তাও” শব্দের অর্থ “পথ”। আমরা “পন্থাঃ” শব্দ আধ্যাত্মিক সাহিত্যে যে অর্থে ব্যবহার করি; “তাও” শব্দের অর্থও তাই। রামপ্রসাদকে “কালী” সাধক বলিয়া জানি। চীনের কবির সেইরূপ “তাও” সাধক। ইনি “তাও” না পথ খুঁজিয়া বেড়াইতেছেন।

“আমার আমার করি’মন্ত হই অনিবার ;

ইন্দ্রিয়াদি দারা-স্মৃত কেহই নহে কার !

কিন্তু আমি কোন্‌খানে খুঁজিয়া না পাই ধ্যানে,

কোন্ পথেতে গেলে, দে মা বলে, ‘আমি’ মেলে

দীন রামে আর ভ্রমে রেখো না নিস্তারিণী !

তনয়ে তার তারিণি !”

এইরূপ সকল সাধকই কাঁদিয়া থাকেন—“কোন্ পথেতে গেলে, দে মা বলে ‘আমি’ মেলে”। কেহ ‘মা’ ‘মা’ করিয়া হা-ছতাশ করেন, কেহ বা আর কোন নামে সেই অজানা, অবুঝ বস্তুকে ডাকিয়া থাকেন। ছু-কুঙ্ সেই “আমি” খুঁজিতেই বাহির হইয়াছিলেন। চীনাদের অগ্ৰাণ্য বড় কবিদের মত ইনিও মহাপণ্ডিত, এবং দরবারের বড় চাকরে ছিলেন। কিন্তু সংসার ভাল লাগিল না—ঘর বাড়ী ছাড়িয়া তিনি সন্ন্যাসী হইলেন। এই ধরণের সন্ন্যাসী হওয়া ভারতবর্ষেই একচেটিয়া নয়। চীনে হাজার-হাজার গৃহত্যাগী, ধ্যাননিরত, চোখবুজা, সাধক ভক্ত, ধ্যানী জন্মগ্রহণ করিয়াছেন। আর

তাহাদের অভিজ্ঞতায়-পাওয়া সত্যসমূহ সাহিত্যেও স্থান পাইয়াছে। ছু-কুঙের
 ধাণী শুনিলেই যে-কোন ভারতবাসীই বলিবেন—“এ যে হিন্দুর ষোগের
 কথা! অথবা “এ যে কবীরের উন্মাদ!” অথবা “এ যে সর্বং খন্দিং
 বন্ধ!” অথবা “এ যে বৈদান্তিক একছ!” ইত্যাদি। বস্তুতঃ, উহা বৈষ্ণবও
 নয়, শাক্তও নয়, শৈবও নয়,—উহা সাধনপ্রণালী। ছুনিয়ার চরম তত্ত্ব
 সর্বত্রই এক প্রকার। তুমি-আমি চরম তত্ত্ব পছন্দ না করি—সে কথা
 সত্য। কিন্তু চরম তত্ত্ব ভাবিতে গেলে, খষ্টান মিষ্টিক আর বৈষ্ণব প্রেমিক,
 চীনা তাও-পহী আর মুসলমান সুফী—এক ঘাটেই জল খাইবেন। কেহ
 হয় ত এই জলের নাম দিবেন, ‘সিরাজী সরাব’; কেহ হয় ত বলিবেন, উহা
 ‘প্রম’; কেহ বলিবেন, “উহা ভগবান্ বা অতীন্দ্রিয় কোন বস্তুবিশেষ”
 .কহ বলিবেন, “উহা তাও”; কেহ হয় ত বলিবেন—“উহা
 আমি”; কেহ বা বলিবেন—“উহা শূন্য”; আর কেহ বলিতে পারেন—“এক,
 ওভার সোল বা ঐ জাতীয় কিছু।” নানা নাম দেওয়ার ফলে, ব্যাখ্যায় এবং
 ‘মুক্তির’ স্বরূপ বর্ণনায় কিছু-কিছু পার্থক্য আসিয়াও জুটে।

ছু-কুঙের চব্বিশটা কবিতা পড়িলেই মনে হইবে—“তাই ত, এ ত ঠিক
 আমারই কথা! তবে কিছু যেন প্রভেদ আছে!” কবিতাগুলি জাইন্সের
 গ্রন্থ হইতে উদ্ধৃত করা হইতেছে। কয়েকটার অনুবাদ ক্র্যান্‌মার বিঙ্ ও
 দিয়াছেন।

(১)

ছু-কুঙ্ অসীম শক্তির কেন্দ্রে পৌঁছিতে চাহিতেছেন।

শক্তিরে উড়াও কেন বাহিরের কাজে?

অস্তরের ছুনিয়ারে কর ভরপুর।

যেতে হবে মহাশূন্যের রাজ্যে বন্ধনহীন;

তার তরে জমাও শক্তি সর্বদা প্রচুর।

“তাও”-সাধক কবির ছু-কুঙ্।

কেন্দ্র সে মুল্লুক গোটা ছনিয়ার ;

জবরদস্ত আঁধারে সে ঢাকা ;—

এ আঁধার নেবে ভরা ; আর হেথা

তুকানের জোরে খাড়া না যায় থাকা ।

বুদ্ধি ধারণার মুল্লুক নয় সে স্থান ;

নিজের সাথে লয়ে মাল চরম জ্ঞানের

পৌছে সেথা বসিব খাতির জমা,

মস্‌গুল্ রোজ পেয়ে ভাগ অসীম ভাণ্ডারের ।

(২)

ছু-কুঙ্ নিবিড় শান্তির স্বরূপ বর্ণনা করিতেছেন ।

শান্তি সে রহে নীরবতার ;

গিরিতে, নাচে সে না রয় .

অস্তর সুরে সে ধোয়া ;

উড়া একক পাখীর সঙ্গ সে নয় ।

শান্তি ঠিক যেন বসন্তের বায়

পোমাক যে ফুলার কুৎকারে :

শান্তি বাঁশীর আওয়াজ যেন

নিজের করতে চায় জদয় যারে ।

না চুঁরে পোলে, কাছে সে

অতি ; চুঁরলে না দেয় ধরা :

রূপ তার বদল হয় অনিবার,

ছেড়ে পলায় শান্তি ভরা ।

(৩)

বসন্তের সমাগনে কবি সৌন্দর্য্যে মুগ্ধ হইয়াছেন । তাঁহার চিত্ত হইতে ছনি-
য়ার রূপের সনাতন প্রভাব সম্বন্ধে কয়েক কথা বাহির হইল ।

ভরল ছনিয়া বসন্তের দানে ;—

জঙ্গলা দেশের দীঘির ভিতর

কুমুদ, কমল জলের শোভা,

অতি রূপবতী বালিকা তায় ।

ঝুঁকেছে পীচ গাছ সব পাতার ভারে,

বোপে নিঃশ্বাস ফুব্বুরে হাওয়া,

নদী কিনারায় উইলোর ছায়া,

ছিঁড়িয়া সোণার বরণ সেথার ।

ভিয়া মাতোয়ারা রূপের বশে ;

সুন্দরের পানে ছুটল দিল্ ;

অগনি চিত্ত উঠল ভরে’

রোজ তাজা এই পুরাণা কথায় ।

এই পুরাণা অথচ তাজা কথাটা কি ? প্রতি বৎসর বসন্তের আগমন ?
না চিত্তের উপর বসন্তের প্রভাব ? যাচা শুউক, এই কয় লাইনে বুঝা গেল
যে, কবি সাময়িক ভোগে মগ্ন থাকিতে-থাকিতেই ধাঁ করিয়া “সনাতনে”র
কথা ভাবিলেন । এইটুকুই মিষ্টসিঙ্গ্‌ম্ । প্রতি বৎসরই বসন্ত আসিয়া
থাকে ; এই উপায়ে জগতে চিরযৌবন বিরাজ করে । অথবা মানুষমাত্রেই
সৌন্দর্য্য মুগ্ধ হয় । এই কথাটার মধ্যে তেমন মারাত্মক গূঢ় “রহস্য” বিশেষ
কিছু নাই, বলা বাহুল্য ।

(৪)

প্রেমমুগ্ধ মানুষমাত্রেই বিরহেও মিলনের সুখ ভোগ করিয়া থাকে ।

প্রেমিকমাত্রই এই হিসাবে ধ্যানী, বা যোগী, বা মিস্টিক। প্রেম-সাহিত্য এই কারণে রহস্যময় বা মিস্টিক সাহিত্য। সকল স্থলেই ভগবানে-মানুষে প্রেমের কথা বৃদ্ধিবার আবশ্যিকতা নাই। চামড়ার শরীরওয়াল মানুষে-মানুষে প্রেমের ধন্যও এই। ছু-কুঙ্ এইরূপ প্রেম-“যোগ” সম্বন্ধে কয়েক লাইন লিখিয়াছেন। ব্রাহ্মের প্রেমযোগ, কবীরের প্রেমযোগ, সুফীর প্রেমযোগ, আর দাস্তুর প্রেম-যোগও এই বস্তু।

সবজ্‌“পাইনে”র কুঞ্জমাবো খ’ড়ো কুটীর,
 সর্গা ডুবে বরঝরে হাওয়ায় গড়িয়ে ;
 পায়চারি করছি একলা অনাবৃত শির,
 কচিং ছ’একটা পাখী গায় র’য়ে র’য়ে ।
 কত দূরে আছে মোর প্রিয়া সুন্দরী !
 হংসীর দল সেথা যেতে পারে না উড়ে ;
 রয়েছে কিন্তু মোর গোটা হৃদয় ভরি
 যেমন সেই সোনার কালে ; সে বায়নি ছেড়ে !
 কালো মেঘ দরিয়ার উপর আঁধার বাড়ায় ;
 চাঁদিনী-মাগন ঘাঁপ ভাসছে জলে ;
 (কিন্তু) বারিধারার বিরোধেও প্রেম না ভুলিয়া ;
 মধুমাথা কথা মোদের এখনও চলে ।

(৫)

একজন “আদর্শ” পুরুষ বা অসীম শক্তিসম্পন্ন বা অমর ব্যক্তির কথা বলা হইতেছে। তিনি মহা উচ্চ স্থানে বিরাজ করেন। আর তিনি অতি পুরাতন লোক। কোন “সত্যযুগে”র অবতার বিশেষ আর কি।

অমর সে যায় আত্মার বলে

করে ল’য়ে ক’ল্ল,

অনন্ত কালে গতি তার
 পথহীন শূন্নে তার চল্
 ‘সপ্তর্ষি’ হ’তে চাঁদ আর সে’
 বেরিয়ে হাওয়ায় বেড়ায়
 ছয়া-পাহাড় আঁধার ভরা,—
 তার ঘণ্টা বাজে ধরাশয় ;
 মূর্ত্তি তার আর দেখা না যায়
 মর-মুল্লুকের পার ;
 নামদার বাদশা ছয়াঙ্ আর যাও
 ছাঁচে ঢালা তাহার ।

ছয়াঙ্ বাদশাকে “পীত” সম্রাট্ বলা হইয়া থাকে । ইনি মাঝাতার আমলের একজন নরপতি । খৃষ্টপূর্ব ২৭০৪ হইতে ১৫৯৮ পর্য্যন্ত নারিক তাঁহার রাজত্বকাল । চীনা সভ্যতার অনেক গোড়ার জিনিস তাঁহারই উদ্ভাবিত বলিয়া পরিচিত । যাও । খৃঃ পূঃ ২৩৫৭—২২৫৮ ; চীনের বামচক্র বিশেষ । রাজা ত রাজা যাও রাজা ! কাজেই এই দুইজন পুণ্যশ্লোক বাদশা সেই “অমর” পুরুষেরই প্রতিনিধিস্বরূপ । “অষ্টাভিংশ সুরেন্দ্রনাথঃ সাক্ষাৎনির্ম্মিতো নৃপঃ ।”

(৬)

ছু-কুঙ্ এইবার একজন প্রকৃতিনিষ্ঠ ব্যক্তির জীবন চিত্রিত করিতেছেন । এই বর্ণনাটা যে কোন ভাবুকের জীবন সম্বন্ধে প্রযোজ্য ; এখানে গভীর শুধু কিছুই নাই । তবে প্রকৃতি-পূজাটাই গভীর বহুশ্রম !

জেড্ পাথরের কেটলিভরা বসন্তবাহার সরাবে,
 কুড়ে ঘরের ঝাঁড়া ঢালা ধুয়ে যাচ্ছে বৃষ্টিস্রাবে ।
 নীরবে বসিয়া আছে কুটারের ভিতর ভাবুক বীর,

ভাইনে-বাঁয়ে শোভা পায় তার বাঁশগাছ সকল দীর্ঘ স্থির ।

বাদলা-কাটা আকাশের গায়ে

সাদা সাদা মেঘের বাস,

গাছের ঘন ঝোপের মাঝে

পাখীদের এখন মহোল্লাস ।

সবুজ তরুর ছায়ার তলে

নাগা তাহার বীণার উপর,

শুনা যাচ্ছে উদ্ধ দিকে

নির্কারিণীর জলের কববার ।

মর্মরিয়ে পাতা পড়ে,

না করবার নাহি কেহ সেথা,

নিবিড় প্যানে মগ্ন কবি

“কৃষ্ণান্থিমাম্” শাস্ত্র কথা ।

মাসের মাসের কুলের গৌরব

চিত্ত তাহার ভরে’ আছে,—

প্রকৃতির এই গ্রন্থ পাঠেই

জীবনের মূল্য তার কাছে ।

(৭)

ছ-কুণ্ড “চিত্ত শুদ্ধি”র প্রণালী বিবৃত করিয়াছেন । বস্তুতঃ, প্রণালীটি
সবিশেষ বলা হয় নাই । “চিত্ত শোধন কর”—এই পদ্যাস্ত্রই যেন দেখিতেছি ।

ঝেড়ে নিতে হয় খনির লোহা ;

সীসা ফেলতে হয় রূপা হতে ;

হৃদয় তোমার কর পরিষ্কার,—

ঝুটা ছেড়ে রাখো সাত্তা অমল

সরোবর ময়লাহীন বসন্তের,—

সে যেন আশী তুনিয়ার ;

আত্মারে কর দাগহীন খাঁটি

চাঁদের কিরণে ছেড়ে যাও ধরা তল ।

তাকাবে কেবল তারার পানে ;

হামেশা গায়বে সন্ন্যাসীর গান ;

আজ্কার জীবন জেনো—ভাসা জল,

গত কলাই ছিল চাঁদ উজ্জল ।

‘গতকলা’ শব্দের অর্থ পূর্বজন্ম । তখন আত্মা বিরাট আত্মার সঙ্গে
বা মধো ছিল । কাজেই, সেই জীবনটাই আসল জীবন । আর এই জন্মটা
কিছুই না,—গড়িয়ে যাওয়া জলমাত্র । এই জন্মই কেবল তারার দিকে
উঁচুতে তাকাতে হবে । এখানে মিষ্টিসিদ্ধির মাত্রা দস্তুর মতই আছে ।
সীমার স্মৃতি নাই, অসীমেই সুখ । যদি মাতিতে হয় ত অনন্ত, চিরস্থায়ী,
সনাতনে মাতো । উর্দ্ধদৃষ্টি হইবার তাৎপর্য এই । নির্মল সরোবরের
দৃষ্টান্তটা ভারতীয় আধ্যাত্মিক সাহিত্যে পরিচিত বস্তু । আর চাঁদের কিরণে
আসা-যাওয়া আনাদের ধানীদের মহলে খুদই জানা আছে । মোটের উপর,
কবিতাটা হিন্দু জনসাধারণের মন মাহিক ।

(৮)

ছু কুণ্ড, মানুষের আদর্শ প্রচার করিতেছেন । আদর্শটা এই—“শক্তি
অজ্ঞান কর ; শক্তিমান হও ; সর্বশক্তিমান ভগবান্ হও । ভগবানের
সাহায্যকারী হও । বিশ্বেশ্বরের পারিভদবর্গের অন্ততম হও ।” অর্থাৎ যদি
কিছু হতে হয়, ত হও ছুনিয়ার ঈশ্বর ; অন্ততঃ পক্ষে, ইন্দ্র, চন্দ্র, বরুণ, বম
বা ইন্দ্রদেরই একজন । এই আদর্শ ও লক্ষ্যই হিন্দুর চিন্তায় বিরাজ করিয়া
পারে । শক্তিপূজক হিন্দু অন্ত কোন মহে বেশী নাতে নাই ।

বাড়াও চিত্ত ঐ শূন্যের সমান ;
 কেড়ে লও বিরাট রামধনুর প্রাণ ,
 উড়ে যাও উ-পাহাড়ের চূড়ায়
 মেঘ সনে ; দৌড়ে পিছে ফেলে বায় ;
 পান কর আশ্রয় রস, তেঁজ কর ভোগ,
 রোজ জমাও এই আর কর প্রয়োগ ।
 হও হর্তা-কর্তা বিশ্বশক্তির;
 জগদীশ-প্রায় রাখ শক্তি স্থির ।
 আকাশ-পৃথিবীর হও জুড়িদার,
 মালিক—ভূনিয়ার ভাঙ্গা-গড়ার ।
 সবারই তেজ ভূমি কর মজুত,
 নিজ জীবন সদা রাখতে মজবুত ।

শক্তি সাধারণতঃ “স্থির” থাকে না। খরচ করিতে-করিতে তেজ কমিয়া যাইবার কথা। কিন্তু জগদীশ্বরের শক্তি কমে না, যতই খরচ হউক। কাজেই মানুষের আদর্শও তাই। শক্তি খরচ করিতেই চাইবে। রোজ উহার প্রয়োগ করা আবশ্যিক। কিন্তু বিশেষ সতর্কতার সহিত—যেন উহা না কমে। শক্তি জমাইয়া রাখিবার উপদেশ ছু-কুঙ বার বার দিতেছেন। এই জন্তই ইনি নীরবতা, নিবিড় শান্তি ইত্যাদির তারিফ এক করেন। শক্তিসঞ্চয়ের অবস্থায় নীরব সাধনাই আবশ্যিক। এইজন্তই প্রকৃত নিষ্ঠা আবশ্যিক হইয়া উঠে। সংসারের নরনারীর প্রেম হইতে চরম ভগবৎ প্রেম পর্যন্ত সকল প্রেমযোগের সাধনাই এইরূপ। হট্টগোলের ভিতর বাজার দাড়াইয়া প্রেমিক, সাধক, ভক্ত বা যোগী কাজ হাঁসিনা করিতে পাবেন না।

(৯)

ছু-কুঙ বুকাইতেছেন :—

সন্তোষামৃততৃপ্তানাং যৎ সুখং শাস্ত্ৰচেতসাম্ ।

কুতস্তৎ ধনলুকানামিতশ্চেতশ্চ ধাবত্বাম্ ॥

টানা কবিরের চিন্তায় সন্তোষ কি, এখন দেখা যাউক ।

দিল্টা যদি থাকে ভরা রত্নে, খেতাবে,

চক্চকে সোণার ঝলকের কথা কে ভাবে ?

ধনী সাউকারদের আমোদ ফুরায় ত্বরা’

কাণালের সোজা জাবন সদা সুখে ভরা ।

দরিয়ার কিনারায় টুকুরা এক কুয়াশার,

গাছের শাখায়, ফুলে ফেরোজা রঙের বাহার :

ফুলবাগানে ঘেরা কুটার টাদিনী-মাথা,

সাকো এক চিত্রে আঁকা ছায়ায় আধা দেখা ;

প্রেমের পেয়ালায় ভরা অমর লাল মদিরা,

সঁখা এক সহৃদয় বীণা হাতে করা ;—

এই সবে মাতে যে তারে বলি সুখী,

হৃদয় বাড়াবার উপায় আর ত না দেখি ।

কবিতাটি “কথামালায়” স্থান পাইতে পারে । বস্তুতঃ, দুনিয়ার সকল সাহিত্যেই নীতি-কথাগুলি একমাত্র শিশুজীবনের উপযোগী । বাইবেল, কোরান, মনুসংহিতা, কনফিউশিয়াসের উপদেশ—এই সব বালক-বালিকা-বয়সের জন্যই রচিত । বয়স বাড়িতে আরম্ভ করিলে, ঐ সমুদয় বচন মানুষের আবশ্যিক হয় না । ঐ সমুদয় তখন হয় শিকায় তোলা থাকে, আর না হয়, ঐ গুলির মাগাআ-প্রচারের জন্য বড়-বড় বই লেখা শুরু হয় ।

(১০)

কবি বলিতেছেন যে, মহা কষ্টকল্পনা করিলেই চরম সত্য লাভ করা যায় না । সহজে, সরলভাবে, অতি স্বাভাবিক উপায়েই জীবনের উচ্চতম, দুর্লভতম

কাজগুলি শেষ করিতে পারি। হাড়ভাঙা খাটুনি, বুকফাটান হা-হতাশ,
 ক্রকুটিপূর্ণ বদনমণ্ডল, খিটখিটে মেজাজ, শশব্যস্ত ভাব ইত্যাদি বড় বড়
 কাজের আনুসঙ্গিক নয়। কবিরা, শিল্পীরা এই কথা বেশ বুঝিবেন।
 উচ্চতম শিল্প-সৌন্দর্যের সৃষ্টি একপ্রকার বিনা আয়াসেই সম্পন্ন হয়।
 সাধকেরাও ঠিক এই কথাই বলিবেন। প্রেমিকও এই কথাই বলিবেন।
 “যতন করিলে রতন মিলে, ছিল যে মনে ধারণা ;—

জেনেছি জেনেছি প্রণয়েরই রীতি,

যতনে রতন মিলে না, মিলে না।”

ছু-কুঙ্ বলিতেছেন—“ওহে বাপু, যতনে রতন মিলে না, মিলে না।
 স্বভাবের উপর নির্ভর কর—হৃদয়ের খাঁটি বিকাশের উপর নির্ভর কর—
 বিধিভঙ্গ শক্তির বিকাশের উপর নির্ভর কর। তাহা হইলেই অসাধ্য
 সাধন করিতে পারিবে।” রাত্রি জাগিয়া এন্সাইক্লোপিডিয়া নাটিলেই
 কবি ও শিল্পী হওয়া যায় না। রাস্তায় ইাটিতে-ইাটিতে পথ ভুলিয়া
 যাইতে অভ্যাস করিলেই, ধ্যানী ও মিস্টিক হওয়া যায় না।

রত্ন—সে ত পদতলে !

ডাইনে-বাঁয়ে চুঁরা বুথা ।

সকল পথেই পাবে তারে ;

এক আঁচড়েই বসন্ত তেথা ।

হয়েছে কুল কুট'-কুট',

নববর্ষ আসে-আসে ;

হাত দিব না তাদের গারে,

ভোর করলে তারা পড়বে থমে' ।

পাকুব আমি মুনি হ'য়ে

কিহা শেওলা পুকুর ধারে,

আবেগে ভ'রে উঠলে মন,

তারে মিশাব বিশ্বসুরে।

কবিতাটা গভীরতম অভিজ্ঞতার ফল। যে-সে লোক এই কয় লাইন
লেখিতে পারিবেন না। এক আঁচড়ে বসন্ত ফুটাইবার ক্ষমতা ওস্তাদ
চক্রকরদিগের থাকে। হাজার ঘঁসিয়া-মাজিয়াও যে জীবন বাহির করা
শেল না, ওস্তাদ মহাশয় একবার তুলি লেপিয়াই তাহা বাহির করিলেন।
মূলে এই কবিতাটার দাম নিশ্চয়ই লাখ টাকা। বতগুণি রূপকের
ব্যবহার করা হইয়াছে, তাহা প্রগাঢ় পাণ্ডিত্যের পরিচায়ক। আমাদের
দেশে বড়-বড় সাধক জন্মিয়াছেন। তাঁহাদের গভীরতম অভিজ্ঞতার ফল
আমবা তিন্দীতে, মারাঠিতে, বাঙ্গালার পাইয়াছি। কিন্তু সেই সমুদয়
আমিকায়ণ স্তলই অশিক্ষিত-পটভের নিদর্শন। চীনা কবিতায় শিক্ষিত
সাধকের হৃদয় পাইতেছি। শেওলার কথায় বুঝিতে হইবে যে, হাঁস
নিজেকে একপ্রকার নিশ্চেষ্টভাবে রাখিতে চাহিতেছেন। ছনিয়া তাঁহাকে
দয়া বাগ করাইতে চাহে করাউক। বিলাতের শেলী “পাগলা পশ্চিম
বা নামে”র বীণা হইতে চাহিয়াছিলেন। শেওলা হওয়া, আর বীণা হওয়া—
এক জাতীয় হওয়া। “আবেগে ভ'রে উঠলে মন, তারে মিশাব বিশ্ব-সুরে”
—কথাটা অমূল্য। আনার নিজের আবেগ ছনিয়ার সকল আবেগের
সঙ্গে মিশুক। আমি ছনিয়ার বীণা হই—অথবা ছনিয়াই আমার বীণা
হউক। জগতের প্রাণের সঙ্গে আমার প্রাণ গাঁথিয়া উঠুক। এই ভাবের
গান ভারতীয় সাহিত্যে অনেকই আছে। সহজ কথায় সাধকগণকে বলা
হইয়া থাকে—“ছটফট ক'রো না। অন্ধকার যখন ঘুচেবে, তখন এক
বহুর্ভেই ঘুচেবে। এক মুহূর্তের পরশে জীবন বদলাইয়া যায়। নব জীবন
শুভ করিতে দিন, সপ্তাহ, মাস বা বৎসর লাগে না। এক মুহূর্তেই
বড় বড় কাজের প্রেরণা হৃদয়ে জন্মে। ভারতীয় “আদি” কবির মত এক

মুহুর্তে কুটিয়াছিল। সেই মুহুর্তের সাক্ষী—

“মা নিষাদ প্রতিষ্ঠাং হুমগমঃ শাশ্বতীঃ সমাঃ ।
বৎ ক্রৌঞ্চমিথুনাদেকমবধীঃ কামমোহিতম্ ॥”

এই মুহুর্তে বিরাট রামায়ণের সূত্রপাত ।

(১১)

মুক্ত অবস্থার চিত্র প্রদত্ত হইতেছে । মুক্তিলাভের অর্থ অসীম ক্ষমতাঃ
অধীশ্বর হওয়া ।

ফুলে হামেশা ঘুরে' না হই হুয়রাণ,
নিঃশ্বাসে নিজের ক'রে কেলি আশ্‌মান ।
“তাও” পেয়ে আত্মা মিশে সূক্ষ্মলোকে,
সেথায় জীবনের গতি কেউ না রোকে ।
ছনিয়া ছুড়ে' বেড়াই হাওয়ার মত,
সাগর-শিখর সম উঁচু সতত ।
তাঁরে মোর ছনিয়ার শক্তি অজস্র,
ট্যাঁকে গুঁজে রেখেছি সৃষ্টি সহস্র ।
রবি, শশী, তারা আমার চোপদার সব,
অমর কীনিক্‌স্ পাখী বরকন্দাজ নীরব ।
সকালে লাগাই চাবুক তিমিঙ্গিলে,
চরণ ধুরে অগ্নি কুসাণ্ডের জলে ।

বাহবা মুক্তি । মুক্ত অবস্থা এইরূপ হইলে ছনিয়ার সকলেই ন'গ
পাইতে রাজি । আমরা নিৰ্জিকার মুক্তি চাই না । চাই এইরূপ ছনিয়া
উপর এক্তিয়ারওয়াল বাদশাহী মুক্তি । ছু-কুঙ্ জবরদস্ত মিষ্টিক, সন্দে
নাই । বস্তুতঃ, সকল পাকা মিষ্টিকই এই ধরণের শক্তি-মস্তুর প্রচারক
মুক্তি পাঠিয়া ভগবানে ডুবিয়া যাইবার কথায় অনেক সময়ে ডুবাব লিঙ্কঃ

স্বয়ং বেনী থাকে । কিন্তু সেই সঙ্গে, ভগবান্ ও হওয়া যাইতেছে—এই
কটা মনে রাখা আবশ্যিক । ভগবান্ হওয়ার অর্থ ১৩নিয়াকে ভাঙ্গিবার-
ভাঙ্গিবার ক্ষমতা পাওয়া । ভারতীয় মুক্তিপন্থীরা যুগে-যুগে এই ক্ষমতার
অনুশীলনই প্রচার করিয়াছেন । বেকুবেরা ব্যক্তিত্ব-বিসর্জনটা লইয়াই
মাতামাতি করে—শেয়ানারা ভগবান্ হইয়া সৃষ্টি-স্থিতি-প্রত্যয়ের মোসাবিদা
শুরু করে ।

কুসাণ্ড শব্দে চীনাঙ্গের বিবেচনায় কোন সুদূরবর্তী মূলকবিশেষ বুদ্ধিতে
হইবে । সাগরের শিখর কি বস্তু ? ঢেউগুলি ? ওসব এমন কি উচু ?
বুঝা গেল না । তিমিন্জিল শব্দে কোন পৰ্ব্বতপ্রায় বিশাল সমুদ্রজীব
বুদ্ধিতে হইবে । চীনারা কোন জানোয়ার বুঝে, বলিতে পারি না ।
ইংরেজ অনুবাদক দুইজনেই “লিভিয়াথান” শব্দ ব্যবহার করিয়াছেন ।
আমাদের হিসাবে বলা উচিত, “তিমিন্জিলিন্জিল” !

(১২)

কবি সংঘের তারিফ করিতেছেন । বাজে খরচের বিরুদ্ধে এত
কয় লাইন ।

লেখাপড়া না ক'রেও

বুদ্ধি লাভ হয় ;

কথার চটক থাকলেই

শোক হৃদে না রয় ।

মাত্রা চড়লেও সরাবের

চাক্ষা হয় না দিল ;

ফুল ম'লেই ঠাণ্ডা শীতে

প্রাণে লাগে না খিল ।

ধুলার অণু হাওয়ার ভরা,

কণা তরঙ্গ-বুদবুদের
ছোটর-বড়র ধরতে গেলে,
একটা রইবে দশহাজারের।

(১৩)

কবি সাংসারিক জীবনের সুখ অফুরন্তভাবে চাহিতেছেন। উহা অসংখ্য প্রকারের হটক এবং অনন্ত কালের জন্ত থাকুক। মিষ্টিক মহাশয়েরা এই ধরণের “অনন্ত” প্রচার করিলে, তাঁহাদের মক্কেল জগতের সকল লোকই হইবে।

চাঙ্গা-করা সুখের বান যেন না থামে,
হরদম্ দিল্ ভরে থাক্ আনন্দ রসে ;--
সুগভীর শ্রোতস্বতীর রূপার হাসি,
ফুট্-ফুট্ ফুল যাতে বায়ু উড়ে বসে।
আর আসুক তোতা পাখী সখা বসন্তের,
দাওয়া-সোপানের বৈঠক, উইলো তরুর সার,
পার্কতা দিয়ারা হতে বকু একজন,
পেয়ালা-রঙিন-করা সরাবের বাহাব।
বেড়ে যাক্ জীবনের সীমানা এইরূপে,
লেখাপড়ায় জান্ যেম চাপা না পড়ে ;
খোলা-প্রাণ থাকি সদা প্রকৃতির মাঝে,
হিয়ার আনন্দ বিরাত তোলা যাক্ গড়ে’।

(১৪)

কবি বলিতেছেন যে, বড় বড় যাহা কিছু ছনিয়ায় দেখা যায়, সবই একটা ছোট জিনিসে গড়া। ছু-কুঙ্ অণুর মাহাত্ম্য প্রচার করিতেছেন। একচৌড়া বোলচালে এবং আন্দোলনে না মাতিয়া ধরা-ছোঁয়া-যায়-না-যাহা

ছু-কুণ্ড প্রায় এই আদর্শেরই একাকী নির্জন জীবন চাঙ্খিতেন ।

ডাক্‌ব নিজের খেয়াল মত
সগী হবে প্রকৃতি,

অলে তুষ্ট, অবাধ জীবন,
বিশ্বেশ্বরে ডাক্‌ব নিতি ।

পাইন-তলায় কুঁড়ে নোঁধে
কাবাচর্চা রাতদিন ;

সকাল সন্ধ্যার রাখব খবর—

মাস-বছরের জ্ঞানগীন ।

এতেই যদি স্তুথ পাওয়া যায়,

আর কিছু কেন চাইব ?

নিজের ভিতর এই ধন পেলে

পাওয়া হল না কি সর্ব ?

ঠিক যেন—“গৃহে চ মধু বিন্দিত কিমর্থং পক্ষতং ব্রজেৎ ?”

(১৬)

ছু-কুণ্ড প্রকৃতি-সুন্দরীর আবেষ্টনে থাকিতে থাকিতে এক ভাষণ
দেখিতেন ।

সুন্দর পাইনের কুঞ্জ হেথা,

গিরি-নদী বহে গড়িয়ে,

তুষারে নীল আকাশ হাশে

জেলে-ডিজি যায় দূরে বেয়ে ।

লাল-ঝোপে ধীরে, থেমে

ছেড়-বরণী সুন্দরী যায়

আমি চল পিছে-পিছে ;

মিশিল সে উপত্যকায় ।
কায় ছেড়ে মন দূর অতীতে
উড়ল অজানা ভূলা দেশে,—
যেথা শরতের সোণার হাসি
কিষ্কা চাঁদ বেড়ায় ভেসে !

জেড্, সবুজ রঙ্গের পাথর । জেডের কথা চীনা সাহিত্যে যখন-তখন
কথা যায় ।

(১৭)

ছুকুঙ্ পাহাড়ী পথে চলিতেছেন । চলিতে কষ্ট হইতেছে । এই
কষ্টে একটা রূপক দেখা গেল । “তাও”য়ের নানা রূপ । তিনি
কখনও সহজ, সরল—কখনও বক্র, জটিল । তিনি লীলাময় ।

যাচ্ছিলাম তাই-সিং পাহাড়ে
সবুজ বাঁকা পথ ভেঙ্গে ;—
গাছরাশি যেন জেড্-সাগর
ফুল-গন্ধ বাতাসের অঙ্গে ।
পাহাড়ে উঠা কষ্টকর,
আওয়াজ বেরুল মুখ থেকে ;
অমনি ফিরে এল সেটা—
লুকানো যেন না ঢেকে’ !
জলের ঘূর্ণিপাক নীচেতে,
আশ্‌মানে বাজের দৌড় খেলা ;
একরূপে “তাও” দেন না দেখা,
এই চতুর্ভুজ, এই গোল লীলা ।
প্রতিধ্বনি লুকানো অথচ ঢাকা নয় ।

(১৮)

• কবি যেন আবার কালতেছেন যে, বিনা যতনেই রতন মিলে । মানুষের “শুরু” লাভ এইরূপ “দৈব” ঘটনারূপে হিন্দুসমাজে প্রচলিত হইয়া থাকে । ছু-কুঙ্ তাঁহার এক অভিজ্ঞতা বিবৃত করিতেছেন ।

ছোট-ছোট সোজা কথায়

আমার মন খুলে দিতে চাই ;

চমৎ দেখলাম এক যোগীরে,

“তাও”য়ের হৃদয়ই যেন তাই :

আঁকা-বাঁকা নদীর ধারে,

ছায়া তলে কালো পাইনের,

বিদেশী এক লকড়ী-হাতে,

বীণায় তানে কাণ আর-একের ।

এইরূপে পাই খেয়াল বশে,

টুংলে হয় ত তা পাব না,—

তাল, মান, লয় তনিয়া হ’তে,

শুনি তায় অনন্তমনা ।

(১৯)

ছু-কুঙ্ এইবার মুক্তি-পাগল হইয়াছেন । উৎকট বৈরাগ্যে আর উৎকট প্রেম-বিরহে মানুষের অবস্থা একরূপ হয় । মুমুকুর বচনেও বিরহীর ভাষাই বাহির হইয়া থাকে । ছু-কুঙ্ ঠিক বিরহীর মত তা হইয়া করিতেছেন । চীনা-মিষ্টিক মহাশয় তাঁহার আকাঙ্ক্ষিত বস্তুকে প্রেমসী রমণীরূপে আহ্বানও করিতেছেন । সুফী ও বৈষ্ণব মুক্তকে আসা গেল দেখিতেছি । তবে এ ক্ষেত্রে মাত্রা খুব অল্প ও সংযত । ছু-কুঙের অধ্যাত্ম চিন্তার শব্দার রসের রূপক নাই বলিলেই চলে । কাজেই অর্থ সম্বন্ধে

মাথা বামাইতে হয় না । কিন্তু সুফী ও বৈষ্ণব বাহিত্যে কতখানি শৃঙ্গার,
আর কতখানি অধ্যাত্ম—তাহার মৌমাংসা সহজ নয়

তুফানে নদীতে উতলা করে,

শাঁ-শাঁ কাট্-কাট্ গুচ্ছে, বনের ভিতরে

মন আমার নীরস বড় মরার মত,

প্রাণপ্রিয় আজও মোর না সমাগত ।

একশ বছর বয়ে গেল, জল সমান ;

মাগু ছাই যেন ধন-খেতাবের প্রাণ ।

আমা হ’তে “তাও” রোজ দূরে সরে যায়

দুঃখ নিরন্তর পথ কে দেখাবে ভায় ?

সৈনিক, বীর, সাহসী খোলে তলোয়ার,

অমনি সুরু হয় অশ্রু অনিবার ।

জোরে বয় বাতাস, পাতা পড়ে ধরার ;

ভাঙ্গা চালার ফাঁক দিয়ে রুষ্টি গড়ার ।

কবিতাটা বোধ হয় ভাল বুঝা গেল না ?

(২০)

ছু-কুড়ু পূর্বে একবার চিত্রকলা হইতে রূপক ব্যবহার করিয়াছেন ।
এক্ষণে একটা গোটা কবিতাই এই রূপকের বাখা । ইনি বলিতেছেন
যে, চিত্রকর গাছ, পাতা, নদী, সমুদ্র, পর্বতাদির আসল “স্বরূপ” আঁকিয়া
থাকেন । সেই আসল স্বরূপই “তাও” । এই “তাও” বাহির করিবার জন্য
চিত্রকরকে এক প্রকার ধ্যানমগ্ন থাকিতে হয় । পদার্থগুলির বাহ্য রূপ
দেখিতে দেখিতে শিল্পী এই সমুদয়ের অন্তরে প্রবেশ করেন । শেষে যখন
ছবি আঁকা হয়, তখন দেখা যায় যে, বাহ্য রূপটা প্রকটিত হয় নাই—
প্রকটিত হইয়াছে তাহারই অনুরূপ আর-কিছু । এই “আর-কিছু”তে

তাওয়ের প্রভাব বৃদ্ধিতে হইবে। কবিবরের এই মতে ভারতীয়চিত্রশিল্পের কোন-কোন ওস্তাদও স্ময় দিবেন। “শুক্ৰনীতি”তে এই ধরনের ধ্যানে-পাওয়া রূপের কথা আছে। শিল্প এবং যোগীর কার্য্য-প্রণালী একপ্রকার। এই কুণ্ড ছু-কুঙ্ যোগীর তাও-সাধনের বর্ণনা করিতে যাইয়া শিল্পীর কথা পড়িয়াছেন।

স্থিরনেত্রে বস্তুটার রূপ দেখলে অনেকক্ষণ,
তাহার স্মৃষ্ণ মূর্তি লাভ করে শিল্পীর মন ;—
লহরমালার ভঙ্গী, শ্রী—চায় সে যখন,
অথবা আঁকিলে সে বসন্ত রতন।
বাতাসে তাড়ানো মেঘরূপ পাদ কত,
উদ্ভিদের বিকাশে শক্তি গেলে শত,
সাগরের কুল ভাঙ্গা তরঙ্গরাশি,
আব গিরির ঘাড়ে-পীঠে শৃঙ্গের শাস ;—
সকলেরই ভিতর বিরাট “তাও” বিরাজে,
“তাও” লাগে ছনিয়ার বস্তু-গঠন কাজে।
রূপ ছাড়া “অনুরূপ” পাওয়া যদি যায়,
আত্মা পাওয়া হ’ল না কি শিল্প-কলায় ?

(২১)

কবি এইবার অসীম বা অতীন্দ্রিয়ের স্বরূপ বুঝাইতেছেন। ধরা-ছোঁয়া যায় না—সেই বস্তুটা কি ? বলা বাহুল্য, বর্ণনাটাও ধরা-ছোঁয়া না যাইবারই কথা।

স্মৃষ্ণ মনের তৈরি নয় সে,
বিশ্বের অণুতেও নয় তার প্রাণ,
রয় সে বেন সাদা মেঘে

নিরে যায় তারে বায়ুর টান
দূরে যখন, যেন কাছে,
কাছে গেলে উড়ে যায় ;
“তাও” যে বস্তু সেও তাই
রয় না সে নৈশ্বরের সীমায় ।
পাহাড়ে, তরুশিখরে,
শেওলায়, রবি-কিরণে সে ;
“তাও” রয় গোপনে ধ্যানকালে,
ধ্বনি তার কাণে না পশে ।

আমরা গাহিয়া থাকি—

“আছ বিটপীল তার, জলদের গায়,
শশী-তারকার, গহনে ।”

(২২)

কবি সিদ্ধিলাভের পঙ্খের এক সুর দেখাইতেছেন । একাকী নিষ্কলন সাধনার মগ্ন থাকিবার পর, যোগীরা এই ধরনের কথাই বলেন । “ঠিক যেন পেয়েছি অথচ পেলাম না ।” এই সুরেই আমরা গাহিয়া থাকি—

“নাহো মাকে তব দেখা পাই,
চরদিন কেন পাই না ।

* * *

হারাই হারাই সদা ভয় হয়
হারাইয়ে ফেলি চকিতে ।”

চীনা সাধক প্রায় এই কথাই বলিতেছেন । যে-কোন লক্ষ্য এবং আদর্শ লাভ করিবার প্রয়াসেই সাধকেরা এই অভিজ্ঞতা পাইবেন ।

“ওথ চেয়ে তার, বসি বিরলে,

“অত্যাধিক কবির ছু-কুণ্ড।

একাকী, সঙ্গীহীন ;—

গাও-পাহাড়ের সারসের মত ;

যেন বা ছুয়া-পাহাড়ের মেঘ ।

বীরের প্রতিকৃতি চিত্রে

জীবনের তেজ যায় দেখা ;

অসীম সাগরে ভাসে পাতা

বয়ে নেয় তারে হাওয়ার বেগ ।

ধরা সেন পড়বে না সে,

সদাই হয় পরা পড়'-পড়' :

তারাই পেয়েছে যারা বুঝে এই,

পাবে না তারা যাদের বেশী আবেগ ।”

অর্থাৎ পূরাপূরি দেখতে চাওয়াটাই বেকুবি ! চীনা কবি বলিতেছেন—

“অত্যাধিক আশা করিও না । যাকে মাকে যাহা পাইতেছ, তাহাই চরম ।”

ছু-কুণ্ডের মতে “কেন মেঘ আসে ছদ্ম আকাশে” বলিয়া কান্দা অনাবহুক :

ভিতরকার চারনাইন পরিষ্কার বুঝা যাউতেছে কি ?

(২৩)

একটা কবিতায় ছু-কুণ্ড মানুষের আয় অল্প দেখিয়া দুঃখ করিতেছেন ।
সাহসিক ভুলনায় পাহাড় অমর ।

এক-শ' বছর মানুষ বাঁচে,

জীবন কত শীঘ্র ফুরায় !

সুখের ভাগ ত অল্প বিশেষ

দুঃখের হিস্তাই বিরাট তার !

পরম সুখ ত মদের পেয়ালা,

আর রোজই কুঞ্জে আসা-যাওয়া,

দেখতে “ইটোরিয়া” লতার ফুল

পশ্চিম যখন আকাশ ছাওয়া ;

তার পর খুস্ হলে দিল সরাবে,

ছুটি হাতে বেরিয়ে পড়া

সবাই একদিন হধে প্রাচীন—

কেবল দখিন পাড়াই রইবে খাড়া ।

এই শেষ লাইনের জন্তই কি কবিতাটা সাধন-সাহিত্যে স্থান পাইরাছে ?

না—জীবনের দুঃখের কথা আলোচিত হইরাছে বলিয়া ?

(২৪)

চু-কুঙ্ এইবার জীবনের শেষ অবস্থার কথা বলিতেছেন । তাহাতেও না কি তাঁহার সমগ্র সাধন তত্ত্বের সংক্ষেপেও রহিয়াছে । এই চাবির সাহায্যে তাহার “তাও”-রহস্য খোলা যাইবে ।

জল তুলবার চাকা যেটা ঘুরছে সতত

অথবা গাড়িয়ে যাওয়া মুক্তার দানা,—

জীবনের শেষ অবস্থা কি এদেরই মত ?

এ সব রূপক মুখের তরে—সকলের জানা ।

ধরিত্রীর বাস-দণ্ড বিরাট,

সদা চঞ্চল মেরু আকাশের,—

এ সকলের তত্ত্ব বুঝে ল'য়ে,

সবাই মিশি ভিতরে মহা একের ।

স্বপ্ন-চিত্তার অতীত হ'ব,

প্রাচীন মত সূর্য শূন্যে,

হাজার বছরে এক চক্র দিব,—

চাবি এই মোর রহস্যের জানে ।

বোধ হয় আশ্বার শ্রেণী অবস্থাটা—চন্দ্রলোকে, নক্ষত্রলোকে, গ্রহলোকে
অমর জীবন।

এই চক্ৰশটা ক'বতার তাও-ধর্মের অনেক কথা জানা গেল। মোটের
উপর বুঝিলাম, এই ধর্ম অণু নামে ভারতবর্ষে চলিয়া আসিতেছে।

যাঁহারা তাও-ধর্মের প্রশংসা করেন, তাঁহারা ছু-কুঙ্ প্রচারিত তত্ত্বের
মত তত্ত্বাংশ লোকের সম্মুখে বাহির করিয়া থাকেন। কিন্তু এই দার্শনিক-
তাই তাও-ধর্মের একমাত্র অঙ্গ নয়। ইহার একটা ভূতুড়ে-কাণ্ডের
অংশও আছে। হাঁচি, টিক্‌টিকি, তিথি নক্ষত্র, মঘা, অশ্লেষা ইত্যাদিকে
অসংখ্য জুড়িদার তাও-ধর্মীদের জীবন নিয়ন্ত্রিত করে। যাঁহারা তাও-
ধর্মের নিন্দা করেন, তাঁহারা লোকের সম্মুখে সেইগুলি দেখাইয়া থাকেন।

আর যাঁহারা আত্মা, বোগ, ধ্যান, মুক্তি, অতীন্দ্রিয়, শূন্য, সাধন,
ভগবৎপ্রাপ্তি ইত্যাদি পছন্দ করেন না, তাঁহারা ছু-কুঙ্‌র মত সাধকেরও
নিন্দা করিয়া থাকেন। অধিকন্তু ভূতুড়ে-কাণ্ডে ত তাঁহাদের সহানুভূতি
ধাকিতেই পারে না। এই শ্রেণীর লোকের নির্দোষ তাও-ধর্ম আগাগোড়াই
নিন্দনীয়। অর্থাৎ তাঁহারা ভারতীয় অথর্ব বেদেরও শ্রদ্ধা করিবেন, আর
কবীর, রামপ্রসাদ, রামকৃষ্ণ ইত্যাদিকেও বেকুব বিবেচনা করিবেন।
তাঁহাদের চিন্তায় একদিক গেল খাঁচি কুসংস্কার, আর একদিক অকেজো
কাণ্ডজ্ঞানহীন মাথাপাগলা লোকের খেরাল। বাহা হুউক, তাও-ধর্মের
নাম শুনিয়া ভারতবাসী হয় ত ভাবিতে পারেন—একটা নূতন কিছু বুঝি।
সত্য কথা, ভারতীয় হিন্দু গৃহস্থেরা সকলেই তাও-ধর্মী। আমরা উপনিষৎ
বেদান্তের “পস্থা”ও খুঁজিয়া থাকি, আবার পাঁজী-পুঁজি ভিন্ন এক বৃহৎ
কণ্টাই না।

চীনে আর একটা ধর্মের প্রচলন আছে। জগতে তাহাকেই লোকেরা
খাঁচি চীনাধর্ম বলিয়া জানে। তাহাব নাম কনফিউশিয়ান ধর্ম। ত'এক

কথায় একটা ধর্মের বর্ণনা করা অসম্ভব এই ধর্মোণ ভূতুড়ে-কাণ্ড আছে ; উহা তাও-ধর্মীদেরই সুপরিচিত বস্তু -এক বিষয়ে উনিশ বিশ আছে কি না, বলিতে পারি না। বস্তুতঃ, চীনারা কনফিউশিয়স্ হউক, বা তাও-পন্থীই হউক, সকলেই এ সম্বন্ধে খাট ভারতবাসী। ইহারা আমাদেরই মাস্তুত ভাই ।

সাধারণতঃ কিন্তু কনফিউশিয়-ধর্মীরা নিজেদেরকে তাও-পন্থী হইতে তফাৎ করিতে চেষ্টিত। এইজন্য নিজেদের বিশেষত্ব ও স্বাতন্ত্র্য প্রচার করিতে তাহারা বিশেষ যত্নবান। তাহারা বলে—“তাও-ধর্মীরা আত্মা, মুক্তি, পরকাল লইয়া ব্যস্ত। আমরা ও-সবের ধার ধারি না। আমরা এই জগতের সাংসারিক নীতি-পালনকেই জীবনের ধর্ম বিবেচনা করি।” এককথায় বলিতে পারি যে, এই নীতির সূত্র—“পিতামাতা গুরুজনে সেবা কর কাম মনে।” অর্থাৎ এই হিসাবে “মনুসংহিতা” যে সমাজে প্রচলিত, সে সমাজ কনফিউশিয়-ধর্মী। বস্তুতঃ, কনফিউশিয়-পন্থীরা ভগবানে বিশ্বাসও করে, মূর্তিপূজাও করে। তাও-পন্থীদের বহু দেবদেবী কনফিউশিয়-মতলোও পূরা মাত্রায় বিরাজ করিয়া আসিতেছে।

শ্রীযুক্ত রাজা হরীকেশ লাহা সি, আই, ই,

এম, এল, সি মহাশয়ের নামে প্রবর্তিত



হরীকেশ-সি-রাজ এর অন্তর্ভুক্ত গ্রন্থাবলী

শ্রীযুক্ত নলিনীরঞ্জন পাণ্ডিত সম্পাদিত

১। আচার্য্য রামেন্দ্রসুন্দর মূল্য—১/-

Approved by the Director of Public Instruction as a Prized
and Library Book.

শ্রীযুক্ত সত্যচরণ লাহা এম এ, বি এল ;

এফ-জেড্-এস্ প্রণীত

২। পাখীর কথা মূল্য—২।।০

শ্রীযুক্ত প্রভাতকুমার মুখোপাধ্যায় প্রণীত

৩। ভারত-পরিচয় মূল্য—২।।০/০

শ্রীযুক্ত নলিনী রঞ্জন পণ্ডিত প্রণীত

৪। কান্তকলি রজনীকান্ত মূল্য-৪

অধ্যাপক শ্রীযুক্ত বিনয়কুমার মুখার্জী প্রম, এ প্রণীত

৫। চীনা সভ্যতার অ, আ, ঙ, খ মূল্য-১

পরে বাহির হইবে

মহামহোপাধ্যায় শ্রীযুক্ত হরপ্রসাদ শাস্ত্রী প্রণীত

৬। বৌদ্ধধর্ম

শ্রীযুক্ত মনোমোহন গঙ্গোপাধ্যায় প্রণীত

৭। স্থাপত্য-শিল্প

শ্রীযুক্ত নলিনী রঞ্জন পণ্ডিত প্রণীত

৮। বাঙ্গালার বাউল সম্পর্কে

1

